

欽定四庫全書

118346

上海图书馆藏书



A541 212 0007 63638

飲冰室自由書目次

飲冰室叢著第十一種

叙言

成敗

俾斯麥與格蘭斯頓

文明普及之法

最初之自由民


地球第一守舊黨

文野三界之別

英雄與時勢

近因遠因之說

草茅危言



118346

~~128346~~

~~236315~~

養心語錄

理想與氣力

自助論

偉人訥耳遜軼事

放棄自由之罪

國權與民權

破壞主義

自信力

善變之豪傑

加布兒與諸葛孔明

論強權

豪傑之公腦

蒙的斯鳩之學說

譚瀏陽遺墨

精神教育者自由教育也

祈戰死

中國魂安在乎

答客難

憂國與愛國

保全支那

惟心

慧觀

無名之英雄

志士箴言

天下無無價之物

舌下無英雄筆底無奇士

世界最小之民主國

維新圖說

十九世紀之歐洲與二十世紀之中國

俄人之自由思想

二十世紀之新鬼

難乎爲民上者

烟士披里純 (Inspiration)

無欲與多欲

說悔

機埃的格言

富國強兵

世界外之世界

飲冰室自由書 目次

五

飲冰室叢書第十一種

飲冰室自由書

飲冰室叢箸第十一種

新會梁啓超箸

叙言

自東徂以來。與彼都人士相接。誦其詩。讀其書。時有所感觸。與一二賢師友傾吐之。過而輒忘。無涯生曰。盍最而記之。自惟東鱗。西瓜。竹頭木屑。記之無補於天下。雖然。可以自驗其學識之進退。氣力之消長也。因日記數條。以自課焉。每有所觸。應時援筆。無體例。無宗旨。無次序。或發論。或講學。或記事。或鈔書。或用文言。或用俚語。惟意所之。莊生曰。我朝受命而夕飲冰。我其內熱歟。以名吾室。西儒約翰彌勒曰。人羣之進化。莫要於思想自由。言論自由。出版自由。三大自由。皆備於我焉。以名吾書。已亥七月一日。著者識。

成敗

凡任天下大事者。不可不先破成敗之見。然破此見。大非易事。必知天下之事。無所謂成。無所謂敗。參透此理。而篤信之。則庶幾矣。何言乎無所謂成。天下進化之理。無有窮也。進一級。更有一級。透一層。更有一層。今之所謂文明大業者。自他日觀之。或笑爲野蠻。不值一錢矣。然則所謂成者。果在乎。使吾之業能成於一國。而全世界應辦之事。復無限。其不成者。正多矣。使吾之業能成於一時。而來世界應辦之事。復無限。其不成者。正多矣。况卽以一時一國論之。欲求所謂美滿圓好。毫無缺憾者。終不可得。其有缺憾者。卽其不成者也。蓋世界之進化。無窮。故事業亦因之無窮。而人生之年命。境運。聰明。才力。則有窮。以有窮者。入於無窮者。而欲云有成。萬無是處。何言乎無所謂敗。天下之理。不外因果。不造因。則斷不能結果。既造因。則無有不結果。而其結果之遲速。遠近。則因其內力。與外境。而生種種差別。淺見之徒。偶然未見其結果。因謂之爲敗云爾。不知敗於此者。或成於彼。敗於今者。或成於後。敗於我者。或

成於人。盡一分之心力。必有一分之補益。故惟日孜孜。但以造因爲事。則他日結果之收成。必有不可量者。若怵於目前以爲敗矣。敗矣而不復辦事。則遂無成之一日而已。故辦事者立於不敗之地者也。不辦事者立於全敗之地者也。苟通乎此二理。知無所謂成。則無希冀心。知無所謂敗。則無恐怖心。無希冀心。無恐怖心。然後盡吾職分之所當爲。行吾良知所不能自己。奮其身以入於世界中。磊磊落落。獨往獨來。大丈夫之志也。大丈夫之行也。

日本維新之首功。西鄉乎。木戶乎。大久保乎。曰唯唯否否。伊藤乎。大隈乎。井上乎。後藤乎。板垣乎。曰唯唯否否。諸子皆以成爲成者也。若以敗爲成者。則吉田松陰其人是也。吉田諸先輩造其因。而明治諸元勳收其果。無因則無果。故松陰輩當爲功首也。考松陰生平欲辦之事。無一成者。初欲投西艦。逃海外求學而不成。旣欲糾志士入京都勤王而不成。旣欲遣同志阻長藩東上而不成。事事爲當道所抑壓。卒坐吏議就戮。時年不過三十。其敗也可謂至矣。然松陰死後。舉國志士。風起水湧。卒傾幕

府成維新。長門藩士最有力焉。皆松陰之門人也。吾所謂敗於今而成於後。敗於己而成於人。正謂是也。丈夫以身任天下事。爲天下耳。非爲身也。但有益於天下。成之何必自我。必求自我成之。則是爲身也。非爲天下也。

吉田松陰曰。今之號稱正義人。觀望持重者。比比皆是。是爲最大下策。何如輕快拙速。打破局面。然後徐圖占地布石之爲勝乎。又曰。士不志道則已。苟志道矣。而畏禍懼罪。有所不盡於言。取容當世。貽誤將來。豈君子學者之所爲哉。又曰。今日事機之會。朝去夕來。使有志之士。隨變喜怒於其間。何能有爲。又曰。當今天下之事。有眼者皆見而知之。吾黨爲任甚重。立志宜大。不可區區而自足。又曰。生死離合。人事倏忽。但不奪者志。不滅者業。天地間可恃者。獨是而已。死生原是開闔眼。禍福正如反覆手。嗚呼。大丈夫之所重。在彼不在此也。又曰。今世俗有一說曰。時尚未至。輕動取敗。何如浮沈流俗。免人怪怒。乘時一起。攫取功名耶。當今所謂有志之士。皆抱持此說。抱持此說者。豈未思今上皇帝之宸憂乎。宸憂如彼。猶抱持此說。非士之有志者也。

以上各條。吾願以書諸紳。亦願我同志以書諸紳。

讀松陰之集。然後知日本有今日之維新者。蓋非偶然矣。老子曰。不爲天下先。蓋爲天下先者。未有不敗者也。然天下人人皆畏敗而憚先。天下遂以腐壞不可收拾。吉田松陰之流。先天下以自取敗者也。天下之事。往往有數百年夢想不及者。忽焉一人倡之。數人和之。不數年而徧於天下焉。苟無此倡之之一人。則或沈埋隱伏。更歷數十年數百年而不出現。石沈大海。雲散太虛而已。然後嘆老氏之學之毒天下。未有艾也。

俾斯麥與格蘭斯頓

歐洲近世大政治家。莫如德之俾斯麥。英之格蘭斯頓。俾斯麥之治德也。專持一主義。始終以之。其主義云何。則統一德意志列邦是也。初以此主義要維廉大帝而見信用。繼以此主義斷行專制。擴充軍備。終以此主義挫奧蹶法。排萬難以行之。畢生之政略。未嘗少變。格蘭斯頓則反是。不專執一主義。不固守一政見。故初時持守舊

主義。後乃轉而爲自由主義。壯年極力保護國教。老年乃解散愛爾蘭教會。初時以強力鎮壓愛爾蘭。終乃倡愛爾蘭之當自治。凡此諸端。皆前後大相矛盾。然其所以屢變者。非爲一身之功名也。非行一時之詭遇也。實其發自至誠。見有不得不變者存焉。夫世界者。變動不居者也。一國之形勢。與外國之關係。亦月異而歲不同者也。二三十年前所持之政見。至後年自覺其不適用。而思變之。智識日增之所致乎。庸何傷焉。故能如格蘭斯頓者。可謂之眞維新。亦可謂之眞守舊矣。俾公堅持其主義。而非剛愎自用者所得藉口。格公屢變其主義。而非首尾兩端者所可學步。曰惟至誠之故。

凡任天下大事者。不可無自信力。每處一事。既見得透。自信得過。則以一往無前之勇氣以赴之。以百折不回之耐力以持之。雖千山萬嶽。一時崩坼。而不以爲意。雖怒濤驚瀾。轟然號鳴於脚下。而不改其容。猛虎舞牙爪。而不動。霹靂旋頂上。而不驚。一世之俗論。囂囂集矢。而吾之主見如故。平生之政黨。紛紛離合。而吾之主見如故。若

此者。格蘭斯頓與俾斯麥正其人也。格公倡議愛爾蘭自治之時。自黨分裂。腹心盡去。昨日股肱。今日仇敵。而格公不少變。乃高吟曰。捨慈子兮涕滂沱。故舊絕我兮涕滂沱。嗚呼綿綿此恨兮恨如何。爲國家之大計兮。我終自信而不磨。俾公爲謀德國之合邦。或行專斷之政策。或出壓制之手段。幾次解散議院而不顧。幾次以身爲輿論之射鵰而不懼。嘗述懷曰。以我身投於屠肆。以我首授於國民。我之所以謝天下蒼生者盡於是矣。雖然。我之所信者終不改之。我之所謀者終不敗之。嗚呼。此何等氣概。此何等肩膀。非常之原。黎民懼焉。非有萬鈞之力。則不能收一寸之功。

文明普及之法

大養木堂語余曰。日本維新以來。文明普及之法有三。一曰學校。二曰報紙。三曰演說。大抵國民識字多者。當利用報紙。國民識字少者。當利用演說。日本演說之風。創於福澤諭吉氏。（按福澤諭吉氏日本西學第一之先鋒也。爲一時之泰斗。）在其所設之慶應義塾開之。當時目爲怪物云。此後有嚶鳴社者。專以演說爲事。風氣既

開。今日凡有集會。無不演說者矣。雖至數人相集。謙飲亦必有起演者。斯實助文明進化一大力也。我中國近年以來。於學校報紙之利益。多有知之者。於演說之利益。則知者極鮮。去年湖南之強學會。京師之保國會。皆西人演說會之意也。湖南風氣驟進。實賴此力。惜行之未久而遂廢也。今日有志之士。仍當着力於是。

自強學會之後。三年以來。各省倡立會名者。所在皆是。可謂極一時之盛。然不知外國人所謂會者。有種種之類別。故將學會與政黨與協會與演說會混而爲一。因宗旨不定。條理錯雜。故辦之難有成效。而守舊媚嫉之徒。又視之與祕密結社同類。故一舉而芟夷之矣。實則此數者之間。自有絕異之形式。一望可分識者。中國此風。正在萌芽。亦無怪其然也。

於日本維新之運有大功者。小說亦其一端也。明治十五六年間。民權自由之聲。徧滿國中。於是西洋小說中。言法國羅馬革命之事者。陸續譯出。有題爲自由者。有題爲自由之燈者。次第登於新報中。自是譯泰西小說者日新月盛。其最著者則織田

純一郎氏之花柳春話。關直彥氏之春鶯囀。藤田鳴鶴氏之繫思談。春窗綺話。梅蕾餘薰。經世偉觀等。其原書多英國近代歷史小說家之作也。翻譯既盛。而政治小說之著述亦漸起。如柴東海之佳人奇遇。末廣鐵腸之花間鶯。雪中梅。藤田鳴鶴之文明東漸史。矢野龍溪之經國美談（矢野氏嘗爲中國公使。日本文學界之泰斗。進步黨之魁桀也）等。著書之人。皆一時之大政論家。寄託書中之人物。以寫自己之政見。固不得專以小說目之。而其浸潤於國民腦質。最有力者。則經國美談。佳人奇遇兩書爲最云。嗚呼。吾安所得如施耐菴其人者。日夕促膝對坐。相與指天畫地。雌黃今古。吐納歐亞。出其胸中所懷。硯礪磅礴。錯綜繁雜者。而一一鎔鑄之。以質於天下健者哉。

最初之自由民

北亞美利加洲有一族之人民焉。距今二百七十餘年前。其族之先人百有一人。苦英苛政。相率辭本國。去而自竄於北美洲蓬艾藜蒿之地。櫛風沐雨。千辛萬苦。自立

之端緒。稍萌芽焉。其初至之地曰普利摩士。遺跡至今猶有存者。爾後有志之士。接踵而來。避秦而覓桃源者。所在皆是。積百有餘年。戶口漸繁。財政漸增。至千七百七十五年。既瀾漫於十三州之地。遂建義旗。脫英羈軛。八年苦戰。幸獲勝利。遂爲地球上大獨立國。卽今之美國是也。回憶此一百有一之先人。於千六百二十年十二月二十二日。冽風陰雪中。舍舟登陸。繭足而立於太平洋岸石上之時。其胸中無限塊壘抑塞。其身體無限自由自在。其襟懷無限光明俊偉。殆所謂本來無一物者。而其一片獨立之精神。遂以胚胎孕育今日之新世界。天下事固有種因在千百年以前。而結果在千百年以後者。今之人有欲頂禮華盛頓者乎。吾欲率之以膜拜此百有一人也。

地球第一守舊黨

有地球第一守舊黨。曰梅特涅。奧大利之宰相也。自千八百九年至千八百四十八年。凡四十年間。掌握歐洲之大權。初爲奧外部大臣。自千八百廿一年。勝意大利之

後。晉兼首相。乘當歐洲全局外面平和無事上恬下嬉之時。弄其小智小術。收全歐之霸權。歸其掌中。既以其簡單武斷之制度。控縱繁雜文明之奧國。猶以爲未足。又干涉日耳曼意大利之內政。欲待普魯士以屬邦之禮。其政策專以愚黔首爲宗旨。其行事專以橫稜兩可爲長技。其於演說文章。務爲浮泛曖昧之旨。以掩蔽其淺薄固陋之智識。其待人民也。不許有參與政事之權。以爲民者惟當供納租稅以奉其上耳。舍此更無他權利。其之意以爲欲使奧國之威。加於歐洲。惟當注意外交之事務。銳敏熟練而已。又當到處設警察間諜。以施臨機之策。故其全副精神。皆用於此。專執鎖國主義。禁他國之智識技藝器械。不使入奧境。猶牧畜者之防獸疫也。乃先禁止奧國臣民子弟。留學於他邦之大學者。又禁國內大中小學校之聘外國人爲教師。及十歲以上。外國子弟之入學者。又國中民間自立之學校。待之極爲嚴酷。其設立僅限期六年之久。又非經警察官之稽查。不許開學。就中如政治學。如近世歷史。尤其所最厭忌也。故當時日耳曼諸邦。哲學歷史。格致政治諸學大盛。而奧國闕

然無聞。其學校所授者。惟東方之語言文字詩歌等學而已。又授以柔人精神。止人
不平之音樂。所授之學。惟以呆板之器械而已。毫不言其所以然之理。恐人因窮理
而生智慧也。其於人民也。軟弱者則壓制之。憤激者則籠絡之。或引致諸貴顯。以消
其不平之氣。曾屢次見民情洶湧。出奸智以了事。乃造假憲法。名爲許民權。實則壓
抑民權。加以當時俄普奧三帝。設立神聖同盟。欲以專制民賊之政。大施於各國。梅
特涅利用之。獻媚各君主。以行其鬼蜮之計。日耳曼南部。屢次獨立。而以兵力壓制
之。意大利屢次獨立。而以兵力壓制之。蓋不獨爲奧國之罪人而已。當十九世紀上
半紀。使歐洲各國黑暗於上。而碓礮於下者。皆梅特涅一人之爲之也。至千八百四
十八年。歐洲中原各國革命之運。已臻其極。奧國勢不能以孤木立於洪濤巨漲之
中。於是三月十三日。人民數萬。羣集於議事堂前。請改革制度。衆怒如火。激昂義憤
之聲。徧於國中。卒乃不可壓抑。以人民之公議。而流梅特涅於英國。於是奧人始得
復見天日。而全歐洲之大魔王。乃摧滅矣。

飲冰子曰。梅特涅之禁絕外國學問也。非禁形式上之學問。而禁精神上之學問也。精神上之學問者何。民權自由是也。人民一知民權自由之理。則其操縱駕馭苟且粉飾之術。將無所用。故不得不以死力挫其鋒也。當時歐洲之民智。既已大開。自治獨立之聲。徧於全歐。而梅特涅出其陰謀詭計。猶能彌縫而掩壓之者。殆四十年。可不謂才士也夫。雖然。民權自由者。天下之公理也。世界自然之進步。積其資格以及於今日。既已磅礴鬱積。持滿而必發。譬之經嚴冬。沍寒以後。春風一度。勾茁萌達。萬綠齊茁。夫甯可壓制耶。譬之奔流。壅之愈甚。則決之愈烈。吾甚悲夫。以梅特涅之才。執歐洲中原四十年之牛耳。費盡心計。擔盡驚恐。徒博得身敗名裂。爲天下萬世指笑而唾罵之。噫嘻。是亦不可以已乎。抑世有才不及梅特涅。而欲學其愚民武斷模稜兩可之術。以固寵沽名於一時者。吾益不知其所終極矣。

孔子曰。惡紫之奪朱也。惡鄭聲之亂雅樂也。其南皮張公之謂乎。彼張公者。豈曾知西國爲何狀。豈曾知西政爲何物。豈曾知西人爲何學。而貿貿然號於衆曰。吾知西

法者。世人亦貿貿然推之曰。是知西法者。夫天下無一人知西法者。吾猶有望焉。何也。彼其一旦知之。而進步之驟。將不可限量也。今天下知西法之人如張公者。不下千萬。而中國之亡。真不可救矣。張公著勸學篇。以去歲公於世。挾朝廷之力以行之。不脛而走於海內。其聲價視孟的斯鳩之萬法精理。盧梭之民約論。約翰彌勒之自由公理。初出世時。殆將過之。噫嘻。是嘖嘖嚅嚅者何足道。不三十年將化爲灰燼。爲塵埃野馬。其灰其塵。偶因風揚起。聞者猶將掩鼻而過之。雖然。其於今者二三年中。則儼然金科玉律。與四書六經爭運矣。天下事凡造因者必有結果。今張公復造此一層惡因。其謬見浸染於蚩蚩者之腦中。他日抵制其結果。固不得不費許多力也。偉哉南海何沃生三水胡翼南之二君者。廓清而辭闢之。如鑄禹鼎。圖罔兩之形狀。如然溫犀。照百怪之癥結。勸學篇書後一卷。排中國文明之阻力。其功不在禹下。張公見之。如以爲莠言亂政乎。吾願其集幕府中理學經學氣節文章之士。更爲書勸學篇書後後一書。則於距邪說扶正學之功。不益多乎。雖然。吾有知張公之能怒而

不能言也。

文野三界之別

泰西學者分世界人類爲三級。一曰蠻野之人。二曰半開之人。三曰文明之人。其在春秋之義。則謂之據亂世。升平世。太平世。皆有階級。順序而升。此進化之公理。而世界人民所公認也。其軌度與事實。有確然不可假借者。今略臚列之如下。

第一。居無常處。食無常品。逐便利而成羣。利盡則輒散去。雖能佃漁以充衣食。而不知器械之用。雖有文字。而不知學問。常畏天災。冀天幸。坐待偶然之禍福。仰仗他人之恩威。而不能操其主權於己身。如是者。謂之蠻野之人。

第二。農業大開。衣食頗具。建邦設都。自外形觀之。雖已成爲一國。然觀其內。實則不完備者甚多。文學雖盛。而務實學者少。其於交際也。猜疑之心。雖甚深。及談事物之理。則不能發疑以求真是。摸擬之細。雖工巧。而創造之能力。甚乏。知修舊而不知改舊。交際雖有規則。而其所謂規則者。皆由習慣而成。如是者。謂之半開

之人。

第三。範圍天地間種種事物於規則之內。而以己身入其中以鼓鑄之。其風氣隨時變易。而不惑溺於舊俗所習慣。能自治其身。而不仰仗他人之恩威。自修德行。自闢智慧。而不以古爲限。不以今自畫。不安小就。而常謀未來之大成。有進而無退。有升而無降。學問之道。不尙虛談。而以創闢新法爲尙。工商之業。日求擴充。使一切人皆進幸福。如是者謂之文明之人。

論世界文野階級之分。大略可以此爲定點。我國民試一反觀。吾中國於此三者之中。居何等乎。可以瞿然以興矣。

國之治亂。常與其文野之度相比例。而文野之分。恆以國中全部之人爲定斷。非一二人之力所能強奪而假借也。故西儒云。國家之政事。譬之則寒暑表也。民間之風氣。譬之則猶空氣也。空氣之燥溼冷熱。而表之升降隨之。絲毫不容假借。故民智民力。民德不進者。雖有英仁之君相。行一時之善政。移時而掃地以盡矣。如以沸水浸

表。雖或驟升。及水冷而表內之度。仍降至與空氣之度相等。此至淺之理。而一定之例也。故善治國者必先進化其民。非有孟的斯鳩法國人著萬法精理一書言君主民主君民共主三種政體之得失盧梭乃由民間契約而成者則法國不能成革命之功。非有亞丹斯密之徒英國人則英國不能行平稅之政。故曰英雄之能事。在造時勢而已。

英雄與時勢

或云英雄造時勢。或云時勢造英雄。此二語皆名言也。爲前之說者曰。英雄者。人間世之造物主也。人間世之大事業。皆英雄心中所蘊蓄而發現者。雖謂世界之歷史。卽英雄之傳記。殆無不可也。故有路得而後有新教。有哥侖布然後有新洲。有華盛頓然後有美國獨立。有俾士麥然後有德國聯邦。爲後之說者曰。英雄者乘時者也。非能造時者也。人羣之所漸漬積累。旁薄蘊蓄。旣已持滿而將發。於斯時也。自無孕育英雄。以承其乏。故英雄雖有利益及於人羣。要不過以其所受於人羣之利益而還附之耳。故使路得非生於十六世紀。西人以耶穌紀年而生於第十世紀。或不能

成改革宗教之功。使十六世紀卽無路得。亦必有他人起而改革之者。其他之實例亦然。雖無歌白尼。地動之說終必行於世。雖無哥倫布。美洲新世界終必出現。余謂兩說皆是也。英雄固能造時勢。時勢亦能造英雄。英雄與時勢二者如形影之相隨。未嘗少離。既有英雄。必有時勢。既有時勢。必有英雄。嗚呼。今日禹域之厄運。亦已極矣。地球之殺氣。亦已深矣。孟子不云乎。以其數則過矣。以其時考之則可矣。斯乃舉天下翹首企足喁喁焉望英雄之時也。二三豪俊爲時出。整頓乾坤濟時了。我同志。我少年。其可自菲薄乎。

意大利當羅馬久亡。教皇猖披。奧國干涉岌岌不可終日之時。而始有嘉富洱。普魯士。當日耳曼列國散漫積弱。見制法人。國體全失之時。而始有俾斯麥。美利堅當受英壓制。民不聊生之時。而始有華盛頓。然則人特患不英不雄耳。果爲英雄。則時勢之艱難危險。何有焉。暴雷烈風。羣鳥戢翼恐懼。而蛟龍乘之。飛行絕跡焉。驚濤駭浪。鯨魚失所。錯愕而鯨鯤御之。一徙千里焉。故英雄之能事。以用時勢爲起點。以造時

勢爲究竟。英雄與時勢，互相爲因。互相爲果。造因不斷。斯結果不斷。

近因遠因之說

凡天下事。無論大小。必有其所由來。中國學者謂之爲『所以然之故』。省而言之。謂之曰『原因』。論事者必求得其原因。然後下斷案。則斷案必不謬。治事者必針對其原因。然後施方法。則方法必有功。朱子曰。能求所以然之故。方是第一等學問。第一等事業。此之謂也。

雖然。原因之中。又分近因遠因兩者。近因易見。遠因難知。試舉一例以明之。譬有酒客。墮馬傷腰。遂得半身不遂之症。其治之之法。當如何。尋常庸醫必曰。病之原因在墮馬。當以跌打之藥。熨貼脾際。如此療法。必不得癒。何也。蓋墮馬者。不過其近因耳。實則由多年飲酒過度。脊髓既衰。正當蓄病將發之時。適以墮馬。激動全體。故遂痺痿耳。善醫者。則必先使戒酒。斷其病之遠因。使脊髓復原。則瘳之易易矣。夫醫國亦何莫不然。今之口言經濟者。輒曰。中國之患。貧也。弱也。官吏不忠也。亂民徧地也。外

國凌逼也。其救之之法。則曰練兵也。辦團也。籌餉也。勸商也。其尤高識者則曰變舊法也。興民權也。彼其持論誰謂不然。以吾觀之。雖其所見有高下大小之不同。要之皆治近因之方法。而非治遠因之方法。不治遠因而欲治近因。則必不可得治。

且猶有一說。近因者常繁多混雜。而使人難覓其頭緒。遠因則不然。一旦尋得之。則顛撲不破。可依之而定辦事之方向。蓋近因者每一事必有一因。遠因者常合數因以爲一因。故遞而推之。愈推愈遠。則其原因之數愈減少。而據原因以定方法。乃若網在綱。有條而不紊。更舉一例以明之。譬諸水之沸騰。由薪火而起。人之呼吸。由空氣而生。此近因也。更進一層以求之。則薪之所以燃者。由薪中所含炭氣。與空中之養氣相和合而生熱也。人之所以呼吸者。由引空中之養氣入肺。與血中留存之炭氣相和合而吐納也。然則薪火也。空氣也。皆近因也。而其遠因則同出於養氣。水之沸與人之呼吸。其外形絕異。而其原因之相同。乃如此。苟知其故。則欲止沸歟。息喘歟。或欲揚沸歟。順氣歟。皆可以同理之法而治之。所謂通其一。萬事畢。其爲道雖似

迂遠。其爲法實甚簡易。然則求遠因者。論事之祕訣。治事之捷法也。夫所謂治遠因者何。曰造時勢而已。

草茅危言

曩讀亞東時報有題草茅危言者。日本深山虎太郎君所撰。爲篇凡三。曰民權。曰共治。曰君權。皆源本泰西碩儒政體之論。切中中國時病者。因錄其全文於下。

民權篇

民受生於天。天賦之以能力。使之博碩豐大。以遂厥生。於是有民權焉。民權者。君不能奪之。臣父不能奪之子。兄不能奪之弟。夫不能奪之婦。是猶水之於魚。養氣之於鳥獸。土壤之於草木。故其在一人。保斯權而不失。是爲全天。其在國家。重斯權而不侵。是爲順天。勿能保於天則爲棄。疾視而侵之。於天則爲背。全順者受其福。而背棄者集其殃。何者。民與權俱起。其源在乎政府以前。彼憲法云。律令云。特所以維持之。使無失墜。非有憲法律令而後有民權也。故國人皆曰政府可設。而

後政府設。國人皆曰政府可廢。而後政府廢。國人皆曰憲法律令可行。而後憲法律令行。國人皆曰憲法律令可革。而後憲法律令革。國家大事。措施得失。闔四境之民。平議而行其權。盛矣。唯人心之不同。利害交錯。莫能畫一。且各有生產作業。不能親政。爲古今通患。於是立賢者。以爲之王。以爲之輔相。借之以柄。以整齊天下。故君相之權。固假之萬民。非自有其權也。柳宗元曰。吏於上者。民之役。而非以役民而已。西人之諺曰。官吏者。天下之公僕也。若以民之役。役民。以奴僕鞭箠其主人。則不倫孰大於是。余竊觀中國古聖賢創業垂訓。具合於泰西民權之宗旨。蓋公理無東西。而大道無古今。凡有血氣。其積思所至均也。堯舜官天下。求賢禪讓。何與美利堅合衆國公舉總統之制類也。湯武順天應人。以放伐獨夫。代膺大位。何與歐洲列國之民迫其政府更革政治類也。孔子對哀公曰。百姓足。君誰與不足。孟軻以君爲輕。民爲重。發明民權。豈有彰明較著於此者哉。意者孔孟之時。距三代不遠。堯舜之道。布在方策。令夫一聖一賢。得志於當時。其所成就。蓋有難

測者矣。惜乎後世昧於聖哲本旨。不能擴充闡明。以成太平。至於大道晦冥。冠履倒置。自秦漢以降。淪胥至今。風氣之不開。紀綱之不肅。國本之不固。宮闈之不清。民力之不厚。士氣之不振。是由上有背天之政府。而無順天之君。下有棄天之人。而無敬天之民。今欲舉秦漢以來積敝。摧陷而廓清之。以舉自強維新之政。則必自恢復民權始。

共治篇

古今東西。一治一亂。盛衰之變。不能百年。今歐美諸邦。日躋富強隆治之域。國運蒸蒸日上。蒸蒸乎不知其艾期。此其故何也。不治民而與民共治也。曷言乎治民也。專制爲治。獨裁爲政之謂也。有賢明之君在上。則國富兵強。有暗愚之君在上。則國貧兵弱。所謂其人存則其政舉。其人亡則其政息。盛衰興亡之幾。繫在一人。自古賢君少而暗主多。此所以東洋諸國常不振也。曷言乎與民共治也。公議爲治。集思爲政。舉國中之良選而委以政焉。故雖有幽厲。不能行其暴。雖有管蔡。不能逞其奸。

盛衰興亡。與一國人心相表裏。此所以泰西諸國近大振也。夫人情靡弗好強而惡弱。愛治而忌亂焉。而東洋諸國之遂不免夫亂與弱者。獨有尙古薄今之弊。根柢人心。牢乎不拔也。中國儒者開口輒言許身稷契。致君堯舜。嗚呼。周漢以來。論治道者。疇不以堯舜禹湯爲指歸哉。而唐虞三代之隆治。竟不可得者。非特民心日澆。風氣日薄故也。彼唯貌似聖人而忽聖人本旨。故汲汲然揭三代以爲旗幟。而三代之治愈遠也。余嘗讀史。漢以下歷朝帝王不下數百人。而求其聰明叡知爲天下眞主者。百中僅得一二耳。中材之君則百五六。庸劣之主則百九十矣。故天下百年而無十年之治。天災人禍接踵而至。生靈魚肉。肝腦塗地。宗社亦隨而亡。歷朝相襲。如環之無端。天下搢紳章甫之士。獨不能鑑於前轍。沈溺二典。歌頌三代。以待聖人之出。其愚豈止待河清之比哉。若有人於此。其力能擺脫三千年宿敝。變專制獨裁之治。作衆思公議之政。中國之天下不足治也。

或難余說曰。民權說頗善。然似不與君權相容。爲之何如。曰。君依民爲重。民依君爲重。上下一體。無相侵之理。是爲共治之要道。今世界諸國重民權者。莫英國若焉。國中四民皆仰英王如父母。君臣之間。無纖芥之嫌。去年政府舉女王。卽位五十年慶節。舉國歡騰。皆祈王之萬年。以至神明。忠愛之忱。淪浹於民心。未聞民權之侵害王權也。世界諸國崇君權者。莫突厥若焉。箕斂頭會。以貪民利。箝口結舌。以禁謗言。國民視王如仇讎。寇亂數起。上下解體。彼以君權爲維持尊嚴之具。而不知啓民心渙散之漸。今以英國比突厥。其王室之崇卑相距以爲何如乎。自古一國之主。親裁萬機。權不旁落。名實兩爲天子者。唯創業垂統之君爲然。至乎中材以下。則皆以政柄委其臣下。有君權之名。而無君權之實。况於庸劣之主乎。故權不歸宰輔。則歸外戚。不歸外戚。則歸宦寺。不歸宦寺。則歸藩鎮。君唯垂拱擁虛器耳。令宰輔爲伊周。外戚爲霍光竇武。宦寺爲張承業張永。藩鎮爲郭子儀田弘正。猶有專權之嫌。若令宰輔爲莽操卓懿。外戚爲賈充武三思。宦寺爲

仇士良魏忠賢。藩鎮爲李師道朱全忠。其爲禍將不勝言矣。故其末造有繞柱而走者。有飲鳩投繯者。有比山雀者。有以世世不生天家爲禱者。以萬乘之貴求爲匹夫而不可得也。英國儒士彌兒曰。獨裁國無愛國之人。有一人。乃其君是耳。夫獨裁專制之君。以天下爲家。宜愛其國。旣愛其國。宜舉其國之賢者委以政事。今顧偏信左右。聽於佞倖。以至喪其宗祀者何也。則明有所不見而聰有所不聞也。昔唐德宗謂李泌曰。人皆以盧杞爲姦。而朕遂不知杞之爲姦也。德宗非下材之主。猶有此言。難哉人主知人之智乎。若能以所聽於左右者聽於國中。以所選於寡者選於衆。以所分於宰輔外戚宦寺藩鎮者分於億兆。與之共治。天下何患其不治也。夫從衆君德也。雖專制獨裁之主。其初非得衆心。則無以取大位。况於憤自強與歐美爭雄者乎。何以削君權爲介介哉。

養心語錄

人之生也。與憂患俱來。苟不爾。則從古聖哲。可以不出世矣。種種煩惱。皆爲我練心

之助。種種危險。皆爲我練胆之助。隨處皆我之學校也。我正患無就學之地。而時時有此天造地設之學堂以餉之。不亦幸乎。我輩遇煩惱遇危險時。作如是觀。未有不洒然自得者。

凡辦事必有阻力。其事小者其阻力亦小。其事愈大其阻力亦愈大。阻力者乃由天然。非由人事也。故我輩惟當察阻力之來而排之。不可畏阻力之來而避之。譬之江河。千里入海。曲折奔赴。遇有沙石則挾之而下。遇有山陵則繞越而行。要之必以至海爲究竟。辦事遇阻力者。當作如是觀。至誠所感。金石爲開。何阻之有焉。苟畏而避之。則終無一事可辦而已。何也。天下固無無阻力之事也。

理想與氣力

普相士達因曰。無哲學的理想者。不足以爲英雄。無必行敢爲之氣力者。亦不足以爲英雄。日本渡邊國武述此語而引申其義曰。今人之弊。有理想者無氣力。立於人後以冷笑一世。有氣力者無理想。排他人以盲進於政界。飲冰主人曰。理想與氣力

兼備者英雄也。有理想而無氣力。猶不失爲一學者。有氣力而無理想。猶不失爲一冒險家。我中國四萬萬人。有理想者幾何人。有氣力者幾何人。理想氣力兼備者幾何人。嗟乎。國於天地。必有與立。念及此。可爲寒心。

自助論

日本中村正直者。維新之大儒也。嘗譯英國斯邁爾斯氏所著書。名曰西國立志編。又名之爲自助論。其振起國民之志氣。使日本青年人人有自立自重之志氣。功不在吉田西鄉下矣。今將其原序錄出。雖嘗鼎一臠。猶足令讀者起舞矣。其總序曰。

國所以有自主之權者。由於人民有自主之權。人民所以有自主之權者。由於其有自主之志行。今夫二三十家之民相團。則曰村。數村相聯。則曰縣。數縣相會。則曰郡。數郡相合。則曰國。故如曰某村風俗純實。則某村人民之言行純實者爲之也。曰某縣多出貨物。則某縣人民之力農勤工者爲之也。曰某郡藝文蔚興。則某郡人民之嗜學講藝者爲之也。曰某國福祚昌盛。則某國人民之志行端良克合。

天心者爲之也。蓋總稱曰國。分言曰民。殆無二致也。試揭輿地圖而觀之。自主之國幾何。半主之國幾何。羈屬之國幾何。如印度古爲自主之國。今則盡統於英矣。安南古爲自主之國。今則半屬於法矣。如南洋中諸國。今莫不爲西國之屬者。人或祇謂西國有英主良輔。故勢威加遠方。殊不知西國之民。勤勉忍耐。有自主之志行。不受暴君污吏之羈制。故邦國景象。駸駸日上。蓋有不期然而然者。且不獨此也。西國之君。大用其智。則其國大亂。小用其智。則其國小亂。載在史冊。歷歷可徵。方今西國之君。不得以己意輒出一令。不得以己命輒囚繫一人。財賦之數。由民定之。軍國大事。非人民公許。不得舉行。蓋西國之君。譬則御者也。民人譬則乘車者也。其當向何方而發。當由何路而進。固乘車者之意也。御者不過從其意施控御之術耳。故君主之權者。非其私有也。闔國民人之權。萃於其身者是已。唯然故君主之所令者。國人之所欲行也。君主之所禁者。國人之所不欲行也。君民一體。上下同情。朝野共好。公私無別。國之所以昌盛者。其不由此歟。余尙記童子時。

聞清英交兵。英屢大捷。其國有女王曰維多利亞。則驚曰。眇乎島徼。出女豪傑。乃爾堂堂滿清。反無一箇是男兒耶。後讀清國圖志。有曰英俗貪而悍。尙奢嗜酒。惟技藝靈巧。當時謂爲信然。及前年遊於英都。留二載。徐察其政俗。有以知其不然。今女王不過尋常老婦。含飴弄孫耳。而百姓議會權最重。諸侯議會亞之。其被掄於衆。爲民委官者。必學明行修之人也。有敬天愛人之心者也。有克己慎獨之工夫者也。多更世故長於艱難之人也。而權詐猥薄之徒不與焉。慢神欺心之人不與焉。酒色貨利之徒不與焉。喜功生事之人不與焉。其俗則崇尙德義。慕仁慈。守法律。好調濟貧病者。國中所設仁善之規法。不遑殫述。姑舉其一。貧家子女所往學之學院。通計三萬有餘所。學徒二百萬人。晝間有職務者所往學之學院。名夜學院者。二千有餘所。學徒八萬人。凡此係民人共同捐銀而設者。官府不與焉。凡百之事。官府之所爲。十居其一。人民之所爲。十居其九。然而其所謂官府者。亦唯爲民人之利便而設之會所耳。如貪權勢擅威刑之事。毋有也。抑以通國之廣。人

民之多。豈不無姦宄不法之徒乎。然審其大體。則稱曰政教風俗擅美西方可也。而魏氏之書。徒稱其貪悍尙奢嗜酒。是蓋見西國無賴之徒居東洋者而概言之耳。何其謬哉。余又近讀西國古今僑傑之傳記。觀其皆有自主自立之志。有艱難辛苦之行。原於敬天愛人之誠意。以能立濟世利民之大業。並有以知彼土文教昌明。名揚四海者。實由於其國人勤勉忍耐之力。而其君主不得而與也。嘗聞善馬有駕車者。不加鞭策而自能行。不待控御而自能馳。及御者妄引繮繩。多加撻責。而其馬扞格牴牾。頓致不能行。嗚呼。坤輿之內。何國不善。何民不良。由於御者之喜功滋事。而致不遂其性。不能存其天良者。蓋亦多哉。

第一編序

論邦國及人民之自助

余譯是書。客有過而問者曰。子何不譯兵書。余曰。子謂兵強則國賴以治安乎。且謂西國之強由於兵乎。是大不然。夫西國之強。由於人民篤信天道。由於人民有自主之權。由於政寬法公。拿破侖論戰曰。德行之力。十倍於身體之力。斯邁爾斯

曰國之強弱。關於人民之品行。又曰。真實良善。爲品行之本。蓋國者。人衆相合之稱。故人人品行正。則風俗美。風俗美。則一國協和。合成一體。強何足言。若國人品行未正。風俗未美。而徒汲汲乎兵事。之是講。其不陷而爲好鬪嗜殺之俗者。幾希。尙何治安之可望哉。且由天理而論。則欲強之一念。大悖於正矣。何者。強者對弱之稱也。天生斯民。欲人人同受安樂。同修道德。同崇知識。同勉藝業。豈欲此強而彼弱。此優而彼劣哉。故地球萬國。當以學問文藝相交。利用厚生之道。互相資益。彼此安康。共受福祉。如此。則何有乎較強弱競優劣哉。夫人知天命之可畏。以真實之心。行良善之事。一人如此。一家如此。一國如此。天下如此。愛日仁風。四海合驩。慈雲和氣。六合呈祥。如此。則亦何有乎甲兵銃砲之用哉。古不云乎。兵者凶器。戰者危事也。仁者無敵。善戰者服上刑。一人之命。重於全地球。匹夫之善行。有關係於邦國。天下者。乃以貪土地之故。使至貴至重之人命。橫罹極慘極毒之禍。其違皇天之意。負造化之恩。罪不可道矣。西國近時。大省刑罰。然猶未能全戢干戈。

豈其教化有未洽者耶。抑宇宙泰運之期未至耶。嗚呼。六合之際。禮教盛而兵刑廢。當有日也。恨余與子未及見之也已。客唯唯而退。遂書以弁卷首。

第四編序

論用心之勤勉及作業之耐久

真正學士。不恥爲賤業。恥之者非真正學士。真正文人。不嫌爲俗務。嫌之者非真正文人。昔者趙岐賣餅於北海市中。沈麟士織簾讀書。手口不輟。天下後世。不啻不賤之。而反更重之。程明道僉書鎮南判官。筦庫細務。無不盡心。屢平反重獄。蘇子瞻僉書鳳翔府判官。意其文人。不以吏事責之。子瞻盡心其職。老吏畏伏。二公之賢。於是滋見焉。今之讀書者。或恥以賤業治生。又不屑爲俗務。及不得已而賣履販緡。或折腰五斗。則一切束書不觀。曰我無暇矣。嗚呼。人病無志耳。果有志矣。不病乎無暇也。試思子瞻在鳳翔。何等繁劇。而是時所作。如鳳翔八觀詩。鍛鍊敲推。亦何其綽綽有餘暇也。且學問之功。貴乎循序漸進。經久不輟。故一日不必要多時也。嘗有一官謂某先生曰。予職務鞅掌。患讀書少暇。對曰。君讀書如走馬看

燈雖每日二六時中。一意從事。積至於十年。不能成業也。其人怫然。先生曰。君每日只要讀書二三板。深思牢記。十年之後。必博識超衆矣。旨哉言乎。如茲編所載。德留斯格的。一爲理學名家。而以造鞋爲職業。一爲詩文鉅匠。而畢生不廢吏務。大有足砥礪後人之志行者焉。予深望讀者之反覆致思也。

第五編序

論機會及勉修藝業之事

天下之事。不止千萬。然察其成敗得失之機。一皆決於誠僞之二字而已矣。以發於國政。則公私之別也。以見於人品。則善惡之別也。以顯於學術。則邪正之別也。以著於工藝。則巧拙之別也。今夫木之大者。凌霄漢。戰風雨。蒼皮黛色。千年尙新。然溯其始。則一粒種子。託根於地中而已。川之洪者。漑田野。汎艤。百折不絕。萬古不息。然探其源。則一道活泉。全湧而出耳。是知種子者木之誠也。活泉者川之誠也。唯其有是誠。所以成其大。物尙然。况於人乎。人苟有一片之誠。存於胸中。則雖若甚微不可見。而實爲萬事之根源。可以修藝事。可以植學識。可以治民人。可

以交神明。此編曰勉強忍耐。曰善乘機會。曰不忽小事。曰偶然解悟者。不一而足。是皆人之所以成其業也。然而推其本。則不外於一誠之發爲此數者而已矣。是故讀書學問者。及學工事者。當自問於己。曰。果能發於誠心否。苟發於誠心矣。則自能勉強忍耐。自能善乘機會。自能不忽小事。自能偶然解悟。蓋有不期然而然者焉。呂新吾曰。才自誠出。才不出於誠。不得算箇才。誠了自然有才。今人不患無才。只是討一誠字不得。斯言也。可爲世間才子頂門一針。

第八編序

論剛毅

或曰。泰西多出剛毅之人。蓋一由於天氣沍寒。軀幹堅實。一由於土地礪確。非勤勉不得食。余曰。此事容或有之。然其大本。不在此區區者。曰何也。曰。泰西人所以多有剛毅之行者。由於有剛毅之原質也。曰何謂剛毅之原質。曰慈也。信也。不觀雜末耶維廉士之事乎。確信其道。愛人如己。痛苦不避。死生不易。不觀翰回沙泊之事乎。多救嬰兒之命。永脫黑奴之苦。千艱萬阻。不挫不折。必達其志而後已。蓋

如此數人。肝脾骨肉。毛髮爪甲。皆由慈與信而成。故此身苟存。此心不喪。欲不剛毅。奚可得乎。以是可見剛毅者。心志之力。而慈與信實其原質也。或曰。世固有強忍有力者。亦可謂剛毅之人乎。曰。非也。如李斯呂惠卿。豈不見強忍有力者。然其所爲。不根於慈信之心。而出於嗜慾之私。故弊害所極。身喪國敗。宣尼不云乎。棖也慾焉得剛。

第九編序

論務職事之人

或謂余曰。西國之事理。大概盡於是書。余曰否。此不過一人一家之書耳。若以此爲盡其概略。則大謬。且與余譯之之意。甚相徑庭矣。夫天下之事理。日出而不窮。古人之所是。而今人非之者有矣。今人之所是。烏知不爲後人之所非乎。古人之所不言。而今人言之者有矣。今人之所不言。烏知不有後人之言之者乎。天下盡以爲非。而一人獨是之。在當時則受縲紲之辱。在後世則得泰斗之名。如加利列窩者有矣。天下之同論。豈必是。而一人之異見。豈必非乎。天下之所未言。而一人

獨言之。在當時則見戮爲罪人。在後世則見尊爲聖人。如梭格拉底者有矣。天下通行之說。豈必是。而一人創始之論。豈必非乎。是故縱舉宇宙間千百之意見。議論而猶未足以盡天下之事理。况此區區一小冊。何足以窺其萬一乎。且余所以譯是書。欲使人進而習讀西籍。謙虛其心。容受新見異說。務集衆人之智識。而不妄執一己以論斷也。乃不然而讀此隔鞞搔痒之譯書。遽以爲盡其概略。豈予心哉。或又曰。是書所說。合於孔子之旨。故可取。余曰。然則子豈謂孔子之所不言。則概不足取乎。此與孔子之意悖矣。不曰子絕四。毋意。毋必。毋固。毋我乎。不曰發憤忘食。樂以忘憂。不知老之將至乎。使孔子而生於今日。則其務聽納新見異說者。果何如也。若死讀孔子之書。留滯而不化。以此規天下之事理。一言不合。駭以爲怪。如此則與孔子好學如不及之意。正相反矣。夫學問之事。貴乎集衆異以備思察。濯舊見以冀新得。譬如貯書。若子擁萬卷。而同皆一書也。則奚貴於多。譬如食大餐。郇廚侯鯖。五味八珍。衆異并備。然後美於口。不然而食前方丈。所陳唯一種。

物。則其同也。豈不可厭乎。掛眼鏡之紅色者而觀物。森羅萬象。莫不紅者。掛碧色者則乾坤一碧。掛黃色者則宇宙皆黃。若先執一己之見。以聽他人之論。則其所謂同。亦非其真也。舜好察邇言。舍己從人。孔子問禮於老聃。問樂於萇弘。古人之好學。汲汲不倦。虛以受人者如此。豈若後人之先入爲主。好立異同。而妄相是非哉。如是書。子特宜收爲萬卷中之一部可也。以此自足不可也。以此自是大不可也。或以是律他人之議論。更大不可也。天下之事理。浩如巨海。豈得以升斗之量概之哉。

第十一編序

論自修之事及其難易

余讀此編。始知西國所以興也。西國人民。事神敬天。利用厚生之類。其事不可一二數。而皆專心一意。死生不移。國安得不興。或曰。國之興衰。與氣數相表裏。非人力所能也。曰不然。聖人於泰之象。釋之曰。君子道長。泰之爲卦。陰陽相半。君子之道。獨何以能長也。蓋當泰之時。氣數則陰陽不相下。然君子於我職分。自強不息。

日進一日。則氣數不復足道。故曰裁成輔相以左右民。孰謂國家之興。非人力所能哉。雖然。自非專心一意。死生不移者。安能得盡我職分。良之上九。聖人系之曰。敦艮。西國之所以興。亦不是過已。

偉人訥耳遜軼事

人苟無名譽心。則已有名譽心。則雖有千百難事。橫於前途。以遮斷其進路。而鼓舞勇氣。終必能排除之。英之偉人訥耳遜者。五洲所共聞也。幼時與兄同在一學校。當冬季。休暇終而歸校之時。與兄並轡適校。途中風雪大作。寒徹骨不可支。其兄乃約訥耳遜同歸家。見其父。父曰。歸校與否。吾聽汝等之自由。雖然。凡發念欲做一事。必做成之而後已。此大丈夫之舉動。而榮譽之事也。半途而廢。面目掃地之事也。汝等試兩者比較而擇所從。訥耳遜聞言。即從兄更上歸校之途。兄猶有難色。訥耳遜厲聲曰。阿兄忘榮譽之一言乎。卒相俱以去。嗚呼。訥公其後造赫赫之偉業。轟風雲於大地。雖其器量膽畧。超軼尋常。抑豈不以此名譽心旁薄而宣洩矣乎。

飲冰主人曰。訥耳遜者何人乎。其人棲息於海上者三十五年。中間經大小百二十四回之戰鬪。而赫然爲世界歷史之一大人物者也。當十八世紀之末。以威如雷霆。猛如虎豹之拿破侖。蹂躪馬蹄於歐洲全土。各國之帝王將相。膝行莫敢仰視之時。而有鬼神之算。鐵石之胆。電光之手。腕訥耳遜其人者。率英國艦隊。屢決死戰於海上。卒勦滅法國及其同盟國之海軍。使不能再立。而地中海之海上權。遂全歸英國之手。至今歐洲有井水飲處。莫不知其名焉。嗚呼榮矣。人人知其榮。而抑知其犯險。冒難。遇敗。受挫。百折不回。萬死一生。而以易之者乎。

百川學海而至於海。或直行。或曲行。或顯流。或伏流。遇有山陵之障。則繞而避之。遇有沙石之阻。則挾而赴之。要之必奔流到海而後已。任事者可以鑒矣。

放棄自由之罪

西儒之言曰。天下第一大罪惡。莫甚於侵人自由。而放棄己之自由者。罪亦如之。余謂兩者比較。則放棄其自由者爲罪首。而侵人自由者乃其次也。何以言之。蓋苟天

下無放棄自由之人。則必無侵人自由之人。此之所侵者。即彼之所放棄者。非有二物也。夫物競天擇優勝劣敗。

此二語軍學之通語。嚴侯宜譯爲物競天擇。適者生存。日本譯爲生存競爭。優勝劣敗。今合兩者並用之。即欲

定以爲名詞焉。

此天演學之公例也。人人各務求自存。則務求勝。務求勝。則務爲優者。務爲

優者。則擴充己之自由權而不知厭足。不知厭足。則侵人自由必矣。言自由者必曰。人人自由。而以他人之自由爲界。夫自由何以有界。譬之有兩人於此。各務求勝。各務爲優者。各擴充己之自由權而不知厭足。其力線各向外而伸張。伸張不已而兩線相遇。而兩力各不相下。於是界出焉。故自由之有界也。自人人自由始也。苟兩人之力有一弱者。則其強者所伸張之線。必侵入於弱者之界。此必至之勢。不必諱之事也。如以爲罪乎。則宇宙間有生之物。孰不爭自存者。充己力之所能及以爭自存。可謂罪乎。夫孰使汝自安於劣。自甘於敗。不伸張力線以擴汝之界。而留此餘地以待他人之來侵也。故曰。苟無放棄自由者。則必無侵人自由者。其罪之大原。自放棄者發之。而侵者因勢利導。不得不強受之。以春秋例言之。則謂之罪累可也。

國權與民權

今天下第一等議論。豈不曰國民乎哉。言民事者。莫不瞋目切齒怒髮曰。彼歷代之民賊。束縛馳驟。磨牙吮血。以侵我民自由之權。是可忍。孰不可忍。言國事者。莫不瞋目切齒怒髮曰。彼歐美之虎狼國。眈眈逐逐。鯨吞蠶食。以侵我國自由之權。是可忍。孰不可忍。飲冰子曰。其無爾。苟我民不放棄其自由權。民賊孰得而侵之。苟我國不放棄其自由權。則虎狼國孰得而侵之。以人之能侵我。而知我國民自放棄之罪。不可追矣。曾不自罪。而猶罪人耶。昔法蘭西之民。自放棄其自由。於是國王侵之。貴族侵之。教徒侵之。當十八世紀之末。黯慘不復覩天日。法人一旦自悟其罪。自悔其罪。大革命起。而法民之自由權完全無缺。以至今日。誰復能侵之者。昔日本之國。自放棄其自由權。於是白種人於交涉侵之。於利權侵之。於聲音笑貌。一一侵之。當慶應明治之間。跼天躋地於世界中。日人一旦自悟其罪。自悔其罪。維新革命起。而日本國之自由權完全無缺。以至今日。誰復能侵之者。然則民之無權。國之無權。其罪

皆在國民之放棄耳。於民賊乎何尤。於虎狼乎何尤。今之怨民賊而怒虎狼者。蓋亦一旦自悟自悔而自擴張其固有之權。不授人以可侵之隙乎。不然。日日瞋目切齒。怒髮胡爲者。

破壞主義

日本明治之初。政府新易。國論紛糅。伊藤博文、大隈重信、井上馨等共主破壞主義。又名突飛主義。務摧倒數千年之舊物。行急激之手段。當時諸人皆居於東京之築地。一時目築地爲梁山泊云。飲冰子曰。甚矣破壞主義之不可以已也。譬之築室於瓦礫之地。將欲命匠。必先荷鍤。譬之進藥於痞疴之夫。將欲施補。必先重瀉。非經大刀闊斧。則輸倕無所效其能。非經大黃芒硝。則參苓適足速其死。歷觀近世各國之興。未有不先以破壞時代者。此一定之階級。無可逃避者也。有所顧戀。有所愛惜。終不能成。

破壞主義何以可貴。曰。凡人之情莫不戀舊。而此戀舊之性質。實阻闕進步之一大

根源也。當進步之動力既發動之時。則此性質不能遏之。雖稍參用。足以調和而不致暴亂。蓋亦未嘗無小補焉。至其未發動之時。則此性質者。可以堵其源。閣其機。而使之經數十年數百年不能進一步。蓋其可畏可恨。至於如此也。快刀斷亂麻。一拳碎黃鶴。使百千萬億蠕蠕戀舊之徒。瞠目結舌。一旦盡喪其根據之地。雖欲戀而無可戀。然後驅之以上進步之途。與天下萬國馳驟於大劇場。其庶乎其可也。

歐洲近世醫國之國手不下數十家。吾視其方最適於今日之中國者。其惟盧梭先生之民約論乎。是方也。當前世紀及今世紀之上半施之於歐洲全洲而效。當明治六七年至十五六年之間施之於日本而效。今先生於歐洲與日本。既已功成而身退矣。精靈未沫。吾道其東。大旗觥觥。大鼓鞞鞞。大潮洶洶。大風蓬蓬。捲土挾浪。飛沙走石。雜以閃電。趨以萬馬。尙其來東。嗚呼。民約論。尙其來東。東方大陸。文明之母。神靈之宮。惟今世紀。地球萬國。國國自主。人人獨立。尙餘此一土。以殿諸邦。此土一通。時乃大同。嗚呼。民約論兮。尙其來東。大同大同兮。時汝之功。

自信力

任天下者當有自信力。但其事當行者。卽斷然行之。囁囁嚅嚅。瞻前顧後。是小丈夫之所爲也。日本明治初年。伊藤大隈二人。謀設東海道鐵路。井上馨澁澤榮一以時機尙早止之。不聽。遽建議於太政官。借洋債以興之。朝議囂囂。不謂然。或問其辦法如何。或問其工費如何。伊隈二人相顧呆然。不知所對。乃曰其詳細章程。俟諸明日。退而訪前島密氏。託其擬章程。並作豫算表。前島亦毫不知鐵路之事。雖然。二人固乞不已。前島乃算其大概。草一稿。名曰橫濱京都鐵路臆測書。翌日二人攜之以示於朝。議遂決。

當時政府之財力甚薄弱。無資本以經營此等新事業。又未知公債之法。會英人有姓訥耳遜名阿里者。自香港上海至日本。當時東京未有西洋大客寓。故寓英使館中。以英使之紹介而來謁伊隈二人。曰。聞諸公欲設鐵路。而無資力。若果有所命。僕當效力。二人未知阿里爲何如人。以爲必英國史上著名海軍提督訥耳遜之族也。

又見其寓使館中。以英使之紹介而來。謂必是貴族。今其人肯貸金與我。真天賜也。乃遽與貸一百萬磅。計利九分。以橫濱海關稅作抵。伊藤大隈當時未知洋債之性質如何。以爲必訥耳。遜阿里以己之資本而貸之也。其後倫敦泰晤士報來。忽見登有告白。招人購買日本公債票。二人驚愕失措。蓋初時以爲借金之事必秘密無人知。今忽揭於新報上。恐政府之守舊黨見之。罵爲賣國也。乃急遣前島密上野景範二人往英國。將收回借券作罷論。二人到倫敦。則其公債票早散布已盡。而所謂阿里者。實與偉人訥耳遜毫無瓜葛。不過一經紀買賣之人耳。二人大驚。無法收回借券。乃議出金買回已散出之債票。其事一旦傳於市上。日本公債。忽每百磅騰價二三磅。不得已。仍以所借債歸。卒以成京濱鐵路。

飲冰主人曰。伊藤大隈。鐵路之辦法不知。鐵路之經費不知。公債之性格不知。買人之情態不知。何其陋也。不知而貿然倡辦之。貿然訂借之。何其鹵莽也。雖然。使待其一。一知之。然後辦之。則京濱鐵路。恐無成之一日。而彼技師岸買。於此等事。一一知

之者何限。然其事必待成於伊隈之手而不成於此輩。何也。有自信力也。苟信此事之不可不辦。斯辦之矣。陋也。鹵莽也。固可以敗事。然事事而辦之。敗者雖九。而成者猶有一矣。事事而不辦之。則並此一成者而無有焉。然則孰爲敗而孰爲成矣乎。吾記二公軼事。使人知日本赫赫如二公者。其陋也。鹵莽也。固如此矣。苟能有其自信力。天下事何有焉。雖千萬人吾往矣。

善變之豪傑

吉田松陰。初時主公武合體之論。公者王室也。武者武門也。卽指大將軍也。當時日本通行語。其後乃專主尊王

討幕。幕府者大將軍也。非首鼠兩端也。其心爲一國之獨立起見。苟無傷於平和。而可以保

獨立。則無甯勿傷也。旣而深察其腐敗之已極。雖欲已而無可已。乃決然衝破其羅

網。摧壞其基礎。以更造之。其方法雖變。然其所以愛國者未嘗變也。加布兒。意大利

近人所譯泰西新史攬要稱爲嘉富洱者。初時入秘密黨。倡革命下獄。其後佐撒爾尼亞王爲大宰相。卒

成大功。統一意國。非反覆變節也。其心爲一國之獨立起見。旣主權者無可與語。不

得不投身激湍以圖之。既而見撒王之可以爲善。而乘時藉勢。可以行其所志。爲同胞造無量之福。故不惜改絃以應之。其方法雖變。然其所以愛國者未嘗變也。語曰。君子之過也。如日月之食焉。人皆見之。及其更也。人皆仰之。大丈夫行事磊磊落落。行吾心之所志。必求至而後已焉。若夫其方法隨時與境而變。又隨吾腦識之發達而變。百變不離其宗。但有所宗。斯變而非變矣。此乃所以磊磊落落也。

加布兒與諸葛孔明

偉哉加布兒。吾求諸中國數千年歷史上之豪傑。可與髣髴頡頏者。其惟諸葛孔明乎。劉備以屢敗屢陷漂泊無所依之勢。而諸葛挾之以取益州。卒成三分之局。南面稱帝。加布兒挾撒爾尼亞叢爾之小朝廷。而創意大利統一之業。其地位與時勢。皆有相若者。諸葛之遇先主。猶加布兒之遇維克杜兒王也。加布兒既相。毅然以國家安危自任。整頓內治。首理財財。興工業。盛教育。此孔明治蜀之成規。而陳壽所最稱者也。其與法國拿破侖第三相結以抗奧國。一孔明結孫權以圖魏之成算也。弱小

新造之國。而欲與強國爲難。非助以外交之敏腕不能爲功也。其使全國民皆爲兵。日日磨鍊而鼓舞之。卽孔明欲爲北征而先入南之政略也。雖然、諸葛出師未捷、賣志以亡。加布兒卒能成功。輝意大利之國威於天壤。殆諸葛之才不及加布兒耶。非也。劉備非維克杜爾王之比也。

加布兒之大政略在聯法。諸葛之大政畧在和吳。而劉備不能用諸葛之謀。所以敗也。凡天下一事之成。必有許多事與之相因。然後成焉。如機器然。合全機以成體。旣發其一。則他與俱敗矣。吾讀加布兒之傳。而不能不重爲孔明悲也。抑猶有一義焉。加布兒謀意大利一統。未竟而卒。卒後而一統之業終成。諸葛謀蜀漢之一統。未竟而卒。卒後而漢遂亡。此其故何歟。蜀漢之國民。又非意大利國民之比也。意大利之企畫一統者。全國之國民也。而蜀漢之企畫一統者。諸葛一人而已。凡事而專屬於一人者。此一人去而大事皆去矣。故善謀國者必自養國民之氣。開國民之智始。

論強權

第一章 強權之界說

強權云者。強者之權利之義也。英語云 The Right of the Strongest。此語未經出現於東方。加藤氏譯爲今名。何云乎強者之權利。謂強者對於弱者而所施之權力也。自吾輩人類及一切生物世界乃至無機物世界。皆此強權之所行。故得以一言蔽之曰。天下無所謂權利。只有權力而已。權力卽權利也。

凡動植物世界及人類世界。當強弱二者大相懸隔之時。則強者對於弱者之權力。自不得不強大。因強大之故。自不得不暴猛。譬之獸類。虎獅其最強者。故其於弱獸任意自由而捕食之。是獅虎之權力。所以大而猛也。惟強故也。於人類亦然。昔者野蠻世界。強大之民族。對於弱小之民族。其所施之權力必大而猛。又同一民族中。其強者對於弱者。其所施之權力必大而猛。不甯惟是。文明人民對於半開及野蠻之人民。其所施之權力必大而猛。是無他故。皆自強弱之懸隔而生。強也弱也。是其因也。權力之大小。是其果也。其懸隔愈遠者。其權力愈大而猛。此實天演之公例也。

在動物與野蠻世界。其所謂強者。全屬體力之強也。至半文半野世界。又有稱爲半開世界所

謂強者。體力與智力互相勝也。文明世界。所謂強者。卽全屬知力之強也。自文明人

以觀半開野蠻之人。其強者對於弱者所施權力之大而猛。實有可驚者。如酋長國

王之制其人民也。貴族之制平民也。男子之制女子也。其權力所行。殆非同類相待

之所宜有。是無他。其懸隔大故也。至文明人民。則治者與被治者之間。貴族與平民

之間。男子與女子之間。其強弱之懸隔不甚大。以故治者對於被治者之權力。貴族

對於平民。男子對於女子之權力。不得行其暴猛。漸改而就溫良。是蓋由強弱之懸

隔不甚遠。其昔之所謂強者。不得任意振其權力。譬如以獅遇羊。則其權力必大至

無限。以獅遇虎豹。其權力不能大至無限。然則文明之世。非治者與貴族與男子肯

甘心自滅殺其強者之權力也。實則被治者與平民與女子其智力既已漸進。不復

安於前此弱者之地位。而前者之強者。遂不得不變其暴猛之權力。而爲溫良之權

力。然則直謂前此之弱者漸出其強權。因弱者已漸爲強故有強權以壓制前此之強者使不得

不稍弱。殆無不可也。

由此觀之。強權有兩種。一曰大而猛者。一曰溫而良者。雖然。等之爲強權也。尋常學者。驟聞強權二字。輒以爲專屬於大而猛者。而不包有其溫而良者。此實誤也。猛大與溫良。視乎他力與本力相對之強弱。而本力所現之象隨而異云爾。若本力之原質。則固非有異也。此吾所以統括猛大與溫良兩種之權力。而概名之爲強權也。

第二章 論強權與自由權之關係

曰強權。曰權力。聞者莫不憎而厭之。謂此乃上位施於下位。無道之舉動也。人羣之蠹賊也。曰自由權。曰人權。聞者莫不愛而貴之。謂此乃人民防拒在上之壓制。當然之職分也。人羣之祥雲也。雖然。就前章界說之定義言之。而知強權與自由權。其本體必非二物也。其名雖相異。要之其所主者在排除他力之妨礙。以得己之所欲。此則無毫釐之異者也。不過因其所遇之他力而異其狀。因以異其名云爾。彼野蠻與半開之國。統治者之知識。遠優於被治者。其駕馭被治者也甚易。故其權力勢不得

不猛大。至文明國則被治者之智識不劣於統治者。於其伸張其權力以應統治者。兩力相遇。殆將平均。於是各皆不得不出於溫良。若是者謂之自由。

昔康德氏最知此義。其言曰。統治者對於被治者等。貴族對於賤族。所施之權力。卽自由權也。蓋康氏之意。以爲野蠻之國。惟統治者得有自由。古代希臘羅馬。則統治者與貴族得有自由。今日之文明國。則一切人民皆得有自由。又李拔爾氏之說。亦大略相同。其意謂專制國之君主。與自由國之人民。皆熱心貪望自由權者也。故自由權可謂全爲私利計耳云云。康氏李氏皆曰耳曼大儒也。其論如此。可謂中時矣。要而論之。前此惟在上位者有自由權。今則在下位者亦有自由權。前此惟在上位者有強權。今則在下位者亦有強權。然則強權與自由權。決非二物。昭昭然矣。若其原因。則由前此惟在上位者乃爲強者。今則在下位者亦爲強者耳。故或有見人民伸其自由權以拒壓制之強權。以爲此強弱之迭代也。不知乃兩強相遇。兩權並行。因兩強相消。故兩權平等。故謂自由權與強權同一物。驟聞之似甚可駭。細思之實

無可疑也。

諸君熟思此義。則知自由云者。平等云者。非如理想家所謂天生人而人人畀以自由平等之權利云也。我輩人類與動植物同。必非天特與人以自由平等也。康南海昔爲強學會序有云。天道無親。常佑強者。至哉言乎。世界之中。只有強權。別無他力。強者常制弱者。實天演之第一大公例也。然則欲得自由權者。無他道焉。惟當先自求爲強者而已。欲自由其一身。不可不先強其身。欲自由其一國。不可不先強其國。強權乎。強權乎。人人腦質中不可不印此二字也。

第三章 論強權之發達

凡一切有機之生物。因其內界之遺傳。與外界之境遇。而其體質心性。生強弱優劣之差。此體質互異之各物。並生存於世界中。而各謀利己。則不得不相競爭。此自然之勢也。若是者名之爲生存競爭。因競爭之故。於是彼遺傳與境遇。優而強者遂常占勝利。劣而弱者遂常至失敗。此亦當然之事也。若是者名之爲優勝劣敗。

生存競爭。優勝劣敗。此強權之所由起也。生存競爭與天地而俱來。然則強權亦與天地俱來。固不待言。雖然。其發達之次序。亦有可言焉。在禽獸世界。其強權之所施。惟在此種屬與他之種屬之間。如虎與羊。貂與鼠之間是也。而已。若其同一種屬之間。則其強權不甚發達。野蠻人亦然。當草昧未開之時。同一人羣內之競爭。而出其強權者甚稀。其始惟人類對於動植物而施其強權。其繼則此羣對於彼羣而施其強權。其後乃一羣之中之各人甲對於乙乙對於丙而有強權。蓋由人羣進步發達。而生存競爭之趨向日漸增加。而強者之權利。乃日漸加大。於何證之。如一人羣之初立。其統治者與被治者之差別殆無有。故君主對於人民之強權。亦幾於無有。是爲第一界。亦謂之據亂世。其後差別日積日顯。而其強權亦次第發達。貴族之對於平民亦然。男子之對於婦人亦然。是爲第二界。亦謂之升平世。至世運愈進步。人智愈發達。而被治者與平民與婦人昔之所謂弱者。亦漸有其強權與昔之強者抗。而至於平等。使猛大之強權。變爲溫和之強權。是爲強權發達之極則。是爲第三界。亦謂之太平世。

或問曰、既已相消矣。既已平等矣。則世界無復有強權之跡。謂之爲強權消滅則可矣。謂之爲強權發達何耶。且此第三界者與第一界何以異乎。答之曰、不然。第一界之時。人人皆無強權。惟對於他族而有之耳。故平等。第二界之時。有有強權者。有無強權者。故不平等。第三界之時。人人皆有強權。故復平等。要之以強權之有無多寡。以定其位置之高下蠻野。百不失一。如專制主義。自今日視之。誠爲可笑可憎。然要之彼一羣之中。尙有有強權者若干人。則勝於前此之絕無強權者矣。貴族政治。神官政治。亦其有強權之人日漸加增之徵驗也。近世經一次革命。則有強權之人必增多若干。而人羣之文明必進一級。前此經過者如宗教革命。政治革命。皆是也。今日歐洲各國有強權之人。增於二百年前。不知凡幾矣。然則今日西人之強權發達已極乎。曰。未也。今日資本家之對於勞力者。男子之對於婦人。其階級尙未去。故資本家與男子之強權。視勞力者與婦人尙甚遠焉。故他日尙有必不可避之二事。曰生計革命。日本所謂曰女權革命。經此二革命。然後人人皆有強權。斯爲強權發達之極。是之

謂太平。雖然，此就一羣之中言之耳。若此羣對於他羣，而所施之強權之大小，又必視兩羣之強弱以爲差。必待羣羣之強相等，然後羣羣之權相等。夫是謂太平之太平。

豪傑之公腦

世界者何。豪傑而已矣。舍豪傑，則無有世界。一國雖大，其同時並生之豪傑，不過數十人，乃至數百人止矣。其餘四萬萬人，皆隨此數十人若數百人之風潮而轉移，奔走趨附者也。此數十人若數百人，能合爲一點，則其力非常之大，莫之與敵也。若分爲數點，則因其各點所占數之多寡，以爲成敗比例差。兩虎相鬪，必有一斃。夫一斃何足惜。而此並時而生者，只有此數十數百人，而斃其半焉，或斃其三之一焉。則此世界之元氣，既已斲喪，不知幾許。而世界之幸福，所滅既已多矣。然則求免其鬪可乎。曰：是必不能。蓋生存競爭，天下萬物之公理也。既競爭，則優者必勝，劣者必敗。此又有生以來，不可避之公例也。夫既曰豪傑矣，則必各有其特質，各有其專長，各有

其獨立自由不肯依傍門戶之氣概。夫孰肯舍己以從人者。若是乎此數十數百之豪傑。其終無合一之時乎。其終始相鬪以共斃矣乎。信如是也。此世界之孽罪未盡。劫而黑暗之運未知所終極也。吾每一念及此。未嘗不嘔血拊心而長歎也。

合豪傑終有道乎。曰。有。豪傑者。服公理者也。達時勢者也。苟不服公理。不達時勢。則必不能廁身於此數十人數百人之列。有之不足多。無之不爲少也。既服公理矣。通時勢矣。則公理與時勢卽爲聯合察羣之媒。雖有萬馬背馳之力。可以鐵鑊鏈之。使結不解也。是故善謀國者。必求得一目的。適合於公理與其時勢。沁之於豪傑人人之腦膜中。而皆有養養然不能自己者存。夫然後全國之豪傑可以歸於一點。而事乃有成。法國人之言自由平等也。意大利人之言統一獨立也。日本人之言尊王攘夷也。一國之豪傑。其流品不一。其性情不一。其遭際不一。然皆風起水湧。雲合霧集。不謀而自同。不招而自來。以咸立於此一目的之旗下。若是者謂之豪傑之公腦。豪傑有公腦。則數十數百人如一人。且豪傑之公腦。卽國民之公腦也。國民有公腦。則

千百億萬人如一人。千百億萬人如一人。天下事未有不濟者也。

蒙的斯鳩之學說

蒙的斯鳩。法國人也。生於一千六百八十九年。康熙二十八年幼稟天才。讀史有識。少壯。探討各國制度法典。並研究法理學。千七百四十年。舉爲本州議會議員。同年入學士會院。益刻苦厲精研究各學。頗有著述。爲世所稱。千七百四十六年。辭議員職。游歷歐洲諸國。歸國後。益潛心述作。先成羅馬盛衰原因論。英國政體論。兩書。既乃成萬法精理。以千七百五十年公於世。蓋作者二十年精力之所集也。此書一出。全國之思想言論爲之丕變。真有黃河一瀉千里之勢。僅閱十八月。而重印二十一次。可以想見其聲價矣。當法皇路易第十四之際。君權專制。政體正極全盛。及其歿後。弊害叢出。羣治腐敗。道德衰頹。宮廷教會。尤爲蠱政淵藪。然其時學術方進。英國文明之化。日寢寢流入。於是國民新思想漸起。以反動力排斥政治之專制。教會之橫恣者紛紛然矣。而蒙氏之書。乘時而出。所以哄動一世也。蒙氏學說。以良知爲本旨。以爲

道德及政術。皆以良知所能及之至理爲根基。其論法律也。謂事物必有其不得不然之理。所謂法律也。而此不得不然之理。又有其所從出之本原。謂之法之精神。而所以能講究此理。窮其本原。正吾人之良知所當有事也。其爲術也。凡風俗政體人心家制及人羣中一切制度。與法律有關涉者。皆研究之。蒙氏又分各國之政體爲三大類。曰專制政體。曰立君政體。曰共和政體。而於共和政體中。復分兩種。一曰貴族政體。二曰平民政體。後世談政體者。多祖述其說。蒙氏又謂國有三權。一曰立法。議院是也。二曰行法。政府各部是也。三曰司法。裁判院是也。至今各國制度多採之。謂之三權鼎立之制。蒙氏又論奴隸之制。亟當廢禁。又論法堂裁審。不得施刑拷訊。及陪審員之必當設置。今歐洲文明之國。皆一一行其言。故蒙氏者。眞可稱地球政界轉變一樞紐云。以千七百五十五年^{乾隆二十}卒。年六十六歲。

蒙的斯鳩曰。凡屬圓顛方趾而具智慧者。卽可以自定法律。雖然。當其未著定法律之前。自有所謂義不義正不正者存。所謂事物自然之理也。法律者。卽循此理而設。

者也。若謂法律所令之外。無所謂善。法律所禁之外。無所謂惡。是猶於未畫圓形之前。而云自其中央達於周邊諸線長短相等也。如何而可哉。

又曰。義也者。人與人物與物相交接之間所最適宜之理是也。而此理常同一而無有變。若各邦所設之政法。特施行此理義之條目耳。

又曰。法律者。以適合於其邦之政體及政之旨趣爲主。不寧惟是。又當適於其國之地勢及風土之寒熱。又當適於其國之廣狹及與鄰邦相接之位置。土壤之沃瘠及民之所業或農或牧畜或商賈。各各相宜。又當適於其國民自由權之廣狹及民所奉之宗教。又當適合於民戶之多寡及人民多數之意嚮及性質。不寧惟是。此法律與彼法律必有相因。當求其所以設立之故。並創制此法者宗旨之所在。今欲講究一邦之法律者。必須就此數端悉心考求之。未可執一以論也。故余著萬法精理一書。卽就各邦而考察此數者以論明之。所謂法律之精神也。

弗以埃及蒙氏之意。謂法律之精神。在於所以立法之種種原因。是猶局於物理

學即格致學之旨義也。物理學者。僅於此事物與彼事物相交。而求其所以然之故。而非以吾心爲之主。蒙氏之學限於是。未爲能透徹於法律之眞精神也。眞精神者何。卽盧梭所謂人人意想之自由是也。

又曰。蒙氏之於法律。特就現今所行者。而講究其原因。謂之爲法律之史家可也。未可謂之爲法律之理學也。

任案欲求得所以立法之原因。其勢不能不議論其是非。判斷其得失。蒙氏於所著萬法精理中。其所議論判斷。往往爲後來改制之模範。功固不在盧梭下也。

蒙的斯鳩曰。萬國政體。可以三大別概括之。一曰專制政體。二曰立君政體。三曰共和政體。凡邦國之初立也。人民皆懼伏於君主威制之下。不能少伸其自由權。是謂專制政體。及民智大開。不復置尊立君。惟相與議定法律而共遵之。是謂共和政體。此二者。其體裁正相反。立於其間者。則有立君政體。有君以蒞於民上。然其威權。受

法律之節制非無限之權是也。

專制政體絕無法律之力行於其間。其君主惟務以武力威嚇其民。故此種之政。以
使民畏懼爲宗旨。雖美其名曰輯和萬民。實則斲喪元氣。必至舉其所賴以立國之
大本。而盡失之。昔有路伊沙奴之野蠻。見果實纍纍綴樹上。攀折不獲。則以斧仆其
樹而捫取之。專制政治殆類是也。然民之受治於專制之下者。動輒曰。但使國祚尙
有三數十年。則吾猶可以偷生度日。及吾已死。則大亂雖作。吾又何患焉。然則專制
國民之姑息偷靡。不慮其後。亦與彼野蠻之斫樹採果無異矣。

蒙的斯鳩曰。凡專制之君主。動曰輯和其民。其實非真能輯和也。何也。彼以奪民自
由權。使民畏懼爲本旨。夫民者固有求自保之性者也。而畏懼之心。與求自保之性。
又常不相容者也。故專制之國。必至官與民各失其所願望而後已。無他。其中之機
關。本自有相牴牾者存也。故只能謂之苟安。不能謂之輯和。輯和者。人人各有所恃
以相處而安其生也。苟安者。則一時無戰亂而已。

又曰。凡專制之國。所謂輯和者。其中常隱然含有擾亂之種子。

任案人之恆言曰。亂極必治。治極必亂。歷徵諸二千年之史傳。其陳迹誠如是也。不知其所謂治者。非真治也。特乘人心厭亂之既極。又加以殺人過半。戶口頓減。謀食較易。相以帖然苟安而已。實則其中所含擾亂之種子。正多且劇也。故未有經百年治安者。此專制政體之所必至也。夫使果爲真治矣。既治之後。則斷無復亂之理。春秋三世之義。由據亂而進於昇平。太平是也。既治而復亂。則固不得謂爲已治焉耳。

又曰。凡專制之國。必禁遏一切新奇議論。以納其民於墮然不動之域。其政府守一二陳腐之主義。有倡他義者。則謂之爲抗抵爲異圖。何也。彼其宗旨固以偷一時之安爲極則也。

又曰。凡專制之國。馴擾其民。使若禽獸然。習一二技藝。得隨意而鞭撻之。民既頑冥如禽獸矣。故其中有一極獐惡而善於威嚇之術者。則足以統御之。不寧惟是。乃至

雖不以人爲君。亦能統御之。昔瑞典王查爾第十二。嘗有所命於元老院。元老院不奉詔。王曰。若卿等抗朕命。朕將以一履強命卿等。元老院遂唯唯從命。由此觀之一隻之履。可以御臣民。吾故曰不必人爲君也。

蒙的斯鳩論立君政體與專制政體之異。其畧謂專制之國。君主肆意所欲。絕無一定之法律。然行之既久。漸有相沿成習之法律以御衆。此爲政治沿革之第二期。此種政體威力。與法律並行。蓋專制之稍殺者也。雖然。其法律非因民之所欲而制定。未可稱爲眞法律。只能謂爲例案而已。而此例案者。果何物乎。則沿國家舊制。國王之下。有若干之閥閱權貴。皆有自其先世相傳之規條。君主或自恣。則此輩輒援例以規諫之。藉以裁制君權。如斯而已。

任案蒙氏所謂立君政體者。頗近於中國二千年來之政體。其實亦與專制者相去一間耳。若英國之君民共治。不與此同科也。窩的兒嘗評之曰。蒙氏所論專制立君二者。其性質實相同。特其手段稍異耳。昔有黠鼠說狸奴。使繫鈴於

其頸。爾後狸奴來覘鼠。輒聞鈴先避。以免於難。蒙氏所謂立君政治。則繫鈴於狸奴之頸也。云云。其喻可謂切當。蓋雖繫鈴之貓。未嘗無捕鼠之志。立君之君。亦未嘗無虐民之心也。

蒙的斯鳩曰。立君政體之國。其所以持之經久。使不壞裂者。有一術焉。蓋一種矯僞之氣習。深入於臣僚之心。卽以爵賞自榮之念是也。彼立君政體之國。其臣僚皆懷此之念。於是各競於其職。孜孜莫敢怠。以官階之高下。祿俸之多寡。互相夸耀。因此一念。羣臣皆自修飾。或致身效死。以徼身後之榮。究其實。則全屬一種矯僞之氣而已。

又曰。立君政體之國。欲其不速歸滅亡。必其君主有好名之心。有自重之意。以己身之光榮。與國家之光榮。合而爲一。如是。則必有希合民心。勉強行道之事。而其國亦得以小康。雖然。君主好名之極。而羣臣之中無高爵碩望。可以鈐制之者。其君主必至自視如鬼神。一無顧忌。

任案中國二千年來所謂賢君令辟者。其得致小康。皆賴此也。然如本朝之高宗。亦所謂好名之極。正自視如鬼神者也。

譚瀏陽遺墨

瀏陽之學。出乎天天。入乎人人。其大端具於仁學一書。我支那四千年未有之盛業。不待論矣。其零墨碎金。散於人間者。隨時哀錄之。以廣其傳。左三則爲同志書箴之語也。其書在著仁學之後。

靜觀斷念。動成匠心。靜觀斷念者何也。業識流注。念念相續。惟餘般若。無不能緣。由此之彼。因牛及馬。如樹分枝。枝又成幹。忽遇崎嶇。中立亭亭。懸旌無薄。是名暫斷。乘此微隙。視其如何復續。若竟不復續。意識斷矣。動成匠心者何也。道絕言思。遇識成境。境無違順。遇心成理。聞歌起樂。見泣生悲。非歌泣之足憑。有爲悲樂之主者也。然則苟變其主。必得立地改觀。所謂三界惟心。卽匠心也。

曾重伯言舟中聞槳擊水。心之知識。卽逐聲而往。槳自槳。水自水。聲自聲。心自心。何

以遽相湊泊。因有悟於中陰入胎之理。余於中陰湊泊之機。信是如此。所可懼者。非具甚深智慧。轉世之後。德業一時墜失。何其無記性也。及重思之。知識本來無記性。後境而思前境。今日而思昔日。似有記性矣。然必置此思彼而後得。非不待更端而同時並得也。然則知中識中。僅能容得一事。其餘皆謂之遺忘可也。生人知識。有體魄之可寄。尙自無有記性。復何論於憑虛無著之中陰。此成大圓鏡智者。所以無後無前。無今無昔。容則並容。得則同得。一多無礙。不在兩時。

夫萬善之首必曰信。萬惡之首必曰不信。於耳目所不及。接而生疑想者。是爲不信。於過去未來而生久遠想者。是爲不信。於大小長短多寡而生容積想者。是爲不信。於一念頃而自放逸者。是爲不信。於常精進而生退轉想者。是爲不信。於少有所得而生自足想者。是爲不信。於一乘中而生二想者。是爲不信。廣說雖累大萬。不能盡也。譬如盲人而與說日。彼終不信。以不信故。雖佛威神力。終無能使彼知日。

精神教育者自由教育也

陸羯南語任公曰。君等今熱心於教育之事。其目的所在。有不可不熟審者。勿徒謂文明之可貴而已。卽如我日本之大學。謂摹倣文明。成效卓著。但自其表面觀之。則然爾。至於裏面。其腐敗有不可勝言者。當局者一依德國主義。其所以爲教者。則以服從政府爲之精神也。遂使全國少年。缺獨立自重之氣。成卑汚劣下之俗夫。孰知假文明之名。以行焚書坑儒之術者。其禍更慘於秦政十倍乎。

任公瞿然曰。有是哉。此吾疇昔所以深慨痛恨於我中國。而不意日本之猶未能免是也。以日本教育之進步。比諸吾中國。其相去何啻千萬。而日本愛國之士。猶以比諸秦政之坑焚。然則如吾中國者。又將何擬也。法國大儒孟德斯鳩曰。凡半開專制君主之國。其教育之目的。惟在使人服從而已。日本大儒福澤諭吉曰。支那舊教。莫重於禮樂。禮者所以使人柔順屈從也。樂者所以調和民間勃鬱不平之氣。使之恭順於民賊之下也。任公曰。此二氏之言。然耶。否耶。我國民試一自省之。嗚呼。亡天下者。豈必八股。豈必楷法。豈必考據。豈必詞章。苟無精神。雖日手西書。口西法。其腐敗

天下自速滅亡。或更有甚焉耳。

中國自數年以來。學校之議蜂起。或官立。或私立。各省所在多有。雖然。吾不知其所以設校之意。將以智之乎。抑以愚之乎。將欲養之使爲國家禦侮之用乎。抑將爲此。旡旡衿纓。謀他日衣食富貴之路乎。彼設校者。豈不曰吾將智之。使爲國家禦侮之用也。雖然。吾見彼入學者。日益以愚。而叩其來學之心。有不爲他日一身之衣食富貴而來者。殆萬中不得其一也。以此言之。學堂其有愈於書院乎。西學其有愈於入股乎。吾烏從而言之。

凡一統專制之國。值承平無事之時。但求輯和其民。使無反側。而政府之能事畢矣。若是者。以服從爲教可也。若夫處於萬馬奔軼。萬流激湍。鬪智鬪力之世界。立於千鈞一髮。孤注一擲。累卵岌岌之地位。非濬一國之智。鼓一國之力。則奄奄殘喘。豈復有救。夫所以濬之鼓之之具何也。自由是也。自由者。精神生發之厚力也。嗚呼。日本之國家教育。尙未克語於此。吾於中國更何責焉。

雖然以日本之教育。於泰西文明之事物。幾於具體而微。而有識之士。其憂之也。猶且如是。况吾中國者。固無精神。並無形質。而舉世所謂志士者。以此不完不具。無可比擬之事。以相夸耀。若以此爲盡我維新之天職者。然彼靡靡肉食者。自甘爲奴隸。又欲奴隸我民。固不足責矣。顧我國民其終不悟耶。其終不悟耶。

祈戰死

冬臘之間。日本兵營士卒。休憩瓜代之時。余偶信步游上野。滿街紅白之標幟相接。有題曰歡迎某師團步兵某君。某隊騎兵某君者。有題曰送某步兵某君。某砲兵某君入營者。蓋兵卒入營出營之時。親友宗族相與迎送之。以爲光寵者也。大率每一兵多者十餘標。少者亦四五標。其本人服兵服。昂然行於道。標則先後之。親友宗族從之者。率數十人。其爲榮耀。則與我中國入學中舉簪花時。不是過也。其標上僅書歡迎某君送某君等字樣。無甚讚頌祝禱之語。余於就中見二三標。乃送入營者。題曰祈戰死三字。余見之。矍然肅然。流連而不能去。

日本國俗與中國國俗有大相異者一端。曰。尙武與右文是也。中國歷代詩歌皆言從軍苦。日本之詩歌無不言從軍樂。吾嘗見甲午乙未間。日本報章所載贈人從軍詩。皆祝其勿生還者也。杜甫兵車行。車磷磷。馬蕭蕭。行人弓箭各在腰。爺娘妻子走相送。塵埃不見咸陽橋。牽衣頓足攔道哭。哭聲直上干雲霄。以視此標上所謂祈戰死者。何相反之甚耶。

中國魂安在乎

日本人之恆言。有所謂日本魂者。有所謂武士道者。又曰日本魂者何。武士道是也。日本之所以能立國維新。果以是也。吾因之以求我所謂中國魂者。皇皇然大索之於四百餘州。而杳不可得。吁。嗟乎傷哉。天下豈有無魂之國哉。吾爲此懼。

或曰尙武之風。由激厲而成也。朝廷以此爲榮途。民間以此爲習慣。於是武士道出焉。吾中國向來薄視軍士。其兵卒不啻奴隸。則謂從軍苦也固宜。自由主人曰。此固一義也。然猶有未盡者。尙武之風。由人民之愛國心與自愛心兩者和合而成也。人

人皆有性命財產。國家之設兵以保人人之性命財產。故民之爲兵者。不啻各自爲其性命財產而戰也。以此爲戰。戰猶不勇者。未之聞也。不觀兩鄉之械鬪者乎。其子弟相率衝鋒陷陣。其老弱相率饋飲食。雖欲禁之而不能焉。彼固各自爲其剝膚之利害與切己之榮辱也。故吾觀於械鬪。而知吾中國所謂武士道之種子在於是矣。今中國之有兵也。所以鈐制其民也。奪民之性命財產。私爲己有。懼民之知之而復之也。於是乎有兵。故政府之視民也如盜賊。民之視政府亦如盜賊。兵之待民也如草芥。民之待兵也亦如草芥。似此者。雖日日激厲之。獎榮之。以求成所謂武士道者。必不可得矣。爾來當道者知兵之不可以已也。相率而講之。練之。獎之。勸之。榮祿張之。洞之。徒。則其人也。吾見其每年糜數千萬之餉。而兵之不可用如故也。何也。方且相視以盜賊。相待以草芥。欲振之。孰從而振之。夫是之謂無魂之兵。無魂之兵者。猶無兵也。

今日所最要者。則製造中國魂是也。中國魂者何。兵魂是也。有有魂之兵。斯爲有魂

之國。夫所謂愛國心與自愛心者。則兵之魂也。而將欲製造之。則不可無其藥料與其機器。人民以國家爲己之國家。則製造國魂之藥料也。使國家成爲人民之國家。則製造國魂之機器也。

答客難

客難任公曰。子非祖述春秋無義戰。墨子非攻之學者乎。今之言何其不類也。任公曰。有世界主義。有國家主義。無義戰非攻者。世界主義也。尙武敵愾者。國家主義也。世界主義屬於理想。國家主義屬於事實。世界主義屬於將來。國家主義屬於現在。今中國岌岌不可終日。非我輩談將來道理想之時矣。故坐吾前此以清談誤國之罪。所不敢辭也。謂吾今日思想退步。亦不敢辭也。謹謝客。

抑吾中國人之國家主義。則雖謂之世界主義可也。何也。今日世界之事。無有大於中國之強弱興亡者。天下萬國大政治家所來往於胸中之第一大問題。卽支那問題是也。故支那問題。卽不啻世界問題。支那人言國家主義。卽不啻言世界主義。然

則吾今日之思想決非退步也。謹謝客。

不寧惟是。吾之所言兵。與榮祿張之洞所言兵。有大異之點。彼所言者民賊之兵也。吾所言者國民之兵也。民賊之兵。足以亡國。國民之兵。足以興國。吾特謂興國之兵。之不可以已云爾。若夫亡國之兵。則吾之惡之如故也。與吾前數年所論實無矛盾。謹客謝。

憂國與愛國

有憂國者。有愛國者。愛國者語憂國者曰。汝曷爲好言國民之所短。曰吾惟憂之之故。憂國者語愛國者曰。汝曷爲好言國民之所長。曰吾惟愛之之故。憂國之言。使人作憤激之氣。愛國之言。使人厲進取之心。此其所長也。憂國之言。使人墮頹放之志。愛國之言。使人生保守之思。此其所短也。朱子曰。教學者如扶醉人。扶得東來西又倒。用之不得其當。雖善言亦足以誤天下。爲報館主筆者。於此中消息。不可不留意焉。

今天下之可憂者莫中國若。天下之可愛者亦莫中國若。吾愈益憂之。則愈益愛之。愈益愛之。則愈益憂之。既欲哭之。又欲歌之。吾哭矣。誰歟。踊者。吾歌矣。誰歟。和者。日本青年有問任公者曰。支那人皆視歐人如蛇蝎。雖有識之士亦不免。雖公亦不免。何也。任公曰。視歐人如蛇蝎者。惟昔爲然耳。今則反是。視歐人如神明。崇之拜之。獻媚之乞憐之。若是者。比比皆然。而號稱有識之士者益甚。昔惟人人以爲蛇蝎。吾故不敢不言其可愛。今惟人人以爲神明。吾故不敢不言其可嫉。若語其實。則歐人非神明。非蛇蝎。亦神明。亦蛇蝎。卽神明卽蛇蝎。雖然。此不過就客觀的言之耳。若自主觀的言之。則我中國苟能自立也。神明將奈何。蛇蝎又將奈何。苟不能立也。非神明將奈何。非蛇蝎又將奈何。

保全支那

歐人日本人。動曰保全支那。吾生平最不喜聞此言。支那而須藉他人之保全也。則必不能保全。支那而可以保全也。則必不藉他人之保全。

言保全人者。是謂侵人自由。望人之保全我者。是謂放棄自由。

或問曰。孟子者。中國民權之鼻祖也。敢問孟子所言民政。與今日泰西學者所言民政。同乎。異乎。曰。異哉。異哉。孟子所言民政者。謂保民也。牧民也。故曰。若保赤子。曰。天生民而立之君。使司牧之。保民者。以民爲嬰也。牧民者。以民爲畜也。故謂之保赤政體。又謂之牧羊政體。以保牧民者。比之於暴民者。其手段與用心雖不同。然其爲侵民自由權則一也。民也者。貴獨立者也。重權利者也。非可以干預者也。惟國亦然。曰。保全支那者。何以異是。

惟心

境者心造也。一切物境皆虛幻。惟心所造之境爲真實。同一月夜也。瓊筵羽觴。清歌妙舞。繡簾半開。素手相攜。則有餘樂。勞人思婦。對影獨坐。促織鳴壁。楓葉繞船。則有餘悲。同一風雨也。三兩知己。圍爐茅屋。談今道故。飲酒擊劍。則有餘興。獨客遠行。馬頭郎當。峭寒侵肌。流潦妨轂。則有餘悶。「月上柳梢頭。人約黃昏後。」與「杜宇聲聲

不忍聞。欲黃昏。雨打梨花深閉門。」同一黃昏也。而一爲歡愜。一爲愁慘。其境絕異。「桃花流水杳然去。別有天地非人間。」與「人面不知何處去。桃花依舊笑春風。」同一桃花也。而一爲清淨。一爲愛戀。其境絕異。「舳艫千里。旌旗蔽空。釃酒臨江。橫槊賦詩。」與「潯陽江頭夜送客。楓葉荻花秋瑟瑟。主人下馬客在船。舉酒欲飲無管絃。」同一江也。同一舟也。同一酒也。而一爲雄壯。一爲冷落。其境絕異。然則天下豈有物境哉。但有心境而已。戴綠眼鏡者所見物一切皆綠。帶黃眼鏡者所見物一切皆黃。口含黃連者所食物一切皆苦。口含蜜飴者所食物一切皆甜。一切物果綠耶。果黃耶。果苦耶。果甜耶。一切物非綠非黃非苦非甜。一切物亦綠亦黃亦苦亦甜。一切物卽綠卽黃卽苦卽甜。然則綠也黃也苦也甜也。其分別不在物而在我。故曰三界惟心。

有二僧因風颺刹幡。相與對論。一僧曰風動。一僧曰幡動。往復辨難無所決。六祖大師曰。非風動。非幡動。仁者心自動。任公曰。三界惟心之真理。此一語道破矣。天地間

之物一而萬萬而一者也。山自山。川自川。春自春。秋自秋。風自風。月自月。花自花。鳥自鳥。萬古不變。無地不同。然有百人於此。同受此山。此川。此春。此秋。此風。此月。此花。此鳥之感觸。而其心境所現者百焉。千人同受此感觸。而其心境所現者千焉。億萬人乃至無量數人同受此感觸。而其心境所現者億萬焉。乃至無量數焉。然則欲言物境之果爲何狀。將誰氏之從乎。仁者見之謂之仁。智者見之謂之知。憂者見之謂之憂。樂者見之謂之樂。吾之所見者。卽吾所受之境之眞實相也。故曰惟心所造之境爲眞實。

然則欲講養心之學者。可以知所從事矣。三家村學究。得一第則驚喜失度。自世胄子弟視之何有焉。乞兒獲百金於路。則挾持以驕人。自富豪家視之何有焉。飛彈掠面而過。常人變色。自百戰老將視之何有焉。一簞食一瓢飲在陋巷。人不堪其憂。自有道之士視之何有焉。天下之境。無一非可樂可憂可驚可喜者。實無一可樂可憂可驚可喜者。樂之憂之驚之喜之。全在人心。所謂天下本無事。庸人自擾之。境則一

也。而我忽然而樂。忽然而憂。無端而驚。無端而喜。果胡爲者。如蠅見紙窗而競鑽。如貓捕樹影而跳擲。如犬聞風聲而狂吠。擾擾焉。送一生於驚苦憂樂之中。果胡爲者。若是者。謂之知有物而不知有我。知有物而不知有我。謂之我爲物役。亦名曰心中之奴隸。

是以豪傑之士。無大驚。無大喜。無大苦。無大樂。無大憂。無大懼。其所以能如此者。豈有他術哉。亦明三界唯心之真理而已。除心中之奴隸而已。苟知此義。則人人皆可以爲豪傑。

慧觀

同一書也。考據家讀之。所觸者無一非考據之材料。詞章家讀之。所觸者無一非詞章之材料。好作燈謎酒令之人讀之。所觸者無一非燈謎酒令之材料。經世家讀之。所觸者無一非經世之材料。同一社會也。即人商賈家入之。所遇者無一非錙銖什一之人。江湖名士入之。所遇者無一非咬文嚼字之人。求宦達者入之。所遇者無一

非詔上凌下衣冠優孟之人。懷不平者入之。所遇者無一非隴畝耕東門倚嘯之人。各自占一世界。而各自謂世界之大。已盡於是。此外千形萬態。非所見也。非所聞也。昔有白晝攫金於齊市者。吏捕而詰之曰。衆目共視之地。汝攫金不畏人耶。其人曰。吾彼時只見有金。不見有人。夫一市之人之多。非若秋毫之末之難察也。而攫金者不知之。此其故何哉。昔有傭一蠢僕執爨役者。使購求食物於市。歸而曰。市中無食物。主人曰。嘻。魚也。豕肉也。芥也。薑也。何一不可食者。於是僕適市購輒得之。既而亘一月。朝朝夕夕所食者。皆魚也。豕肉也。芥也。薑也。主人曰。嘻。盍易他味。僕曰。市中除魚與豕肉與芥與薑之外。無有他物。夫一市之物之多。非若水中微蟲必待顯微鏡然後能覩也。而蠢僕不知之。此其故何哉。

任公曰。吾觀世人所謂智者。其所見與彼之攫金人與此之蠢僕相去幾何矣。李白杜甫滿地。而衣襪襖攜鋤犁者必不知之。計然范蠡滿地。而摹禹行效舜趨者必不知之。陳涉吳廣滿地。而饗五鼎鳴八騶者必不知之。其不知也。則直謂世界中無有。

此等人也。雖日日以此等人環集於其旁。而彼之視爲無有固自若也。不此之笑。而惟笑彼之攫金者。與此之蠢僕。何其蔽歟。

人誰不見萍果之墜地。而因以悟重力之原理者。惟有一奈端。人誰不見沸水之騰氣。而因以悟汽機之作用者。惟有一瓦特。人誰不見海藻之漂岸。而因以覓得新大陸者。惟有一哥倫布。人誰不見男女之戀愛。而因以看取人情之大動機者。惟有一瑟士丕亞。無名之野花。田夫刈之。牧童蹈之。而窩兒哲窩士於此中見造化之微妙焉。海灘之殭石。漁者所淘餘。潮雨所狼藉。而達爾文於此中悟進化之大理焉。故學莫要於善觀。善觀者。觀滴水而知大海。觀一指而知全身。不以其所已知蔽其所未知。而常以其所已知推其所未知。是之謂慧觀。

無名之英雄

日本德富蘇峯所著靜思餘錄。中有文一篇。題曰無名之英雄者。余甚愛之。今摘譯一二以實我自由書。其文曰。

吾今尙記憶。吾兒時常伴親屬出鄉赴熊本。於其途間。忽見巍城聳空。有睥睨天地之概。吾驚喜欲狂。當時吾惟知其高大耳。問其何以高大之由。不能知也。

吾今尙記憶。吾昔在學校。愛英雄。仰英雄。夢英雄。心醉英雄。當時吾惟信英雄之爲英雄耳。問英雄之何以得爲英雄。不能知也。

嗟乎。吾乃今始有所悟。彼一片之石雖大。不足以築高城。一箇之人物雖偉。不足爲英雄。使高城如彼其高者。有無名之礎石爲之也。使英雄如彼其大者。有無名之英雄爲之也。爾勿以英雄之事業爲一人一個之事業。又豈直事業而已。卽彼英雄之自身。亦非一人一個所得而成也。城樓之聳於雲霄。據樓下無數之礎石而聳。彼高城者。代表此無名之礎石云爾。英雄之秀出世界。賴無數絕不知名之英雄而秀。彼英雄者。代表此無名之英雄云爾。

華盛頓英雄也。使彼爲宇宙一閑人。果能成就十三州之獨立乎。格林空英雄也。使彼不在於清教徒之社會。果能奏英國革命之績乎。路得英雄也。使彼不立於

十六世紀歐洲之中心。則宗教之改革。果成於彼之手乎。是決不可。是故華盛頓之下。有無名之華盛頓無量數焉。格林空之下。有無名之格林空無量數焉。路得之下。有無名之路得無量數焉。彼英雄者。恰如金剛石。觀來雖僅一塊。分拆之則實由多數之同質同角度的阿屯體而成者也。

人孰不曰造天下者英雄也。雖然。造英雄者誰乎。若以彼英雄爲世界之恩人。然則英雄之恩人誰乎。曰。是非賴此無名之英雄不可。

有一英雄。必有一無名之英雄扛而負之。有一無名之英雄。又必有他無名之英雄扛而負之。譬之一水車之大輪。必與他之小輪合力而動。而動此大小車輪之水勢。又自何處來乎。今日洶洶轉磨千萬匹馬力之水。卽昨日深山幽谷中流觴咽石游魚清淺之水也。由此觀之。世界之運動。真不可思議。其運動者在於此處。而運動此運動者卻在於彼處。然則世界之大動機。果在何處乎。吾知其在於世界。而不知其在於世界之何處。彼之聳立於世界上而建大旆。播大鼓。捉大風。弄

大潮者。皆所謂有名之英雄也。若無名之英雄何有焉。彼無名者非惟人不知我。即我亦不自知。夫是之謂真無名。

不觀爾懷中之時辰表乎。自外面觀之。不過長短二針。轉去轉來。其簡單也如彼。自裏面窺之。則有如毛髮之螺線。如比櫛之小輪。其繁雜也如此。世界運動之機關。亦若是焉耳。

立於表面者不過二三之英雄。雖然。世界之事業即英雄之事業也。英雄者不過其長短二針而已。若謂事業爲英雄獨力所能至。是無異謂時表爲長短針獨力所能行。不亦僨乎。夫彼之造英雄運動英雄者。即隱於世界中之農夫、職工、役人、商賈、兵卒、小學教師、老翁、寡婦、孤兒等恆河沙數之無名英雄也。彼等固非欲驅使英雄。雖然。世之英雄。未有不甘心下氣俯首而願受其驅使者。莫或爲之。若或致之。所謂無冠之皇帝。非此輩而誰。

嗟乎。彼等者。國之生命也。世之光也。平和之泉也。福之源也。世界之大恩人也。世

若有愛英雄之人。請先愛此無名之英雄。若有欲頂禮於英雄脚下之人。請先頂禮此無名英雄之脚下。若有望英雄出世之人。請先望此無名英雄之出世。豈不聞一株之樹雖大。不足以成森林。一片之石雖崇。不足以爲山岳。無名之英雄。眞英雄哉。

飲冰主人曰。德富氏此論。所謂時勢造英雄之說也。今日中國之所以不振。患在無英雄。此義人人能知之。能言之。而所以無英雄之故。患在無無名之英雄。此義則能知之。能言之者。蓋寡矣。夫我中國今日果有英雄乎。無英雄乎。吾不得而斷之。假使有一二之英雄焉。有三數之英雄焉。而全國之人能許其卒成英雄與否。非吾之所敢言也。譬之一軍於此。其能成大功者。繫乎將帥。然使將帥能成大功者。又繫乎士卒。雖以拿破侖。惠靈吞之能。而使之率中國之綠營防勇。吾知其必無能爲役也。一軍如是。一國亦何莫不然。國也者。非一二人之國。千萬人之國也。國事也者。非一二人之事。千萬人之事也。以一國之人。治一國之事。事罔不治。若欲以一二人而治一

國之事。其餘千萬人皆委之而去。或從而掎齧之。雖聖賢未有能治者也。世有望治者乎。願勿望諸一二人。而望諸千萬人。質而言之。卽勿望諸他人而望諸自己云爾。勿曰我不能爲英雄。我雖不能爲有名之英雄。未必不能爲無名之英雄。天下人人皆爲無名之英雄。則有名之英雄必於是出焉矣。

雖然。時勢固造英雄。英雄亦造時勢。助將帥之成功者兵卒也。而訓練此兵卒使能爲我助者。又在將帥也。世有欲爲英雄者乎。盍先用力以造出此無名之英雄哉。

志士箴言

一昨讀某報。有文一首。題曰志士箴言。吾讀之肅然正襟。汗流浹背。深自媿抑。不敢不自勵也。因亟寫一通。置諸座右。並以諭我同志。咸使自媿自勵。以冀不負作者棒喝之苦心焉。原稿自署姓名。秋水蒹葭。徒使我想望不盡。惆悵何極。若作者不以某爲不可教而辱覲之。請惠一短簡。自述踪跡。許其納交。是又某處之所願望也。謹錄其文曰。

天下事至易莫如死。一得其死。則萬世有生氣矣。天下事至難莫如死。一言及死。則盡人有餒心矣。今試執四萬萬人以問之。果有死而復死者乎。無有也。又試執四萬萬人以問之。果有終至不死者乎。無有也。然則此呱呱墜地之時。卽有渺渺還空之日。夢夢數十寒暑間。爲聖賢。爲豪傑。爲庸愚。爲污賤。爲大奸巨猾。爲志士仁人。無不同歸於盡。但其所以盡而不盡。與盡而卽盡。直至與恆河沙數。同作野馬也。塵埃也。脫此臭皮囊。還諸大地。而大地之中。遂永不知有是人也。此其中非有他故也。人人有必死之日。而人人偏有畏死之心。終日徼倖於有生不死。而絕不思夫雖死猶生。以故生則未可知。而死則竟死。平心而論。留此數十年枉立天地。有憾生成無稱孫子之身。以朝斯夕斯。饘斯粥斯。直待老病死疾。以至泯然漸滅。並其形影姓名。概歸諸無何有之鄉。曠漠之野。自顧與朝菌。螻蛄爲伍。則亦無事深論矣。儼然以覺世救民。開化進步之豪傑自命。乃於生死之故。尙不洞明。一遇疾風板蕩。而卽局促如轅駒。無聲如反舌。低眉如菩薩。衰頹如屈子。卽有百鍊

之鋼。竟化爲繞指之柔。荆軻之氣。亦變作舞陽之面。彼其人者。豈真易其素志。悔其初心。而大失本來之面目哉。毋亦曰畏死之情勝。遂不惜屈心抑志。遵時養晦。以待天日重見風雲復會。而留身命以有待耳。嗟乎。成則任掀天動地之美名。敗則惟天昏地黑之坐視。脫令大局終窮。長此終古。其將佯狂以沒世歟。抑別立功名以自見歟。姓名雖未樹黨人之碑。罪名已入爰書之券。發迹飛騰之有日。終必與刀鋸褫革爲緣。今之所謂志士仁人。其終窮也必矣。與其除著作等身垂空文以自見外。則無可傳可法之名。何若行吾初服。再起而爲四百兆同胞力爭身家性命之大權。不濟則以死繼之。一死不足。則羣起而引頸就之。剖心明之。但使令天下萬世。咸知爲吾種吾教起見。而並非爲一身之富貴利達計。則今日以身命爲犧牲之人。必他年享犧牲而永不死之人也。况各國文明之治。無不從流血而成。有志者類能言之。今以四萬萬人。喪元者不過六人。流血者不及十步。乃欲翻數千年之舊根。振二十一省之新象。竊恐死者爲其易而易者自易。生者爲其難

而難者終難耳。東南數省。熱心時變者。號稱數萬人。若爲茅焦。若爲豫讓。若爲劉章。若爲敬業。若爲聶政。若爲朱亥。若爲鐵鉉。若爲景清。若爲朱雲。若爲陳東。爭之。抗之。摧之。撼之。挾之。聲罪而致討之。一波未平。一波復起。前者伏誅。後者執簡。缺彼菜市之刀。而再接再厲。叢疊藁街之首。而亦步亦趨。彼黨雖素稱極頑極固。極很極兇。而其下手愈辣者。人心愈不平。人心愈不平。則天下莫不欲飲刃於其腹。此日本長野君所謂舍身命以作犧牲。卽忠之謂也。勇之謂也。今以忠君自命。勇於變法之人。而卽未盡其忠。未見其勇。若此。爲程嬰者。旣難其人。爲杵臼者。豈易償其志也。昔張巡被執。謂南霽雲曰。南八。男兒死耳。不可不爲義屈。每誦斯言。未嘗不凜凜有生氣。謂其得死所而絕無餒心矣。今一摧敗而卽羣焉皆餒。莫敢再興。天下事寧有轉機乎。嗟。生遇聖明。不才見棄。德行不登諸里巷。姓名未達乎天聽。引鏡窺形。頭顱空負。乃欲以仰首伸眉。論列是非。固已自慚不類耳。而復以不諒之意。妄惋惜乎豪傑有志之流。嗚呼。不重滋之戚歟。

朝從屠沽游。夕拉騶卒飲。此意不可道。有若茹大鯁。傳聞智勇人。驚心自鞭影。蹉跎復蹉跎。黃金滿虛牝。匣中龍光劍。一鳴四壁靜。夜夜輒一鳴。負汝汝難忍。出門何茫茫。天心牖其逞。既窺豫讓橋。復瞰軹深井。長跪奠一卮。風雲撲人冷。此龔自珍氏之詩也。吾錄志士箴言已。感慨終夕。更錄此以寫我心。

天下無無價之物

西諺曰。『天謂衆生曰。一切物皆以畀汝。但汝須出其價錢。』可謂至言。

任公乃自呵曰。革新者天下之偉業也。汝欲就此偉業。而可以無價得之乎。糴一斗之粟。尚須若干之價值。捕一尾之魚。尚須若干之苦勞。汝視邦家革新之大事。其所值曾一斗粟一尾魚之不若乎。嘻。

舌下無英雄筆底無奇士

吾之愛友韓孔菴有詩曰。荆軻沉七族。要離焚妻子。人生苟虛生。不如其死矣。舉目覽八荒。誰爲眞男子。舌下無英雄。筆底無奇士。吾每誦其言。

乃復自呵曰。汝儼然爲此四百兆神明種族之一人。汝之責任何在。今日之世界。何鐵血世界也。而可以筆舌了汝責任乎。汝以筆舌浪竊虛名。汝有何功德於世界。而覲然被人呼汝爲先覺乎。虛名日高一日。則責任日重一日。而汝曾不自知乎。筆乎舌乎。其遂斷送汝一生乎。嘻。

嗚呼。蹉跎髀肉。驚中歲之催人。如此頭顱。求天涯之善價。志士乎。志士乎。胡不自箴。

世界最小之民主國

國於世界之兩半球者。其數何限。雖然。有龐然擁數千萬里之地。數千百兆之人。而不能謂之爲國者。亦有眇然地不滿十里。人不滿百數。而不能不謂之爲國者。何也。國也者。對於內而有完備之行政機關。對於外而有無缺之獨立主權者也。苟二者不備。國雖大猶謂之無國。苟二者具備。國雖小猶謂之有國。今列舉世界最小之主國數四。以供覘國者之考鑑焉。不徒爲茶餘酒後之談資而已。

一 達窩拉拉國。在撒爾尼亞即意大利之西北。長五英里。廣不及半英里。亭然一

島國也。居民合計不及六十人。每六年公舉大統領一名。議官六名。皆不受俸銀。報效國事。選舉之際。舉國男女皆有投票之權。自千八百八十六年。成爲獨主國以來。國內靜謐。從無選舉紛爭之事。西人稱爲東歐之一大樂土云。此國之歷史。自千八百三十六年。撒爾尼亞王封其親族某氏爲島主。未及五十年。島民厭君主政體。經數次之戰爭。至千八百八十六年。遂制定憲法。爲一個之民主國。爾來着着改進國政。意大利首認之。列國相繼認之。遂成爲完全無缺之獨立國。此國民之生業。以漁業爲重。農業次之。其生計極豐裕。無外敵之虞。雖無海陸之軍備。一朝有事。六十名之國民皆爲兵云。

二俄羅斯德國。在法國之南。皮歷尼山之巔。面積僅方一英里半。人口僅百四十。以幅員論。爲世界最小之國也。然其行民主政體。實在美國之前。當一千六百四十八年。既經法國及西班牙之承認。儼然爲歐洲中一個獨立國。其大統領自元老官中推選。元老官凡十二名。皆國內之老農也。每十二年改選一次。大統領兼收稅吏行

政官裁判官之職。若其所裁決之事。不愜民望。則人民下山而請西班牙之僧正處決之云。

三加郎撒布國。在美國北方。卡羅利拿之西部。國內分爲二洲。雖除英國之外。未有他國認其獨立。然其行政自由自主。不受他國轄治。其位置在於谷地。面積八十英里。土地最爲肥沃。大統領四年一任。每年受五百元之薪俸。議員半之。其政府有國務大臣三名。每人民百口。舉議員一名云。

四桑瑪里國。在意大利中部。而世界民主國中最有名者也。面積有三十三英方里。人口八千五百。其京都在距海面二千英尺之高地。京都人口約一千二百。風景絕佳。世界列國。罕見其比。其法律由立法院議員所制定。議員凡六十名。皆終身任期。又自此議員中選十二人爲議官。裁決各種之問題。此議官中。又三人爲國務卿。代表國家。統率內務外務大藏等諸大臣。兵額有九百五十名。財政年年皆有預算表。此國與意大利官條約。凡自意國入口貨物收關稅。自本國出口而往意國之貨

物則免之。


維新圖說

蓬蓬哉。鬱鬱哉。數月以來。維新云維新云之語。彌漫磅礴於國中。無論爲帝爲后爲吏爲士爲紳爲商。但使稍有腦氣筋者。苟上以「守舊鬼」三字之徽號。度無不瞋目相視。斷斷然鼓舌以自辨其非。嗚呼。以視去年今日。何其異也。其所以得此者非他。乃譚嗣同楊深秀楊銳劉光第康廣仁林旭唐才常林圭裕祿毓賢啓秀徐承煜趙舒翹英年德公使日本書記生與夫千數之自立會員千數之義和團黨千數之外國教士中國教民之血相注射相攙雜成一種不貲之價值而購得之者也。舉事不成而非不成。流血無益而非無益。嗚呼噫嘻。吾欲爲中國賀。

雖然。吾昔見中國言維新者之少也而驚。吾今見中國言維新者之多也而益驚。試略舉維新者之種類。有欲奉西后以維新者。有欲奉今上以維新者。有欲傾滿洲以維新者。有欲緩緩以維新者。有欲急急以維新者。有欲用溫和手段以維新者。有


欲用激烈手段以維新者。有欲行全國集權之維新者。有欲行分立自治之維新者。有排外以行維新者。有媚外以行維新者。有爲保朝廷之基業而不得不維新者。有爲保國民之權利而不得不維新者。有爲保一己之權勢聲名富貴而不得不維新者。其種類千差萬別。而又非一人歸一種類。大抵參伍錯綜。攙雜殺亂。而各具一奇異之色相。試列圖以明之。

第一 維新種別圖




第三 維新目的圖

第二 維新黨派圖




第四 維新辦法圖

維新




維新



第五 維新主義圖

維新



第六 維新動力圖

維新

- (甲) 自動力
 - (子) 積學識而維新者
 - (丑) 感境遇而維新者
 - (寅) 被運動而維新者
- (乙) 他動力
 - (卯) 趁風潮而維新者

第七 維新變相圖

維新

- (甲) 進化之變相
 - (一) 由守舊而維新
 - (二) 由吏黨而民黨
 - (三) 由革命而勤王
 - (四) 由勤王而革命
- (乙) 趨勢之變相
 - (一) 由革命而勤王
 - (二) 由勤王而革命
 - (三) 由民黨而吏黨

第八 維新心術圖

維新

(甲) 爲公……爲國民

(乙) 爲私

(一) 爲一姓

(甲) 爲權勢

(二) 爲一己

(乙) 爲聲名

(丙) 爲衣食

以上八圖。畧舉大概。雖不足以盡其形相。雖然亦既已繁賾殺雜。千聲萬色矣。吾以爲其種別如何不必問。其黨派如何不必問。其目的如何不必問。其辦法如何不必問。其主義如何不必問。其動力如何不必問。乃至其變相如何亦不必問。所最當辨者。惟心術而已。使其心而爲國民也。公也。無論何種別何黨派何目的何辦法何主義何動力何變相。而必終歸於一致。使其心而爲一姓也。自以爲公而實私也。其志慤誠。其行愈勇。而其病天下也愈甚。使其心而爲一己也。私也。且假公以濟其私也。吾寧願舉四百兆人皆爲『守舊鬼』。而必不願我國有此等人也。嗚呼噫嘻。蓬蓬

哉。鬱鬱哉。數月以來。維新云維新云之語。彌漫磅礴於國中。吾欲以第八圖鑑天下之言維新者。且欲吾儕言維新者之一自鑑也。嗚呼噫嘻。吾其賀耶。吾其弔耶。

十九世紀之歐洲與二十世紀之中國

十八世紀之末。法國大革命起。血腥模糊。哭聲訇軋。戳破歐洲之中心點。加以拿破侖曠代英雄乘之而起。遂至勞全歐之聯軍。僅制其燄。而自由之空氣。遂徧播盪於歐洲。動力與反動力。互相起伏。互相射薄。小退大進。而卒有今日。讀近百年來之西史。何其壯也。何其快也。十九世紀之末。中國義和團起。血腥模糊。哭聲訇軋。戳破亞洲之中心點。亦既已勞全歐之聯軍。僅制其燄。而拿破侖果安在耶。而亞洲大陸自由之空氣。何以沈沈噫噫。而至今無端倪耶。吾欲我國民一思其故。

漢之季也。八俊八顧八廚八及。名士徧天下。愛國者皆屬望焉。顧無救於漢之亡。而崎嶇山谷。存漢臘數十年者。乃一當時無名之諸葛亮。明之季也。東林復社。名士徧天下。愛國者皆屬望焉。顧無救於明之亡。而飄蓬海島。存明朝數十年者。乃一當時

無名之鄭成功。卽法國大革命之始。民黨名士。星羅碁布。風馳電掣。只能破壞法國。不能成就法國。而成就之者。乃一當時無名之拿破侖。意者中國之拿破侖。今猶未出世耶。吾願愛國之士。其勿以中國再造之業。望諸今日有名之維新黨。彼真英雄。固不可以名求也。抑所謂今日有名之維新黨者。其勿自尊大。亦勿自暴棄。惟盡其責任。以爲將來出世之拿破侖前驅先導。或者二十世紀之亞陸。其未必多讓於十九世紀之歐陸耶。

前驅亦有道乎。曰有。彼法國之能破壞。非革命黨獨力破壞之也。有破壞之前驅也。法國之能成就。亦非拿破侖獨力成就之也。有成就之前驅也。大革命之戳歐洲。與義和團之戳亞洲。其形跡略同。而結果乃大異者。蓋結果之來。必與原因成比例。蓋亦觀兩者之原因相去何如矣。承前此如此之原因。而欲求將來如彼之結果。是何異磨輒作鏡炊沙爲飯也。西人有言。十八世紀者。十九世紀之母也。專指歐洲言故吾願

今日自命維新黨者。勿遽求爲歐洲十九世紀之人物。而先求爲歐洲十八世紀之

人物。吾亞其將有瘳。

西人亦有言。革新之機。如轉巨石於危崖。不動則已。動則其機勢不可遏。必赴壑而後止。故最要者莫過於動力。有動力必有反動力。有反動力又必有其反動力之反動力。反反相續。動動不已。而大業成焉。試徵諸歐洲。法國大革命。一千七百八十九年。其原動力也。神聖同盟。一千八百一十年。其反動力也。七月革命。一千八百三十一年。又神聖同盟之反動力也。其後各國之鎮壓政策。又其反動力也。二月革命。一千八百四十八年。又其鎮壓政策之反動力也。卒至帝王同盟散。梅特涅奧國宰相逃。然後全歐之國民主義。乃定基礎焉。其波瀾之倏詭往復。歷百數十年。未嘗一日停頓甯息。而卒達其目的也如此。我中國戊戌之役。可謂原動力也。八月政變。其反動力也。義和團。反動力之極點也。今年之競言維新。又義和團之反動力也。蓋四年之間。而動力之往復者已三次矣。凡力之動也。其拋線之圈。愈擴而愈大。故第一次之反動力。其現象必更劇於原動力。而第二次之反動力。即反動力之反動力。其現象又必更劇於原反動力。即第一次反動力。以次遞進。

皆循茲軌。故見反動力之來。勿懼勿患。當知其第二次加大反動力之來。必不遠矣。吾中國動機。今始發軔。此後反動。其必四次五次乃至六七八九十次而未有已。譬之所謂危崖轉巨石。其崖千仞。而其石今始墜數尋。前途遼哉。豈有艾乎。雖然。夫亦安得而遏之。吾意今世紀之中國。其波瀾俶詭。五光十色。必更有壯奇於前世紀之歐洲者。哲者請拭目以觀壯劇。勇者請挺身以登舞臺。

問者曰。自今以往。第四次之反動力。何自而生乎。曰。不見夫俄羅斯乎。亞歷山大第一二未改革以前。俄羅斯民黨之勢力闐如也。其以後。則磅礴鬱積。至於今日。而幾不可復制。夫帝者改革。宜可以銷民間維新黨不平之氣矣。亞歷山大第二之改革。其事業亦不可謂不洪大矣。而反爲導引民黨之火線者何也。蓋革新者危崖轉巨石。非達其終點而決不能中止者也。譬有異味。不嘗則已。嘗則必欲飽啖焉。必非可以染指分杯而饜其欲也。俄羅斯之民。前此不知有所謂平等主義自由思想者。故相與習而安焉。謂爲固然。雖經百數十年不動可也。及經一度改革之後。如十年幽窗

之人。忽開片扇。覩一線之曙光。恍然見天地萬象。如此其可愛。其始不甘以幽窗老也。此所以改革爲動力之大原也。其動力之團。必甚於未動以前。其反動力之團。又如例加大。反反相續。動動不已。自今以往。俄羅斯終不能不行歐洲大陸之政體。此全世界有識者所同料也。吾中國亦若是而已。新黨乎。新黨乎。厚集爾動力。以爲將來出世之英雄驅除。二十世紀新中國其將賴之。

俄人之自由思想

於二十世紀中。有可以右左世界之力量者。三國焉。曰俄國。曰美國。曰中國。是已。而此三國者。又必將大變其前此之情狀。然後可成其大業。變之道奈何。則美國由共和主義而變爲帝國主義。俄國中國由專制主義而變爲自由主義。是已。

中國與俄國相類似之點頗多。其國土之廣漠也相類。其人民之堅苦也相類。其君權之宏大而積久也相類。故今日爲中國謀。莫善於鑑俄。

倭兒可士鳩者。俄國革命黨之鉅子也。英京倫敦有俄羅斯自由同志會。而倭氏實

爲其會報主筆。於今年二十世紀之初開幕。著錄閱論一篇。名曰「俄人之自由思想」。今譯錄之。俾我國民知俄國之輿情。及其將來變遷之種子。而因以自擇焉。其言曰。

俄羅斯國民之改革思想。五年以來。進化甚驟。蓋初時國民之希望。全注於新皇之一身。今則逐漸遷移。而國民中有新智識者。漸將爲一國之代表焉。不觀夫俄國之學問家與學生乎。其自重之態度。不屈之精神。真有令人起敬者。

今皇尼古喇之初卽位也。有非常之人望。蓋俄國國民。未知新君之主義若何。人物若何。故抱各種之希望。以歡喜熱心而迎之。此其故何歟。蓋先帝亞力山第三。壓制之化身也。其十四年間之政治。使國民疲倦。殆如經半世紀憔悴於虐政者。故亞力山第三得「大鞭撻者」之綽號。非偶然也。此大鞭撻者一旦崩殂。國民之眼。咸注於二十六歲之新皇。以爲此年少英敏之君。必能貴自由。順民望。行寬大之政。故當時俄民。如釋重負。雖然。問喪而喜。恐傷新帝之感情也。故其歡喜之情。

隱祕而不敢發露。大行之歸喪於莫斯科也。葬儀之盛。前古罕聞。悉索賦稅。民不堪命。雖然。俄民不敢怨焉。蓋將忍其困難。以達來者之希望云爾。

吾俄無國會。其代表民意之機關。惟有州會 *Yemstvos* 而已。此舉世之所聞知也。故新帝卽位之際。州會爲民代表上書。表其忠義之心。以悼先帝。又以最謙恭之語。瀝述民情。請准以後俄國人民。得以所欲所苦。直達朝廷。不經官吏之手。此其所請。可謂不失於禮。不悖於理。最平和正當之請求也。使新皇而有幾微之新思想。不以家畜視人民。則此等上書。必無害其感情。有斷然者。

千八百九十五年一月十七日。行卽位及大婚禮。市邑、軍隊、州會、及各種團體之代表者。六百餘人。集於殿前。舉行祝典。皇帝尼古喇。乃宣言曰。「今全國各階級之代表者。爲表白忠愛之心。咸集此處。朕之所深喜也。古來俄國臣民。皆抱至誠之忠義心。故今日卿等之所表。朕深信之。雖然。頃者州會連名上書。欲得全國人民參與國事之權。朕今有不得不質言者。朕於國民有益之事。必以全力赴之。雖然、

至於先帝所行獨裁主義。朕必率由之。罔敢或墜。一言以蔽之。則朕之政治。一無以異於先帝之政治也。云云。」此演說一出。全國人民。不勝失望。實則人民之所希望者。非欲限制君權。乃欲求得真正之獨裁政治而已。彼等於先帝在位之歷年。惡官吏之跋扈。不能堪其殘忍暴戾。而欲以君主一人之直接。據法律以施政。其義甚正。而其情亦甚誠。其奈新皇不悟此意。反因沿前皇腐敗之業。以左袒官吏。此則俄國民所爲意外失望者也。

雖然。彼等無聊之極思。終戀戀然有餘望。以爲皇帝不過少年少閱歷。而思想混雜。未決定云爾。待至加冕之時。或更示其真意以利我民。未可知也。故當時全國國民之聲。莫不企踵以望曰。加冕期至矣。加冕期至矣。乃自此後。而國民之失望。有更甚於前者。加冕一役。其費用爲俄國建國以來未有之巨額。而慶祝之日。警察失職。至使人民來祝者。死四千餘人。屍血狼藉。徧於莫斯科之野。而皇帝曾無一毫哀悼之色。欣欣然以赴跳舞會。於是人民不勝憤慨。遂衝乘輿之前衛。投石

於皇帝之馬軍。毀跳舞會場之陳設。暴言暴行。不一而足。雖警察官極力鎮之。不能禁也。嗚呼。吾俄人民非故與帝室爲仇也。其所以致此者。誰之過歟。誰之過歟。使皇帝自經此役以後。知民巖之可畏。察官吏之無狀。則補牢顧兔。猶未爲遲。乃人民出種種方法。訴其疾苦。皇帝一無所顧。而束縛馳驟。殆更甚焉。民有所請。則輒以下吏議。彼官吏者。人民之蠹賊。盜憎主人。古今通例。欲行民政而下吏議。是何異與虎謀其皮也。於是人民所請。不惟無效。而反以此獲罪官吏。罹法網者道相屬焉。迨乎今年。學生之騷動起。皇帝乃使壓制黨首領威安挪鳩將軍案驗其事。更下嚴詔以脅學生。謂以後復有此等舉動。當以嚴法使服兵役。於是乎俄國人民幾度之希望。於茲盡失。

外國人不知俄國之真相。惟俄國之炯眼而能知之。新皇自倡萬國平和會議之後。聲望隆隆日上。洋溢寰宇。而俄國人民則竊竊然笑之以鼻。不見乎口血未乾。而俄政府已先自破其誓。違悖憲法。而強芬蘭人使服兵役。使負擔加重之經費。

昔林肯有言。「汝欲愚弄一時之人民可也。欲愚弄一部分之人民可也。若欲時時永遠愚弄全部分之人民。恐其不可。」嗚呼。凡爲君主者。爲國民者。皆不可不深鑑此言也。

吾今欲爲我俄民進一言。自古未有倚賴一二人。而能成國家維新之業者。全國人民知前所倚賴者之一無足恃。是卽吾國民政治發達之期至矣。

俄羅斯人。大可自重之國民也。雖合多數之種族以成國。其間言語不通。習俗不同。然其實皆同出於斯拉夫之種族。共建此國以求文明之進步。俄國之起原。在第九世紀。遠後於歐洲列國。加以建國後僅四百年。爲蒙古所侵掠。瀕於滅亡。雖然。我強健之人種。終克大敵。驅而放之。以勢力而自發達。故就外面觀之。俄國民於政治上。於社會上。雖視列國有遜色。然其實際必非劣於他之文明國。試觀其文學界。其藝術界。其音樂詩歌科學之社會。決不在英德諸國之下。至俄人之繁殖力。及其採用文明之速。凡稍解俄國內情者。所共知也。且俄國人之政治社會。

所以進步遲遲者。非我國民不適於文明之政治文明之社會也。實由吾國今日之境遇。全爲官吏所壓抑。而破壞其本有之良性也。使一旦除其豐蔀。去其羈絆。任俄民以自然之力自圖進步。則其成效之速。必有聳全球之觀聽者。嗚呼。我國民與壓制政體相戰。既非一日。四十年前。青年革命之事。其若何勇敢。若何壯劇。世之所聞也。彼等之血不虛流。今者機會殆將熟矣。

爾來因商工社會之變動。工價下落。工人愈加困難。不平之氣。愈益增長。千八百九十六年。聖彼得堡之同盟罷工起。凡三萬五千人之勞動者。倡議制限每日勞動時刻。而十萬人之土木工作應援之。其勢力浩大。遂使政府不得不於翌年而發布新法律。

此次之同盟罷工。其所得雖少。然其結果實有重且大者。何則。以民意而使政府改作法律。實起點於茲役也。彼工人所以能結此大團隊。而爲文明之運動者。實由有學識之人士。爲之盡力。而大學生實其中心點也。全國之法律家。及報館主

筆。凡有識之青年。走集而助之。爲之草章程。爲之作捐啓。爲之通聲氣於外國之同志者。聲援既厚。組織既完。乃始發手。故能成得未曾有之功。自茲以往。俄國各大都會。皆有工人同盟。至千八百九十八年。合各都會之同盟爲一大同盟。稱爲他國共和黨。其範圍若何之廣。其勢力若何之強。雖可不計。然俄政府雖極力與之戰。而不能滅之。

民智既開。則專制政治自不得不顛覆。故愚民之術。凡專制政府一定之方針也。雖然。時勢者常動者也。日進者也。俄政府雖有萬鈞之力。亦安能與時勢敵。故政府雖出種種方法以禁窒民智。而民間亦自有種種方法以開通之。卽如著述一道。政府之壓制愈烈。而言論亦愈盛。凡俄國民之曾受教育者。政治思想大發達。革命精神。蓬蓬勃勃。而近者學生同盟罷業。其最顯著者也。本年二月二十日。聖彼得堡大學紀念會之日也。校中學生之一隊。以嫌疑而受警察官之凌辱。此事一起。凡全都中之大學生。及稍有學識之人士。咸大激昂。處處集會。爲政治上之

運動。於是大學生共議。向於政府有所要求。所求不遂。則相率不受業於大學。既而海軍士官四十人。首與此學生通殷勤。既而醫學校之生徒。亦同盟罷業。既而全都諸種高等學校女學校。凡十七所之學生。咸加盟焉。同時又派密使於全國諸學校。凡各大都會之學生。盡與首都桴鼓相應。全國學校之教室。幾鍵戶闔無一人矣。

要而論之。凡國民之自由思想。必藉抑壓之勢力而後能勃興。所謂壓力不甚。則躍力不高。此古今萬國所循之常軌也。我俄國何莫不然。今日競爭劇烈之世界。苟民智不進步。社會不發達。則必不能保其地位於列強之間。雖然。進步與發達。專制政治之敵也。此二者終不能兩立。吾俄國之宗教道德學術。皆有精華美妙之芽。含蘖而未展。一旦除去政治之桎梏。則滿園穠豔。可立而待矣。

二十世紀之新鬼

二十世紀之開幕。至今凡三百日有奇。世界之巨人。死於是者五人焉。一曰英國女

皇域多利亞。二曰日本政友會首領前遞信大臣星亨。三曰意大利左黨首領前宰相格里士比。四曰美國合衆黨首領前任大統領麥堅尼。五曰中國議和全權大臣直隸總督李鴻章。楊朱有言。生則堯舜。死則腐骨。生則桀紂。死則腐骨。雖復窮尊極貴。殊俊奇傑。亦豈能有與天地長久者耶。環瀛萬里。各自撒手。四時之運。成功者去。碧落黃泉。頗不寂寞。

以權勢地位論之。則域多利亞與麥堅尼爲一類。以聲名之久。福命之高論之。則域多利亞與李鴻章爲一類。以民間之勢力論之。則星亨格里士比麥堅尼爲一類。以戰功之顯著。外交之敏活論之。則格里士比與李鴻章爲一類。以早年之艱辛。被逐於官吏論之。則星亨格里士比爲一類。以晚年唾罵之多論之。則星亨與李鴻章爲一類。以現時當權一舉一動爲世界所注目論之。則李鴻章與麥堅尼爲一類。以享壽之高論之。則域多利亞格里士比李鴻章爲一類。以齎志未竟。死事慘酷論之。則星亨與麥堅尼爲一類。

域多利亞麥堅尼李鴻章之事實。吾邦人多能知之。茲不具述。請略敘星亨與格里士比之所經歷。

星亨日本近來政界之雄也。明治五年。嘗爲橫濱稅關長。以誤稱英皇爲英王。觸英公使之怒。不肯自屈。罷職而游學英國。明治十年。歸爲政府附屬律師。未幾自由黨興。彼以後進入黨。崢嶸倔強。爲先輩所器重。卒乃握自由黨中獨一無二之權力。星亨一生之歷史。實日本自由黨始末歷史也。當明治十五六年間。彼率黨人攻擊政府。鑿戰不遺餘力。遂以明治十八年下獄。二十年被放逐於外。二十三年議院既開。舉爲議員。旋任下議院議長。因與改進黨相敵。奪議長之職。削議員之籍。明治二十九年。復任美國公使。三十二年。任滿歸。值憲政黨（卽進步自由兩黨合併改名者）政府之末運。彼直揮大刀闊斧。散內閣。散憲政黨。三十三年。改自由黨爲立憲政友會。未幾政友會得政。組織內閣。星亨爲遞信省大臣。星亨爲人。雄才大略。有不可一世之概。膽智冠世。日日與其政敵鏖戰。所向披靡。遂赫然爲日本現世第一人物。而

生平不謹小節。好貨賂。大爲國人所詬病。爲大臣不數月。以舊職事牽連辭職。然猶居議院。指揮最多數之政黨焉。本年七月。爲一俠客所刺。卒於市會議場。

格里士比。以千八百十九年生於意大利之西西里島。早歲爲律師。千八百四十八年。意大利革命之役。格氏實爲其有力者。事敗遁於法蘭西。既又被逐竄於英國。飄蓬海島。無以爲生。時或凍餓經旬。賣文於各報館。僅得充饘粥。如是者凡十餘年。至千八百六十年。始從革命軍大將雅里巴治入於西西里島。西西里遂自立。及意大利一統之業成。舉爲議員。尋任下議院議長。屢爲政府大臣。嘗兩度爲宰相。意大利有左右黨。而格氏實左黨之首領也。其內治政策。恆與教會權力相反對。其外交政策。務親德意志以抑法蘭西。歐洲三國同盟（德奧意三國）格氏最有功焉。後以事爲反對黨所摭。遂於千八百九十六年辭職。自脫於政海之風波。優游林下以終餘年。意大利建國之日。雖尙淺。而能屹然立於歐洲居一等國之位置。實格氏與嘉富洱雅里巴治三雄之功居多云。以本年八月卒。年八十有三。

嗚呼。若星氏格氏。可不謂曠世之豪傑也哉。此五人者。於其國皆有絕大之關係。除域多利亞爲立憲政治國之君主。君主無責任。不必論斷外。若格里士比。若麥堅尼。皆使其國一新焉。若星亨則欲新之而未能竟其志者也。以此論之。則李鴻章之視彼三人。有慚德矣。李鴻章每自解曰。吾被舉國所掣肘。有志而未逮也。斯固然也。雖然。以視星亨格里士比之冒萬險。忍萬辱。排萬難。以卒達其目的者何如。夫眞英雄。恆不假他之勢力。而常能自造勢力。彼星氏格氏之勢力。皆自造者也。若李鴻章則安富尊榮於一政府之下而已。苟其以強國利民爲志也。豈有以四十年之勳臣者。宿而不能結民望。以戰勝舊黨者。惜哉。李鴻章之學識。不能如星亨。其熱誠不能如格里士比。所憑藉者十倍於彼等。而所成就乃遠出彼等下也。質而言之。則李鴻章實一無學識無熱誠之人也。雖然。以中國之大。其人之有學識有熱誠。能愈於李鴻章者幾何。十九世紀列國皆有英雄。而我國獨無一英雄。則吾輩亦安得不指鹿爲馬。聊自解嘲。翹李鴻章以示於世界曰。此我國之英雄也。嗚呼。亦適成爲我國之英

雄而已矣。亦適成爲我國十九世紀以前之英雄而已矣。

域多利亞之君英國也。六十餘年。李鴻章之相中國也。四十餘年。以一身而當國之久。近世中未有及此兩人者也。雖然。域多利亞六十年中。英國擴土。徧於五洲。遂至有 “The sun continually shines on our British flag” (譯言太陽常照我英國旗也。意謂英國屬土徧於兩半球也) 之驕語。何其榮也。李鴻章四十年中。中國日蹙百里。試一披亞細亞東部輿圖。其改換顏色者。殆十餘處矣。何其恥也。夫英國之榮。固不能爲域多利亞一人功。中國之恥。亦不能爲李鴻章一人罪。嗚呼。十九世紀往矣。而二十世紀方將來。曾國藩常言。已往種種。譬如昨日死。未來種種。譬如今日生。吾輩於十九世紀之代表人無歆焉。無責焉。亦視二十世紀之新人何如耳。

麥堅尼非十九世紀美國之代表人。而二十世紀美國之代表人也。美國自華盛頓創業。門羅昌言。皆務保疆。不務攻取。經營美洲。不及他洲。自麥堅尼就任以來。一舉而縣古巴。再舉而吞夏威夷。三舉而攘菲律賓。共和主義。一變爲帝國主義。遂使西

半球新世界。與東亞大陸忽相接近。自今以往。美國將突飛五洲。主盟羣雄。而中美之交。亦自此多事。是皆麥堅尼所以貽後人也。李鴻章結舊中國之終。而麥堅尼開新美國之始。麥堅尼死。而將來爲麥堅尼繼志者。當不止千萬。李鴻章死。而將來爲李鴻章幹蠱者誰耶。

嗟夫。望八荒之寥廓。何地無才。送九原之沈冥。問天不語。陳陳代謝。去日疏而生日親。咄咄逼人。後視今猶今視昔。青燈有味。逝水無情。聊附長吟。以代信史。

旗翻日所出入處。功到天爲歌泣時。五大洋中海水靜。羣龍齊喙挽歌詩。

右一首域多利亞

一生自獵知無敵。百中爭能恥下韉。用杜老
詠鷹句今日江山忽寂寞。飛鷹脚箭墮寒秋。

右一首星亨

纍纍六度蘇子印。咽咽十載吳市簫。國自少年吾老矣。格氏嘗與瑪志尼創一
會名曰少年伊大利菟裘

人去兩蕭蕭。

右一首格里士比

壯夫生奪門羅席。

門羅前美國總統嘗言美國不干預他洲之事世稱門羅主義

雄鬼死傍林肯

墳。

林肯前美國總統爲放黑奴開南
北美之戰戰後繼任被刺客者

無賴商風海西警。半旗蔽地弔天民。

右一首麥堅尼

陽秋未定蓋棺論。病國能成豎子名。如此江山且休去。夕陽黃處送君行。

右一首李鴻章

難乎爲民上者

民氣弱之國。爲民上者最易。而國恆替。民氣昌之國。爲民上者最難。而國恆強。故今日爲文明之首長者。既不可無非常之勇氣。常立於戰場。冒險決死以伸政策。尤不可不以非常之公心。順揣輿情。著著爲公利公益著想。乃可以安其位保其身。吁其難哉。

星亨與麥堅尼。皆死於刺客者也。而星與麥之所以遇刺客不同。麥則全由敵黨之

忌嫉。而星則不爾。星則多由於平昔之自取。而麥則不爾。要之各難其難則一也。日本之興。俠客與有功焉。所謂武士道。所謂大和魂。皆拔劍擊柱一瞑不視之徒也。井伊直弼死於是。大久保利通死於是。森有禮死於是。今星亨復死於是。雖曰害社會之秩序。而旱地霹靂。往往使天地爲之昭蘇者。日本之精神。其在是歟。

若夫歐洲十九世紀各國首長。遭此厄者尤數見不鮮。以俄國論之。一八〇一年。保羅帝被殺。一八八一年。亞歷山大第二爲炸藥所斃。而先帝亞歷山第三。自言終日若在幽囚。一夕九遷。曾靡寧息。今皇尼古喇第一。當游日本時。亦幾不免矣。俄羅斯爲地球第一專制之國。其現狀若此。無足怪者。

至於美國。則一八六五年。大統領林肯遇害。一八八一年。大統領雅里非兒遇害。至本年。麥堅尼復蹈前軌焉。卽最近三十六年間。大統領之死於毒手者三人矣。夫以專制政體出產地（卽俄國）之帝王之生命。與自由政體出產地（卽美國）之統領之生命。兩者比較。孰危孰安。似不待問。卽向人壽燕梳公司買保險。則其價率自當

俄增而美減。固其當也。乃其比較之實際如此。豈有他哉。民氣愈昌之國。爲民上者愈難。此公例之不可逃者也。

吾爲此言。吾非左袒無政府黨也。無政府黨者。不問爲專制國。爲自由國。而惟以殺其首長爲務。彼等之目的。在破壞秩序。若夫專制秩序與自由秩序。皆非所問也。彼等秩序之敵也。文明之敵也。雖然。必有文明。然後有文明之敵。故民氣弱之國。非惟求文明不可得。卽求文明之敵亦不可得也。

嗚呼。使移今日中國之爲民上者。以居歐美日本。吾見星亨麥堅尼之事。月接於日。而日觸於耳矣。

烟士披里純 (Inspiration)

人常欲語其胸中之祕密。或有欲語而語之者。或有欲勿語而語之者。雖有有心無心之差別。而要之腦中之祕密。決不能長隱伏於胸中。不顯於口。則顯於舉動。不顯於舉動。則顯於容貌。記曰。夫微之顯。誠之不可揜如此乎。吁可畏哉。

蓋人有四肢五官。皆所以顯人心中之秘密。卽肢官者。人心之間諜也。告白也。招牌也。其額蹙蹙。其容頓頓者。雖強爲歡笑。吾知其有憂。其笑在渦。其軒在眉者。雖口說無聊。吾知其有樂。蓋其胸中之秘密。有欲自抑而不能抑。直透出此等之機關。以表白於大廷廣衆者。述懷何必三寸之舌。寫情何必七寸之管。乃至眼之一閃。顏之一動。手之一觸。體之一運。無一而非導隱念。述幽懷之絕大文章也。

西儒哈彌兒頓曰。世界莫大於人。人莫大於心。諒哉言乎。而此心又有突如其來。莫之爲而爲。莫之致而至者。若是者。我自忘其爲我。無以名之。名之曰「烟士披里純」。

Inspiration 「烟士披里純」者。發於思想感情最高潮之一刹那頃。而千古之英

雄豪傑孝子烈婦忠臣義士。以至熱心之宗教家。美術家。探險家。所以能爲驚天地泣鬼神之事業。皆起於此一刹那頃。爲此「烟士披里純」之所鼓動。故一刹那間。不識不知之所成就。有遠過於數十年矜心作意以爲之者。嘗讀史記。李廣列傳云。「廣出獵。見草中石。以爲虎。射之。中石。沒羽。視之。石也。因復更射之。終不能復入石矣。」

「由此觀之。射石沒羽。非李將軍平生之慣技。不過此一剎那間。如電如火。莫或使之。若或使之。曰惟「烟士披里純」之故。馬丁路得云。我於怒時。最善祈禱。最善演說。至如元奘法師之一鉢一錫。越葱嶺。犯毒瘴。以達印度。哥倫布之一帆一楫。凌洪濤。賭生命以尋美洲。俄兒士蔑之唱俚謠。彈琵琶以乞食於南歐。摩西之鬪蠻族。逐水草以徘徊於沙漠。雖所求不同。所成不同。而要之皆一旦爲「烟士披里純」所感動。所驅使。而求達其目的而已。盧騷嘗自書其懺悔記後。曰。「吾當孤筇單步。旅行於世界之時。未嘗知我之爲我。凡旅行中所遇百事百物。皆一一鼓舞發揮我之思想。吾體動。吾心亦因之而動。吾惟飢而食。飽而行。當時所存於吾之心目中者。惟始終有一新天國。吾日日思之。日日求之而已。而吾一生之得力。實在於此。」云云。嗚呼。以盧梭心力之大。所謂放火於歐洲億萬人心之火種。而其所成就。乃自行脚中之「烟士披里純」得來。烟士披里純之動力。誠不可思議哉。

世之歷史家議論家往往曰。英雄籠絡人。而其所謂籠絡者。用若何之手段。若何之

言論。若何之顏色。一若有一定之格式。可以器械造而印板行者。果爾。則其術既有定。所以傳習其術者亦必有定。如就冶師而學鍛冶。就土工而學搏埴。果爾。則術其術以學爲英雄。固自易易。果爾。則英雄當車載斗量。充塞天壤。而彼刻畫英雄之形狀。傳述英雄之伎倆者。何以自身不能爲英雄。噫嘻。英雄之果爲籠絡人與否。吾不能知之。藉曰籠絡。而所謂籠絡者。決非假權術。非如器械造而印板行。蓋必有所謂「烟土披里純」者。其接於人也。如電氣之觸物。如磁石之引鐵。有欲離而不能離者焉。趙甌北廿二史劄記論劉備曰。「觀其三顧諸葛。咨以大計。獨有傳巖爰立之風。關張趙雲。自少結契。終身奉以周旋。卽羈旅奔逃。寄人籬下。無寸土可以立業。而數人者患難相隨。別無貳志。此固數人者之忠義。而備亦必有深結其隱微而不可解者矣。」豈惟劉備。雖曹操。雖孫權。雖華盛頓。雖拿破侖。雖哥郎威兒。雖格蘭斯頓。莫不皆然。彼尋常人刻畫英雄之行狀。下種種呆板之評論者。恰如冬烘學究之批評古文。以自家之胸臆。立一定之準繩。一若韓柳諸大家作文。皆有定規。若者爲雙

關法。若者爲單提法。若者爲抑揚頓挫法。若者爲波瀾擒縱法。自識者觀之。安有不噴飯者耶。彼古人豈嘗執筆學爲如此之文哉。其氣充乎其中。而溢乎其貌。動乎其言。而見乎其文。而不自知也。曰惟「烟士披里純」之故。

然則養此「烟士披里純」亦有道乎。曰。「烟士披里純」之來也如風。人不能捕之。其生也如雲。人不能攬之。雖然。有可以得之之道一焉。曰至誠而已矣。更詳言之。則捐棄百事。而專注於一目的。忠純專一。終身以之。是也。記曰。至誠所感。金石爲開。精神一到。何事不成。西儒姚哥氏有言「婦人弱也。而爲母則強」。*Woman is weak but*

mother is strong。夫弱婦何以能爲強母。唯其愛兒至誠之一念。則雖平日嬌不勝衣。情如小鳥。而以其兒之故。可以獨往獨來於千山萬壑之中。虎狼吼咻。魍魎出沒。而無所於恐。無所於避。蓋至誠者人之眞面目。而通於神明者也。當生死呼吸之頃。弱者忽強。愚者忽智。無用者忽而有用。失火之家。其主婦連千鈞之箭。若拾芥然。法國奇女若安。以眇眇一田舍青春之弱質。而能退英國十萬之大軍。曰惟「烟士

披里純」之故。

使人之處世也。常如在火宅。如在敵團。則「烟士披里純」日與相隨。雖百千阻力。何所可畏。雖擎天事業。何所不成。孟子曰。至誠而不動者。未之有也。不誠未有能動者也。書此銘諸終身。以自警戒。自鞭策。且以告天下之同志者。

無欲與多欲

頃讀日本國民新聞。有德富蘇峯氏所著論題。曰無欲與多欲。其論頗有精深透拔者。故錄之而演其義。

蘇峯子曰。人無無欲者。或好色。或好貨。或好名。或好學。要之無有無欲者。卽如禪寂之徒。以槁木死灰自命。然終不免有槁木死灰之欲。淺見者流。往往謂彼多欲也。此無欲也。皆妄生差別相而已。

近世之豪傑。如西鄉南洲者。殆可謂無欲人矣。其詩云。「吾家遺法君知否。不爲兒孫買美田。」世俗之欲。殆皆淨盡。雖然。彼一日聞薩兒之暴發。忽犧牲其一身。甘與

其子弟爲情死。遂歌曰。「白髮衰顏非所意。壯心橫劍媿無勳。」蓋彼視其一身輕如鴻毛。而以不能立蓋世之功爲一生大憾事。果然則南洲可謂全無欲乎。民以爲世俗之所謂無欲者。未必無欲。所謂多欲者。未必多欲。要而論之。則欲之有無多少。惟視其所欲之性質與種類何如耳。彼西鄉南洲之眼中。或以平沼專藏輩爲無欲之極。亦未可知也。貪夫徇財。烈士徇名。哲人徇道。其趨向不同。則其欲念之所主亦自不同耳。

人莫不欲其最上之物。若以美人爲最上之物。則美人以外。一切屏棄以求之。不惜焉。若以金錢爲最上之物。則金錢以外。一切屏棄以求之。不惜焉。以至他物他事。莫不例是。是故吾人不必求無欲。無欲者決非吾人之所能及也。無甯先自審擇決定。以何物爲最上。而集注一切之欲念以向之。究之無欲云者。無世俗之欲云爾。彼之所欲者。視世俗之欲。有加高焉。有加大焉。以此之故。無暇日以顧俗欲。然則無欲云者。雖謂之以大欲克小欲。以高欲克卑欲。以清欲克濁欲焉。可也。

飲冰子曰。孟子曰。養心莫善於寡欲。荀子曰。凡人所欲多。其可用必多。斯二者各明一義。有並行而不相悖者焉。物質上之欲。惟患其多。精神上之欲。惟患其少。而欲求減物質上之欲。則非增精神上之欲。不能爲功。其消息之間。殆有一定之比例。釋迦所以舍淨飯太子之貴而苦行六年。摩西所以棄埃及職官之安而漂流萬里。路得所以辭教皇不次之賞而對簿大廷。哥倫布所以拋里井游優之樂而投身遙海。曰。惟有欲之故。燕雀烏知鴻鵠志。陳涉莽夫。猶能爲此言。而况於亘古萬國之聖賢豪傑乎。

孔子不云乎。我欲仁。斯仁至矣。今試問孔子有欲乎。曰。孔子天下之多欲而大欲者也。故曰。知之者不如好之者。好之者不如樂之者。孔子之於救天下利生民也。視之如流俗人之好飲食好男女好金錢好名譽。豈惟孔子。凡古今來之聖賢豪傑。彼其畢生之所經營所貫注。旁觀人觀之爲驚天動地。能人所難。百世之下。震駭之。膜拜之。而返諸彼聖賢豪傑之本心。亦不過視爲縱欲之具而已。人見有男女之爲情而

死者輒笑之曰。嘻。抑何其癡。而不知聖賢豪傑之爲道而死。爲國而死。爲民而死。其與彼情死者。分量之大小。關係之重輕。雖有不同。至其專注一欲而斷棄他欲。則一而已。夫是之謂至誠。嗚呼。安所得有以寶玉。黛玉之癡情。癡欲。以向於國民者乎。吾將執鞭以從之。

佛弟子問佛曰。何謂如來種。佛言。無明有愛。是如來種。無明有愛者。多欲之謂也。

說悔

語曰。君子之作事也。無悔。悔也者。殆非大賢豪傑之所常有乎。雖然。佛教曰懺悔。耶教曰悔改。孔子曰過則勿憚改。凡古今大宗教教育之主旨。無不提倡此義。以爲立身進德不二法門。則又何也。

大易四動曰吉凶悔吝。吝者凶之原。而悔者吉之本也。悔何以爲吉之本。凡人之性惡也。自無始以來。其無明之種子。久已熏習於藏識中。故當初受生之始。而無量迷妄。既伏於意根矣。及其住世間也。又受衆生惡業熏習所成的社會之熏習。彼此相

熏。日習日深。雖有善根。而常爲惡根所勝。不克伸長。不克成熟。於是乎欲進德者。不可不以戰勝舊習爲第一段工夫。大學曰作新民。能去其舊染之污者。謂之自新。能去社會舊染之污者。謂之新民。若是者。非悔末由。悔也者。進步之原動力也。

子張吳之駟儉也。顏涿聚魯之大盜也。而能受學孔子。爲大儒。曰惟悔之故。大迦葉富樓那。皆頑空之外道也。而能深通佛乘。列於十八大弟子之數。曰惟悔之故。保羅與耶蘇爲難最力者也。而能轉心歸依。弘通彼教。功冠宗門。曰惟悔之故。至如衛之賢大夫蘧伯玉。行年五十而知四十九年之非。晉之名士周處。幼年爲三害之一。後乃刻厲自新。爲世名儒。以子夏大賢。而喪子喪明。懟天痛哭。自訴無罪。及聞曾子之面責。乃投杖而起。曰吾過矣。吾過矣。吾離羣索居亦已久矣。彼其心地何等磊落。其氣象何等俊偉。百世之下。如見其精神焉。下至文章雕蟲小技。而揚子雲猶稱每著一書。悔其少作。曹子建言。好人譏彈其文。有不善者。應時改定。茲事雖小。然彼等所以能在數千年文界卓然占一席者。亦豈不以是耶。魏武帝自言。曹操做事。從來不

悔。曹操之所以能爲英雄者以此。曹操之所以不能爲君子者亦以此。悔之時義大矣哉。

悔之發生力有二途。一曰自內。二曰自外。自內發者非有大智慧不能。否則如西語所謂「烟士披里純」有神力以爲之助也。自外生者。或讀書而感動焉。或閱事而感動焉。或聽哲人之說法而感動焉。或聞朋友之規諫而感動焉。要之當其悔也。恆皇然凜然有今是昨非之想。往往中夜瞿省。汗流浹背。自覺其前者所爲。不可以立於天地。所謂一念之間。間不容髮。非獨大賢豪傑有之。卽尋常人亦莫不有焉。特視其既悔後之結果何如耳。

凡言悔者。必曰悔悟。又曰悔改。蓋不悟則其悔不生。不改則其悔不成。易曰。不遠復。無祇悔。元吉。孔子繫之辭曰。顏氏之子。其殆庶幾乎。有不善未嘗不知。知之未嘗復行也。是故非生其悔之難。而成其悔之難。曾文正曰。從前種種。譬猶昨日死。從後種種。譬猶今日生。故眞能得力於悔字訣者。常如以一新造之人立於世界。大學所謂

日日新者耶。一人如是。則一身進步。國民如是。則一國進步。

悔改之與自信。反對之兩極端也。佛法既言懺悔。又言不退轉。今欲以悔義施諸教育。得無導人以退轉之路耶。抑彼信道不篤。巽懦畏事。半途棄其主義者。豈不有所藉口耶。曰。是又不然。孟子曰。自反而不縮。雖褐寬博。吾不懼焉。自反而縮。雖千萬人。吾往矣。大學曰。所謂誠其意者。毋自欺也。如惡惡臭。如好好色。此之謂自慊。凡人之行事善不善。合於公理不合於公理。彼各人之良心。常自告語之。非可以假借者也。是故昔不知其爲善而棄之。昔不知其爲惡而蹈之。或雖知之而偶不及檢。遂從而棄之。蹈之。及其既悟也。既悔也。則幡然自新焉。是之謂君子之悔。若乃前既已明知之矣。躬行之矣。而牽於薄俗。怵於利害。溺於私欲。忽然棄去。艾己尤人。是之謂小人之悔。君子之悔。其既悔既改也。常泰然若釋重負。神明安恬。小人之悔。其既悔既改也。常覩然若背有芒。夜夜忐忑。君子之悔。一悔而不復再悔。小人之悔。且又將有大悔之在其後也。然則真能悔者。必真能不退轉者也。何也。悔也者。進步之謂也。非退

步之謂也。

機埃的格言

偶閱德富蘇峯所著書。有譯機埃的氏格言數則。輒重譯之以實自由書。

古人所思索之外。亦無足供我輩今日之思索者。我輩惟務反覆思之重思之耳。

蘇峯案。「天地間無新事物」一語。實不可易之眞理。欲舉萬物萬事而自我發明之。蓋妄人耳。熟路雖熟。若重來而加以視察。則清新之景。常在目前。

任案。學者求新知識。固屬要事。然於當前陳腐之事物。決不可輕看而吐棄之。吾今日每讀中國理學家之書。常覺其於國民教育上一大部分之關係。每讀中國歷史。覺其趣味濃厚。應接不暇。

淤泥之耀。限於日光所照之間。

蘇峯案。日光不照。則淤泥惟淤泥耳。

任案。是故人必嘗有所獨得。不可依附末光。無論任事。無論講學。皆當爾爾。

善也美也。不能自知者也。

蘇峰案。善美之所以爲善美。惟在不自知其善美而已。若自覺其如是。則善美之香味。立即消散。蓋無邪者。善美之最要原質也。桃李不言。下自成蹊。其愛絕清絕。在於不自知其芬馥也。

忘恩者。一種之弱性也。吾未見有能之士。不感謝他人也。

蘇峰案。常認識自己之負債。了了不忘者。英雄兒之有真骨頭者也。管仲豈忘鮑叔哉。

有愛與己同臭味之人而求之者。有愛與己異臭味之人而尋之者。

蘇峰案。人有種種。世界有種種。以此之故。

任案。愛同己者。常人之性也。愛異己者。求益之道也。電氣必合正負兩電而後生力。生物必和陰陽兩性而後發榮。人不可不務以反比例之事物。自鑑自進。

吾人當因其性之所近。以講求世界有形無形之學。世界者常有光明之方面。則有

暗黑之方面也。

蘇峰案。樂天家常覺世界爲極樂。厭世家常覺世界爲極苦。極苦極樂。惟在一心。

任案。世界無論何等社會。皆含有種種色相。不親入其社會。不能知也。一旦入之。別有天地。別有國土。一蜂也。一蟻也。一土也。一石也。物理學家終身研究之。不能盡焉。政治社會。宗教社會。學者社會。商業社會。勞働社會。盜賊社會。乞丐社會。苟入其一。而以慧眼觀察之。無往而不可悟得最真最大之原理。雖然。通其一。萬事畢。有光明之方面。則黑暗之方面。亦光明矣。生也有涯。知也無涯。故因性之所近。可以知世界。

希望者。失意人之第二靈魂也。

蘇峯案。有希望則可轉失意爲得意。

任案。有希望則雖失意亦得意。希望愈遠愈大者。無入而不自得也。

熱心者最大之價值也。雖然。吾人不爲其所驅遣。乃得其真價值。

蘇峰案。人若爲熱心之奴隸。則熱心如狂氣一般。其價值復何有焉。

任案。人莫患爲他人之奴隸。尤莫患爲自己之奴隸。爲人奴隸。猶可解脫。爲己奴隸。則永無解脫之時。所謂爲己奴隸者。心爲形役是也。故吾常言心爲形役者。奴隸之魁而最可哀憐者也。據此言。則心爲心役。猶且不可。况於形役乎。

無論何人。必不於其僕隸之前逞英雄。無他。惟英雄能識英雄。若施之於僕隸輩。則亦惟得其同輩的僕隸之良月旦耳。

任案。凡欲博聲名於流俗人者。可懸此語爲當頭棒喝。

智者愚者俱無害。最危險者。惟在半智半愚之人。

蘇峯案。生兵法者。大敗之基也。

凡作事。將成功之時。其困難最甚。

蘇峯案。此閱歷世途者所無異辭也。

任案。行百里者半九十。有志當世之務者。不可不戒。不可不勉。

勿以知而自足。宜應用之。勿以欲而自足。宜實行之。

蘇峯案。此乃驅吾人使百尺竿頭更進一步之金言也。惟此一步。實人之所以爲人也。

富國強兵

有貧國弱兵者。有貧國強兵者。有富國弱兵者。有富國強兵者。若葡萄牙。若希臘。貧國弱兵也。若意大利。若日本。貧國強兵者。若比利時。若荷蘭。富國弱兵也。若英吉利。若法蘭西。若德意志。富國強兵也。此十九世紀世界舞臺之大概也。

有可以富國強兵。今則兵雖強而國未富者。俄國是也。有可以富國強兵。今則國雖富而兵未強者。美國是也。有可以富國強兵。今則國亦未富兵亦未強者。中國是也。此三國者。二十世紀世界舞臺第一等重要之國也。

俄國之必將富。美兵之必將強。是可懸定之問題也。中國之將以貧弱終乎否乎。是

難定之問題也。中國之地不貧而國貧。中國之民不弱而兵弱。是世界一怪現象也。然則其貧之弱之者。必有一魔鬼實作梗作弄於其間。吾國民但當求得魔鬼所在而被除之。則二十世紀之舞臺。將爲吾國民所專有。未可知也。

世界外之世界

諸葛孔明初與石廣元徐元直孟公威等俱游學。三人務精熟。諸葛獨觀大畧。常抱膝長嘯。而謂三人曰。卿等仕進可至刺史郡守也。三人問其所至。但笑而不言。日惟躬耕隴畝。好爲梁父吟。嗚呼。此何等心胸。何等氣象。彼其於羣雄擾攘四海鼎沸之頃。泊然置其一身於世界外之世界。而放炯眼以照世界。知自己之爲何人。知世界之爲何狀。已與世界有如何之關係。知己在世界當處如何之位置。蓋其所以自審自擇者。固已夙定。必非欲以苟全性命於亂世終其身也。蓋知彼三人者。隨時勢之人而已。乃造時勢之人也。嗚呼。眞人物。眞豪傑。其所養有如此者。

人也者。好羣之動物也。此西儒亞里士多德之言近自所親。遠及所未見。相交互而成世界。雖然、

日處於城市雜遯之地。受外界之刺激熏染。常不復自識我之爲我。故時或獨處靜觀。遁世絕俗。然後我相始可得見。顧所謂遁世絕俗者。其種類亦有數端。一則旁觀派者流。僞爲堅僻詭異之行。立於世外。玩世嘲俗。以爲韻事佳話。所謂俗中笑俗。毫無取焉。次則以熱心之極。生一種反動力。抱非常之才。覩一世之曠曠。不忍揚波酸醜。乃甘與世絕。不以泯泯污察察。不以騏驥任駑駘。此三閭大夫之徒也。君子哀之。且深敬之。亦有性本恬淡。獨稟清淑。不樂與人間世交涉。而放浪形骸之外者。古今高流之詩人。往往有之。如李白之詩。所謂問吾何事栖碧山。笑而不答心自閑。桃花流水杳然去。別有天地非人間。其天才識想。自有高出於凡俗者。但此等人於世界。無甚關係。吾甚愛之。不願學之。

尋常人能入世界而不能出。高流者能出世界而不能入。最高流者。既入之。復出之。既出之。復入之。卽出卽入。非出非入。負哉尙乎。望之似易。行之甚難。雖不可強而致。顧不可不學而勉。無論如何尋常之人。日爲尋常界所困。如醉如夢。及其偶遇一人。

獨居更無他事之時。時或有愴然洒然。與天地爲伴侶。而生不可思議之思想者。英國某小說所載一段。有足描寫此情態者。其言曰。

狄西將軍之征埃及也。有一騎士爲西刺伯人所擒。深夜伺隙竊逃。沿尼羅河上流。急鞭疾驅。盡馬力所及。馬卒疲斃。遂獨遺一身於浩浩沙漠之中。欲進不能。欲退不得。惟啜咀椰子以自活。萬籟無聲。乾坤寂寥。極目一望。渺茫無涯。惟見地平線盡處。如畫如綴。絕望之極。抱椰樹痛哭。時鼓無聊之勇氣。大聲而呼。其聲惟遠消散於沙際。曾無反響。偶覺有之。則惟心所幻造而已。寂寥之餘。萬感累動。遠想故國之天地。車如流水。馬如游龍。雜遝繁華之境。歷歷在目。過此數日。每日必有無量數之新感想。湧起陡落。欲禁而不能自禁。於孤身隻影。人聲全絕之間。忽開出自然之祕密藏。得不可思議之感悟。見太陽之出又沒。沒又出。覺有無限莊嚴之象。隱於人界。或見一二怪禽之高翔。數片旱雲之掩空。紅黃碧綠。種種色相。凡映於眼簾者。則其心藏必緣之而浮一新想。一輪孤月。透破夜色。光閃沙上。四望

燦爛涼風簸沙。自成波線。動漾無息。時或暴風怒號。峨峨沙柱。捲立寥空者。殆百十數。俄然風息。星斗闌干。爽氣頓生。恍如聽空中皇喬微妙之天樂。自謂此中樂趣。爲生平所未遇。以後欲追之而無計可得。蓋其愉快有不足爲外人道者。

夫以彼騎士不過尋常一濁物。非能有道心真自得者。而處於此境。尙能發爾許之思想。增爾許之智慧。物之移情。固如是乎。

畫師之作畫也。往往舐筆伸紙。注全身之力於隻手。其心惟在畫上。不及其外。然時或退兩三步。若五六步。凝視之。更執筆向紙如初。如是者數次。而畫乃完成。詩家亦然。常有苦思力索。撚斷髭莖。終不得就。時而擲筆游想。不見有詩。惟見有我。妙手偶得。佳句斯構。故成連學琴。導之海上。飛衛教射。視蝨如輪。天下事固有求之於界線之內而不得。求之於界線之外然後得之者。鄭裨諶善謀。謀於野則獲。謀於邑則否。無論何人何事。常有此一段境界。善用之者。斯爲偉人。

俾士麥稍有休暇。則退舍於田園。或單身入夜。孑孑散步。其所計畫國事。多在此時。

彼雖非理想家。然其所經營。常超越凡人。不好爲規矩所束縛。故常脫羈絆而住於惟我獨尊之境。彼嘗在福郎克戈寄一短牋於其夫人云。「舟以某日泛來因河。予乘明月。泳乎中流。浮露水面。僅鼻與眼。鳧浴時許。直達濱涇。徹夜悄靜。循流徐行。仰視惟見月星娟娟。橫睇兩崖巒巒重疊。如迎如送。碁布平原。惟古戰場耳。根所接。僅有水聲。泠然恍兮。乃似幽夢。噫嘻。一年三百六十日。安得昔昔有此游。」格蘭斯頓亦然。退食之暇。屏妻子。去婢僕。一人栖於後園。伐木丁丁然。自餘大宗教家。更多斯蹟。摩哈默德在覓加爲商。單身遁於寂寞之地者數次。其悟道也。實在希拉之一淺洞。釋迦牟尼苦行六年。乃起於菩提樹下。哲人傑士。罔不如是。

何以故。清明在躬。則志氣如神。天下固未有昏濁營亂之腦質。而可以決大計立大業者。而凡大人物大豪傑。其所負荷之事愈多愈重。則其與社會交接也愈雜愈繁。非常有一世界外之世界。以養其神明。久而久之。將爲尋常人所染。而漸與之同化。卽不爾。而腦髓亦炙涸。而智慧亦不得。故欲學爲大人物者。在一生中。不可

無數年住世界外之世界。在一年中。不可無數月。住世界外之世界。在一日中。不可無數刻。住世界外之世界。嗚呼。風雨如晦。鷄鳴不已。雖不能至。心嚮往之。

飲冰室自由書附錄目次

中國專制政治進化史論

論專制政體有百害於君主而無一利

立憲政體與政治道德

中國前途之希望與國民之責任

余之死生觀

三十自述

鄙人對於言論界之過去及將來

述歸國後一年來所感

附錄

中國專制政治進化史論

緒論

進化者。向一目的而上進之謂也。日邁月征。進進不已。必達於其極點。凡天地古今之事物。未有能逃進化之公例者也。

中國者。世界中濡滯不進之國也。今日之思想。猶數千年前之思想。今日之風俗。猶數千年前之風俗。今日之文字。猶數千年前之文字。今日之器物。猶數千年前之器物。然則進化之跡。其殆絕於中國乎。雖然。有一焉。專制政治之進化。其精巧完滿。舉天下萬國。未有吾中國若者也。萬事不進。而惟於專制政治進焉。國民之程度可想矣。雖然。不謂之進化焉。不得也。知其進而考其所以獨進之由。而求使他途與之競進之道。斯亦史氏之責任也。作中國專制政治進化史。

第一章 論政體之種類及各國政體變遷之大勢

中國自古及今。惟有一政體。故政體分類之說。中國人腦識中所未嘗有也。今請先述泰西分類之說。及其變遷發達之形。以資比較焉。

(第一) 理論上之分類

以理論分別政體種類者。起於希臘大哲亞里士多德。因主權者之人數而區為三種。每種復為正變二體。今以表示之如左。

君主政體 Monarchy

正體

變體 (暴君政體) Tyranny

政體 貴族政體 Aristocracy

正體

變體 (寡人政體) Oligarchy

民主政體 Democracy

正體

變體 (暴民政體) Demagogu or Othloeracy

於此正變各三體之外。復有一焉。號曰混合政體。Mixed State 卽和合君主貴族民主三者而爲一者也。此論傳數千年。至今學者誦法之。雖小有損益。然大端無以易也。十八世紀。法國大哲孟德斯鳩之分類如左。

- 一 主權者以名譽爲主義。謂之君主政體。
 - 二 主權者以道德爲主義。謂之民主政體。
 - 三 主權者以溫和爲主義。謂之貴族政體。
 - 四 主權者以脅嚇爲主義。謂之專制政體。
- 此分類法。後人多有駁之者。其實第一類與第二類。蓋同物而二名耳。近儒奧斯陳之分類如下。

一人政體（主權在一人者）（甲）

政體

數人政體（主權在二人以上者）

少數政體

同質（寡人政體）（乙）

異質（少數共和政體）（丙）

多數政體

同質（民主政體）（丁）

異質（君民共主政體）（戊）

日本博士一木喜德郎復為如左之分類。

政體

獨任政體

獨任君主政體

專制獨任君主政體（中國俄國）（一）

立憲獨任君主政體（英國日本普國）（二）

獨任共和政體（法國美國）（三）

合議君主政體

專制合議君主政體（無）（四）

立憲合議君主政體（德意志帝國）（五）

合議政體

合議共和政體（瑞士德意志聯邦內二共和國）（六）

此分類者。蓋就近世之國家言之。故貴族政體。不另為一種云。

四表之第一種君主制獨任也。第五表之第一族制第二神權第四封建第五近世專制也。

政
四種也。

以羣學公例考之。凡人羣必起於家族。中國之宗法。實政治之最初級。而各國所皆曾經者也。故政治學者常言國家者家族二字之大書也。是族制政體。實萬國政治之起原。吾侪爲政治進化之第一級。家族者。各自發生。而日寔龐大者也。此族與彼族相遇。則不能無爭。爭則一族之中。必須有人焉起而統率之。於是臨時酋長之制起。斯賓塞羣學云。『譬有一未成規律之羣族於此。一旦或因國遷。或因國危。湧出一公共之問題。則其商量處置之情形如何。必集民衆於一大會場。而會場之中。自然分爲二派。其甲派則老成者。有膂力者。閱歷深而有智謀者。爲一領袖團體。以任調查事實討議問題之役。其乙派則年少者。老羸者。智勇平凡者。爲一隨屬團體。占全種族之大部分。其權利義務。不過傍聽甲派之議論。爲隨聲附和之可否而已。又於領袖團體之中。必有一二人。有超羣拔萃之威德。如老成之狩獵家。或狡獪之妖

術家。專在會場決策而任行之。卽被舉爲臨事之首領云云。」是臨時酋長政體之所由起也。吾命爲政治進化之第二級。於斯時也。一羣之中。自劃然分爲三種人物。其一卽最多數之隨屬團體。卽將來變成人民之胚胎也。其二則少數之領袖團體。卽將來變成貴族之胚胎也。其三則最少數之事務委員。卽將來變成君主之胚胎也。當其初也。人人在本羣。爲自由之競爭。非遇外敵。則領袖團體。殆爲無用。其後因外敵數見。於是臨時首領。漸變爲常任首領。常任首領之有大功於本羣者。威德巍巍。憎服羣類。及其死也。以爲神而祀之。而其子孫。又利用野蠻時代之宗教迷信也。以爲吾之祖若父。實天鬼之所命。而非他人所能及者也。於是一變爲神權政體。吾命爲政治進化之第三級。臨時酋長者。不過領袖團體中之最優者耳。外敵旣數見。則領袖團體全部之勢力。必與之俱進。又非臨時酋長所能專也。於是乎此團體之魁桀者。或在中央政府而司選舉君主之權。則貴族政體所由起也。或分於部屬諸落而爲諸侯割據之勢。則封建政體所由立也。吾命爲政治進化之第四級。自茲以

往有英明雄鷲之君主出。憑藉固有之權力。著著務擴充之。殺貴族之權。削封建之制。務統一之於中央政府。或一蹴而幾焉。或六七作而後幾焉。其積之也。或以數十年。或以數百年千年。及其成也。則能役屬羣族。以一人而指揮全國。然後君主專制之政體乃成。吾命爲政治進化之第五級。凡地球上君主專制之國。未有不經由此諸級來者也。及專制權力之既鞏固也。則以國土爲私產。以國民爲家奴。虐政憔悴。民不堪命。而世運日進。氓智日闢。彼林林總總者。終不能自爲芻狗。以受踐棄。自爲犬馬。以服驅役。自爲牛羊。以待豢養也。於是乎自由自治之議紛起。君主之智焉者。則順其勢而予之。此立憲君主政體所由生也。其愚者則逆其勢而抗之。此革命民主政體所由成也。吾命爲政治進化之第六級。以上六級。歐洲數千年來政治消長之林。略具於是矣。

吾中國政治之發達。與歐西異。一曰歐洲六級已備。中國則有前五級而無第六級也。二曰歐洲諸級之運。長短不甚相遠。中國則第五級之成立最早。而其運獨長也。

三曰歐洲於第四級。最占權力。當百年前。餘燄未衰。中國則二千年前。已剷除殆盡也。四曰第一級之族制。歐人早已不存。中國則數千年與第五級並行也。其間證據碎繁。原因深遠。今請得上下千古而綜論之。

第二章 封建制度之漸革（由地方分權趨於中央集權）

人羣之治。皆濫觴於部落酋長。酋長之強有力者。則能服屬諸酋。或自封親藩。以參伍舊酋。仍畫土以各率其部落。若是者謂之封建。酋長封建。皆羣治所必經之階級。而天下萬國所莫能外者也。顧其制之發達。或遲或早。其運之推移。或久或暫。則隨其特別之原因以爲差。歐洲自羅馬解紐以後。而封建之制始極盛。及近世史之初年。約距今四五百年前始漸削侯封而建王國。然其餘運。猶綿延數百年。直至十九世紀之末。意大利再造。日耳曼一統。然後封建之跡幾絕。其運之遲生而統之久駐也如彼。中國不然。自秦以來。天下幾一家矣。以二萬餘里之大地。而二千年來常統制於一王。實此專制政體發達之最明著者也。雖然。其間逐漸變革之跡。亦有非偶然者。請次

而論之。

穹古以前。不可徵矣。董子稱九皇六十四民。莊子所述有大庭氏。柏皇氏。中央氏。栗陸氏。驪連氏。赫胥氏。尊盧氏。祝融氏。混沌氏。昊英氏。有巢氏。葛天氏。無懷氏等。老子稱鄰國相望。雞犬之聲相聞。其民老死不相往來。蓋古者舟車未通。一山之障。一河之隔。輒自成一部落。其時酋長之多。不知紀極。是爲第一期。

黃帝既克炎帝。禽蚩尤。四征八討。披山通道。史稱諸侯有叛者。黃帝從而伐之。平者去之。然則以兵力交通諸部落者。黃帝之功也。雖然。其所兼并翦滅者。蓋寡。黃帝以巍巍威德。讐服宇內。爲諸酋長之長。子孫襲其蔭者數百年。逮至堯舜。號稱郅治。然而天子之即酋長稱元后。諸侯即諸酋長稱羣后。其勢位相去。殆不甚遠。元后率由羣后所

選立。有四岳等操廢置之柄。殆如近世日耳曼之司選侯。日耳曼有司選侯。司推戴。共主之權。古代四岳。頗同。

此制余所著中國通史詳論之。觀帝摯之立而旋廢。舜禹受禪。必待諸侯朝覲謳歌訟獄之所歸。然

後卽位。其明證矣。故堯舜以前。仍純爲酋長政治。是爲第二期。

神禹既成大功。聲教四訖。統一之業。實始於此。塗山一會。執玉帛者萬國。酋長之盛。可以概見。然中央之權。已進一級。選侯之職。不設。傳子之局。大定。防風後至。禹則戮之。有扈怠侮。啓則滅之。羲和弗率。胤則征之。元后之權力。與羣后稍殊絕矣。自夏迄殷。凡歷千歲。綜其政體。大率相同。大抵以朝諸侯爲有天下之證據。孟子言武丁朝諸侯有天下然則武丁以前諸侯不朝。即天下不爲商家所有明矣。其間王權雖漸張。而霸者亦屢起。如有窮后羿。昆吾氏大彭氏豕韋氏等。皆嘗代夏殷而有天下之人也。於斯時也。酋長之數漸少。而封建之制尙未興。是爲第三期。

封建何自起。起於周封建云者。以其既得之土地而分與其人。之謂也。故封建之行。實專制政體進化之一現象也。武王觀兵孟津。諸侯會者八百。此外未與會者猶多可知。然則其時酋長。尙以千數矣。周初滅國五十。天下既定。大封親賢。彼時土廣人稀。其地固非必盡由侵略所得。然爪牙腹心。徧布宇內。與向來土著之部落酋長相錯處。據要害而制其命。復有王室爲之應援。有同封者相與聯絡。於是土著部落之

勢力日殺。中央集權之治日鞏固矣。是爲第四期。

封建羣侯。既占優勢。則兼并盛行。而土著部落。馴至不能自立。故有周七百餘年間。

爲封建政治全盛時代。孟津之會。爲國八百。加以未會及新封者。數當盈千。降及春

秋。而見於紀載者。僅百六十三國。

其中同姓者三十八。異姓者三十六。姓具而爵不明者二十四。爵明而姓不具者八。姓爵俱不明者二十六。戎狄諸種三十一。

春秋二百四十年中。被滅之國六十有五。曾幾何時。及戰國之末。而

僅餘七雄矣。天下大勢。趨於一統。運會所迫。如湯沃雪。如風捲雲。秦漢之混一海宇。

非秦漢所能爲也。其所由來漸矣。自周之既衰。已非復一王專制之政體。而實爲封

建專制之政體。齊桓晉文。實朝諸侯有天下之共主也。

詩稱赫赫宗周。褒姒滅之。孟子稱三代之失天下也。以不

仁偏觀先秦古書。無不以周爲亡於幽厲者。特後儒不敢昌言耳。齊桓之專地而封晉文之致王而朝。謂非行天子之事而何哉。

雖然。自戰國以前。

無論爲王爲霸。皆與羣后分土分民。俱據南面。有不純臣之義。其所專制者。僅及於

境內。

周禮之制亦僅治畿內者耳。

若境外屬國之治。雖時或以半外交的政策干涉之。其權限亦

不過與數十年前奧大利之待日耳曼意大利諸小邦相等。非能如後世帝者之力

之完備也。是爲第五期。

及秦始皇夷六國。置郡縣。而封建之跡一掃。雖然。郡縣非自始皇始也。史記秦武公十年。伐邽冀戎。初縣之。十一年。初縣杜鄭。左傳楚莊王滅陳。殺夏徵舒。因縣陳。又稱晉分祁氏之田爲七縣。羊舌氏之田爲三縣。其後秦孝公用商鞅變法。集小鄉邑聚爲縣。秦惠文十年。魏納上郡。十三年。秦取漢中地。置漢中郡。是郡縣之興。已數百年。而常與國邑相錯處。蓋春秋戰國間。實封建與郡縣過渡時代。而中國數千年來政治界變動最劇之秋也。有郡縣然後土地人民直隸於中央政府。而專制之實乃克舉。亦惟以如此廣漠遼廓之土地。而悉爲郡縣以隸於中央政府。則非大行專制不能爲功。故自始皇置三十六郡。而專制政體之精神形質。始具備焉矣。立乎之罘刻石之歲。追溯塗山會計之年。由萬國而八百國。而百六十三國。而十餘國。而七國。以漸歸於一國。進化程度。歷歷在目。雖曰天運。豈非人事哉。是爲第六期。

經此六期。專制之局既定矣。雖然。積數千年之舊習。其勢固非可以驟革。於是反動

力起。餘波復沿襲若干年。而始乃大定。譬猶法國大革命。開十九世紀民權之幕。而忽有拿破侖崛起。繼以俄普奧三帝神聖同盟。反動力大作。幾盡復革命前之舊觀。又加甚焉。雖然。回陽返照。勢不可久。經此波折。而新時代出現焉矣。秦漢之際。有類於是。始皇既殂。四海鼎沸。六國各自立後。於是有楚懷王心、趙王歇、魏王咎、魏王豹、韓王成、韓王信、齊王田儋、田榮、田廣、田布等。及楚漢相持。而酈食其說漢王復立六國。後。印已鑄矣。張良一言而解。豈與謂天之所廢誰能興之者耶。項羽以宰割分封而亡。漢高以力征混一而帝。一順時勢。一逆時勢而已。然高帝既定天下。猶且裂地以王韓彭。分國以侯絳灌。蓋人情習見前世故事。未得而遽易也。乃異姓八王。不旋踵而誅亡者七。夫以戰國七雄。據土各數百歲。猶不能自存。而況於新造者乎。此外尚有分封子弟諸國。亦僅傳兩葉。逮文景時。賈誼之徒。已畏其偏。卒有吳楚七國之反。大難既定。遂嚴諸侯王禁制。至是封建之餘波乃平。後此雖有爵國。名存而實去矣。是爲第七期。

至是而上古封建之治全爲一結束。雖然其暗潮波折。屢起屢伏。更歷千年。然後銷

聲匿影。以至於盡也。試略舉其梗概。漢代封建。有兩特色。其一郡國雜處。帝國分地

與諸侯王國分地。犬牙交錯。以相牽制也。漢書諸侯王表序云。諸侯比境。周而三垂。外接胡越。天子自有三河東郡。潁川南陽。

白江陵以西至巴蜀。北自雲中至隴西。與京師內史凡十五郡。公主列侯。頗邑其中。而藩國大者。夸州兼郡。連城數十。宮室百官。同制京師。其二則天子

爲侯國。置傅相。筦其政治。諸侯不得有爲於其國也。漢初漢廷。惟爲置丞相。其御史大夫以下。皆自置之。百官悉如

漢朝後景帝。懲之。遂令諸侯王不得治民。令內史治之。改丞相曰相。省御史大夫。廷尉少府。宗正博士。官凡員職。皆不得自置。凡此兩者。其法度之

外形。皆相矛盾。似封建。非封建。似郡縣。非郡縣。亦封建。亦郡縣。亦過渡時代。不得不

然也。兩者交戰。而興廢必有所趨。其日趨於中央集權。天運然矣。漢制貴爵爲三等。

曰諸侯王。惟宗親得封。曰列侯。或王之外戚。子或功臣。或王之恩澤。曰關內侯。有爵無國。邑而關內侯之制。直行之

千餘年。以至今日。文獻通考封建考十云。秦漢以來。所謂列侯者。非但食其邑入而已。已可以臣吏民。可以布政令。若關內侯。則惟以虛名受廩祿而已。

然西都景武以後。始令諸侯王不得治民。漢置內史治之。自是以後。雖諸侯王亦無君國子民之實。况列侯乎。然所謂侯者。尙裂土以封之也。至東都始有未與國邑先

賜美名之例。如靈壽王征。卷侯之類是也。此後類此者。不可勝數。則是爲第八期。

列侯有同於關內侯者矣。云云。兩漢封建名實消長之機。於此可見。

兩漢強幹弱枝之策大行。中央政府之權。達於極點。皇子之國。其勢不敵漢廷一宦豎。及其衰世。而小小反動力起焉。曰州牧。晚漢州牧。實中唐藩鎮之先聲也。其土地初本受諸帝室。然非封建也。其後乃傳諸子孫。與封建無異矣。故前此諸侯王列侯。無封建之實而有其名。後此州牧。無封建之名而有其實。是爲第九期。

魏承漢舊。又加甚焉。袁宏謂雖有王侯之號。而乃儕於匹夫。縣隔千里之外。無朝聘之儀。鄰國無會同之制。諸侯游獵。不得過三十里。又爲設防輔監國之官以伺察之。王侯皆思爲布衣而不可得。文獻通考引蓋至是而封建之運幾盡矣。及晉而反動力大

作。晉鑒漢魏亡於孤立。乃廣建宗藩。而八王之亂。喋血京邑。卒覆其宗。蓋自秦以來。中央專制之威。積之數百年。既深既劇。其勢固不可以復散於枝葉。苟有所倚於外。則其「求心力」仍常趨於中。互攙互奪。而主權如弈碁矣。晉之不綱。抑豈不以是耶。洎及六朝。南朝率循晉法。北朝多倣漢制。而其結果亦復相類。是爲第十期。

初唐之治。數千年來專制君主之最良者也。其封建也。有親王、郡王、國公、郡縣開國、

公、侯、伯、子、男等九等之號。而無官土。其加實封者。則食其所封。分食諸郡。以租調給之。然漢魏制。凡王侯皆例須之國。唐則在京師衣食租稅而已。此又其勢更殺之徵也。雖然。中葉以後。反動力又起。釀成方鎮之習。中央政府實權。既墜於地。山東河朔。皆擅署吏。以賦稅自私。以土地傳子孫。至合縱以抗天子。卒百餘年。與唐相終始。延至五季。猶諸雄角立。蓋自秦以降。其反動力之鉅且劇。此爲最矣。何也。晉八王之亂。其所共爭者。仍中央之權也。唐之方鎮。則務自鞏其地方之權。與中央分勢者也。是爲第十一期。

宋制地方之權大衰。而中央之權亦不見其盛。蓋文弱之極。與外患相終始。無足云者。女真蒙古。以部落羶俗之制治中國。於沿革大勢。所關亦寡焉。至明而封建之死灰。又復小燃。燕王棣以之篡。宸濠以之叛。雖然。以視漢七國。晉八王。蓋其微矣。是爲第十二期。

及至本朝。以外族入主中夏。寵異降將。尙有孔吳耿尙等四王之封。實爲中國有史

以來四千年間封建制度最後之結局也。自三藩戡定後。迄今二百餘年。無封建。豈惟二百餘年。吾敢信自今以往。封建之跡。真永絕矣。今制。元功宗親。皆留京師。宗室自親王以下。至奉恩將軍。列爵九等。皆撥予以直隸及關東之田。以抵古人之湯沐邑。功臣自一等公以下。至恩騎尉。列爵二十六等。皆予俸。無官受世職單俸。有官受雙俸。此漢關內侯之制也。亦英國日本等貴族華族之制也。其有封建之名而無其實者。既如此矣。曰。然則他日亦有無封建之名而有其實如漢州牧唐方鎮者乎。曰。是亦必無。雖自平髮平捻以後。督撫勢力日盛。中央之權。似有所減。如庚子一役。東南督撫。有敢抗朝旨。擅與他國立約之事。雖然。是有特別原因焉。不能認爲中央地方兩權消長之證也。後此如更有變遷乎。其必不襲漢牧唐鎮之舊也。有斷然矣。是爲第十三期。

綜而論之。則十三期中。復爲四大期。自黃帝以至周初。爲封建未定期。自周以至漢初。爲封建全盛期。自漢景武以後。至清初。爲封建變相期。自康熙平三藩以後。爲封

建全滅期。由酋長而成爲封建。而專制之實力一進化。由真封建而變爲有名無實。有實無名之封建。而專制實力又一進化。舉名實兩掃之。而專制實力又一進化。進化至是。蓋圓滿矣。莽莽數千年。相持相低昂。徘徊焉。翱翔焉。直至最近世。然後爲一大結束而勢乃全定。莫或主之。若或主之。進化之難。乃如是耶。上下千古。其感慨何如哉。

附論中國封建之制與歐洲日本比較

封建之運。東西所同也。中國有之。日本有之。歐洲亦有之。然歐洲日本封建滅而民權興。中國封建滅而君權強。何也。曰。歐洲有市府。而中國無有也。日本有士族。而中國無有也。歐洲自希臘以來。卽有市府之制。一市一村。民皆自治。及中世之末。封建跋扈。南部伊大利諸州。其民首自保衛。爲獨立市府。日耳曼諸州繼起。遂至有八十市府聯盟之事。自餘法蘭西英吉利葡萄牙西班牙諸市。所在發達。近世諸新造國。其帝王未有不憑藉市府之力而興者也。然則歐洲封建之滅。非君

主滅之。而人民滅之也。帝王既藉人民以滅諸侯。義固不可不報。則民有權矣。民方能以自力滅諸侯。則尤不容帝王之不報。則民有權矣。日本武門柄政。凡八百年。而德川氏三百年間。行封建制。其各藩中有所謂藩士。在本藩常享特別之權利。帶貴族之資格。略與希臘共和國所謂市公民者相類。及明治維新。其主動者皆此等藩士也。諸藩士各挾其藩之力。合縱以革幕府。即大將軍 德川氏而獎王室。及幕府既倒。大勢既變。知不可以藩藩角立。乃胥謀而廢之。然則日本封建之滅。非君主滅之。而以自力滅之也。夫既惡幕府之專制而去之。則其不復樂專制明矣。能以自力自滅其藩。此其人亦非可以專制籠絡之明矣。以是之故。故歐洲日本。皆封建滅而民權興之代興。或疑歐洲近史中專制主如路易第十四世者指不勝屈。不可謂民權遂興。不知近數百年來全歐皆以專制

自由兩主義相戰。不過其戰勝有蚤暮耳。宗教改革諸役皆民權之前鋒隊也。

中國不然。數千年來曾無有士民參與政

治之事。豈惟無其事。並乃其思想而亦無之。興封建者君主也。廢封建者亦君主也。以封建自衛者君主也。與封建爲仇者亦君主也。封建強則所分者君主之權。

封建削則所增者君主之勢。夫以數萬里之廣土衆民。同立於一政府之下。而人民復無自治力以團之理之。然則非行莫大之專制。何以立國乎。故統覽數千年歷史。其號稱小康時代者。必其在中央集權最盛大最鞏固之時代也。如周初漢初唐初清初是已。專制權稍薄弱。則有分裂。有分裂則有力征。有力征則有兼并。兼并多一次。則專制權高一度。愈積愈進。至本朝乾隆時代而極矣。論者知民權之所以不興。由於爲專制所壓。抑亦知專制之所以得行。由於民權之不立耶。不然。則歐人謂憔悴虐政之苦。莫甚於封建時。何以中國封建之運之衰。遠在歐洲之先。而專制之運之長。反遠在歐洲之後也。

第三章 貴族政治之消滅（由寡人政治趨於一人政治）

貴族政治。爲專制一大障礙。專制有廣狹二義。吾今所論專指狹義之君主專制。言也。若以廣義則貴族政體固專制矣。今日之議會政治。

此非本論界說之範圍也。

其國苟有貴族者。則完全圓滿之君主專制。終不可得行。貴族何自起。起於族制。起於酋政。故地球上一切國。無不經過貴族政治一階級。而

其盛衰久暫。亦常隨其特別之原因。且常演出特別之結果。故談政者必於此中觀消息焉。

吾今欲言我國之貴族政治。請先言他國之貴族政治。泰西數千年歷史。實貴族與平民相閱之歷史而已。其阻力也在是。其動力也在是。故貴族二字在泰西史。實爲政治上最大之要素。泰西政治史。發源於希臘羅馬。希臘之斯巴達。貴族政治也。希臘之雅典。自梭倫定律以前。貴族政治也。羅馬自紀元前五百年以前。皆貴族政治也。此後二百年間。皆貴族平民軋轢時代也。自紀元前七十九年以後。所謂三頭政體者。又貴族政治也。降及中世。封建糜爛。蠻敵憑陵。雖完全之政治。無可表見。而於人羣中最占勢力者。皆貴族也。洎於近世。反動力大起。數百年間。以兩族之角鬪。勝敗相終始。君主之與平民結也。爲挫貴族也。宗教革命。爲挫貴族也。法國大革命。則舉貴族權力而一掃之也。十九世紀全歐之擾攘。皆承法國大革命之餘波。剗貴族之萌芽也。今日俄羅斯之虛無黨。亦與貴族爲仇也。然直至今日。而歐洲各國。猶

不能滅絕貴族。偉矣哉貴族之勢力。重矣哉貴族之關係。

貴族政治者。最不平等之政治也。他國以有貴族故。故常分國民爲數種階級。其最甚者爲『喀私德』Castes之制。其次甚者爲『埃士梯德』Estates之制。喀私德者。

諸凡古代東洋諸國。如埃及波斯等皆有之。而印度爲最整嚴。印度之『喀私德』。其第一種曰婆羅門。Brahmins 彼中稱爲自神之口而出者。一切學問宗教法律皆

歸其掌握。其第二種曰刹利。Kshatriyas 彼中稱爲自神之脇而出者。軍人武門屬

焉。案釋迦牟尼即出此族也其第三種曰毘舍。Vaishyas 彼中稱爲自神之膝而出者。農工商牧

等業屬之。其第四種曰首陀羅。Sudras 彼中稱爲自神之足而出者。奴隸屬焉。此

四族者。婚姻不相通。職業不相易。自數千年至今日。而其弊猶未革。此爲貴族政治流弊之極點。『埃士梯德』者。其形狀與『喀私德』略同。而其性質則稍異。『喀私德』者。一成而不可變者也。『埃士梯德』者。隨時勢而有轉移者也。『埃士梯德』之制。極盛於中世之歐洲。而條頓民族尤爲整嚴。彼中謂太初有神。厥名黎哥。Rig 茲生三

子。其先產者。名曰胥羅。Thral 爲奴隸之祖。其次產者。名曰卡爾。Kari 爲農民之祖。最後產者。名曰這爾。Jari 教之武藝。爲貴族之祖。彼其理想。固與印度之「喀私德」絕相類。故歐洲所謂「埃士梯德」者。大率亦分四族。一曰教士。二曰貴族。三曰自由民。四曰奴隸。其階級亦與印度之四「喀私德」相應。自希臘羅馬以至中世及近世之初期。此種階級。常橫截歐洲之政界。雖各國之權。限伸縮不同。而其概一也。各國國憲之變動。往往因此「埃士梯德」之關係而起者。十居八九。其在中古。各級各爲法律。不相雜廁。第一第二兩種。常握政治上大權。其第三種。稍維持民權於一二。其第四種。則全有義務而無權利者也。及至近世。乃始漸脫樊籬。至最近世。乃一躍而廓清積習。要而論之。則歐洲數千年來之政治。最不平等之政治也。最不自由之政治也。第一第二兩種太自由。第三第四兩種太不自由。雖以亞里士多德之大哲。猶謂奴隸制爲天然公理。以希臘羅馬之文明。而其下級社會之民被虐待者。慘無天日。其所謂沐文明之膏澤者。不過國中一小部分耳。至如美國當十九世紀。尙以爭買奴而動干戈。法

國既改共和政體。而世襲之爵。猶沿而不除。卽如我東鄰最近之日本。亦有『非人』『穢多』等稱號。至維新後而始革。蓋貴族政治之極敝。衍爲階級。其現象及其影響。乃至如此。彼其國中所以軋轢不絕者。皆此之由。抑其君主專制之政。所以不能極盛。卽盛矣而不能持久者。亦此之由。

吾今請言中國。我祖國之歷史。有可以自豪於世界者一事。曰。無『喀私德』無『埃士梯德』。此實由貴族政治之運。不長所致也。然則吾中國亦嘗有貴族政治乎。曰。有。貴族政治者。亦國家成立所必經之級。而不可逃避者也。豈吾中國而能無之。太古之事。邈矣。尙書託始於堯舜。而彼時卽貴族政治最盛之時代也。當時之貴族。或擁疆土以俱南面。或踞中央以握政權。爲君主者。不過爲貴族所選立。而奉行貴族之意而已。何以知君主爲貴族所選立也。黃帝崩。元妃之子玄囂昌意。皆不得立。而次妃之子少昊代焉。少昊不得傳位其子。而昌意之子顓頊代焉。顓頊亦不得傳位其子。而玄囂之孫帝嚳代焉。後世史家。據今日之思想。以例古人。以爲是宋宣公吳

王壽夢宋藝祖之類。由先君之遺命以定所立也。而豈知皆貴族之勢力左右其間也。其尤著明者。則帝嚳之長子帝摯既立。僅九年。而諸侯廢之以立帝堯。夫廢君之事。自後世史家觀之。鮮不以爲大逆不道。而當時若甚平平無奇者。蓋貴族政治之常習然也。其後堯欲讓舜。而必先讓四岳。俟四岳舉舜。然後試之。所以示不專也。使堯而果有全權也。意中既有一舜。豈不能直舉而致諸青雲之上。乃必於四岳焉。一嘗試其讓。使四岳而竟慨諾之。則堯又將奈何。吾有以信堯之果無奈何也。及舜受堯禪。而必先自避於南河之南。禹受舜禪。而必先自避於陽城。待朝覲訟獄謳歌之皆歸。然後之中國踐天子位。亦視當時貴族爲趨向而已。何以知君主必奉行貴族之意也。吾昔讀古史而有一不可解之問題。彼鯀者。四凶之一也。當堯之時。惡德既顯。堯咨治水於四嶽。四嶽舉鯀。堯既斥其方命圯族。而不能不屈意以用之。以至九載無功。使堯果有全權。則以如許重大之事。委諸明知其不可之人。堯不重負天下乎。又如所謂八元八愷者。皆堯之親族。其中如稷如契。則堯之異母兄弟也。堯豈不

知之而不能舉。無他。爲貴族所阻撓而已。此後舜欲授禹等九官。亦必詢於四岳。任其推薦。然則用人行政之大權。四岳操其強半也明矣。四岳者何也。白虎通云。總四岳諸侯之事者也。然則四岳之官。實代表全國諸侯。而總制中央。左右君主者。以理勢度之。其職權殆與斯巴達之『埃科亞士』*Ephors* 絕相類。參觀斯巴達小志 埃科亞士凡五人。而四岳則四人。皆貴族所以平均其勢力也。此爲我國貴族政治最盛之時代。及堯舜禹皆以不世出之英主。汲汲以集權奠國爲務。堯在位七十二年。舜在位六十一年。此百三十三年中。中央政府漸加整頓。權力日盛。能漸收豪族之權於帝室。而禹之大功。又足以震懾天下。故堯不能誅四凶。舜不能服有苗。而禹則會諸侯於塗山。防風氏後至。直取而戮之。蓋主權之雄強。迥非昔比矣。至是君主世襲之權確定。而四嶽之官。至夏亦不復見。於是貴族政治受第一次之裁抑。而專制政體一進化。

夏殷之事。史文闕漏。今不具論。周革殷命。廣置封建。而京畿之內。二伯分陝。權力猶

埒王者。厲王無道。國人流之於彘。而共和執政。國人云者。吾不敢信爲全國之平民也。殆貴族而已。當時民權頗發達而我國又向無分民爲階級之弊故晉文聽與人

也但觀共和執政則貴族權之強盛有斷然者此後見於史傳者。如周召畢鄭虢祭單劉尹等諸族。常左右

周室。司政權焉。不待五霸之興。而王者固已常如守府矣。故周之一代。實貴族政治之時代也。夏殷亦當然但不可考耳然以視堯舜時。則其權稍殺。蓋彼則王位由其廢置。而此則

假王之名以行事者也。春秋列國亦然。在齊則有國高崔慶。在魯則有三桓。在鄭則有七穆。在晉則有欒郤胥原范荀。在楚則有昭屈景。在宋則有武繆戴莊桓之族。其

餘諸國。大率類是。右族相繼。持一國之大權。政府即貴族勢力。過於國君。國君之廢立。

常出其手。國君之行爲。能掣其肘。觀孟子告齊王以貴戚之卿。反覆諫其君不聽。則

易位。滕文公欲行三年之喪。父兄百官皆不欲。則幾不能盡於大事。亦可見當時貴

族權力之一斑矣。周代貴族權所以獨盛者何也。其一。由於人羣天然之階級使然。

其二。亦由人力有以助長之也。蓋國家本起原於家族。但國勢愈定。則族制自當愈

衰。周之興。去黃帝時代已二千載。宜其家族之形體漸革。而今反不爾者。周制實以家爲國也。故有最齊整最完備之一制度。曰宗法。所謂『別子爲祖。繼別爲宗。繼禰者爲小宗。有百世不遷之宗。有五世始遷之宗。』此制度者。王室與同姓諸侯之關係賴之。諸侯與其境內諸族之關係賴之。乃至國中一切大小團體所以相維持相固結者皆賴之。周代羣治。悉以此制度爲中心點。故曰國之本在家。又曰家齊而後國治。此誠實制。非空言也。以此之故。貴族政治。大伸其力。雖以孟子之卓識。猶云『所謂故國者。非有喬木之謂也。有世臣之謂也。』亦可見貴族政治入人深矣。逮至戰國。而社會之風潮一大變。秦始皇用客卿以強。列國繼之。及孔子沒後二百餘年。而貴族之權。與周室同盡矣。於是貴族政治受第二次裁抑。而專制政體一進化。

周末之貴族政治所以能就澌滅者何也。吾推其原因。有兩大端。其一。由於學理之昌明。孔子最惡貴族政治者也。故其作春秋也。於尹氏卒。年隱三齊崔氏出奔衛。十宣皆著譏世卿之義焉。於仍叔之子來聘。年隱五曹世子射姑來朝。年隱九皆著譏父老

子代從政之義焉。春秋於大夫主權之舉。無不貶絕。淩梁之會。襄十信在大夫。而春

秋徧刺之。蓋孔子深見夫當時貴族政治之極弊。故救時之策。以此爲第一義。故曰

天下有道。則政不在大夫。摧滅貴族政治者。孔子之功最偉矣。墨子亦然。言尙賢。言

尙同。至老子之芻狗一切者。更無論矣。故孔墨老宗旨雖不同。而皆力倡萬民平等

之大義。與二千年之陋俗爲敵。其弟子亦多出身微賤。名聞一時。子張駟僧也。顏琢

子禽滑釐大盜也。學於墨子。天下相與化之。以視亞里士多德之主張蓄奴。大有異矣。故經諸大

師大力鼓盪之後。而全羣之思想皆大變。(其一)由於時勢之趨嚮。自春秋之末。以

至戰國。兼并盛行。列國之競爭最劇。相率以登進人材。擴張國勢爲務。其雄鷲之主。

知僅恃貴族。不足以豪於天下。故敬禮處士。招致客卿。自秦人首用由余。百里奚。以

霸西戎。此後商鞅。范雎。蔡澤。張儀。李斯。凡佐秦以成大業者。無一不起自遠客賤族。

而吳越亦以伍子胥。范蠡。等之力。崛起南服。主盟中原。至戰國之末。列雄始悟優勝

劣敗之所在。然後相率以躡其後。於是樂毅。劇辛。鄒衍。淳于髡。蘇秦。公孫衍。魯仲連。

廉頗、蘭相如、李牧之徒。始皆以處士權傾人主矣。當時如齊孟嘗、趙平原、魏信陵。實爲貴族政治回光返照。放一異彩。而其所以能爾爾者。乃實由紆尊降貴。自放棄其貴族之特權。以結懽於處士故。雖謂三公子爲貴族之自伐者可也。至是而黃帝以來二千年之貴族政體。一掃以盡。

漢高起草澤作天子。其本身既已不帶一毫貴族性質。其左右股肱蕭曹韓彭平勃之流。皆起家賤吏。牙儉狗屠。致身通顯。君臣同道。益舉自有人類以來天然階級之陋習。震盪而消滅之。漢高復以刻薄悍鷙之手段。芟夷功臣。無使遺種。故自漢興而布衣將相之局已定。初不待武帝時之卜式以牧羊爲御史大夫、公孫弘以白衣爲丞相也。功臣既殄。而親藩又不得留京師參朝政。故在漢代無可以生出貴族之道。若必求其近似者。則后族當之矣。若西漢之呂氏、竇氏、田氏、霍氏、上官氏、王氏。東漢之鄧氏、竇氏、閻氏、梁氏。皆氣燄熏灼。權傾一時。雖然舉不足以當貴族之名也。泰西之所謂貴族。與中國古代所謂貴族。皆別爲一階級。不與齊民等。而其族之人亦必

甚多。受之於世襲。而非附一二人之末光。以自尊顯。而又傳諸其胤。不以一二人之失勢而喪全族之權利。具此諸質。乃可謂之貴族。若漢之后族。則何有焉。衛青、霍去病。以一異父同母之私生姊妹。蒙蔭以尸大位。自餘諸族。亦大率類是而已。其間惟哀平間之王氏。雖不能全具貴族之性質。而頗有其一二。故謂新莽之亂。爲貴族之小餘波可也。然其影響於數千年之政治界者。抑甚微矣。東漢之末。袁氏以十二世爲漢司徒。四世爲漢司空。紹術兩豎子。因乘餘蔭竊方鎮者十餘年。似亦足爲貴族勢力之一徵焉。然所成就既無可表見。且於中央政府無絲毫關係。夫安得以貴族政治論。至如曹氏之於漢。司馬氏之於魏。亦全由箇人權。力處心積慮。以相攙奪。尤與貴族政治不相涉。故謂兩漢三國全無貴族。決非過言也。於是專制政體又以進化。

自魏陳羣立九品中正取士之制。沿至晉代。至有所謂上品無寒門。下品無世族者。故戰國以後至今日。中間惟六朝時代。頗有貴族階級。『舊時王謝堂前燕。飛入尋

常百姓家。』右族與尋常百姓之區別。頗印於全社會之腦中矣。及南北朝。門第益

重。視侯門寒素。殆如良賤之不可紊。史稱趙胤龍貴一時。欲與范陽盧氏爲婚。盧氏

一曰其家議欲下嫁。巨倫姑悲感曰。豈可令此女屈事卑族也。何而單門寒士。亦遂

自視微陋。不敢與世家相頡頏。就席。夏久。方去。與宗亦隆。不呼坐。又宗越本。南陽次門。敢

以事黜。爲役門。後立軍功。啓宋。其有發跡通顯。得與世族相攀附。則視爲莫大之榮

幸。我史稱王敬則與王儉同拜開府儀同儉。曰不意老子遂與韓非同傳。敬則賜以章

氏女。榮之。等是其例也。甚至風俗所趨。積重難返。雖以帝者之力。欲變易之。而不可

得。史稱宋文帝寵中書舍人宏。與宗謂曰。卿欲作士人。得就王球坐。乃常判爾若何

他日。帝出。勸球曰。士庶區別。國之常也。臣不敢奉大詔。又稱紀僧真嘗啓宋武帝曰。我

不得措意。可自詣之。僧真承士大夫固。非天子所命。等是其例也。此等習尙。沿至初

唐而猶極盛。史稱唐太宗曰。羣臣刊正姓氏。第爲九等。而崔氏猶居第一。太宗家遂列

合三百九十三姓。千六百五十一家。爲氏族志。頒行天下。而李義府傳。猶云。自魏太

往來求婚故望不能禁矣 則及中唐猶未革。唐書杜羔傳云文宗欲以公主降土族曰民間昏媾不計官品而尙闕閱我家二百年天子

子反不若摧虛耶可見 若此者殆與泰西所謂『喀私德』『埃士梯德』者相類。實吾

中國數千年來社會上一怪現象也。其原因所自起。吾不能確言。大率由於虛名。非由於實力也。彼之所謂門第者。於政治上權力毫無關係。雖起寒門。可以致其位於將相。雖致將相。而不能脫其籍於寒門。故六朝時代。可謂之有貴族。而不可謂之有貴族政治。其於專制政體之進化。毫無損也。

自此以後。並貴族之跡而全絕矣。元人以羶族奪我國土。壓制我種族。於是有分國人為四階級之制。一曰蒙古人。二曰色目人。即非蒙古非漢族之諸小蠻族 三曰漢人。指滅金時所掠河北人民

四曰南人。指滅宋時所掠江南人民 政權全在蒙古人。色目人次之。漢人南人最下。南人一切百

官。皆蒙古人爲之長。漢人南人從未有得爲正官者。終元之世。漢人得爲伴食宰相

者二人而已。史天澤賀惟一 而漢人與蒙古人同官者。亦皆跪起稟白如小吏。莫許抗禮。元

氏一百年中。吾國民遂束縛於階級制度之下。雖然。此非我民族自造之現象也。國

被滅而爲敵所鉗。夫安得已也。此百年中可謂貴族政治。然彼貴其所貴。非吾所謂貴。吾蓋不屑以汚我楮墨焉。然彼以彼之貴族。擁護彼之專制。而專制政體亦一進化。

有明三百年中。變遷蓋少。至本朝入主中夏。亦生小小階級。滿洲人爲一級。最貴。蒙古漢軍爲一級。次之。漢人爲一級。最下。然以視胡元之畛域。則有間矣。其政權分配之制。則滿漢各半。以五百萬滿洲之貴族而占其半。以四萬萬漢人之平民而僅得其半。不可不謂貴族政治之成績也。然以別此階級之故而猶得其半。較諸元代。則吾輩惟有歌頌聖德而已。中葉以來。全化漢俗。咸同以後。以物競天擇自然之運。政權歸漢人手者十而八九。故本朝政治。亦可列諸數千年歷史。以常格而論之。語其實際。則本朝亦非有所謂貴族政體者存。中葉以前之滿人。中葉以後之漢人。皆多起寒微。參預大政。而天潢貴胄。反不得與聞政事。蓋自晉八王以後。帝者皆以畏偪之故。裁抑親藩也久矣。是亦專制政體進化之一大眼目也。自熱河蒙塵以後。始置

議政王位軍機大臣上。後雖裁撤。而軍機常以親王領班。貴族政治。似稍復萌蘖焉。然前者以恭邸、醇邸之尊親。其權不能敵文祥、沈桂芬、李鴻藻、翁同龢、孫毓汶、徐用儀。近則如禮王久擁首座之虛銜。最近則慶王、肅王、嶄然顯頭角。然其權亦不能敵榮祿、剛毅。蓋貴族政治之消滅久矣。天之所廢。誰能興之。吾敢信自今以往。吾中國必無或復先秦時代貴族政權之舊也。至是而專制政體之進化。果圓滿無遺憾矣。『喀私德』『埃士梯德』之陋俗。吾中國誠無之也。元代之辱我者不計雖有之。而其族亦甚微。無所影響於政治。六經古史中。奴僕等字不多見。然禮記有獻民虜者操右袂之語。然則戰勝而俘人爲奴。殆古俗所萬不能免者。左傳屢稱某人御戎。某人爲右。御戎可謂賤役也。而爲之者大率皆貴族。孔子則樊遲御。冉有僕。子路執輿。闕黨童子將命。是孔子終身無用奴僕之事。是或聖人平等之精意則然。然我古代斷無所謂如希臘羅馬之奴隸充斥者。可斷言矣。井田之制論者或謂其未嘗實行使果行之則人人受田百畝餘夫亦受焉安有所謂奴隸者然至漢世。下詔免奴婢者。史不絕書。苟前此無此物。則何免之可言。故謂中國絕

乎

無階級制度者。亦非然也。漢高定制。令賈人不得乘車衣繡。齊明帝制寒人門不

即寒

不

得用四幅繖。此亦階級制度之施諸奴隸以外者也。凡進化之公例。世運愈進。則下等級之人民。必漸升爲高等。而下等之數。日以消滅。乃吾中國則若反是。自唐宋以前。奴婢之種類。蓋不多見。而近今六七百年。若反增益者。吾推度之。有兩原因焉。一

由胡元盜國時。掠奪之禍極慘。漢人南人。率爲俘虜。以入奴籍。趙甌北陵餘叢考記之極詳二由

前明中葉以後。中使四出。誅求無饜。人民相率投大戶以避禍。『投大戶』者。當時之

一名詞。蓋以身體財產全鬻諸權貴有力之家。甘永世爲其服役。借作護身符以救

一時也。以此兩端。故近世以來。奴籍轉增於前古。而本朝之制。凡曾鬻身爲人僕者。

曾在公署執皂隸之役者。曾爲倡優者。及隸蛋戶者。皆謂之身家不清白。其子孫不

得應試入仕。計此類特別階級。亦當不下全國民數五分之一。然則竟謂之無階

級焉。固不可也。但以較諸歐洲中古以前。及近世所謂隸農制度者。則吾之文明。終

優於彼焉耳。案此一段與專制政體之進化無甚關係。因論階級制度故並及之。

要而論之。則吾國自秦漢以來。貴族政治。早已絕跡。歐美日本人於近世最近世而始幾及之一政級。而吾國乃於二十年前而得之。其相去不亦遠耶。如前所云。貴族政治者。最不平等之政治也。最不自由之政治也。吾中國既早已剷除之。宜其平等自由。達於極軌。而到治早陵歐美而上。乃其結果全反是者。何也。試縱論之。

貴族政治者。雖平民政治之蝨賊。然亦君主專制之捍敵也。試徵諸西史。國民議會之制度。殆無不由貴族起。希臘最初之政治。有所謂長者議會者存。其議員即各族之宗子。Father-sovereign 而常握一國之實權者也。此議會。其後在斯巴達。變爲

元老議會。Gerusia 及國民議會。其在雅典。變爲元老議院。The Senate of the Areopagus 及四百人議院。Probouleutic Senate 羅馬最初之政治。亦有所謂元老院 Senate 者存。其後變爲百人會議。Comitia Centuriata 平民會議。Comitia

Tributa 而保有世界最古之成文憲法。所謂金牛大憲章者之一國。即甸加利亦由貴族要求於國王而得之者也。英國今日。民權最盛之國也。考其國會發達之沿革。其最

始者爲賢人會議。The Witenagemot 以王族、長老、教士、充之。是貴族之類也。次之者爲諾曼王朝之大會議。The great assembly of the king's tenants-in-chief 謂國

王治下貴族士人之會議也。以曾受封土及教會長教士等充之。亦貴族也。然後漸

變爲所謂模範國會者。Model Parliament

千二百九十五年始命各州選二名士
爵議員各市府選二名市民議員後世

國會多取法於此故
史家稱爲模範國會

此後逐漸改良進步。然後完全善良之國會乃起。由此觀之。貴

族政治。固有常爲平民政治之媒介者焉。凡政治之發達。莫不由多數者與少數者之爭而勝之。貴族之對於平民。固少數也。其對於君主。則多數也。故貴族能裁抑君主。而要求得相當之權利。於是國憲之根本卽已粗立。後此平民亦能以之爲型。以之爲楯。以彼之裁抑君主之術。還裁抑之。而求得相當之權利。是貴族政治之有助於民權者一也。君主一人耳。旣用愚民之術。自尊曰聖曰神。則人民每不敢妄生異想。馴至視其專制爲天賦之權利。若貴族而專制也。則以少數之芸芸者。與多數之芸芸者相形見絀。自能觸其惡感。起一吾何畏彼之思想。是貴族政治之有助於民

權者二也。一尊之下。既有兩派。則疇昔君主與貴族相結以虐平民者。忽然亦可與平民相結以弱貴族。而君主專制之極。則貴族平民。又可相結以同裁抑君主。三者相牽制相監督。而莫或得自恣。是貴族政治之有助於民權者三也。有是三者。則泰西之有貴族而民權反伸。中國之無貴族而民權反縮。蓋亦有由矣。吾非謂中國民權之弱。全由於無貴族。然此殆亦其複雜原因之一端也。

十八世紀之學說。其所以開拓心胸。震撼社會。造成今日政界新現象者。有兩大義。一曰平等。二曰自由。吾夙受其說而心醉焉。曰其庶幾以此大義移植於我祖國。以蘇我數千年專制之憔悴乎。乃觀今日持此旗幟以呼號於國中者。亦非始無人。而其効力不少概見。則何以故。吾思之。吾重思之。彼泰西貴族平民之兩階級。權利義務。皆相去懸絕。誠哉其不平等也。君主壓制之下。復重以貴族壓制。羅網重重。誠哉其不自由也。惟不平等之極。故渴望平等。惟不自由之極。故日祝自由。反動力之爲用。豈不神哉。若吾中國則異是。謂其不平等耶。今歲華門一酸儒。來歲可以金馬玉

堂矣。今日市門一駟儉。明日可以拖青紆紫矣。彼其受政府之朘削官吏之笞辱也。不曰吾將以何術以相捍禦。而曰吾將歸而攻八股。吾將出而買財票。苟幸而獲中。則今日人之所以朘削我笞辱我者。我旋可還以朘削人笞辱人也。謂其不自由耶。吾欲爲游手。政府不問也。吾欲爲盜賊。政府不問也。吾欲爲棍騙。政府不問也。吾欲爲餓殍。政府不問也。聽吾自生自滅於此大塊之上。而吾又誰怨而誰敵也。於是乎雖有千百盧梭千百孟德斯鳩。而所以震撼我國民開拓我國民之道。亦不得不窮。何以故。彼有形之專制。而此無形之專制故。彼直接之專制。而此間接之專制故。專制政體進化之極。其結果之盛大壯實而顛撲不破。乃至若是。夫孰知夫我之可以自豪於世界者。用之不善。乃反以此而自弱於世界乎。噫。

論專政制體有百害於君主而無一利

今民間稍有知識者。莫不痛心疾首於專政制體。其惡之也。殆以此爲吾害也。至如君主若君主之私人。則莫不殫其精竭其術。以維持迴護專政制體。其愛之也。殆以

此爲吾利也。夫趨所利而去所害。人類之公性情然矣。使其果爲利也。則吾亦何敢拂戾此公性情。爲與虎謀皮之舉。以噍瀆於炙手可熱者之側。雖然。其實際固非爾。吾思之。吾重思之。竊以爲專制政體之毒。其害民者一。而害君主者常二。民之受害者。有時而可避。君主之受害者。無地而可逃。民受害而他人猶以相憐。君主受害而後世且以爲快。故吾敢斷言曰。專制政體之於君主。有百害而無一利。謂余不信。請誦諸史。

中國數千年君統。所以屢經衰亂滅絕者。其厲階有十。而外夷搆釁流賊揭竿兩者不與焉。一曰貴族專政。二曰女主擅權。三曰敵庶爭位。四曰統絕擁立。五曰宗藩移國。六曰權臣篡弒。七曰軍人跋扈。如唐藩鎮之類八曰外戚橫恣。九曰僉壬朘削。如李林甫盧杞之類十曰宦寺盜柄。此十者。殆歷代所以亡國之根原。凡叔季之朝廷。未有不居一於是者也。至求此十種惡現象所以發生之由。莫不在專制政體。專制政體者。實數千年來破家亡國之總根原也。

昔在周代。統一之業始集。於是廣封親藩。以獎王室。及其衰也。諸侯力征。天王守府。迨於末葉。政在大夫。齊之田陳。晉之三家。羽翼既就。主權亦移。周室之亡。實亡於貴族。秦嬴鑿之。夷天下爲郡縣。支孽無尺寸之土。功臣無湯沐之祚。而一胡亥一趙高。舉而傾之。秦之亡。亡於嫡庶。亡於宦寺也。秦代專制政體最行。而其亡亦最速。漢高一天下。鑿秦之孤立。與其爭統也。於是上法周制。廣置親藩。而孝惠儲位。不敢廢置。及其崩御。骨未寒而呂氏之禍作矣。是爲女后專權之嚆矢。前此秦之太后。穰侯已肇其端。呂氏既滅。七國旋警。宗藩之禍。幾覆厥祚。七國既平。景武乃實行強幹弱枝之術。翦其爪牙。使無能爲役。而巫蠱之變。骨肉喋血。上官氏霍氏踵起。外戚之禍復燃。弘恭石顯繼興。宦官之禍萌蘖。未幾而王氏竟移漢鼎矣。西漢之亂亡。則女主宗藩外戚宦寺諸原因爲之也。東漢光武明章一小康。及和帝以後。竇氏鄧氏閻氏梁氏諸后族。互起互屠。而母后外戚之禍。達於極點。鄭衆李閏江京孫程單超曹節王甫等。狼狽相嬗。而宦官之禍。達於極點。海宇鼎沸。梟雄乘之。董卓曹操。遂屋漢社。東漢之亡。以母后

外戚始。以宦寺中。以權臣終也。及魏承漢。上鑒七國。下鑒羣牧。於是悉廢封建。而外戚宦寺之禍亦不烈。而司馬懿鋤曹爽。若拉枯朽。而魏遂移於晉矣。蜀以昭烈之略。諸葛之明。崎嶇保障者若干年。諸葛云亡。而一黃皓。遂覆漢祀。吳大帝藉父兄之業。以霸江東。及其末年。而登和霸亮四子。已相攙奪。諸葛恪、孫峻、孫綝。橫極凶暴。竟廢其君。弱其國。三國之亡。魏亡於權臣。蜀亡於宦寺。吳亡於嫡庶及權臣也。晉復鑒魏孤立。大封宗室。而內之楊氏賈氏。外戚女主之亂踵起。外之八王相夷。骨肉剗刃。若屠犬羊。遂倚外寇爲聲援。寢成五胡之亂。西晉之亡。則后戚宗藩之爲之也。東渡後。宗室之勢驟殺。而都督之權驟強。王敦、蘇峻、桓溫、桓玄。皆以方鎮搆亂。竭舉國之力。僅能平之。而劉裕卽以此篡晉矣。東晉之亡。則軍人之爲之也。其在南朝。劉宋則有太子劭、武陵王駿、晉安王子勛等之相繼弑逆。蕭齊則有蕭鸞、江祐等之廢立。蕭梁則有侯景及諸王之爭亂。陳則有孔範、江總等之專橫。其在北朝。拓跋魏以道武爲初祖。而及身已被弑於厥子。寢假而胡太后弑孝明。爾朱榮弑元釗。爾朱兆弑孝莊。

高歡廢節愍。而魏遂分東西。高齊則常山王演弑廢帝。宇文周則宇文護弑孝愍。孝明。凡南北朝二百餘年間。七姓之亂亡。莫不由前此所舉十種罪惡之爲之也。隋文亦及身被弑於厥子。隋煬旋賈怨天下。被弑於近臣。隋之亡。則嫡庶爭立。僉壬用事之爲之也。唐號稱極盛矣。而天下甫定。即有玄武門之變。高祖殆以憂死。僅三葉而武后禍起。唐易而周。韋氏繼之。女主之禍。至是達於極點。天寶以後。其在宮中。則有楊貴妃、張良娣、之棼亂。其在朝廷。則有李林甫、盧杞、之橫恣。其在方鎮。則有安祿山、史思明、李希烈、朱泚、李懷光、等十數藩帥之叛亂。及至末葉。宦官大盛。遂釀成甘露之變。連弑數帝。擁立之權。皆在其手。而唐社遂屋。唐之亂亡。起於家變。次以母后。次以僉壬。次以軍人。而終以宦寺也。五代十國之亂。更不足道矣。宋承唐後。懲藩鎮之禍。盡解功臣兵柄。而太宗已以繼嗣之爭。喋血於所親。其後蔡京、章惇、秦檜、韓侂胄、史彌遠、相繼用事。屠殺善類。而僉壬之禍。亦與宋相終始。其在胡元。鐵木迭兒、鐵失、燕帖木兒、等更迭作亂。海宇鼎沸。亦遂不能安於中國。元之亡。由宗藩諸臣爭權之

爲之也。及至前明。又懲歷朝禍亂之弊。遠師周漢。復建親藩。而燕王棣、漢王高煦、寧王宸濠、安化王寘鐸等。遂以亂國。王振、劉瑾、嚴嵩、魏忠賢等。相繼用事。及中葉以後。而宦寺之禍。遂與漢唐鼎足。演成二千年間不男不女之歷史。明之亡。則親藩僉壬宦寺之爲之也。由此觀之。二千年中所謂君權者安在乎。嗟乎。論者以爲專制之毒。毒百姓也。使其毒百姓。而百姓從而報復之。從而覆亡之。猶可言也。而彼專制者。亦可自諉爲專之未甚。制之未至。苟更精其術焉。終必可以絕後患而祈永命也。而豈知報復之覆亡之者。不在其所賤。而在其所親。不在其所敵。而在其所愛。彼二千年來歷姓崩折之禍。豈嘗有一焉。若歐洲十八九世紀間之民變者。起而犄之也。卽有一二揭竿草澤者。亦不過乘其腐敗之旣極。乃得一逞焉耳。至其滅亡之根原。則全不在是。然則彼其專制之敵。不足以爲患也。旣若此。而何以亡國破家相隨屬也。又若此。日本人常言曰。『支那一部歷史。實以膿血充塞之歷史也。』吾恥其言。雖然。吾不得不忍受其言。嗟夫。當一霸者之初起也。莫不汲汲焉。思所以保我子孫。鞏我主

權。帝王萬世傳諸無窮。其所以懲前代之失而救其弊者。亦云瘁矣。乃或防一弊。而他弊卽起於所備之外。又或防之愈甚。而其末流之爲毒愈烈。若明太祖禁宦官。不得讀書識字。本朝聖祖世宗高宗。煌煌訓諭。極言母后臨朝之弊。宦豎預政之弊。儲貳廢立之弊。若此者。豈不法嚴而意美乎哉。試觀有明末葉及近今之朝局。則前此所防者。其爲效何如矣。論者於是。以爲無無弊之法。無可久之治。乃相與諉於一治一亂。天數使然。而政治家之理論以窮。夫天下果真不可以久安長治乎。歷史果遂以相斫書而終古乎。則今日歐美日本之治。何以致焉。雖然。吾無怪論者之爲斯言也。彼其求之於此焉。而不得所以治之之術。求之於彼焉。而亦不得所以治之之術。然則其迷信退化主義。挾持厭世思想也。亦宜。新民子曰。吾請與普天下讀史諸君。一解決此問題。儻願聞之。

淘濁流而欲得清泉。揚熱湯而欲止沸度。此必不可得之數也。不如澄其源焉。止其薪焉。此所謂治本之論也。中國君統之亂。本何在。在彼十種惡業。十種惡業之亂本。

何在。在專制政體。專制政體一去。則彼十種者無所附以自存。不必以人力坊之也。而不然者。坊於此而彼則蹈瑕以起。坊於今而後則伺隙以來。未有能免者也。請言其理。黃梨洲曰。『後之爲人君者。以天下之利盡歸於己。以天下之害盡歸於人。使天下之人不敢自私不敢自利。以我之大私爲天下之公。視天下爲莫大之產業。傳諸子孫。受享無窮。夫旣以產業視之。人之欲得產業。誰不如我。攝緘膝。固扁鑷。一人之智力不能勝天下欲得之者之衆也。』嗚呼。至哉言乎。數千年來嫡庶之爭統。宗藩之倡亂。權臣之篡弑。軍人之窺伺。皆坐此而已。夫漢高之與韓彭。相去一間也。漢帝之與魏王。魏帝之與晉王。相去一間也。長安之與盧龍。魏博。燕京之與雲南。閩越。指康熙相去一間也。隋煬之與太子勇。唐太之與太子建成。相去一間也。吳楚七國之與漢文。燕王棣之與明建文。相去一間也。而一則富有四海。率土皆臣。一則屈膝承顏。僅保薄祿。夫誰不從而生心也。旣懸一至可豔。至可涎者。以餌之於上。而欲禁人曰。爾其無豔是。無涎是。則雖日尸一人。猶不足以爲戒也。彼日本昔亦專制之國。

也。而千年以來。其專制之實權。不在君主而在大將軍。故日本之革命。所革者在幕府。而不在王朝。何以故。彼有可欲。而此無可欲。故然。則吾中國禍亂之大原。可知矣。天下之大欲。集於君主。故天下之至危。亦集於君主。使其君主而爲英國今日之君主也。夫誰得而覬之。卽使其君主而爲日本昔日之君主也。夫亦孰從而覬之。而徒以君主專制之可欲。故遂使數千年之歷史。以此等爭亂之跡。充牣其十八九。吾不知數千年之君主。其安危苦樂榮辱之率。視今英國昔日本之君主何如也。君主旣專制矣。其年長者。英明雄武者。自能乾綱獨斷。舉自專自制之實。而不然者。或幼沖焉。或倦勤焉。或昏駭焉。或狂暴焉。或巽懦焉。或有所偏好偏惡焉。則其實權自不得不移於他人。於是母后之禍。外戚之禍。僉壬之禍。宦寺之禍。乃起。彼等非能自有其權。以與現在主權者相抗。相攙奪也。而常依附現在主權者之權。以自固。始而依附。繼而盜竊。久假不歸。而主權者反不得不伺其鼻息。以爲存活。於是君主非專制者。而反爲被專制者矣。由此觀之。歷史上種種罪惡。孰不有從專制政體而生者乎。使

非專制。則如英國日本之華族。給以爵號。優異齊民。其有功德有學識者。則列之上議院。使參國政。而貴族專政之禍。何從生焉。使非專制。則君位繼承之法。一從憲法所規定。某人宜嗣統。皆與民共見。一定而不可易。雖或今帝無後。而旁支血統。循序入嗣。亦有皇室典範以劃定之。而嫡庶爭位定策擁立大禮爭辨等禍。何從生焉。攝政之權。皆有一定。元首權尙立限制。况於攝者。而母后擅權之禍。何從生焉。天潢宗親。各有食采。所至國人。莫不加敬。其尊榮雖下君主一等。而君位既無可欲。何苦貪此虛名。傷彼實利。則宗藩叛亂之禍。何從生焉。政府大臣。皆有責任。稍失輿望。立即去位。而權臣篡弑之禍。何從生焉。兵馬之權。集於中央。國防之責。同諸國民。而軍人跋扈之禍。何從生焉。一國會計。皆由議院審定。司農少府。各異所司。而僉壬朘削之禍。何從生焉。君之與國。截然兩途。宮中府中。不同一體。君主若有所親。若有所愛。則自以其私產。參養之。不得及國事。而外戚橫恣。宦寺盜柄之禍。何從生焉。不寧惟是。君主既與國民共治此國。則君位之安危。與國同體。苟有人焉。欲破壞秩序。侵主權。

以毒一國者。則全國之民。皆將起而抗之。不瞬息而禍撲滅。豈有若專制國之民。視君國之難。如秦越人之肥瘠也。是則種種惡現象固無自生。即生矣亦無自成也。明矣。若是乎。苟非專制政體。則此十種惡現象者。自一掃而空。若是乎。吾中國數千年。膿血之歷史。果無一事焉。而非專制政體貽之毒也。

且專制政體之毒害君主。猶不止此。歷觀自秦以來歷史上之君主。合所謂正統者。僭竊者計之。其數不下千餘。大率不得其死者十而一焉。被廢而幽者亦十而一焉。暇當爲列一表。今憚憚未能及也。夫以尋常人數統計之。苟非大亂離之頃。則最少必千人以上。乃

有一二不得其死者。而君主罹禍之卒。則已爲百與一之比例矣。不寧惟是。凡一姓

之代興。則其勝朝子孫。斬刈靡有子遺。此前史數見不鮮之成例也。其最甚者。若晉之於魏。宋之於晉。齊之於宋。姚察梁書武帝紀論云魏晉革易皆抑前代宗支以絕

史宋順帝紀云帝遜位後北齊之於北魏。齊文宣帝殺魏隋之於宇文周。隋文帝

氏子孫以次誅殺殆無遺種今以周書考之周文帝子趙王招陳王純越王盛代王

憤是周文帝子執轉等適子祐裕帝一禮禱等而震之子實儉之子退亦被殺於是暉通子絢亦皆被殺矣

明帝子畢王賢鄧子漢王贊被殺并贊曹王允道王充蔡王兌荆王元皆被殺於是明武帝子孫亦盡矣武帝子靜帝以既為隋文所害餘子鄴王衍鄧王術皆幼而被殺於是宣帝子孫盡矣宣帝子室亦以次斬刈靡有子遺云按此等野蠻典故本不值記於是宣帝子孫又盡矣其宗室亦以次斬刈靡有子遺云按此等野蠻典故本不值記於是宣帝子孫又盡矣

不避煩而徧述之者使後人觀心恠目知所懼云爾下仿此人

皆百世後猶使人酸鼻寒心者矣。然此猶云鼎革之後為然也。亦有鐘簾未改。而喋血已聞。宗子當陽。而王孫先啄。則有如齊王芳時。魏

故在也。而曹爽以帝室懿親。已夷三族。諸曹殺戮過半。八王之亂。晉故在也。而懿師

子孫。已草薶而禽獮。八王三者一汝南王亮司馬懿之子武齊王攸之二楚王瑋武帝第五

河間王容司馬孚之孫武帝從弟成都王穎武帝第十六子七長沙王又武帝之子

亦與於亂。經此紛擾。而司馬氏武后之時。唐固在也。而李氏之後。已不絕如縷。武后

越王貞瑒邪王冲霍起兵謀復江都王緒舒王元名汝南王瑋鄒陽公譔廣漢陽王謐

山公葵國昭王壽元嬰子六人紀王慎之子義陽王琮楚國公瑋襄陽公秀安南郡

公獻建平公欽曹元貞鉅鹿公諸晃等數十百人除其屬籍幼者流嶺表又為李元李英所

王殺又潤武后親生之子唐高祖太宗之賢胤存者不順及一宗二矣其尤慘酷者若宋之劉氏。
 宋武帝七子所弑次彭城王義康爲文帝所賜死其次廬分文爲勸所殺次江夏王文義恭
 隆爲其子諸子皆爲十六修子之所殺次爲衡陽王義季以飲酒致殞僅得傳國是武帝宣
 爲前廢帝諸子皆有爲朱修子之十殺次爲衡陽王義季以飲酒致殞僅得傳國是武帝宣
 謀反故非諸子皆爲十六修子之十殺次爲衡陽王義季以飲酒致殞僅得傳國是武帝宣
 被子除劭義季外皆死於非命且無後矣文帝南平王子縹爲元武勳次始興王濬皆前廢帝
 所殺次廬陵王紹出繼平王宏以善終其子及孫皆爲廢帝所殺次廬陵王濬皆前廢帝
 慶之攻殺廬陵王紹出繼平王宏以善終其子及孫皆爲廢帝所殺次廬陵王濬皆前廢帝
 暹令武逼殺次晉熙王昶次明廢帝欲討安王休仁爲明帝所忌賜死其二子後廢帝昌時
 王休茂次晉反伏誅次鄱陽王休業臨慶王休新野王夷父皆以早卒次桂陽王休範
 子舉嗣位三子道成敗一子出奔兩子善終以外其餘皆不得死且無後也十九子除二
 十殺八子盡轉以己子爲前廢帝所殺者武後則明孝子孫者已無一在明帝時以孝明子孫
 能人武九子四十二孫六七十曾孫死於非命者十且無一在明帝時以孝明子孫者已無一在
 則宋武九子四十二孫六七十曾孫死於非命者十且無一在明帝時以孝明子孫者已無一在
 矣齊之蕭氏卒於明帝前者七十餘人被殺於陽明王綉之手高帝十子九子早殤者四宜
 卒都者三晉熙王餘陵王東王卿安陸陽王鈞皆晉明帝所殺武帝二十子三子建安王四人
 卒都者三晉熙王餘陵王東王卿安陸陽王鈞皆晉明帝所殺武帝二十子三子建安王四人

陽王南明南海王子琳湘東王陵王衡山王郢陵王瑁南郡王臨賀王子明西陽王子文衡陽王
 峻子孫融皆不保夕每朝見鞠射俯僕不致正行直視云其後明帝之子東昏侯亦寶
 和帝寶融皆不保夕每朝見鞠射俯僕不致正行直視云其後明帝之子東昏侯亦寶
 反賜死邵陵王寶攸晉熙王寶嵩桂陽王寶貞皆中興二隋之楊氏。隋文帝親為子廣
 年賜死是明帝諸子亦無一得免者而蕭齊之祀遂斬隋之楊氏。隋文帝親為子廣
 子勇被廢賜死次煬帝為中除俊以外無一非秦王後先卒越之子十廢死江都死餘
 次漢王諒以反誅計五子中除俊以外無一非秦王後先卒越之子十廢死江都死餘
 皆陳次趙王杲皆死江都之難太子昭之子燕王暕亦遇害江都越王侗稱號東都
 王陳次趙王杲皆死江都之難太子昭之子燕王暕亦遇害江都越王侗稱號東都
 帝為子孫亦無遺種矣。煬金之完顏氏。室數百人完顏子孫殆盡其名太繁今不備載

若此者。皆其結局之尤慘酷者也。自餘各朝。雖或其禍稍殺。然試問二千年來。霸天
 下者十數姓。其血胤子孫。能傳於今日者。曾有一人焉否也。漢獻帝曰。『朕亦不知
 命在何時。』明建文帝曰。『願世世子孫勿生帝王家。』明毅宗之將殉國也。先手
 刃其公主。叱之曰。『若何為生我家。』至今讀其言。猶將如聞其聲。哀哀乎其有沈
 痛焉。夫以鄙野一匹夫。猶且能殖田園。長子孫。傳其種。以及於後。而所謂貴為天子
 富有四海者。其結局乃皆若此。當其始也。力征經營。早作夜思。殫精竭慮。窮凶極暴。

豈有一焉非爲子孫帝王萬世之業計者耶。豈知曾不旋踵。物換星移。如風捲籜。一掃而空矣。所謂『腰下寶玦青珊瑚。可憐王孫泣路隅。問之不敢道姓名。但道困苦乞爲奴。』者。其猶爲最天幸焉矣。諺有之。『天下無不散之筵席。』歷觀自秦以來。專制君主之子孫。其有能三百年不經繫縛割割屠戮菹醢之慘者乎。人之好專制也。謂其爲吾利也。而所謂利者乃若此。此而爲利。則何者而謂爲害耶。嗚呼。前此飲鳩而死者已不知百千萬人。而踵其後者猶復沈沈然嗜之。天下大愚。豈有過此。夫徒以爭此區區專制權故。而父子失其愛。兄弟失其親。母子夫婦失其睦。伯叔舅舅失其和。乃至素所與櫛風沐雨共患難之人。或素所撫摩愛惜受豢養之人。一旦肝膽楚越。倒戈相向。恨不得互剗刃於腹而始爲快。是天下壞倫常毀天性滅人道破秩序之毒物。未有甚於專制政體焉者也。苟非禽獸。苟非木石。其何忍以此之故。有父而不孝。有子而不慈。有兄弟而不友。有夫婦而不戀。有友朋而不親。甚者乃至有身而不自愛也。嗚呼。其亦不思而已。

專制政體之爲害於君主。既若此矣。然使其別有所大利焉。或足以與所害相償。則冒險以趨之。亦無足怪者。雖然。其所謂利者。果安在乎。專制政體之利。君主者有二。其一則意欲上之自由。一人爲剛。萬夫爲柔。作威作福。頤指氣使。所謂予無樂乎爲君。惟其言而莫予違也。其二則軀殼上之自由。玉食萬方。便嬖滿前。宮妾數千。窮奢極樂。所謂非以一人治天下。實以天下奉一人也。吾今請取兩者而細論之。

中國以專制最久聞。自秦以來。爲君主者不下千數。問其能實行完全圓滿之專制者。能有幾人乎。吾竊嘗區二千年來君主之權力爲四種。(第一)有全權親裁萬機。毫未被掣肘於他人者。凡得二十二人。曰秦始皇。曰漢高祖。武帝。光武。昭烈。曰吳大帝。曰秦苻堅。曰宋武帝。曰齊商帝。曰北魏孝文帝。曰北周孝武帝。曰唐太宗。曰周世宗。曰宋太祖。神宗。曰西夏李元昊。曰元世祖。曰明太祖。成祖。曰本朝聖祖。世宗。高宗。(第二)其權力雖不如第一種之強盛。而承襲先業。繼體守文。亦不甚被掣肘於人

者。凡得十二人。曰漢文帝。明帝。章帝。景帝不列者以其常被掣肘於竇太后曰魏文

帝明帝曰、陳宣帝曰、宋太宗、真宗、仁宗曰、本朝仁宗、宣宗、文宗。世祖不列者以其時睿親王秉政也。

第三、初時行其全權。或窮侈極欲。自奉一人。或窮凶極暴。震慄天下。後卒身危國削。身弑國亡者。凡得十一人。曰、新莽。曰、吳孫皓。曰、宋廢帝。曰、齊明帝。曰、梁武帝。曰、陳後主。曰、隋文帝。煬帝。曰、唐元宗。憲宗。曰、宋徽宗。(第四)則不能自有其全權。或委政於母后。或委政於外戚。或委政於權臣。僉壬宦寺。雖其間安危異數。榮辱殊途。大抵危而辱者十之七八。安而榮者十之一二。要之其不能自有專制權則一也。凡前所列諸帝以外之君主。皆屬此種。由此言之。君主千數。而能眞行專政權者。不過此三四十人。其因此而釀弑亡之禍者。尙三之一焉。自餘則雖擁有普天率土之名。而實則唯諾守府。祭則寡人。其甚者。則身處樊籠。背懸芒刺。其困阨苦難不自由。有甚於吾儕小民十倍者。專制云。專制云。卻笑年年壓金線。爲他人作嫁衣裳。吾不知於君主果何利也。

若夫欲藉此專制權以窮極耳目之欲者。則吾見夫爲君主者無此心則已。苟有此

心則其專制權終不能一朝居也。夫不必其瘁心力以顧公益爲民事也。即使欲保其產業以長子孫焉。固已不可不劬勞於在原。咨嗟於在廟。宵衣旰食。日昃不遑。昔人大寶之箴。帝範之鑑。迂儒腐生。皆能言之矣。乾隆御製詩有云。『不及江南一富翁。日高三尺猶鋪被。』誠哉其閱歷心得親切有味之言也。黃梨洲原君篇又云。『夫以千萬倍之勤勞而已又不享其利。必非天下之人情所欲居也。故古之人君。量而不欲入者。許由務光是也。入而又去之者。堯舜是也。初不欲入而不得去者。禹是也。豈古之人有所異哉。好逸惡勞。亦猶夫人之情也。』故吾以爲人而不欲求耳目之樂則已耳。苟其欲之。則他種地位皆可居。而惟專制君主之地位萬不可居。苟居之。則樂未極而哀已來。欲未滿而身爲僂矣。專制云。專制云。地下若逢陳後主。豈宜重問後庭花。吾不知於君主果何利也。

準此以談。則吾所謂專制政體。有百害於君主而無一利者。雖蘇張之舌。其無以爲難矣。夫其利害之理。既至分明而易識別也。若彼利害之數。又屢經驗而有成例也。

若此。則誠宜如梨洲所云。以俄頃之淫樂。不易無窮之悲。雖愚者亦明之矣。而竟數千年覆轍折軫。不絕於天壤者何也。曰溺於所習。知其一不知其二也。邊沁倡樂利主義。以爲道德之標準。而世固有縱飲博之樂。貪穿窬之利。而自託於邊沁之徒者焉。算學不精。而因以自誤也。夫世之君主及君主私人。以擁護專制政體爲自樂自利之法門者。亦猶是而已矣。亦猶是而已矣。

且君主及君主之私人。所以必擁護專制政體者。吾知之矣。彼其心以爲專制政體。與君主相依爲命。去其甲而乙亦不能立也。噫嘻。其陋矣。專制政體爲一物。君主爲一物。兩者性質不同。範圍不同。夫烏得而混之。不觀歐洲乎。今世歐洲十餘國中。除法蘭西瑞士外。皆有君主。此讀史者所能知也。除俄羅斯土耳其外。皆無復專制政體。又讀史者所能知也。而最近之日本。又其明證矣。百餘年前之歐洲日本。其貴族專政之禍。猶吾國也。其女主擅權之禍。猶吾國也。其嫡庶爭位之禍。猶吾國也。其宗藩移國之禍。猶吾國也。其權臣篡弒之禍。猶吾國也。其軍人跋扈之禍。猶吾國也。其

外戚橫恣之禍。猶吾國也。其僉壬腹削之禍。猶吾國也。所謂亡國十原因者。而彼等備其九焉。所缺者惟宦寺之人妖耳。而諸國歷代君統覆滅之遠因近因。亦恆在此。無一而不猶吾國也。每讀近世史。至屢次之日耳曼帝位繼承問題。波蘭王位繼承問題。西班牙太后馬渣連事件。俄羅斯太后蘇菲亞事件。大彼得之母也英王查利斯第一事件。法王路易第十六事件。乃至其餘種種糜爛紛擾慘酷困難之現象。未嘗不嘆古今東西政治上之罪惡。何以若出一轍。今則自俄羅斯以外。問諸國猶有以此等罪惡污點其國史者乎。無有矣。中國館閣頌揚通語。動曰國家億萬年有道之長。若今者英德日諸國之君主。真可謂億萬年有道之長也。而不然者。則有若當世專制第一之俄羅斯。而亞歷山大第二被弑矣。亞歷山大第三以憂死矣。今皇尼古喇第二。亦被刺於日本。幾不免矣。享萬乘之虛名。無一夕之安寢。以視英日德諸皇何如矣。君主而不欲自愛則已耳。君主之私人而不欲愛其君則已耳。苟其欲之。宜何擇哉。

然則爲國民者。當視專制政體爲大衆之公敵。爲君主者。當視專制政體爲一己之私仇。彼其毒種盤踞於我本羣者。雖已數千年。合上下而敵之。則未有不能去者也。雖然。若君主及君主之私人而不肯仇彼焉。從而愛惜之。增長之。則他日受毒最烈者。不在國民而在君主及其私人也。按諸公理。凡兩種反比例之事物不相容。則必有爭。爭則舊者必敗而新者必勝。專制政體之不能生存於今世界。此理勢所必至也。以人力而欲與理勢爲禦。譬猶以卵投石。以螳當車。多見其不知量而已。故吾國民終必有脫離專制苦海之一日。吾敢信之。吾敢言之。而其中有一機關焉。君主及其私人而與民同敵也。則安富焉。尊榮焉。英國日本。實將來中國之倒影也。君主及其私人而認賊作子也。則國民仇專制政體。而不得不並仇及專制政權之保護主。法國美國。實將來中國之前車也。夫爲英日與爲法美。在我國民則何擇焉。所最難堪者。自居於國民以外之人耳。易曰。井渫不食。爲我心恻。可以汲。王明並受其福。君子讀史記屈原列傳而不禁廢書而嘆也。

立憲政體與政治道德 庚戌

孔子曰。爲政在人。其人存則其政舉。其人亡則其政息。此天下古今之通義。言治道者所莫能易也。自近世法治人治之辨興。於是始有持爲政在法之說者。夫法之不善。則不足以維持國家於不敝。斯固然矣。顧苟有其人。則自能審度時勢。以損益諸法而善用之。苟非其人。則雖盡取天下古今至善之法。以著諸官府。其究也悉成具文。而弊之與法相緣者。且日出而不知所窮。故法與人雖不可偏廢。然有人而法自隨之。其道爲兩得。徒法無人。並法亦不能以自存。其道爲兩喪也。

爲政在人云者。非謂一二人云爾。凡與政事有繫屬之人人皆統焉。其在專制政體之國。則君主及其疏附先後者。皆爲政者也。其在貴族政體之國。則國之巨室。皆爲政者也。其在立憲政體之國。則自執政大臣以逮小吏。自國會議員以逮司選之公民。皆爲政者也。苟得其人。則無論何種政體。皆足以致治。苟非其人。則無論何種政體。適足以生弊。謂立憲政體之優於他種政體者。非謂其本質確有優劣之可言。亦

曰立憲政體之爲政者。其於得入之道。則較易焉耳。

爲政者所不可缺之具。二曰德。曰智。然德優而智絀者。其於增益之也。至易。誠以求焉。虛以受焉。緝熙光明。一反掌間事耳。昔日本伊藤大隈輩。號稱名相。而其初借外債以築鐵路也。擬結倒授太阿之約。其議拒治外法權也。乃至欲參用外人爲司法官。諸類此者。不可殫述。此皆今日稍有識者所能知其非。彼貿然行之。其愚殆不可及。而功卒在社稷者。靡他之忠可矢。故不遠之復匪艱也。若夫智具而德荒者。其獯祭耳。食之所識知。良足以距人於千里之外。顧言說甚美。而所行皆適得其反。不寧惟是。假名於新法之當舉。因以爲奔競權要位置私昵之路。藉口於舊習之通變。益以佐弁髦禮義捐棄廉恥之資。故政治智識日進。而政治道德日退。使人反憶念疇昔之故見。自封而經節自守者。歎爲鳳毛麟角。不可復覩。則天下之憂方大矣。

我國政體之趨於立憲也。時勢所不得不然也。今五大部洲中。無復能有一國焉。率專制之舊而自立於天地者。故處士號呼之於下。而先帝英斷之於上。今者

立憲之一語。亦既人口誦而家耳熟。而朝野上下。亦且謂八年以往。吾國之方英美駕德日。可操券而待矣。雖然。吾嘗聞諸法儒孟德斯鳩曰。凡一國之立。必有所恃。專制政體之國恃威力。少數政體之國恃名譽。而立憲政體所恃以立國者。則道德也。夫道德之爲物。無論何國。固不可以斯須去。而孟氏獨於立憲國三致意者。豈不以他種政體。尙有他術焉。可以濟道德之窮。而立憲政體。則舍此而悉無所麗也。請言其理。立憲政體之最可貴者。在其權限之嚴明。然正以權限嚴明故。故行政部有莫大之威權。非他種政體所可同年而語。立乎其上的者。雖有一君主。而君主以神聖不侵之資格。不負政治上之責任。勢固不容察察爲明。一一綜核政府之設施。而代之受過。故得以限制政府之威權。而使軌於正者。惟恃一國會。然國會之對於政府。僅能爲立法上之監督與政治上之監督而已。若行政上之監督。在法固非國會之所得施。而國家諸種行爲中。其與國利民福關係最繁而影響最捷者。實莫如行政。就令政治之方針不誤。法制之大體適宜。而奉行之勤怠虛實。與夫寬猛緩急之間。其

結果之良惡。可以懸殊。夫奉公於行政部之人。則亦多矣。上自國務大臣。下逮庶人在官者。靡所不統。有一失職。民害乃滋。故立憲國之行政官吏。各對於其職務而負嚴重之責任。以受上級官廳之監督。其上級者又受其更上級者之監督。夫必事事毛舉而監督之。亦何術可以克周者。必也一切官吏。先皆有忠於職務之誠意。斷不至爲大德之踰閑。然後於其所不逮者及其所失誤者而指揮之。是正之云爾。若一國官吏。悉自忘其身之爲國民公僕。而惟思假公職以牟私利。恬然不以爲恥。一邱之貉。而監督又安得施。此普通官吏之道德繫國家安危者一也。下僚之不德。長官得而糾之。長官不德。而糾之之道殆窮。夫一國之行政部。必有其最高機關。在東西各國。則中央內閣諸大臣也。在我國現制。則中央各部尙書侍郎。復益以各省督撫也。此皆舍君主及國會以外。無一人能糾其責任者。而立憲國之君主。旣已以垂拱爲治。則國會實爲唯一之督責機關。靡論此最高官吏者。常得藉口於行政職權之獨立。以逃國會之干涉也。就令政治上之德義問題。爲國會所得干涉。然國會之召

集。期限有定。閉會中瀆職之舉。俟下次開會而始圖匡正。勢已等於亡羊。而貽國家以不可復之損失者。抑既多矣。况乎執政以彈劾獲罪。在泰西憲法史中。目爲不祥。其事固不可以屢見。然使袞袞當道。舉皆以德義爲弁髦。則雖劾一人而去之。繼其後者猶吾大夫崔子。則多此一次之擾擾。果何爲也。又况國會之力量能進退執政與否。又視乎其國之憲法條文及其政治習慣何如。而決非新進之立憲國所能望也。故夫今世立憲國國會之監督執政也。必其執政先有恤民憂國之誠意。其所設施固無一不以國利民福爲前提。特其政策之橫衡於先後輕重緩急間者。見智見仁。利害非可一言而決。則占之輿論以定其從違云耳。若執政心目中。本無國家無國民。其所以誤國病民者。不在措施之失宜。而在行誼之負慝。於此而欲藉國會以爲匡救。其所能匡救者幾何哉。此執政方鎮之道德繫國家安危者二也。然此猶爲國會議員能盡其職者言之耳。使議員各能金玉自守。不淫於富貴。不屈於威武。代表正當之輿論。爲國民後援。則雖有不肖之執政。猶將有所憚而不敢自恣。且或畏民

茁而思引退焉。而不然者。誘之以利祿。怵之以禍害。能使之幡然盡棄其所守以黨於敵。則國會以及一切地方議會。乃不啻爲蠹國殃民之官吏。傅之翼。前此失政溺職。尙或狼顧而懼清議之隨其後。今乃得明目張胆而號於衆曰。吾種種穢德罪業。皆從國民之所欲而行之者也。是何異國民自舉代表人。授之刃而使吾搥胸也。是恐一虎之擇肉有所未盡。而復豢羣狼以爲之扈從也。是故人民所舉議員。苟得其人。則常能閑節政府使軌於正。詒人民以莫大之利。苟非其人。則緣此所蒙之害亦如之。此國會及地方議會議員之道德繫國家安危者三也。由是言之。則孟氏謂立憲政體惟恃道德以立國者。豈其欺我哉。

今之設辭以撓憲政者。輒總總然以程度不足爲憂。唯吾固亦憂之。雖然。彼所憂者。曰人民程度問題。吾所憂者。則官吏與人民共通之程度問題也。彼所憂者曰智識程度問題。吾所憂者。則道德程度問題也。夫使官吏之程度已足。惟人民之程度不足。則策厲陶冶以助之長。至易易耳。彼二十年前之日本。豈不然哉。若乃官吏之程

度。萬不能爲立憲國之官吏。則吾真不知如之何而可也。使道德之程度已足。惟智識之程度不足。則甘受和。白受采。稍傳益之。將日進而無疆焉。若乃道德之程度。與立憲國所需者相背而馳。則朽木不可雕。糞牆不可圻。吾又安知其所終極也。今之立憲而曰預備也。豈非懼程度之未足。故少遼緩之。以期諸將來也。顧將來可以增進者。智識程度耳。若道德程度。則豈有所待焉。人人誠能以自厲。雖一躍而凌駕世界。諸先進國可也。而不然者。雖預備數十年。吾敢必其無寸效之可睹。而何有於八年哉。又况乎持吾之所謂道德程度者。以繩我國人。不惟不見其日進也。而反見其日退。今且若此。則江河日下。以迄於八年。吾更安知其作何狀也。嗚呼。吾見夫疇昔巧宦猾吏之魁桀。今悉以憲政能員聞矣。吾見夫疇昔以愛國豪傑自命者。一入惡濁之社會而與之俱化矣。吾見夫負笈於外。懷所學而歸者。悉唾棄之。而別求所以媚世之術矣。夫豈無一二自好之士。則將爲世所擯。而漸卽於劣敗之林。受儔侶之嗤點。而引以爲戒耳。至使人想望十年以前之人心士俗。睪然有餘思焉。朝頒一

章則爲顯宦多開一罔利之路。夕開一局則爲鄙夫多闢一奔競之門。循此以往。逮其所謂豫備之悉備。而民且無噍類矣。昔于令升之論晉史也。曰。行身者以放濁爲通而狹節信。進士者以苟得爲貴而鄙居正。當官者以望空爲高而笑勤恪。毀譽亂於善惡之實。情慝奔於貨慾之塗。選者爲人擇官。官者爲身擇利。悠悠風塵。皆奔競之士。列官千百。無讓賢之舉。而斷之以國之將亡。本必先顛。今也一國之風習。以視令升所痛哭者何如。若是將陸沈之不暇。而安用此虎皮蒙馬之憲政爲也。嗚呼。千聖百王之締造此國土。涵育此文明。以詒我子孫也。蓋非易焉。其忍及吾躬而隳之也。詩曰。嗟我兄弟。邦人諸友。莫肯念亂。誰無父母。吾果杞人也歟哉。

然則如之何。曰。我大夫爲民所具瞻者。其亦念民生之不易。禍至之無日。其庶幾精白乃心。以禳此浩劫而還我太平。卽不爾者。亦願雖以其全爲吾子一身計。而仍出其餘以爲國民計。則疾雖不瘳。其或不增劇焉。雖然。吾之言老生常談也。吾知聞吾言而怵惕於其心者。什不一二。其有一二。則將曰。似此狂瀾。豈吾力所能障。毋寧隨

之以汨流而揚波也。顧吾抑嘗聞諸湘鄉曾子矣。曰：風俗之厚薄奚自？自乎一二人之心之所向而已。又曰：轉移習俗而陶鑄一世之人，非特處高明之地者然也。凡一命以上，皆與有責焉。天而不亡中國也，其庶幾有聞曾子之言而興者也。

中國前途之希望與國民之責任

辛亥

春寒索居。俯仰多感。三邊烽燧。一日數驚。日惟與吾友明水先生圍爐相對。慷慨論天下事。剴心怵目。長喟累欷。輒達旦不能休。明水謂其言有足以風厲國人者。乃彙述之以爲此文。

明水謂滄江曰：吾子平居以樂天無悶爲教。謂國家興亡繫於人事者什八九。中國非無可爲。在吾儕戮力爾。吾習與子游。講聞既熟。誠不敢猥自暴棄。雖然。一二年來。熟察天時人事。無往不令人心灰意盡。殆范蔚宗所謂中智以下靡不審其崩離。吾子云云。毋亦姑作達語以自解。或率其不忍人之心。知不可而爲之耳。滄江曰：不然。夫知不可而爲。惟聖如孔子者能之。吾鄙人也。學道無所得。豈足語於此。且天下惟

極不達之人。始好作達語以自解。譬諸夜行畏鬼。強作狂歌。吾不爲也。使中國而信無可爲。吾惟蹈東海以死耳。決不忍更發一言治一事。吾之不忘吾國。以吾國有使吾不能忘者存也。今吾子憂中國之無可爲。固當有所見。其有以語我來。明水曰。俗論之言中國必亡者非一端。非吾所悉敢從同也。請得舉其說之深中於人心者。附以吾之所憂疑。惟吾子辯析焉。滄江曰諾。

明水曰。今列強耽耽謀我。我之所以自衛者。殆窮於術。此亡徵之最顯者也。滄江曰。斯固然也。雖然。國與國並立於大地。狡焉思啓。誰則蔑有。孟子曰。出則無敵國外患者。國恆亡。外患非有國之公患也。且子不見乎普魯士之初建國乎。七年戰爭之役。五六強協而謀之。其險象視我今日何如者。不見乎百年前之法蘭西乎。大革命起。全歐伐罪之師。壓四境。及拿破崙既敗。而列強會於維也納。各磨刀霍霍以向之。其險象視我今日又何如者。又不見未統一以前之意大利乎。以華離破碎之數十都市。分隸於數強國。不度德量力而思與抗。其險象視我又何如者。由此言之。外患非

有國之公患。視國人所以因應之者何如耳。且以土耳其之辱。歐洲列強視爲投地之骨者垂五十年。而至今巋然尙存。波斯之遇英俄也亦然。卽彼新亡之朝鮮。自三四十年前。久已不國。然且擁虛號。歷二君。直至去歲。然後君爲奴而社爲屋。夫亡一國若斯之難也。吾子亦能言其故乎。明水曰。土耳其波斯朝鮮。皆非以其爲能競爭之主體而自存也。實以其爲被競爭之客體而幸存。欲得之者衆。則其勢莫敢先動。而弱者乃反賴以暫卽安。及乎強者不復以爲競爭之鵠。則弱者之命定。曷云乎不復以爲競爭之鵠。必其經一戰之後而勝負有所決也。否則協商而宰割之也。夫苟日俄不戰。則朝鮮雖至今存可也。苟歐洲列強均勢破。則土耳其不旋踵而爲波蘭續也。滄江曰。如是如是。弱者不能自立。而但恃人之容我爲國。爲狀誠至可悲。而當其尙容我爲國之時。固不得不謂天之所以仁愛弱國。而予之以圖全之機會。使朝鮮人於十年前而急起直追。一反其所爲。猶可以不至有今日。而土耳其苟自今有人焉。整飭紀綱。增進文物。十年以後。雖躋於列強可耳。夫今日中國之地位。與三十

年來之土耳其。絕相類也。自今以往。彼與中國有關係之列強。或經一戰而勝負有所決耶。或捐棄猜貳協商而宰割我耶。有一於此。吾亡必矣。雖然。此二者皆非易致。藉曰有之。其亦必在於十年之後。此十年中。吾雖復荆天棘地。要未必能以他力將世界地圖上之中國二字遽行削跡。質而言之。吾國人苟非發憤自亡則他人殆無能亡我者。

明水曰。乃者俄兵壓蒙伊。英兵入片馬。法人乘之窺滇桂。旬日之間。三邊繹騷。而日本之在滿洲。久視我主權如無物。而吾子猶謂我國可以即安。毋乃太自欺矣。滄江曰。吾謂中國可以不亡云爾。非謂其不危也。危固亡之漸。然危與亡相去尙一間焉。今且取列強與中國之關係而縱論之。彼俄日德法。皆懷抱侵略之野心者也。英美則雖不敢謂絕無此心。而比較的不如彼四國之烈者也。此國中一般人所能見及也。夫俄國在東方之勢力。則洵根深蒂固矣。然自日俄一戰。十年所營。燿其泰半。自今以往。終不能以大得志於滿洲。乃回馬首以向回疆及蒙古。今也窮日之力以築

中亞之新鐵路。而集大軍以壓我境。蒙回二疆。俄人固取諸其懷。莫能與抗也。然謂其遽一舉而取我名義上之主權而並奪之。恐未必爾。蓋並奪此名義。則其所以鎮撫住民者。轉多費力。反不如假我官吏爲傀儡。著著注入實力。待其機會全熟。乃一舉而獲其實。爲計尤得也。法之不競久矣。其民頗習於媮樂。雖有異志。然用兵於外。非其力所能遽及也。德人銳悍邁往之氣。不可一世。然方事事與英相持。苟欲有事於遼東。則利害尤與英衝突。非先交驩於英。或先取英之勢力而大挫之。則終不能以大得志。然此二者皆非旦夕間所能望也。英人固非必無利我土地之心也。然彼在我境內生計競爭上之地位。本已最占優勝。雖瓜分未必有所增。而緣擾攘之故。反生損失。故英人常欲維持我國現狀。地位使然也。美則生計上之既得權亞於英。而政治上之勢力範圍。遠後於他國。故瓜分中國。於美國無毫毛之益。而有邱山之損。其不欲之。更無論也。若夫日本席方興之運。而恆苦於地小不足以回旋。與我接壤。而海陸軍更居最優之勢。其狡焉思啓之心。固天下所共見。然謂其必以瓜分中

國爲得計。正恐未然。非謂其有所愛於我也。蓋當實行瓜分之時。日本無論若何強悍。其所能得之地圈總有限。日本今方汲汲焉務國民生計之發展於外。而其最大計畫。則以我全國爲之尾闈。十年以來。彼於生計競爭上。已著著占優勝之地位。後此益將有望。而實行瓜分之後。各國且將於其所占領之境界內。各行保護關稅。則日人商務侵略之範圍。將大減殺。夫瓜分中國。則長江流域。西江流域。必非日本所能染指也。卽燕齊秦晉間。亦非所能望也。所得者。仍南滿與福建之一部而已。南滿久爲彼懷中之物。享其實何必尸其名。而以貪福建之一部。而推十餘省之大利以予人。日人雖愚。不肯爲也。夫今日我國爲條約所束縛。曾無自定關稅稅率之權。此實各國產業自由競爭之最好地盤。英美所以欲以全力維持現狀者。凡皆以此。日本位置。雖與英美不同。獨於此點。則利害惟均者也。合以上各情實以論之。可得三斷案焉。(第一)各國雖眈眈涎我邊境。甚或舉我邊境之一部。攘爲彼領。然猶未能遽以施諸本部各地。(第二)在本部各地。雖各各務擴充其勢力。然名義上仍公認

我主權。(第二)至於萬不得已。然後謀共同干涉。再萬不得已。然後謀共同瓜分。夫既曰不得已而謀干涉。則謂中國可以即安焉。固不得矣。然干涉之禍。必其在外債山積。不能履行償還義務。財政紊亂。達於極點。內亂蠶起。不能戡定之時。瓜分之禍。必其在列強經一次大戰爭。勝負有所決。國際關係與今迥異之後。然則此數年間。固尚有容我圖存之餘地。既容我有圖存之餘地。即容我有圖強之餘地。夫今日而始言圖存。言圖強。則既已遲矣。然猶有如孟子所云。七年之病。求三年之艾。苟爲不蓄。終身不得。若我全國人。悉橫一亡國不可復救之觀念於胸中。此如有病者於此。其親族競以爲不治也。委而去之。病者亦自以爲不治也。益日夜思所以自戕。此其必至於死。固矣。然非死於病。死於誤認其病耳。吾所惡夫中國必亡論者。凡以此也。

明水曰。今國中財政現狀。岌岌不可以終日。今年預算。不足者七千餘萬兩。而各省之虧缺。實不止此數。此後歲出。益有增無減。而歲入增加。絕無幾望。司計之臣。曹然

不知財政爲何物。躑躅冥行。趨死若驚。吾子固常言矣。謂率此不變。則政府破產之禍。卽在目前。就令無列強干涉。而卽此一端。已足亡中國而有餘。子云無畏。徒自壯耳。滄江曰。茲事吾久已憂之成痼。若云不治之證。則猶未也。考今世號稱強國者。無一不經過此絕險之關。彼日本維新伊始。政權甫自幕府以移於王室。列藩擁土自重。而中央政府無一銖之入。仰給於貢獻而已。及廢藩置縣。而政府承各藩濫發之紙幣。不得不爲代償。且撤藩王之世祿。須別有以給之以贍其生。所費蓋十餘萬萬焉。未幾復遭內亂。竭帑藏以事征討。不足則稱貸而益之。蓋當明治十三四年間。日本之財政。惟恃不換紙幣以爲彌縫。稍有識者。未嘗不爲之寒心也。其他美國當南北戰爭前後。俄國當槐脫氏任度支大臣前後。財政之紊亂。皆不可紀極。而數年之間。轉危爲安。其最甚者。如法國當路易第十五第十六之時代。以財政積弊太深。卒釀大革命之禍。然波旁王朝雖緣是顛覆。而法蘭西國固無恙也。其後有豪傑振之。終不失爲富強。準此以談。則乏財抑非有國之公患也。今各國通行稅目。爲我國所

未經采用者甚多。國中一部分人。其負擔租稅之力。雖至竭蹶。而他部分人。其負擔力有餘裕者。固自不乏。故今日財政雖似禁不可理。然按諸實際。其整頓乃甚易。以吾觀之。則其視日本明治十三四年間之險象。我尚不逮彼什一也。病在不得人而理之耳。

明水曰。財政規畫。必以國民生計爲之源泉。而我國民生計之危機。吾子旣言之有餘痛。更閱數年。全國破產。殆將不免。吾四萬萬子姓。且成枯臘以死。及其時。雖欲救之。亦安可得。滄江曰。此其病根誠至深遠。且至可怖。然猶是緩症。非急症也。譬諸肺癆。固足以致人於死。然及其病之未深。固尙可治。夫今世歐美諸國。咸苦資本過饒。生產過溢。而以我爲之尾閭。於是產業革命之餘波。汜濫以及於我。我所爲日。卽於貧者。豈不以此耶。然此現象。是否可以永陷我於九淵。則當視我國民所固有之生計能力何如。使我民而果爲生計能力劣等之民也。則自今以往。我將成爲生計上之隸屬國。行亦必夷爲政治上之隸屬國。而不然者。則一時之風潮。雖甚足畏。亦視

其所以禦之者何如耳。且吾子盍一縱論我國民生計能力果何如者。明水曰。疇昔閉關未與外遇。固未由與人比其劣優。及至於今。則吾之慚德。寧復可掩。他勿具論。卽如國產中號稱最大宗之品。若絲茶糖蠶豆等。內之從未聞能聯合以改良其生產。坐視外國產品之見壓。外之從未聞能直接以自致之於各國市場。惟仰外商爲我稗販。而俯首以丐其餘瀝。又今世之新式企業若股份有限公司等。其制度之輸入我國。亦既有年。而至今不解所以運用之道。每試則什九失敗。又以舉國之大。曾不能自設一有力之金融機關。而令各國銀行得制我死命。凡此之類。皆吾國人生計能力薄弱之表徵矣。滄江曰。吾子所言。誠國人所宜日三復而深自省也。然遽以是斷定我能力之必後於人。吾猶未敢具謂然也。大抵生計現象之與政治現象。常如輔車相依而不可離。就中若股份有限公司。更非在完全法治國之下。未由發達。夫在今世而欲與列國競勝於生計界。必以大資本之股份有限公司爲之中堅。而我國現在政治。實與股份有限公司之組織不能相容。故國民生計能力。爲政治

現象所壓抑而不克抽萌以出。謂其本不若人。不亦誣乎。且如英國與歐洲大陸諸國。其族姓譜系至相密邇也。而英人生計能力。其發榮乃先於他國數百年。無他。英之政治早已修明。而大陸乃方在擾攘中耳。夫今之美人。猶昔之美人也。而南北戰爭後。其生計現象。何以突變焉。今之德人。猶昔之德人也。而聯邦成立後。其生計現象。何以突變焉。今之日人。猶昔之日人也。而兩次戰勝後。其生計現象。何以突變焉。豈非其生計上之本能。疇昔固有所遏耶。夫世界中諸民族。其以生計能力缺乏爲病者。則有之矣。古昔之埃及人。小亞細亞人。阿刺伯人。皆其最缺乏者也。希臘人。羅馬人。雖稍優於彼輩。然缺點猶多者也。其在並世。則朝鮮人。土耳其人。波斯人。及印度人。中之大部分。其最缺乏者也。我國中之西藏人。蒙古人。亦其類也。在列強中。則法蘭西人。意大利人。及其他之拉丁民族人。亦終不能於生計界占優勝者也。俄羅斯人。則今尙幼稚。爲劣爲優。未能具斷者也。若我中國人乎。吾以爲其生計能力之受之自天者。決當在日本人之上。卽以校英人。美人。德人。亦當無大遜。蓋生計能

力之爲物。大約以三要件結合而成。曰勤勞。曰貯蓄。曰冒險企業。而我國民之具足此三德。實環球之人所共稱歎也。今所以未能淬厲光晶者。不過惡政治爲之障。苟政治現象一變。則我國生計上之勢力。不十年而震懾羣雄可也。

明水曰。舉凡吾子所言。皆以有良政府爲前提。若現在之政府。則何望者。就令現政府悉行辭職。繼起者亦一邱之貉。果有何道以得良政府者。今卽將並世各文明國政府組織之形式。全然移植於我國。而能否運用。存乎其人。用何人以任政府。權自操諸君上。又何術能使之以必得良政府爲期者。此問題不解決。則子之論據。破壞而無復餘矣。滄江曰。誠哉然也。國家之命。託於政府。政治失職。雖有極隆盛之國家。可以不十稔而瀕於亡。况其在我國之今日乎。雖然。政府者何。亦人民心理所構成已耳。雖有極悍暴之政府。苟非得多數人民承認而擁護之。則決不能以一朝居。且夫政府也者。立於最易爲惡之地者也。苟人民不爲之立監置史以嚴督乎其後。則固宜惡者什九而良者不得一。子盍亦一繙各國前史。視其人受惡政府之荼毒爲

何如。而其所以自拔又何如者。彼英國固立憲政體之祖國也。其國會乃自建國以來蛻變發達。由來舊矣。然前此惡政府之禍。史不絕書。其最甚者。如占士第一之時。嬖人卜硜函公爵擅政十餘年。外交失敗。財政紊亂。吏治蕪曠。賄賂公行。當時英人爲之語曰。『誰歟宰制英國者。曰我王。誰歟宰制我王者。曰卜硜函。誰歟宰制卜硜函者。曰魔鬼。』觀於此。則其流禍之博。可想見矣。卜氏之敗德失政不能盡述。稍讀西史者能知之。若無暇讀史。則中

國今日之政府卽其絕好之一幅複寫帖也。

占士旣淫湏無度。大失民望。及崩而其子查理士第一繼之。

查理士仁而寡斷。權益移於卜氏。卜氏恃寵而驕。一切不任責。而王反進而爲之受過。國會幾度彈劾。留中不省。反命停會。而慰留卜氏。吾子試思此種情實。與何國何時代之現象。酷相肖者。卜氏炙手可熱之勢。積十餘年。自謂與天地長久。問其收局。則伏尸二人。流血五步。萬事了耳。卜氏旣斃。代之者爲辟謨。怙惡不悛。謂民實狂悖。法當威壓。遂乃誅戮無藝。又竭其力以從事聚斂。惡稅惡幣。接武繁起。民不聊生。終受國會十三度之彈劾。王不能庇。乃付法院而處以極刑。由此言之。以憲政發達最

健全之英國。而其曾受創於惡政府也固若彼。由今日觀之。當卜氏薛氏柄政二十
年間。英民蓋呼籲無所。智勇俱困。且法西交侵。去亡一髮。幸英人以百折不磨之氣
相淬厲。卒能蕩此羣魔。復見光晶。以有今日耳。使其時英人相率灰心絕望。委心任
運。則今世界上早無復有英國焉。未可知也。英猶如此。他更可知。彼法俄奧日諸國。
豈嘗有一焉不經惡政府之荼毒銷鑠。訶諸史乘。歷歷可稽。吾無爲更累舉以塵聽
矣。要之政治上有一大原則焉。曰。凡政府能爲惡者。則國民許其爲惡而已。其象如
律之所謂和姦。惡政府則狡童。而許政府爲惡者則游女也。故夫陷中國於今日之
地位者。其罪固在政府。然使政府得陷中國於今日之地位者。其罪又在國民。吾與
子推論中國前途希望。顧不言政府責任而言國民責任者。凡以此也。

明水曰。吾子言及此。則幾於圖窮而匕首見矣。且吾子不云乎。政府者人民心理之
所構成也。今吾國曷爲而構成此種政府。則吾國民心理之居何等。抑可見矣。譬諸
沙漠之磧。末由產嘉蔭。糞土之牆。不堪施藻繪。吾所以竊竊憂中國之亡者。凡以此

也。滄江怫然作色曰。如吾子言。得毋謂我中國人實天賦之以亡國民之劣根性乎。其侮我國民不亦甚乎。明水曰。非敢云然也。顧事實所在。又豈能徒以我慢貢高之辭自掩。且子不見乎希臘之將亡也。曷嘗無德謨士的尼其人者。羅馬之將亡也。曷嘗無希西羅其人者。彼皆熟察時局。洞矚幾先。日曉音瘖口以諫說其民。淚盡繼之以血。然終已無救於亡。何則。當一國風俗頹壞。人心腐敗之既極。全社會爲鬼脉所中。暮氣所掩。雖有聖醫。不得而起之也。吾子之樂天主教。其奈之何。滄江曰。子問及此。所以起予者多矣。此非由歷史上觀察我國民根性。備說其正軌變軌。而之以與今世強國與夫衰亡之國相比較。則無以下正確之決論。而定我儕之所當從事也。倘不厭其長。願聞之乎。明水曰。諾。吾願聞之。吾且信我國民凡有血氣者。舉願聞之。滄江曰。凡人之受性。恆各有其所長。與其所短。大人者。能自知其所長。而善用之。發揚之。淬厲光晶之。又能自知其所短。而矯變不吝也。其難矯變者。則深思其所由來。而治之於本。此爲大人而已矣。夫國民性則亦猶夫一人之性焉爾。凡一民族之性。

終不能有長而無短。而長短之數。有絕對的恆久不變者。有相對的與時推移者。而其所短。有積之甚久而難治者。有爲一時之現象而易治者。今欲語中國前途之希望。亦惟使國民自知其所長所短。且使知所以善用其所長。矯變其所短而已。

明水曰。請語吾國民之所長。滄江曰。我國民能以一族數萬萬人。團結爲一箇之政治團體。(卽國家)巍然立於世界上者數千年。此現象在我固習焉不察。未或以爲奇。然徵諸外國史乘。實欲求倫比而不可得。此非有根基深厚之國民特性。不能倖致也。蓋民族之建設一國家。爲事本極不易。有自始不能建設者。有建設僅至半途而遂不克完成者。有雖完成而甚脆薄。一摧卽壞者。彼劣等之民族。不必論矣。至如希伯來希臘羅馬日耳曼之四族。世界史上最赫赫之名者也。然而希伯來人僅長於宗教。自始不能爲政治上之結合。希臘人閱數百年踟躕於市府政治之範圍。始終不能建設所謂大希臘國者。以底於亡。羅馬人能建國矣。而關土既廣。則尾大不掉。帝政既立。旋分爲四。分合相尋。卒界爲二。蠻族侵入。失其所以自守。遽見宰割。

彼日耳曼人者。今歐西諸國之過半。皆其所自出也。以族屬言之。則英法德奧。若我之秦晉齊楚耳。而中世千數百年間。屢思組織所謂神聖帝國者。迄莫能就。卒乃諸部分化。異性日著。至最近三四百年間。然後完全具體之國家出焉。就中若德意志若意大利。尤爲晚熟。蓋不知經多少仁人志士之血淚。而始得以一國之名義立於天地也。斯何故歟。蓋國家也者。以人民爲分子而組織以成者也。按諸物理。凡合多數分子以成爲一體者。必其各分子之性質略相等。式樣略相等。容積略相等。然後可以結合而黏聚。而不然者。雖強糅之而決不能成。卽成矣而決不能固。聚民爲國。何獨不然。是故爲國家成立之障者多端。宗教之齟齬也。語言文字之睽違也。都鄙部落感情之閼隔也。階級之軋轢也。有一於此。則其國中分子。必不能保適宜之密度。動則睽離。而國家常机隕不安堵。今世歐美諸國。蓋竭千數百年之力。以求養成此渾融統一之國民性者。直至最近一二百年間。其效始覩。而其功在半途之國。猶且有之。

若奧大利則其國民性之基礎至今尙極薄弱者也。若俄羅斯則國民性大體雖具而未能十分渾融者也。

蓋茲事若斯之難也。

而我國乃有天幸。藉先民之靈。相洽以爲一體。東漸於海。西被於流沙。朔南暨。宗教同。言語文字同。禮俗同。無地方部落之相殘。無門第階級之互鬪。並世諸國中。其國民性之成熟具足。未或能我先也。夫我國民性是否適於今日之時勢。而足以優勝於物競之林。此固當別論。雖然。國民性之良否。則國家榮悴之問題也。國民性之有無。則國家成壞之問題也。惟其有之。乃可以釋回增美。以使卽於良。若其無焉。則早已如羸之與螟蛉。謂他人父。不有其躬矣。而更何良否之可云。夫我之有此渾融統一完全具足之國民性。此卽我國家所恃以與天地長久也。社會學大家竭特氏有言。『凡滅國者滅其國民性而已。』大抵絕無國民性之部落。滅之最易。如歐人之在美非澳三洲。芟夷其土人而植民於其地。是也。國民性未成熟之國。滅之尙易。如俄普奧之分波瀾。其一例也。國民性已成熟之國。苟其壤褊人稀者。猶可以積歲月以滅之。然仍視其國民性之良否。以爲難易之差。其誠良者。終古莫能滅也。那威之於瑞典。匈牙利之於奧大利。是其例也。愛爾蘭之於英吉利。亦幾其例也。若夫以具

足之國民性而擁有泱泱大邦者。則苟非其國民自棄擲此國民性。喪失無餘。則斷無他國能滅之。古代之羅馬。是其例也。夫他國欲滅我國。則談何容易乎。昔印度面積人口。皆略亞於我者也。而英能滅之。或且持是以例我。雖然。我則豈與印度伍者。夫印度乃地名耳。非國名也。試問自有史以來。曾見有所謂印度國者。現於大地否耶。就中惟有號稱蒙古帝國者。曾建設於斯土。然蒙古人之自身。本已非能建國之民族。又烏能假其力以結印度爲一國。今之印度。猶有溝絕不通之種族三十餘。言語百二十種。部落酋長亦數十。蓋印度自始無統一之樞軸。自始無國民性也。援彼例我。抑何自暴棄一至此極耶。不然。彼英人當東印度公司全盛時。僅以義勇隊二千餘人戡定全印。此英人也。至其所練印人爲兵使之自戡者不在此數。方挾其餘威。以割我香港。索五口通商。豈其有所愛於我而不欲以待印度者待我。然而不爲者。知其業之不可企。則知難而退也。今如俗論所言謂中國必亡。夫亡國云者。則必其見亡於他國之謂。若易姓鼎革。不足以云亡也。試問我中國人非僵臥以求人之來亡我。則誰敢亡我者。又

誰能亡我者。夫使世界上僅有一國。能現出一種不可思議之力以鯨吞我。盡消滅我國民性使合於彼。不聽。則盡蕪獮之無子遺。則中國亡矣。然茲事顧今日所得覩耶。欲亡我者。必其出於五六國之瓜分。而我堅強之國民性。經二千年之磨鍊。早已成爲不可分之一體。終不能裂爲五六。而各各與他國之國民性相糅合。更不能如彼本無國民性之族。徒以部落生涯自安。雖強瓜分。只一時耳。楚雖三戶。亡秦必楚。但使國民性一日不絕滅。終不能以此四萬萬人分隸於數國之下明矣。夫以臺灣之內附。僅二百餘年耳。腹地之民。渡海以殖者。數且甚稀。其受此國民性之感化。至微薄也。而割隸日版亦垂廿年。日人汲汲思所以同化之者。無所不用其極。而至今其男女曾無一肯與日人雜婚者。避地內渡歲不絕。其豪傑日夜禱祀故國之一振而思有所歸也。臺灣且然。况乃中原。是故我之具此渾融統一之國民性。卽我國家億萬年不亡之券。吾儕所爲怙恃之而能自壯者也。

明水曰。得吾子之說。使人神氣一王。雖然。國民性終非可僅以有之而自足也。固當

求其良焉而適於自存。吾國民性果足稱爲良國民性與否。是吾所急欲聞也。滄江曰。吾國民性之不良焉者固多。其良焉者抑亦不少。吾將先語其良者。(第一)四民平等之理想。爲我國民數千年來所信仰而成爲習俗。此建國要素之最可貴者也。夫所謂完全之國家者。惟國家有統治權。而凡立於此統治權之下者。其公權私權。一切平等。夫然後可以使人人各盡其才。而無或偏枯萎悴。以滅殺國家分子一部分發榮之力。又不至國中分子常相軋轢。以消耗其元氣。故各國之大政治家大政治學者。咸斤斤以此爲務。而過去世界之政治史。其什之八九。則此理想之進化史而已矣。歐洲諸國。累革命以革命。直至最近百餘年間。然後此理想得現於實。而印度埃及波斯朝鮮等國。皆以不具此理想而卽於衰亡者也。而我國則二千餘年間。此理想日漸發達。從未聞能以一階級壟斷政權。布衣卿相。習以爲常。馬醫之子。負販之夫。但有才賢。皆能自拔以立於社會上最高之位置。雖非無爵秩之名號。然未嘗有特權與之相麗。今世各君主國皆有爵稱。但使不相妨也。高官顯宦。一歸鄉井。則與

齊民齒。今世法學之大義。所謂『在法律之下人人平等』者。我國當之矣。其中如皇族有特別

法猶不止此數如軍人僧侶等皆有之豈足爲法律上人人平等之疵累耶而此

種善美之理想所以得現於實者。實我國民固有此善美之性使然也。明水曰。斯固然矣。然吾竊疑我國運所以凝滯不進者。亦未嘗不緣此等事實以爲之梗。徵諸外史。緣彼階級相鬪。而國中各部分之人。皆得淬厲以增其能力。而彼特別優異之階級。恆有所憑藉以厚其所養。偉大人物。往往出其間。於以作全社會之中堅。國實賴之。若英德日本。其最顯之例證也。今我國得毋亦以久習於平等之故。無競而失其中堅。以致有今日之罷敝矣乎。滄江曰。吾子所言。則可謂深入而燭微也矣。大抵天下事利害常相參。禍福常相倚。英德日本之有今日。固不得不謂爲食階級相鬪之賜。卽其現今爲國之植者。亦多出自特別階級。洵如吾子所云云。雖然。若謂苟非經此現象。則國家無從發榮。吾有以知其必不然矣。彼美國者。則自四百年前初殖民時代以迄今日。始終未嘗有所謂特別階級存也。其安富尊榮。又何以稱焉。要之階

級制度之爲物。弊恆餘於利。其無之。實國家之福。我國民二千年來養成此四民平等之良習。實爲今後之政治家省却無數難關。無可疑也。

(復次)我國民自營自助之精神。又國民性中之最可貴者也。我國之施政。向以不擾民爲訓。耕食鑿飲。晏然與帝力相忘。是即我國歷史上最太平時代之現象也。是故政府常取放任主義。於人民日用飲食養生送死之道。未嘗一加干涉。人民亦知政府之不能爲我怙恃也。不得不斷絕倚賴之心而自爲謀。就中如教育事業。二千年來之政府。未嘗聞有所謂教育方針也。而民間講學之風。乃大盛。我國教育史之全部。則私立教育之發達而已。又如生計政策。除農政間有設施外。一切聽民之所自爲。我國民生計之向榮。自始未嘗一經政府之助長也。其他凡百。大率類是。故並世各國。除英美外。其自營自助之精神。未有如是國民之盛者也。明水曰。斯固可貴。然稽諸外史。各國皆以經一度政府干涉之結果。能整齊嚴肅其民。使成健全之分子。我國徒以放任爲治。此乃所以今日受其敝也。滄江曰。放任與干涉之孰爲得策。

本爲政治論上之最大問題。學者各是其所是。至今未決。大抵在今日共同事業之範圍日趨擴張。政府畫諾坐嘯。不足爲治。固無待言。吾民以不得政府之助長。其於各方面之能力。多不能完全發達。此亦無足爲諱者。然謂自營自助之非美德。是固不可。而此美德則我固有之矣。

（復次）我國民常能以自力同化他族。而未或見同化於他族。此眞泱泱乎大國之風也。竭特氏之言又曰。「有滅人國而反被滅於人國者。蓋國民性薄弱之族。雖一時偶產一二豪傑。揮其武力。以滅彼文明之國。然不旋踵則入而與之俱化。反將其固有之特性。消滅無餘。則滅人而反見滅於人矣。」竭氏論亡國以國民性消滅爲定義若此者。求諸

史乘。不乏其例。若馬基頓人之滅波斯。滅埃及滅希臘。突厥人之滅東羅馬。蒙古人之滅歐亞諸國。其最著矣。我國數千年來之歷史。其蹂躪於外族者。屢見不一見。然皆不旋踵而同化於我。且以西國史家所考據。則當春秋戰國間。希伯來人入居於我山陝之地不少。唐之中葉。波斯人大食人入居於我廣東浙江間者尤多。然一二

百年後。輒已渾化於我。無復痕跡可尋。卽以今澳門之葡萄牙人論。其失其本性以從我者。蓋不知凡幾也。而我民之旅食於海外者。其國民性終古恆在。無所變壞。其強立不倚。在世界諸民族中。蓋罕有倫比也。自頃以來。德國人移駐於海外者。歲恆數十萬。而所至輒盡棄其國語國俗以同化於人。德皇大憂之。常引英人之不肯舍己從人。以爲申儆。而史家論羅馬衰亡之由。亦多謂其征服希臘以後。上下相率摹仿。化爲希臘風。又自征服東方諸國。繼襲其驕侈虛榮之惡習。以致羅馬固有之國風。蕩然掃地。遂卽於亡。蓋國民失其所以自守。實國家之隱憂也。若我國民。則其或知免矣。

明水曰。吾子以此爲吾國民之所長。吾以爲我國家所以不振者。乃正坐是。蓋舍己從人。取人爲善。此私人進德之良箴也。國家亦何莫不然。泰西之文明。常由各國彼此接觸。互相仿效。錯綜化合而成。山不讓塵。川不辭盈。斯乃所以爲大也。故世之論者。往往非笑日本。謂其中無所有。惟事模倣。吾獨不謂然。日本之善於模倣。正所以

使其國家常能與外界相順應而立於不敝也。我國之絕不肯同化於人。正乃所以凝滯不進。劣敗而見淘汰也。滄江曰。吾子所陳之義則博矣。國人所宜以作韋弦之佩也。雖然。以吾觀之。則我國民自保守其文明之力誠甚強。抑其吸收他種文明之力蓋亦非弱。三代以前之文明。其曾否有所受於他社會。第弗深考。秦漢以後。其與吾接觸之諸族。實無文明可以餉我。我之不能有所受宜也。二千年間。他社會之可爲我師資者。惟印度之宗教。而我國人之於佛教。則真能受而又能化者也。蓋自隋唐間。印度大乘教大昌。未幾遂熄。而獨傳於我國。而其條枝暢茂。乃大逾於本根。諸宗並起。聲光爛然。蓋佛教既入中國。則自成爲中國之佛教。欲求其例。則如英人德人之受景教於羅馬也。其後宋明諸賢。復能去取其義。將中國固有之學術。別開新面。由此觀之。則我國民於他社會之文明。非徒吸收也。且能咀嚼融化之。而順應於我國民性以別有所建設。此則非惟日本人所不能企。卽在歐洲諸國。亦所罕觀耳。非偉大國民。安克有此。明水曰。前事固然矣。然自歐美文明輸入以來。乃絲毫不

能吸受。卽強爲效顰。亦若鯁於喉而不能化。則又何說。滄江曰。此皆由政府非人。有以擾之。非吾民本性然也。茲事吾將與子別有所論。且今後之中國。能否吸化泰西之文明而自有所建設。亦視吾儕所以任之者何如耳。吾儕不自勉。而猥以謗國民乎。

明水曰。子旣言國民之所長矣。願聞其所短。滄江曰。請吾子言之。而吾乃衡其當否。且論其可救治焉否也。明水曰諾。

明水曰。西人之訾我也。謂我國之學問。徒拘文牽義。支離破碎。或談空說有。馳於空想。而所謂科學觀念者。始終不能發達。博士埃彌爾來黑曰。「支那人雖解磁針之秘密。而航海術不聞進步。雖能知某星象之定期再現。而始終以極幼稚之天文學自甘。千年前已解三角法。且知用水準器。而製造工業上。絕無發明。此其智能劣下不逮歐美人種之明徵也。」

案博士匈牙利人其說見所著國
民功業論以一九零四年出版

此論吾雖未敢盡從

同。然聞之竊內愧。且滋懼焉。子其有以釋之。滄江曰。詩有之。他山之石。可以爲錯。博

士之言。真吾石也。其所以警策我國民者至矣。雖然。遽以此指吾種人智能劣下之徵。則吾未之敢承。今者歐西諸國。其實用科學之昌明。洵前無古人矣。然不過近二三百年事耳。當前明中葉以前。今之所謂文明國者。其人舍戰鬪祈禱二事外。殆一無所知。厥後乃有所謂煩瑣哲學者興。其支離破碎穿鑿附會。視我乾嘉間之漢學。抑更甚焉。其時回教國民。於數學幾何學物理學化學機械學等。皆有專家。立於學官。歐人觀之。舌橋而不能下。使當時回人逕作武斷。謂日耳曼種人科學觀念缺乏。斯足爲實論矣乎。吾恐今日歐人所以誚我者。亦若是已耳。况來黑氏所言。固多有不衷於事實者。法人黎柱荷芬所著支那交通史云。「西曆第一世紀之後半。西亞細亞海舶。始至交趾。凡二百年間。繼續航行。按此時代西人東漸以後。則我西征也。羅馬帝安敦來通使。即在此期中。至第三世紀中葉。支那商船漸次西向。由廣州達檳榔嶼。至第四世紀。漸達錫蘭。第五世紀。更由希拉以達亞丁。終乃在波斯及米梭畢達美亞等地。獨占商權。至第七世紀末。而阿刺伯人始與之代興。」按黎氏自言。據第八世紀時亞刺伯人大旅行記。其言當可信。由此言之。謂我國

人不解航海術得乎。蓋我國海運力當千餘年前已直徇歐境。惜也有蘇彝士地峽闔其間耳。否則吾既以全歐爲市場矣。其後雖中衰而至明時。鄭和復以修四十四丈廣十八丈之樓船六十二艘。前後七次徧歷南洋羣島。最後乃由滿刺加海峽。稱今

麻六甲經濱角灣。暹羅京城至錫蘭。沿印度半島之西岸。入波斯灣。更道阿刺伯海至亞丁

灣。瀛涯勝覽作亞丹灣溯紅海抵旻達。復從非洲東岸。卽今亞比西尼亞之沿海。航摩森比克

海峽。以至馬達加斯加島邊。此其距好望角咫尺耳。吾前著鄭和傳記此頗詳而葡人維哥達嘉

馬繞好望角抵印度。歐人詫爲振古偉業者。乃在鄭和通航後七十餘年。由此觀之。

則我國人於航海術果何如者。夫艱鉅之業。往往非私人獨力所克舉。而常賴國家

爲之後援。非有班后伊沙比拉。則哥倫布安見能通美洲。非有葡王約翰第一。則維

哥達嘉馬安見能通印度。而我先民乃以自營自助之力。通歐人亘古未通之海道。

彼我相校。何慚德之有焉。逮明中葉以降。政府設海禁。犯者處極刑。則茲業中絕。固

其所耳。吾非欲炫陳史料以擾清聽。不過聊舉反對之證據。以正來黑氏所譏之謬。

其他則固可類推也。抑科學之爲物也。非賡續研究。不能大成。試一繙泰西科學發達史。何一非前人幾經失敗。而後人乃收其成者。彼近世歐人之於科學。所以能繼長增高。良由其政府常干涉獎勵之。有國立大學以集中研究。而我國緣放任政治之結果。教育事業。悉委諸私人。是故科學上雖時有發明。或則以未能自信。或則以自祕絕技。不獲傳與其人。於是其緒遂絕。由此言之。則我國科學之衰息。強半由政治使然。非吾民智能本不若人也。且卽如來氏言。謂歐人所以強。全由科學觀念之優越。而絕非他種人所能望。吾舉我國前事。或不足以折之。則盍取證於日本。日本人當三十年前。曷嘗知科學之爲何物者。以云吾國人此種觀念缺乏。則其缺乏之程度。至極亦不過與日本等耳。而日本不聞以此得亡。吾何懼焉。

明水曰。史家皆以尙武精神爲立國元氣。而吾國人則此種精神。最爲缺乏。吾深懼吾國之遂終不競也。滄江曰。斯言吾蓋熟聞之。且日本人尤好以此誚我。我在今日。殆若無以問執其口。然謂我國民性本來如此。且將來永當如此。此決非篤論也。大

抵列國並立之世。其人多好武。大一統之世。其人多右文。徵諸羅馬史。其最可見者也。我國古代尙武之風本甚盛。春秋戰國間。遺蹟可考者甚多。吾昔嘗著中國之武士道略舉其說秦漢以降。海內爲一。環列皆小蠻夷。在我原不以齒諸玉帛干戈之列。其不能淬厲於武。勢使然也。夫以一族之子姓同處一國中。而因一二梟雄攘奪神器之故。糜爛而戰之。又或以一二霸主。興無名之師。徼幸邊功。以爲己榮。民之不願爲之致死。固其所耳。故詩人發爲勞歌。史家引爲深戒。濡染漸劇。其銷鑠國民邁往之氣者。雖不少。雖然。其根器之受自先民者。終不失墜。有所觸而輒見也。近世史實。如鄭成功以一旅之師。而攘荷蘭關臺灣。鄭昭率鄉人子弟。絕無憑藉。以王暹羅。皆奇績之最可誦者。至如最近對外之歷史。雖言之羞憤。然如廣州三元里之役。大東溝海戰之役。團匪時大沽之役。及聶軍縱以失敗終。而猶使敵人贊歎至今。敵蓋知我雖易侮。而有時未盡可侮也。故其狡焉之心。亦不得不稍戢。且夫尙武精神之爲物也。非言夫其人之能豕突虓作。愍不畏死而已。所貴者。乃在其重名譽。尊責任。厲氣節。而急公

家之難。此種精神之有無。乃國民強弱之表徵。今我國民於此種精神。萎悴誠甚矣。然吾固信其根器之本極深厚。而磨礱而光晶之。固甚易易。吾徵之曾胡羅李諸賢之治湘軍而可知也。二三君子。不忍於生民之禍。思欲手援天下。寔假而子弟化之。而闔黨化之。而聞其風者化之。其倡焉者非有他。急君父之難焉耳。其和焉者非有他。急師友之難焉耳。然而流汗相屬。唯恐居後。觸白刃。冒流矢。議不反顧。計不旋踵。人懷怒心。如報私仇。彼日本人所豔稱之武士道。豈有加於是耶。夫茲事豈其久遠。今之君子。尙所及見也。今特患無曾羅其人耳。而何民俗不武之足爲患者。抑曾羅亦豈有天賦絕特之才。予人以不可幾及。今之君子。莫或肯以曾羅自居。則曾羅之緒。遂久絕於天壤也。

明水曰。外人動誚我爲無愛國心。吾每聞之。未嘗不怒其無禮。然無奈事實固有不
可揜者。夫國中賢士大夫。真能先國家之急而後其私者。豈曰無人。然而終無道以
蒸爲風氣。碩果一木。何補時艱。比年以來。僿僿學子。固常有慷慨悲歌之容。往往不

移時而改其度。以故愛國一語。漸變作口頭禪。而爲君子之所厭聞。吾子亦能言其故乎。且茲病吾竊未知可藥焉否也。滄江曰。吾國民之愛國心。以視今世諸方興國。信病其薄。無足爲諱。此其中有一大原因焉。則國家觀念之不明瞭是已。姚江王子之教曰。未有知而不行者也。若其不行。只是未知。吾生平最服膺斯言。蓋不知而責以行。未有能焉者也。國家之爲何物。雖若盡人所能喻。然古今中外之國民。眞知灼見者實鮮。歌人常指國家爲近世史新產之現象。良不誣也。蓋社會現象。級數非一。而國家實位乎其中間。欲明國家之觀念。則不及焉固不可也。過焉亦不可也。其不及焉者。則其眼光所及。在彼位於國家以下之一級。知有家族部落市府而不知有國家。其過焉者。則其眼光所及。在彼位於國家以上之一級。知有天下而不知有國家。是故國家主義也者。內之則與地方主義不相容。外之則與世界主義不相容者也。而我國人愛國心之久不發達。則世界主義爲之梗也。吉朋者。英國之良史也。所著羅馬興亡史。歐洲有井水飲處匪不誦之。其言曰。「羅馬自征服意大利以後。其

人民無復愛國心。案前此羅馬人亦僅有愛市府心耳彼非不愛羅馬。然所愛者羅

馬之文化。非愛羅馬人。非愛羅馬國也。其人常以保存增長其文化爲己任。以擴張

其文化施於世界爲己任。無論何族之人。有能完此責任者。則羅馬人奉權力以予

之。不稍吝。故羅馬歷代帝王。起於異族者居其半。此其言不啻爲我言之也。吾國

先聖之教。言齊家治國平天下。以平天下爲學治之終鵠焉。故曰天下之本在國。國

之本在家。於天下之中而別私其國。非先聖之所貴也。然則其所謂平天下者何耶。

以吉朋氏之言言之。則將我先民之文化施於世界是已。夫在前古海外大九州溝

絕不通。所謂世界者。則禹域而已。當時羅馬人亦以其交通所及而此偉大之世界

主義。非久遂現於實。疇昔所謂國者。盡溶解於此世界主義中（即天下）而無復存。

如是者二千年以迄於今。夫國家也者。對待之名辭也。標一現象而名之曰某國。是

必對於他國然後可得見。猶對人而始見有我也。既已舉天下僅有一國。則復何國

之可言。而更復何愛國之可言。秦漢以降。吾先民所知之世界。則僅有一國而已。故

先民不名之以國而名之以天下。其蠻族小部落。本不成其爲國。我固不以國視之。卽彼未嘗以國自居。等是羣居於天下間之一人類。特文化有淺深耳。坐是之故。我國自昔未嘗以愛國大義爲倫理一要素。非有國而不愛。不名爲國。故無所用其愛也。我國哲人。常懸一平天下之大理想於心目中。而謂使此理想現於實際者。則帝王之職也。是故帝王之位。非一姓一族所得私。惟有德而克舉此職者宜居之。周公

營洛邑而曰有德易以興無德易以亡最足以代表此思想蓋我國先民其於無德之族則臣民無忠事之義務也夫此種理想。極難實現。誠

不俟論。雖然。不謂之爲一種高尚純潔之思想焉。不可得也。外人徒見乎我國之屢被他族侵入。而恬然奉以爲君。則以是爲卑屈受諸天性。豈知數千年來我先民之所信者。以謂普天之下。莫非王土。率土之濱。莫非王臣。夫如是。則其視金源翰難。與豐沛鳳穎亦何所擇。等是以天下之人治天下之事而已。旣無他國相對峙。則固當如是。而後生小子。不審歷古所處之境遇。雷同他人之語。而以背親亡恥謗其先人。不亦誣乎。若夫自愛其文化。則我民之忠誠。蓋更甚於羅馬。他族之入而君我者。苟

能盡舍其所有而從我。我固安之。而不然者。則非排而去之不休也。五胡之與元魏較。蒙古之與本朝較。其最著也。夫國家者一國人之公產也。文化者亦一國人之公產也。人苟無愛護公產之心。則誠根性劣下。不足以自存。若我國民則固有之矣。是在善推其所爲而已矣。明水曰。吾聞子言而稍有以自壯。雖然。子固言之矣。世界主義。與國家主義不相容者也。而在今日。則非國家主義發達。無以自立者也。然則我先民之以世界主義爲教者。其無乃貽深害於中國矣乎。滄江曰。天下事利害常相倚伏。故言非一端而已。世界主義者。將來最良之主義也。而亦我國二千年前最良之主義也。今有告者曰。山西巡撫與湖廣總督構兵。江蘇巡撫與浙江巡撫宣戰。聞者亦孰不大詫以爲不祥。然昔之晉楚吳越。則數百年習爲固然矣。是故以過去論。則緣此世界主義發達之故。而人民獲無窮之福。卽以將來論。而此世界主義。又實爲國家主義發達之助。蓋非經此階級。不能舉全國之民治爲一丸。我今日所以能擁此廣漠之國土。龐大之國民。凜然具有雄視全球之資格者。則先哲之賜也。明水

曰。斯固然矣。然羅馬徒以誤於世界主義故而取亡。今吾國乃正蹈其覆轍。吾聞子言。滋益懼也。滄江曰。斯誠宜憂。然我之與羅馬。其趨勢抑非盡從同也。羅馬自世界主義發達以後。始終未嘗遇敵國。不過以未成國之蠻野部落。入而託庇於其宇下而已。其後此等部族。歲以發榮。羅馬遂裂。羅馬之裂。裂於內也。故其世界主義。乃所以使其境內之分子游離而背散。我則適得其反。我之世界主義。乃所以使我境內之分子融洽而合併。故在彼宜得惡果。而在我則猶可以得善果也。雖然。此階級固不可不經。然既已經之。則又當遷化以求適應於時勢。夫與今之時勢相適者。惟一國家主義而已。我國民自六十年來。漸習覩夫有他國之與我對待。所謂國家觀念者。亦已勾出萌達。不過故見所積者深。故新見不能甚瑩。亦由執政太非其人。故以謀之不臧。使國家與國民之關係愈閔愈遠。而愛情無自發生。今者我民之愛國心。誠弱於他國。無可爲諱。若之何以振之。則先覺之責也。

明水曰。國家也者。對於外而有不羈之獨立權。對於內而有最高之統治權者也。我

國以大一統之故。其對外思想之不發達。固無足怪。而對內政治之進化。則亦無可表見何也。吾讀泰西史。見其政治現象。複雜變化。往復繚繞。詩人所謂行到水窮坐看雲起者。庶幾似之。使人鼓舞興起而不能自己也。還觀吾國。則二千年來之政治。若一邱之貉。史家記錄。不過帝王世譜而已。其號稱政治家之所施設。則凡以爲一姓一族固其權威也。而求其有合於所謂政治之目的者。乃不可得見。案政治之目的

家自身之生存發達一在圖組成國家各分子(即國民)之生存發達吾既屢言之矣外人謂我爲政治思想薄弱。政治能力缺乏。吾蓋赧然無以應也。且立國於今日。其萬不能不採用立憲政體。既爲有識者所共觀。而立憲政體。果能適用於中國乎。世人且多以爲疑。蓋泰西諸國此種政體之成立。雖曰在近今一二百年間。然其淵源實至遠且厚。自希臘羅馬以來。政權既出自議會。要職皆由民選舉。中間若南意大利諸市府。當中世黑闇時代。已養成獨立自治之風。而英人之民權政治。尤以漸發達。積之數百年以有今日。故其國中雖耦耕之夫。竈下之婢。聞人談政治問題。猶且津津有味。每遇選舉。舉國流汗奔走。若營

其私焉。夫立憲政治。質言之則人民政治而已。使大多數之人民。而無政治上之智識。無政治上之能力。無政治上之興味。則立憲之元氣不具。雖襲其貌。徒增敝耳。夫今後中國之存亡。以憲政能否成立爲斷。而憲政能否成立。則以人民能否運用憲政爲斷。而吾還觀我國民。則於此事蓋有不能躊躇滿志者。吾深懼我國民處今世物競之林。遂不免於劣敗之數。吾子於意云何。滄江曰。善哉善哉。吾子之憂深思遠也。可謂知本也已矣。大抵專制政體。最足以錮人民之良知良能。我國人政治能力。本非薄弱。徒以久壓於專制之下。末由遂其發榮耳。明水曰。子之言蓋未免倒果爲因矣。夫專制政體曷爲能久存。則正乃人民政治能力薄弱使然。使稍強者。則暴君污吏。其何能以一朝居。滄江曰。願子毋躁。吾請更畢吾說。凡一國之政治現象。與其地理甚有關係。不可不察也。夫在疆宇寥廓之大一統國。則恆非專制不足以爲治。勢使然矣。希臘羅馬。皆古昔民權最張之國也。然希臘自亞歷山大王建一統之業。

亞歷山大崛起於馬基頓。馬基頓亦希臘人之別派也。

已不得不盡棄其舊俗。而法東方之治以爲治。當時希臘爲民。

權政治之代表波斯爲君權政治之代表亞歷山大既滅波斯
純採用其政治此後分爲四大王國而政治原則仍無變也
「不自由毋寧死」之

諺起於羅馬。古代羅馬之元老院。其權力之偉大。猶今茲英國之巴力門也。及其既
征服意大利全境。戰勝加爾達額。以地中海爲池。所至設留守以鎮撫其民。遂尾大
不掉以釀成武門政治。蓋羅馬共和政之末葉。舉國鼎沸。酷類中晚唐方鎮之禍。其
民水深火熱。望專制政治。如大旱之望雲雨也。故愷撒屋大維。乃得因民所欲以建
帝業。自是羅馬遂爲專制之政者垂千年。合東羅馬言之也夫豈羅馬人之政治能力前優

而後絀哉。國勢之變遷使然耳。蓋古代無所謂代議政治。國有大事。則聚一國之公
民於一堂而取決焉。此惟在極狹小之市府國家而民數極稀者爲能行之。波希戰爭前斯

巴達之市民亦僅九千人耳

我國古代周官朝士之職。所謂致萬民而詢焉者。正此類也。及乎市

府人口之孳殖漸繁。則此種制度效力已損其大半。若版宇日恢。而於本市府之外
別有領土。則此制度益復無術以維持。蓋既已萬不能聚全國之民於一堂。而當古
代交通未開之世。能使采用代議制。而中央政治之利病。亦斷非地方人民所能洞

悉。則亦益其敝已耳。

史家多言羅馬共和政治之消滅由於不知適用代議制度而有天幸此其論固甚精然亦有未

盡者古代議制度仍須有種種機關與之相輔在古代雖發明之亦未必能全其用也於斯時也。其政治遷化之狀態。惟有兩途。

其一。則如希臘。令新闢之殖民地純然離母國而獨立。母國與屬地。各在其所宅之小區域內。設政府議會以行民權政治。而不相統攝。若是者。民權固能常保矣。而統一強固之國家。終末由建設。忽遇強敵。遂見摧拉而莫能禦。其非國家之福。不俟論矣。其一則如羅馬。集其權於中央。使全國各地方。如身之使臂。臂之使指。則能使國力大莫與京。然而政體遂不得不趨於專制。夫我國過去之歷史。則正與羅馬同其塗轍者也。中國之由封建而進爲大一統也。其良果能否償惡果而有餘。且勿具論。然以中國之地勢。欲求不一統得乎。歐洲山脉縱橫。海汊錯雜。自然華離破碎。成割據分立之局。雖羅馬人強欲合之而不能也。中國則山河兩戒。平原萬里。天開一統之局。雖欲宰割之而亦不能也。夫以天然一統之國。而境土如此其龐大。當疇昔交通機關百不一備之世。非專制政體何以治之。由此言之。我國二千年不能脫專制

政體之羈軌。實地勢與時勢使然。不足引爲我國民政治能力薄弱之證也。若夫專制政體行之既久。致其固有之能力。蟄伏而不得伸。且潛消暗蝕而不逮其舊。此固事實之無可爲諱者。然此則其果也。而非其因也。且我國雖云專制政體。然其政治之精神。有與歐洲古昔之專制政體迥異也者。其行使專制權之形式雖同。而此專制權發生之淵源乃絕異也。歐洲前此之言君權者。謂君主之地位。乃生而受之於天。君主與皇族所以不可侵犯者。以此族本來爲一特別之階級。天生之使爲治人者。而與彼被治者絕非同類也。此等謬想。近百年來雖日漸銷熄。然猶未能盡滅。四十年前。俄普奧三帝。猶復倡神聖同盟。卽此理想之代表也。日本人則全屬此等理想故法王路易十四有朕卽國家之言。而德相俾士麥雖當立憲後。猶有天授君權無限之論。彼中所謂專制權力之淵源。大略如此。我國雖亦言君權爲天所授。然與彼大異者。彼言天常私於一姓。我則言天道無親。惟德是輔。是故堯之命舜。舜之命禹。旣言天之曆數在爾躬。而又申之以四海困窮天祿永終。書曰惟命不於常。詩曰天

命不又。師曠曰：天生民而立之君，使司牧之。豈其使一人肆於民上？孟子曰：天與賢，則與賢。天與子，則與子。此種大義，若悉徵引，則累千牘而不能盡。然又以所謂天者，常爲抽象的，而漠乎不可見也。於是乎有具體的方面以表示之。則民意是也。故曰：民之所欲，天必從之。又曰：天聰明，自我民聰明。天明畏，自我民明威。又曰：天視自我民視，天聽自我民聽。此種大義，若悉徵引，又累千牘而不能盡。合此兩義，而得一結論焉。曰：天以專制權授諸君，而所授者恆必爲人民所願戴也。是故由歐洲之君權說，其正當之解釋義，則誠有如法王路易所謂「朕卽國家」，由中國之君權說，其正當之解義，乃實有如普王腓力特列所謂「朕乃國民公僕」也。夫君主旣爲國民公僕，其有不盡職者，或濫用其職權以痛毒於民者，民固得起而責之，責之不改，固得從而廢置之。故書曰：用顧畏于民。易曰：湯武革命，順乎天而應乎人。孟子曰：殘賊之人，謂之一夫。聞誅一夫紂矣。未聞弑君也。是故人民選擇其所好者，然後戴之以爲君。其所惡者，則廢黜之，甚且誅戮之。在我國認此爲倫理上之一大原則，認此爲

人民正當之權利。此非吾牽合虛造之言。試一繙六經諸子。凡言論之涉於政治者。豈非以此大義一貫乎其間也哉。故歐美日本人常稱我爲「民主的君主國體」。此其命名雖似詭異。然實甚有見於其真也。夫一方面既主張君主專制。一方面復主張民權自由。驟視之若極相矛盾。而持之不能有故。言之不能成理。雖然。此何足異者。霍布士洛克盧騷。皆倡道民約論。而泰西言政治學者。所奉爲泰山北斗也。今世立憲政治之昌明。則此三子者功最高焉。而霍布士與洛克。則謂人民以求自由故。各從其意之所欲。以建國置君。及其既建置也。則舉己之自由權以奉之。而惟爲絕對的服從而不得復逞。此以民權自由爲前提。而以君主專制爲結論也。此其說甚似吾國之

管商卽墨子亦然 盧騷雖稍有進於是。謂選擇元首之權。當常操之自民。然其謂既建國之後。人民當絕對服從公衆之總意。而不能有箇人的自由意志。則亦與彼二子同。雖非以君主專制爲結論。然亦以專制爲結論也。由此言之。則所謂「民主的君主國體」。原不足爲奇。不過彼中則近世哲人始懸爲理想。我則在遠古已成爲事實耳。

夫霍洛盧三子之學說。雖其罅漏不少。往往爲近儒所糾正。然不謂之爲歐洲近世政治思想之淵源。不可得也。歐人得此學說。詫爲瓌寶。而我則二千年前先哲。已發揮無餘蘊。墨子尚同篇。荀子禮論篇。商君書立君篇。其所論建國之淵源。政治之目的。與霍洛盧三子所說若合一契。吾前此著述屢徵引比較之。又

且深入於全國之人心。此而猶謂我國民政治思想之不若人。則可謂懷寶迷邦而已矣。然則我國民得毋徒抱此虛想而未嘗求所以現於實際乎。是又不然。我國歷代革命相仍。卽人民之實行此理想也。蓋先哲之教。謂人民當選戴聖哲而誅除殘賊。非直以是爲正當之權利也。而且以之爲應踐之義務。彼草澤英雄所以能號召天下者。徒以此種權利義務之觀念。深入人心。而始得乘之而起也。然及其既取而代之也。復一率前代之所爲而無憚者。則有數故。其一。則喪亂旣久。民心厭倦。思得蘇息。稍假以恩而遂卽安也。其二。則幅員太廣。非循專制之舊。則無自統一也。其三。則治道雖存。治具未備。雖有仁心仁聞。而不能使民之被其澤者。垂於無窮也。此三義者。其前一義淺而易明。無俟贅論。其第三義則有可言焉。夫我國先哲之教。謂民

聚而成國。選其最賢者而立以爲君。使一國之人事無大小悉受治焉。此實理想的

最良之政治。雖今之共和政體不能逮也。

希臘大哲柏拉圖分政治爲六種而第其高下其所最贊美之立君政治卽指

也。雖然有一最難解決之問題焉。則當用何法以選得此最賢者是已。其在泰古部

落政治市府政治之時代。地狹人希。選之自易。孔子稱三代以前。天下爲公。選賢與

能是也。及拓土愈廣。黎庶愈繁。則茲事之實行。愈益困難。投票機關。既不能如今日

之完備。賢否標準。孰能正之。則選舉反爲召亂之媒。不得已而易爲傳子。夫既已傳

子。則其最初之理想。所謂「選最賢以爲政長」者。

墨子尙同篇語

則既已不相應矣。然爲已

亂計。不得不爾。乃復於傳子之中。而別求所以得賢之道。賈生所謂天下之命懸於

太子。太子之善。在於早諭教與選左右。此其治本之最先者也。及其立而爲君。則有

記過之史。徹膳之宰。進善之旌。誹謗之木。敢諫之鼓。瞽史誦詩。工誦箴諫。大夫進謀。

士傳民語。設爲種種限制機關。使之不得自恣。蓋遵吾先聖之教。則天下之最不能

自由者。莫君主若也。猶懼其未足。復利用古代迷信之心理。謂一切災異。悉應在人

主之一身。而告之以恐懼修省。及其殂落。則稱天而諡。動以名譽。名曰幽厲。百世莫改。吾細繹此種種制度。而於其間見有一貫之原則焉。曰君權有限之精神是已。以臣民之意限之。以天之意限之。凡欲求其進於賢也。雖然。此制度經歷代試驗之結果。遂以失敗終。斯何故歟。蓋所謂善教太子者。雖著明訓。然虛有其表。實則生於深宮之中。不離阿保之手。其趨惡恆視常人爲更易。而百僚士庶之箴諫謗議。總不能有節制驕主之實力。天道之邃遠。乃更不足以動其心矣。於是聖人之所以限制君主者。遂幾於窮。而於其間乃別得一法焉。則置丞相以爲天子之貳。而大重其權。天子御坐爲起。在輿爲下。事無大小。悉以咨之。然後施行。而使之負其責任。故有災異失政。則策免之。此其立法之本意。以視今世立憲國之所謂責任內閣。幾於具體而微矣。故黃梨洲謂君位傳子相位傳賢而天下治。明夷待訪錄置相篇誠知言也。然猶有一闕未達者。則始終未能設一獨立之機關。以與相府相對待。故驕桀之君。常能蹂躪相權而無所保障。惡黠之相。又常能盜竊君權以爲護符。則責任之實。終不可得舉也。

由此言之。我國數千年相傳之政治論。其大本大原所在。與今世所謂立憲政治者。無一不同。所異者其具有未備耳。質而言之。則缺一民選之制限機關「即國會」而已。而此機關所以久缺之故。又非吾先民智慮有所未周也。固亦嘗竭無限心力以圖建設。如上文所述朝士詢萬民及誹謗木敢諫鼓譬史誦詩士傳民語等皆是後世之黃門給事中御史臺等尤其具體者也而所以不就者。乃緣時勢地勢使然。良不足以爲先民咎也。夫以我國民浸淫於此種健全之政治思想。既歷年所。徒以其具未備。不能自淑。今采泰西立憲國之治具以爲用。無削趾適屨之患。而有漬鹽入水之功。慮其不能適用。抑已過矣。

至如新設之機關。如資政院諮議局等。吾民運用之未能盡如法。或失之於選舉之時。或失之於會議之際。而人民之多數。未能感政治之興味。無以鼓舞乎其後。此則憲政萌芽時代各國之所同有。不足爲吾病也。夫他國且勿論。若英國豈非所謂立憲政體之祖國耶。試考百年前英民之所以運用此憲政。蓋有令人啞然失笑者。紐波士者。並世第一良史也。其所著歐洲現代政治史。紐氏法國人任巴黎大學教授有年此書以一八九四年出版

各國皆述十七八世紀間英國政治之狀態。其中一節云。

當時各選舉區。當行選舉時。選民多不列席。僅由二三大紳。指名所欲選者。告諸地方官。便認爲當選耳。時有傳爲笑柄者一事。有市名標佛者。人口一萬四千。而有選舉權之人僅二十一。屆選舉時。其二十人皆棄權。惟一人列席。此人卽自組織成選舉會。自選爲選舉會長。自爲推選自己之演說。自投票而書己名。自己宣告以全會一致而得選。此所謂無競爭之選舉也。

英之選舉區四百八十餘。而當時有競爭之區不滿五十。而所謂有競爭之選舉區。其行選舉時尤爲可笑。多數人羣集於空地中。地方官每介紹一候選人。則羣衆無論有選舉權者無選舉權者。皆相率喝采或笑罵。沸亂如麻。至一七八四年。始設立選舉人名簿以整齊之。然以競爭劇烈之故。勢豪富紳。競以賄買投票爲事。公然不諱。甚至有某某鎮鄉。懸價拍賣議員以充自治費者。一八二九年。有公爵名紐基察士兒者。嘗因己之佃丁。違己之命而選舉別人。將彼輩五百八十七

人悉行放逐。議員有攻擊之者。公爵恬然答曰。余獨無任己意。以處分己物之權利乎。其腐敗之狀。可見一斑矣。蓋當一八一四年之交。英國國會議員三分之二。皆由世襲賄買得來。其人全然爲君主貴族之鷹犬。名爲國民代表。實則國民之敵耳。

其時英國人民。除宗教戰爭租稅三事外。其他一切政治。皆漠然視之。曾不稍感痛癢。至十九世紀之初。有喚醒國民於沈睡中者。則「政治的報館」是也。前此雖有報館。皆以營利爲目的。至是而始有眞人物主持其間。堂堂發表政見。共集矢於政府。政府所以遇之者亦至酷。蓋自一八零八年至一八二一年。凡十三年間。而報館主筆之處刑者九十四人云。而繼起者不衰。卒喚起全國輿論。成一八三二年改革之大業。以有今日。

由此觀之。以彼號稱文明元祖之英國。而前此之情狀。不過如是。此其事豈在遠。不過距今八十年前耳。夫人類本有普通性。故無事不可以相學而相肖。病不求耳。未

有求焉而不致者也。病不爲耳。未有爲焉而不能者也。而我民乃或以一時之障礙。遂頽然以自放。謂他人之特長。終非我之所能企及。甘爲牛後。不亦誣乎。且歐美諸國姑勿論。乃如日本者。試問其歷史上果有何種之憲政根柢。其古昔人民政治思想。政治能力優勝於我之證據果何在。今日本之憲政成績且哀然矣。嗚呼。我國民觀於此。其亦可以蹶然自興而無餒矣。

滄江乃重爲言曰。我國民未嘗有一事弱於人也。而今乃至無一事不弱於人。則徒以現今之惡政府爲之梗。我國民不併力以圖推翻此惡政府而改造一良政府。則無論建何政策。立何法制。徒以益其敝而自取荼毒。誠能併力以推翻此惡政府而改造一良政府。則一切迎刃而解。有不勞吾民之枝枝節節以用其力者矣。然而此惡政府者。並非如英法前此之貴族。曾與君主分土而治。植深根固蒂於社會者也。又非如日本之藩閥。曾有大勳勞於國。手贊中興之業。躬親兩次戰勝。而有以繫民懷思也。又非如曹孟德司馬仲達。能延攬天下之豪俊。使供我驅策以養成莫能與

抗之勢也。又非如梅特涅坡釐那士德夫。有絕倫之學過人之才。能操縱羣衆而觚排異己也。又非能如潑經函士德拉佛。能結主知。使人主倚如左右手也。其人皆闊冗佻薄。無一毫堅強不屈之氣。其黨羽皆以勢利相結集。進則相軋。退則相怨。闇昧愚蠢。無些少思前慮後之識。並無么麼團體之可察見。而其得罪於天下。賈怨毒於人心。亦非一日。我國民不欲推翻之則已。誠欲推翻之。稍一協力。則疾風捲隕籜。千鈞之弩潰癰。未足以喻其易也。而我國民不聞惟此之圖。則是國民放棄責任以促國家之亡。謂天亡我。天其任受乎哉。

明水曰。吾子之言。眞如發蒙振落。吾復何以相難。吾悉承其爲是矣。惟尙有一事焉。爲根本之根本者。茲事不解決。則子說皆爲空華。子能容我盡言而更爲下轉語乎。滄江曰諾。

明水曰。吾子反覆數萬言。而歸宿於改造政府。信可謂片言居要也已。然吾竊料吾中國今日之國民。遂永永不能改造政府。則吾子所陳。乃皆噪噪閑言語也。吾子去

國之日久。於近年來國中之人心風俗。恐未能盡窮情偽。雖知其敗壞。然未知其一至此甚也。子曰言改造政府。誰則與子改造政府者。人方日日伺政府之嘖笑。得其一顧以爲莫大之榮。政府蠲其點滴之餘瀝。已足以奔走天下之豪傑。若投骨於地。羣犬齶焉爭之也。其他搢紳之夫。鬻序之彥。閹闈之子。隴畝之氓。無不營營然各自爲其私利。利之所在。不惜犧牲一切以爲之。蓋猥瑣齷齪。卑怯劣弱。詐僞狡猾。陰險傾軋。偷惰淫泆。凡諸惡德。罔不具備。似此社會。非秉畀炎火不足以易其形。似此人類。非投諸濁流不足以滌其穢。今吾子乃欲以改造政府之大業期之。不亦遠耶。吾子欲言改造政府者。盍亦先謀改造社會而已。願吾竊料改造社會之功。遂不可致。故吾恐中國其眞長此已矣。滄江曰。子言至痛。吾蓋不忍聞。以今日中國之人心風俗。其遭一浩劫。殆終不可得免。所問者。經此浩劫之後。其遂將陸沈以終古耶。抑將除舊布新而別開一境界耶。由前之說。則此浩劫誠爲吾國民最後所受之天譴。由後之說。則又安知非天之所以戡我。吾寧歡喜順受。而祝其早一日歷此苦厄。卽

早獲一日之息肩也。鱗介之族。有壽命悠長者。閱若干歲而輒蛻變其形。當其蛻變也。則感受無量之苦痛。死生一髮耳。社會亦然。非蛻變無以自存。而蛻變則必與莫大之苦痛相聯屬。試觀並世糾縵光華之國家。何一非經數度之苦痛以有今日。我國民欲求幸福而不以苦痛爲易。此不可得之數也。然驟感苦痛。而遂疑幸福之棄我而去。則亦自絕於天而已。天之於人也。未嘗靳以幸福。而恆使之自求。當其求之也。則必有種種魔障橫於其前。求焉者則日日與此種魔障奮鬥。鬥而勝之。則幸福乃湧現乎其後。而不然者。中道退轉。甚或不能忍苦痛之相襲。而憤懣自戕。此則志行薄弱者之所爲。彼蓋自絕於幸福。非幸福之棄彼而去也。惟國家亦然。古人有言。殷憂啓聖。多難興邦。此非以虛言相慰藉也。天地自然之大。則固如是也。大抵凡一切有機體。其組成分子。必以新陳代謝爲功用。霜露肅殺之威。能使百卉彫悴。非有秋冬之彫悴。則無以期春夏之發榮。但使有可以發榮之質點存於根幹之間。無論其質點若何微細。而他日固可以致盛大。雖華實盡落。枝葉全披。非所憂矣。人之一

身。血輪嬗蛻。無有已時。若一旦緩其嬗蛻之功能。輒凝滯以成廢淤。血既成淤。在法固不容使不復存於體膚中。卽存焉。而在彼固不能永保其形。徒傳染於體中之各部。而日漸潰爛耳。於斯時也。苟其體中尙有一部分堅強之分子。能具有不撓不屈之抵抗力。無論受若何之壓迫。而終不隨其浸潤之所及。而潰爛以去。則此健全之分子。終必有能祛逐彼廢淤之分子。以恢復其元氣之一日。何也。彼廢淤之分子。本已無復生存之能力。早晚固應歸澌滅者也。夫當健全分子與廢淤分子奮鬥。則體中自當感無量之苦痛。雖然。安可得避哉。夫吾所謂根幹間發榮之質點與體膚內健全之分子者何也。則社會中最少數人之心力是已。我國今日猶一病軀也。而此至惡極壞之人心風俗。則其淤血也。彼宜代謝之日久矣。宜謝而不謝。而其傳染性乃益以蔓延猖獗。薪盡火傳。綿綿無絕。前此純潔向上之少年。一入社會而與相習。則靡然化之。皆坐是也。雖然。一國之大。詎竟無億萬人中之一二人。尙能屹然獨立。不波靡以去者乎。吾固見有之矣。有之。而或自感其力之綿薄。謂決不足以戰勝惡

社會而斂手莫敢與抗也。或偶一出手。遇一二次挫敗。而嗒然不敢再嘗試也。或雖懷熱誠高志。然其見識與手段。不能與新時代相應。而故見自封。曾不肯闢新途徑。以自廣。坐窳其進取之路也。或獨力所不克任之事。不思求友求助。故人自爲戰。壁壘終無自立也。要而言之。則社會之善良分子。常執消極的態度。而不能執積極的態度。常立於退嬰的地位。而不肯立於進取的地位。中國所以有今日。皆坐是而已。人亦有言。道高一尺。魔高一丈。又曰從善如登。從惡如崩。夫社會之常以惡性充物也。人性之易染於惡也。豈惟今日。卽古來亦何莫不然。豈惟我國。卽他國亦何莫不然。此雖謂之自然現象中一共通之原則可耳。而所貴乎人道者。則在其常能戰勝自然現象而已。自然現象者。嚴譯天演論。所謂天行是已。天行常恣虐而人道常能戰勝之。此進化之大則也。使人而常爲自然所宰制。則今日猶爲洪水猛獸草昧獠獠之世。而復何文明之可言。今世人類。山積不能障。洋海不能隔。水旱疾癘不能爲患。舉凡有知無知之物。悉役之以爲我用。而不見役於物。此戰勝自然之結果也。夫自然現象之宜戰勝之者。豈惟物質方面而已。

卽社會心理方面亦有然。荀子曰：人之性惡也。其善者僞也。注家釋僞字之義，謂人人從爲人所爲也。吾嘗讀紐波士所著歐洲近世政治史，述一八一四年前後德國人之風俗，謂其貴族則驕侈淫佚，其中流社會則猜忌排軋，其一般平民則愚蠢怠惰。又嘗讀馬哥黎所著維廉畢特傳，言其時十八世紀末之英國人，賄賂公行，廉恥掃地。又嘗讀國府種德所著日本現代史，言德川家慶時我道光末葉之日本人，奢侈柔惰，靡然成風。苞苴橫行，紀綱盡弛。夫德國自一八一四年至帝國成立一八六六年，爲時幾何。英國自維廉畢特時及至憲政改革一八三二年，爲時幾何。日本自德川家慶時至明治維新同治七年，爲時幾何。然而以其前後之人心風俗相較，乃如隔世。如異國。豈有他哉。不過最少數之仁人君子，出其心力，以與惡社會血戰，而卒獲最後之勝利云爾。善夫崑山顧子之言曰：觀亡新之可變爲東漢。五季之可變爲宋。則知天下無不可變之風俗。善夫湘鄉曾子之言曰：習尙也者，起乎至微，而終乎不可禦者也。是故一國之中，但使能有少數仁人君子，挾主一無適之誠，行百折不回之氣，以日夜與惡社

會爲不斷之爭鬥。而謂終不能征服之者。吾未之前聞。此非徒徵諸各國實例而有以明其然也。據常理以推之。人力所至。終勝天行。此宇宙不易之大法也。夫當其爲不斷之爭鬥也。當其著著實行征服也。則舊社會之腐敗分子。自必感無量數之苦痛。出全力以相反抗。一時全社會極其混莽。而此身臨前敵之仁人君子。必遭遇人世極不堪之顛沛困厄。其殞身於無形之鋒鏑者。必踵相接。所問者。當其遭遇困厄。能不退轉焉否耳。當前者隕於鋒鏑。而後此有繼焉者否耳。抑吾嘗習聞今之君子之言矣。動則曰。吾之盡力於社會者有年。而橫流之勢。每下愈況。吾知其無能爲也。或又曰。吾日夜捧赤心以報效社會。而社會乃反咒詈我。窘辱我。人情涼薄至此。吾實無味再與共事也。或又曰。如某某者。其心力才能遠過於我。尙且爲惡社會所蹙。以自取隕滅。若我者。又何能爲也。或又曰。吾一人之力。決不足以障狂瀾。皇皇求同志。則莫我應。不如其已也。吾請爲一一辯解之。夫謂盡力有年而每下愈況。斯固然也。曾亦思我輩所以自任者爲何種事業。我輩非欲矯正全社會乎。使社會而非腐

敗。何勞矯正。安常處順。以爲社會一健全分子。以徐徐發達。盡人能之。豈待我輩。我輩所欲任者。實往古來今最難之業。大多數人所不敢任也。我輩既任之。而謂能一蹴有功乎。謂能順風揚帆。中間絕無挫敗乎。且我輩自謂心力已盡。此語則安能出諸口者。勞而無功。則或我輩精神貫注未徧也。或所用手段方法有不適也。我輩惟當自反以求向百尺竿頭進一步耳。而安有已盡之可言。若云盡乎。則孔子有言。望其壙。皋如也。畢如也。君子息焉。小人休焉。曾子曰。死而後已。不亦遠乎。我輩生命化爲灰塵之後。卽我輩心力已盡之時耳。今託於心力已盡而自擲責任。是卽不盡心力之明證也。復次。緣自己受社會所冷落所窘辱。而怨社會之涼薄。此其言非徒不智。抑亦不想。試問我輩所爲效忠於社會者。爲欲求報酬於社會乎。若爲欲求報酬之故而始效忠。則效忠者非其目的。而實爲自利之一手段。如是則我心地先不純潔。先自含有惡社會之空氣。方待人之矯正我。而我何能矯正人者。就令讓一步。謂效忠者雖不求報酬。而社會之所以待之者。終不應如此。斯固近理也。雖然。曾亦思

今日之社會爲何種社會乎。苟非惡者。何勞矯正。我既認其惡而思矯正之矣。夫涼薄則亦惡德之一也。當矯正未奏功以前。則其涼薄固宜也。然此皆勿具論。我輩有一事焉。亟當自反而常日在之者。我輩所自認之天職。則豈不曰與惡社會奮鬥乎哉。奮鬥之爲象也。我欲蹙敵。而敵亦欲蹙我。情理之常也。夫孰使汝不肯鋪糟啜醢。而貿然與惡社會挑戰者。汝日思摧陷社會之窳敗分子。其窳敗分子。不得不謀自衛。其窘辱汝。固所宜然。其僅冷落汝。則所以厚汝者已至矣。要之我輩當未與社會接觸之始。當先知受社會之冷落窘辱。實爲我輩天職中照例應相緣而至之一現象。夫安能以是懟人。其懟人者。毋亦自待太薄而已。復次。謂他人所不能成之業。我亦無庸着手者。此尤自暴自棄之言也。子夏之聖。豈逮孔子。孔子轍環終老。而子夏爲侯王師。保羅之賢。豈過耶穌。耶穌死十字架。而保羅徒衆徧全歐。漢成之英。豈逾孝武。孝武不能致單于。而孝成斂衽朝呼韓邪。麥折倫之毅。豈勝維哥達馬。維哥達馬僅繞好望角。而麥折倫航太平洋。左李之器。豈比胡文忠。文忠力竭聲嘶。僅保鄂

北。左李成大功於江東。餘力且蕩回捻。伊藤大隈之才。豈若吉田松陰。松陰極刑。而藤隈行其志。天下事作始者用力多而成功少。繼起者用力少而成功多。盱衡古今。豈不然耶。自謂不能。毋亦不負責任之言已耳。復次。欲就大業。非一手一足之烈。皇皇然求友求助。固宜然也。然因驟求之不得。而遽灰心。斯大不可也。當思我輩所以自任之事業。本爲國中大多數人所不肯任。亦正惟以肯任者寡也。我輩乃起而任之。則求同志之難。固其所也。社會中窳敗分子。無論矣。卽其健全分子。亦豈能盡毆之。使與我同道。彼安常蹈故。忠於目前一部分之職務者。則亦將來新社會不可缺之基礎也。吾何必搖動之。抑吾嘗案諸史乘。徵諸當世之務。無論何國。無論何時。其堵拄國家而維繫其命脉者。恆不過數人或十數人而已。英國所以能確立憲政。德意之所以能建國統一。日本所以能倒幕維新。其主動之人。可屈指也。卽在今日各文明國之所以欣欣向榮。其在朝在野指導之人。皆可屈指也。夫當其風行草偃。景從而左右之者。豈得云少。而要之。惟以有此數人或十數人之故。遂自能得多數之

景從者。而國賴以昌。苟無此數人或十數人。或有之而其人一旦自放棄其天職。則其國遂一落千丈強矣。竊計我國今日人才。雖消乏已極。而以數千年神明之胄。欲求數人或十數人足以爲國楨榦者。豈得曰無。蓋有之矣。而以憤時嫉俗之過甚。橫一中國必亡之觀念於胸中。而遂頹然自放。夫至並此少數人而頹然自放。則中國其真亡矣。雖然。亡之者非他。卽此少數人是已。質而言之。則持中國必亡論者。卽亡中國之人也。是故吾輩當常立一決心以自誓曰。中國之存亡。全繫乎吾一人之身。吾欲亡之。斯竟亡矣。吾欲不亡之。斯竟不亡矣。他人如何。吾勿問也。吾惟知責吾一人而已。但使一國中而能有百人懷此決心。更少則有十數人懷此決心。而並力一致。以與惡政府奮戰。與惡社會奮戰。乃至與全世界之惡風潮奮戰。而謂中國終不免於亡。吾弗信也。嗟乎。明水先生乎。嗟乎。國中之仁人君子乎。慎毋以吾爲病狂嘖語。慎毋以吾爲姑作大言以自壯而欺友朋。吾蓋念此至熟而信此至堅。吾日夜悚息以爲中國萬一而竟亡者。其必由吾一人不盡責任尸其罪也。不知吾子亦自覺

有此責任焉否也。不知國中仁人君子亦自覺有此責任焉否也。

明水曰。吾子之言。鞭辟近裏。一至於此。吾雖欲逃避。亦安所得逃避。吾知責矣。雖然。竊更有數事。欲爲駢枝之疑問者。吾子倘亦樂語之而不倦耶。滄江曰。唯。願恣言之。明水曰。吾輩自身不敢一毫放鬆責任固已。然終不能不望國中有多數豪傑之士起以共此艱鉅。昔常聞諸吾子。謂吾國歷史。每當蝸唐沸羹之既極。然後人才出現。非時勢需求之急。達於極點。則不現也。然及其既現。則其人物常極偉大。且其數極衆多。若此者。徵諸前代已事。則誠然矣。然此似乞靈於氣數。作無聊空想。其必得與否。非可期也。不知此種歷史現象。亦有自然一定之原理原則宰制其間否耶。以駑下如吾輩者。一旦迫於時勢之需求。不識亦可以一變而爲有用之人物否耶。且中國今日。危急寧尙得云未極。而此種歷史現象。迄未見發動。則又何也。滄江曰。善哉。問乎。此實學術上極有興味之一問題也。吾不嘗與子共讀盧般氏之國民心理學乎。其言曰。『人類心性之中。恆有一種特性焉。可以遇事變化者。學者稱之曰「可

能性。」此種「可能性」其在平時。恆潛伏而不知所在。或終其身而不一現。一旦受外界非常之刺激。則突起而莫之能禦。此徵諸個人之行動而至易見也。平居極慈祥之人。當飢餓焦灼。則有骨肉相食。猶忍如蕃族者。弱不勝衣之女子。拯所愛於焚溺。勇健常辟易壯夫。此吾輩所常覩聞也。此無他焉。其潛伏之特性。非遇大刺激則不發。發則與平時劃然若兩人。夫歷史上之豪傑。亦若是已耳。謂其天賦之性果絕異於吾儕耶。是決不然。彼亦凡人耳。而外界之事物。無端驅其「可能性」而使之蹶起。其腦細胞中之一部分。平昔廢置不用者。忽焉刺激而發揮其神力。遂使天下後世矚目。橋舌共詫爲非常之人物。實則苟在平世。則亦旅進旅退與吾輩等耳。『盧氏之言如此。而歷舉多數事實以爲證。吾子則既聞之矣。』盧氏所舉事實甚多善惡雜陳其最親切有味者則

謂法國大革命時若羅拔士比若丹頓輩後世共詫爲猶惡無人理者也然苟非爲時勢所驅則彼輩應終身爲一善良市民何以證之蓋羅氏丹氏前此嘗爲判事有賢名而當時與彼同惡齊名之人若某某輩幸逃法網後至拿破侖時各執一職業譏然與恆人無異故知羅氏丹氏如不死亦當與彼輩同也 吾在我國。

則更可得其例也。李廣誤石爲虎。射之沒羽。明日再射不能復入。此「可能性」偶

然發動之最顯證也。劉季蕭曹。苟非在秦時。則酒徒與刀筆吏耳。寄奴劉毅。非遇桓玄之變。則鄉曲無賴子耳。其他豪傑。何莫不然。且勿語遠。舉其近者。咸同之間。苟非軍興。則曾文正一文學侍從之臣耳。胡文忠一循吏耳。羅羅山一講學大師耳。雖據其才力與其品性。可以在其本來之地位中。翹然秀於其儕輩。若夫投身於軍界。以成震古鑠金之偉業。則自始固非所望。然卒乃如是者。則外界之境遇。有機會使之得發揮其特性。抑亦刺激之使不得不發揮其特性也。非惟一二絕特之偉人爲然也。凡並時而起者。莫不皆然。我國歷史上號稱人才最多者。首舉戰國秦漢之交。次則三國。次則隋唐之交。次則元明之交。最近則咸同間。吾儕立乎百世之下。望古遙集。目眩於應接。而魂疲於頂禮。任舉當時一下駟。求諸今日。杳乎不可復得。謂天地生才有私愛耶。此文人弄筆。其非篤論。無俟辨矣。謂一二偉人養成之以待用耶。此固一部分之實情。然當時無論何方面各有瑰偉奇特之人。如莽莽平原。萬草齊茁。其根蒂各不相聯屬。不先不後。而同時句出萌達。則又何也。此無他焉。世運之窮。生

民之厄。既達其極。舉國中人心洶洶。覺所處之境。儼然不可終日。則無形有形間。自能衝動多數人腦海中。有生以來潛伏不現之特性。摩盪而挑撥之。不期而同時並發。是故平世無人才而亂世多人才。此非可付諸氣數之偶然。實則國民心理上。一大原則宰制乎其間也。夫今者東西諸立憲國。則雖平世亦有人才矣。然此自緣近今發明之一種圓妙政體。能使人才有秩序發達之餘地。當其未經此蛻變以前。其人才非至危急存亡之頃而不能出現。亦猶吾國也。抑自古及今未嘗一產人才之國。則亦有矣。若高麗等是也。而我國之史實。則豈其然。夫以五十年前能產曾胡左李洪楊馮石之中國。而謂五十年後即地氣已盡。有是理乎。夫自今日以前。中國誠不得云不危急矣。然於危急之中。猶常有一二現象。足以繫人餘望者。且其危急之程度。又非直接切於人人之肌膚。是故刺激之功用未著。國民潛伏之特性未動也。自今以往。殆其時矣。故吾平居持論。謂中國於最近之將來。必有多數大人物出現。此非夢想以聊自慰也。衡以理勢而信其必然也。若夫吾輩雖曰驚下乎。然此潛伏

之特性爲盡人所同有者。卽吾儕亦寧得獨無。今外界之所以刺激吾輩者。亦云至矣。吾輩苟非冥頑不靈。腦筋全斷者。固宜有所感受。磨厲培養此特性以求濟時艱。比諸弱女之計不旋踵以圖拯所愛於焚溺。則又安見其不能從將來出現之諸豪傑之後。而有以自効者。亦視吾輩之所以自待何如耳。

明水曰。茲事敬聞命矣。顧吾尤有一疑欲質諸吾子者。今日國命懸於政府。政府惟矚然不知國家之將瀕於亡也。故昏悖日益甚。若恐其亡之不速。而更旦旦伐之。國中仁人君子。歷舉亡徵。大聲疾呼。冀政府得有所警惕。而悔禍於萬一。今吾子乃言中國不亡。且言各國決不汲汲實行瓜分。吾知政府得子之說。將益有所藉口。以爲貪黷酣嬉之資矣。且卽就國民一方面言之。其酣臥於厝火積薪。而自謂安者。尙不知凡幾。告以禍至無日。庶急起以共謀之。子之言得毋弛方張之弓矣乎。滄江曰。不然。使報章言論。而可以左右政府之心理。則中國其不至有今日矣。夫中國之瀕於亡。政府則寧不知者。吾度其所知。視吾輩尤親切也。彼正惟明知其將亡。乃益急乘

須臾未亡之頃。併力鹵掠。肢削。以期亡後飽則颺去。吾儕愈以亡相號呼。彼之鹵掠肢削。乃愈日不暇給耳。晚明諸臣。當崇禎十七年正二月間。怙權贖貨。豈肯息肩者。我輩今日論國事。其安能更依賴此政府。我國民而欲政府之警惕而悔禍耶。則亦有道矣。夫外國人出一言而政府輒唯唯從命。甚且先意承志。若孝子之事父母。豈有他哉。畏之而已。我國民而能予政府以可畏。則如執箠以馭羣羊。東西惟所欲耳。而不能者。則諷諫無用也。笑罵無用也。策厲無用也。恫嚇無用也。一切皆是閑言閑語。政府聞之已熟。豈有一焉能芥其胸者。故吾儕今日立言。惟與國民言。而非與政府言。此界限之首宜認清者也。若夫日日與國民言亡國乎。則吾惟見其害。未覩其利。夫謂全國人皆已知國之將瀕於亡。此吾所不敢言也。其並此而不知者。則吾輩之言論。殆終無從達於其耳。雖言何益。而國民中之稍有腦筋者。蓋不待吾言。而早已汲汲顧影矣。善夫昔人之言曰。夫兵勇氣也。氣一衰竭。雖名將不能用之以克敵致果。今此國民者。我國家所恃之以改造政府者也。所恃之以捍禦強鄰者也。奈何

日以頹喪之語衰竭其氣。人之爲道也。必自覺前途有希望。然後進取之心乃油然而生。否則一墮而永不能復振矣。執一人而語之曰。汝於此數月內必死。其人不信。吾言則已。苟信吾言。則必萬事一齊放倒。惟排日媮樂。以待死期之至耳。今中國人心風俗日趨於偷窳敗壞。何一非由人人橫一中國必亡之心。有以召之者。各挾一我躬不閱。遑恤我後之思。共懷一旦以喜樂。且以永日之想。語之以政策。則曰中國亡矣。討論政策何爲。語之以學問。則曰中國亡矣。求此學問何用。語以道德氣節名譽。則曰中國亡矣。道德氣節名譽。誰則知者。其他凡百。莫不皆然。故極重要之事務。皆以遊戲敷衍出之。極可貴之光陰。皆以煩惱消遣度之。舉國之象。黯黯然其掩以暝色。醜醜然其罩以鬼氣也。不寧惟是。各乘此絲息僅屬之際。併日爲惡。以充須臾之肉慾。舉凡前古未聞之穢德。公然行之。轉相仿效。而不以爲怪。夫此亦何足怪者。希望盡絕之人。固應如是也。嗚呼。今日中國社會之現象。豈不然哉。然推厥所由。則中國必亡一語使然耳。凡人之氣。頹之甚易。振之甚難。羣客滿座。一人欠伸。十人隨

之不轉瞬而零落散去矣。苻堅百萬之衆。一旦落膽。則風聲鶴唳。草木皆兵。我國今日民氣沮喪已至此極。何堪更有此種無責任之言。洋洋盈耳也。若吾之所欲與國民共勉者。則竊有以異乎時論之所云云。微論吾國今猶未遽亡也。就令已亡矣。而吾國民尙當有事焉。苟國土而爲人占領過半也。則猶當學拿破侖時代之普魯士人。使國土而分隸於數國也。則猶當學十九世紀中葉之意大利人。使國土而爲一強國所併吞也。則猶當學蒙古時代之俄羅斯人。與夫今日之匈牙利人。夫安有以五千年之歷史。四萬萬之子姓。而付諸一往不返者耶。由此言之。則雖中國已亡。而吾儕責任。終無可以息肩之時。而况乎今猶可以幾幸不亡於數年或十數年間也。夫過此數年或十數年以後。吾儕等是不能息肩也。而艱瘁則又視今日萬萬矣。吾儕其忍更頽然自放以擲此至可貴之歲月也。嗚呼。吾音曉而口瘖。吾淚盡而血枯。不識國中仁人君子其終肯一垂聽焉否也。

於是明水相對滂沱。良久乃矍然曰。吾確信中國之不亡。若其亡也。則吾一人實亡。

之。吾不敢造此大惡以得罪於黃帝堯舜禹湯文武周公孔子在天之靈。吾身雖微末。不能裨補國家於萬一。然吾舉之以獻於國家矣。

明水謹案。滄江先生此文。述正月間吾二人連夕討論之言也。文成後旬日。而余陪先生爲臺灣之遊。既察其施政。復接其遺老。而貽我以沒齒不能忘之刺。激於吾腦中。先生所謂亡後尙當有事者。我同胞中有三百萬人先當之矣。夫雖欲不有事。又可得耶。而雖欲有事。又可得耶。嗟我邦人諸友。慎勿以亡國二字爲口頭禪。亡國遺民所度之歲月。吾無以狀之。誦徐孝穆二語曰。不自知其爲生。不自知其爲死而已。臺游既罷。乃亟書數語寄編輯部。使綴此文之末。

余之死生觀

甲辰

我可以毋死耶。君可以毋死耶。嘻。前我而生者。億兆京垓無量數不可思議之人。則既死。並我而生者。一歲之中。全世界數十兆以上之人。則既死。我國內數兆以上之人。則既死。我與君其終不能免矣。死既終不能免。一死之後。我與君將澌然以俱盡。

耶。果爾爾。則我將惟楊朱之言是宗。曰死則一矣。毋寧樂生。雖然。我見我國若全世界過去之聖哲。皆有其不死者存。我見我國若全世界過去之豪傑。皆有其不死者存。我見我國若全世界過去億兆京垓無量數不可思議之人類。無論智愚賢不肖。皆有其不死者存。故知我與君皆有其不死者存。今願與君研究「死學」。

自昔野蠻時代之宗教。皆言靈魂。卽號稱文明宗教在今世諸文明國中最有勢力如景教者。亦言靈魂。孔教則不甚言靈魂。佛教則反對外道六大論師之言靈魂。近世歐美哲學家。就中如進化論一派。亦反對景教之言靈魂。靈魂之果有果無。若有之。則其狀態當何若。是數千年來學界一最大問題。辯爭至劇烈。而至今未嘗已者也。雖然。無論爲宗教家。爲哲理家。爲實行教育家。其持論無論若何差異。而其究竟必有一相同之點。曰人死而有不死者存是已。此不死之物。或名之爲靈魂。或不名之爲靈魂。或語其一部。或語其全體。實則所指同而所名不同。或所證同而所修不同。此辨爭之所由起也。吾今欲假名此物。不舉其同義而舉其偏義。故不名曰靈

魂而名曰精神。精神之界說明。然後死學可得而講也。

佛教之反對印度舊教言靈魂者何也。舊教言輪迴言解脫。佛教亦言輪迴言解脫。獨輪迴解脫之主體。舊教惟屬諸么匿。佛則么匿與拓都並言之。而所重全在其拓都。此其最異之點也。故此主體者。佛教不名之曰靈魂而名之曰羯磨。舊教言靈魂。

雖各各不同。然皆言有一「神我」。我爲所輪迴體。神我爲能輪迴體。佛教以爲若此

沾滯於小我。是求解脫而反繫縛也。故排之而立羯磨義。佛之排舊教說此不能具微余近別著「死不死」一書

當詳言之佛說以爲一切衆生自無始來有「眞如」「無明」之二種性。在於識藏。而此無

明。相熏相習。其業力總體。演爲器世間。是卽世界也。其箇體演爲有情世間。卽人類

及其他六道衆生也。以今義釋之。則全世界者。全世界人類心理所造成。佛說今不限人類

狹義一社會者。一社會人之心理所造成。箇人者。又箇人之心理所造成也。今之箇人

生以前之心理所造今之心理又造成死佛說一切萬象。悉皆無常。剎那生滅。去而

不留。獨於其中。有一物焉。因果連續。一能生他。他復生一。前波後波。相續不斷。而此

一物。名曰羯磨。佛說經汗牛充棟語其指歸不外發明今此復問汝其最淺顯者同金

剛常此無常變壞之身雖未曾滅我此親現前念滅遷謝新新不住如火成灰何漸銷

亦殞於殞滅時汝身中有不滅耶波斯匿王合掌白佛我實不知佛言我今示汝知汝生

是滅恆性汝年幾時大王如汝所言我生三歲慈母攜我謁耆婆天經過此流爾念時變遷

則汝三歲見此佛言汝今年自傷髮白面皺其面必定皺於童年則汝今時觀此恆河十

與昔童時觀河之見有童髮不王言不變者原無生滅云何於中受汝而生滅而猶未引

彼未伽梨等部言羯磨之爲物。殆如然電燈者。電雖消去。而其遺漬。緣表筒中。銖黍

不爽。今各國然電燈煤氣燈者燈局多寡因以取價之又如人食物品。品中土性鹽

質。除穢洩外。而其餘精。徧灌血管。以上設譬粗而不類於是乎有因果之律。謂凡造

一業。必食其報。無所逃避。法句一二七偈云汝雖復至大洋中央乃至深山洞人之

肉身。所含原質。一死之後。還歸四大。固無論已。四大者謂地水火風也中國言五行

息歸土血睡歸水動力歸火氣就其生前。亦既刻刻變易。如川逝水。今日之我。已非故

吾方見爲新交臂已故。

首楞嚴復云若輕令我微細思維其變寧惟一紀二紀實爲年變豈惟年變亦兼月化何直月化兼亦日遷沈思諦觀利

那利那念念之間不得停住

此其爲說。證諸今日科學所言血輪肌體循環代謝之理。既已確然。

無所容駁。故夫一生數十年間。至幻無常。無可留戀。無可寶貴。其事甚明。而我現在有所行爲。此行爲者。語其現象。雖復乍起卽滅。若無所留。而其性格。常住不滅。因果相續。爲我一身及我同類。將來生活。一切基礎。世界之中。有人有畜。乃至更有其他一切衆生。人類之中。有彼此國。有彼此家。有彼此族。彼此社會。所以者何。皆緣羯磨相集相熏。組織而成。是故今日。我輩一舉一動。一言一話。一感一想。而其影象。直刻入此羯磨總體之中。永不消滅。將來我身及我同類。受其影響。而食其報。此佛說之大概也。

吾受其義。而歎其與今日進化論者流之說。若合符契也。侯官嚴氏括引晚近生學家言。謂官品一體之中。有其死者焉。有其不死者焉。而不死者。又非精靈魂魄之謂也。可死者甲。不可死者乙。判然兩物。如一草木。根莖支干。果實花葉。甲之事也。而乙

則離母而轉附於子。縣縣延延。代可微變。而不可死。或分其少分以死。而不可盡死。動植皆然。故一人之身。常有物焉。乃祖父之所有。而託生於其身。蓋自受生得形以來。遞嬗迤轉。以至於今。未嘗死也。一天演論下 此所謂乙者何物乎。其名曰 Character

譯言性格。進化論家之說遺傳也。謂一切衆生。當其生命存立之間。所受境遇。乃至所造行爲習性。悉皆遺傳於其子孫。今日衆生。其類種種。其族種種。各族類中。各各有其特形特性。千差萬別。毅然不齊。所以者何。卽其族類。自無始來。以迄今日。生存競爭之總結果。質而言之。是卽既往無量歲月種種境遇種種行爲累積結集全量所構也。夫所謂遺傳者。固非徒在無形之性格。卽有形之肢體。其種種畸異之點。亦皆彙傳焉。而有遞變。顧前體已滅。而後體仍相襲者。故知於粗幻之現體外。必更有其精實之別體存也。夫形體則精中之粗實中之幻者耳。而遺傳之跡。顯然不誣也。則既若是。更有其精中精實中實者。其遺傳力之鉅。益可知矣。故至今日而所謂國民心理社會心理之一科學。日以發明。國民心理者何。社會心理者何。卽前此全國

全社會既死之人。以不死者貽諸子孫也。

遺傳既可識矣。但其傳焉而必遞變者何也。我祖我父之業力。我既受之。而我自受胎而出胎而童弱而壯強而耄老。數十年間。其所受現世社會之種種熏習者。我祖父未嘗受也。我兼秉二者。於是乎我復有我之一特性。我數十年間。日日自舉其特性而發揮之。以造出或善或惡。或有意識或無意識之種種事業。還復以熏習現社會。及吾之死也。則舉吾所受諸吾祖父者。一吾所受諸現社會者。二及吾所自具之特性。三和合之以傳諸我子。我子之所以傳諸其子。我孫之所以傳諸其孫者。亦復如是。乃至前世現世來世之人。所以傳諸其子孫者。亦復如是。此所以雖不滅而有變也。前引首楞嚴經佛說謂變者受滅彼不變者原無生滅此指能緣之本體也若所緣之作用則雖不滅而有變也彼聖賢豪傑乃至大罪惡之人。其所以於一國一社會之歷史。皆有大影響。歷千百年而食其果未艾者。皆以此。又不徒彼等爲然也。卽全社會多數之庸人。其微細羯磨。亦相結而浸潤社會之空氣。能以自力屢屢變易之。吾所謂過去億兆京垓無量數不可思議之人類。

無論智愚賢不肖皆有其不死者存。蓋謂是也。

要之佛說主解脫。將厭離此世間而滅度之。故其教義在不造諸業。進化論主爭存。將緣飾此世間而莊嚴之。故其教義在善造諸業。二者結論之相反亦甚矣。若其說一切衆生皆死而有不死者存。則其揆若一。而絲毫無所容其疑難也。佛說之羯磨。進化論之遺傳性。吾皆欲名之曰精神。今吾將據此以溝合羣哲微言以縱論夫死義。

景教言靈魂。以視佛及進化論者之說。其義似稍局矣。雖然。景教有最精最要之一言焉。曰三位一體。三位者。此譯聖父聖子聖靈。聖父謂上帝。聖子謂景尊。聖靈即精神。通於帝與尊與一切人類之間者也。以拓都體言之則曰聖靈。以么匿體言之則曰靈魂。靈魂何以能不死。以其通於帝也。故景教言人類之軀殼爲第二生命。其上更有第一生命者存。雖進化論家極謗景尊者。或未能難也。

美國博士占士李者現代著名之哲學家也。著「人生哲學」一書爲景教認直原書於一八九三年出版現已重版四十餘次。云今據譯其數段。李氏曰「執近物質的文明日以進化質力不滅之說既有定論而其蔽也」

我視精神與物質為一體乃謂物質之形外更無復有精神者存此大誤也如赫胥黎在
 就物質一方面論之凡物之質與力其在此世界者皆不萎埋土中化為石炭其內
 輩所用燃料自千萬年前爰有大木繁蔭徧地歷若干歲不化而為石炭其內
 更含煤油瓦斯(煤氣之譯音)諸質歷年歲迄於今日非人智發達能利用之
 輪輓車駕舟或炊食物或照室實則歷年歲迄於今日非人智發達能利用之
 而用太陽發熱之力所以發運諸力者總量即自松五十年間所吸一受五十年之
 於太陽之熱亦正相等而既燒之十年後所損失者並非消滅還在其間在別處
 量也故吾輩燃煤其所燃與五十年後所損失者並非消滅還在其間在別處
 吾輩也松樹之生命恃日光空氣乃至各植物以養而空氣及推諸植物其源皆自然
 日光故謂地球今日於彼明曰此方為動植物以外更無他物可植而日光之形息
 變動息循環今日於彼明曰此方為動植物以外更無他物可植而日光之形息
 土石旋變石即梅即推即氣可也故我之身即松即牛並時某甲即
 犬之身也可謂之過或將來某甲之身乙之身不寧惟是謂之松之身孔子之身蒸
 乙之身也可謂之過或將來某甲之身乙之身不寧惟是謂之松之身孔子之身蒸
 之身也可謂之過或將來某甲之身乙之身不寧惟是謂之松之身孔子之身蒸
 也故此可謂之過或將來某甲之身乙之身不寧惟是謂之松之身孔子之身蒸
 滅故此可謂之過或將來某甲之身乙之身不寧惟是謂之松之身孔子之身蒸
 精神界則夫不可言而適於精神之界也則精神之界也則精神之界也則精神
 亂其例也夫不可言而適於精神之界也則精神之界也則精神之界也則精神
 不過如煤之類者百歲散為氣為無意之更轉為煤與土石奚擇哉而其實相實如

不爾凡人類皆有非我之我雖有主觀而我質而言之則主觀者真我也遷者觀也真物
 也。原質也。而非我。也有非我之我。雖有主觀而我質而言之。則主觀者真我也。遷者觀也。真物
 吾人之生於何見之。暑於其客。自覺的。非我自動者。剎那自覺。自遷。以去。至七八十歲時。身
 所舍之。原質。迥非。日復童稚時之。遺物矣。而其間。常保持一物焉。曰「同一之我」。此我
 者。其知之。與經驗。非以進。其希望。與愛情。日其富。八十老翁。圍爐與其子孫談。幼時
 之。經歷。了無異。逆旅而已。最顯著者。也。此物也。無以名之。曰「靈魂」。若夫楞嚴經
 我。則靈魂。暫憩。無異。逆旅而已。最顯著者。也。此物也。無以名之。曰「靈魂」。若夫楞嚴經
 佛。告波斯。王觀。此河之見。若合符契矣。昔博士占變相而已。一那嘗言「一串之推。之車。驚
 止。於驛場。彼王觀。此河之見。若合符契矣。昔博士占變相而已。一那嘗言「一串之推。之車。驚
 其。根幹。變質而已。彼力。非頓無也。變形而已。一匹之馬。殪焉。彼其。變為。與活。樹之。活。馬。有
 警。亡也。幹。變質而已。彼力。非頓無也。變形而已。一匹之馬。殪焉。彼其。變為。與活。樹之。活。馬。有
 同。骸之。筋。肉。肌。骨。等。總。人。亦。然。人。之。去。活。而。就。死。也。化。為。塵。土。及。空。氣。等。其。總。類。適。與
 死。骸。之。筋。肉。肌。骨。等。總。人。亦。然。人。之。去。活。而。就。死。也。化。為。塵。土。及。空。氣。等。其。總。類。適。與
 身。之。總。財。產。移。而。之。他。云。爾。信。如。是。也。則。天。文。學。上。三。大。公。例。歌。白。尼。總。財。產。之。一
 部。分。也。歌。白。尼。死。而。之。他。云。爾。信。如。是。也。則。天。文。學。上。三。大。公。例。歌。白。尼。總。財。產。之。一
 端。死。而。之。他。云。爾。信。如。是。也。則。天。文。學。上。三。大。公。例。歌。白。尼。總。財。產。之。一
 一。言。蔽。之。則。彼。輩。認。於。何。原。質。也。故。以。物。質。界。之。我。反。蔑。之。而。不。視。有。焉。其。壞。社。會。之。通。道
 德。損。人。類。之。資。格。亦。甚。矣。惟。其。為。尋。常。鈍。根。衆。生。說。法。則。專。表。其。么。匿。體。不。表。其。拓
 此。李。博。士。學。說。之。大。概。也。

都體。故不能如佛說之奧達焉。至其精義。則一而已。

佛說之。揭磨。通於。衆生。景教。之。點。

孔教不甚言靈魂。

易繫言。精氣。為物。游魂。為變。禮記言。

顧亦言死後而有不死者存。

不死者何。一曰家族之食報。二曰名譽之遺傳。所謂積善之家必有餘慶。積不善之家必有餘殃。又曰君子疾沒世而名不稱焉。是也。此二義者。似彼此渺不相屬。其與佛教景教及近世泰西哲學家言之論死生問題者。更渺不相屬。雖然。吾以爲此所謂不死者。究無二物也。物何名。亦曰精神而已。綜諸尊諸哲之異說。不外將生命分爲兩界。一曰物質界。二曰非物質界。物質界屬於么匿體。箇人自私之。么匿體又非而已。亦有屬於非物質界者。存於非物質界。人人公有之。而拓都體復有大小焉。大拓都通於無量數大千世界。小拓都則家家而有之。族族而有之。國國而有之。社會社會而有之。拓都不死。故吾人之生命。其隸屬於最大拓都者固不死。卽隸屬於次大又次大乃至最小之拓都者皆不死。今請以佛說之名詞釋之。佛之言羯磨也。箇人有箇人之羯磨。何以能集數人至十數人以爲家。則以有其家特別同一之羯磨。乃至何以能集千萬人以爲族。集億兆人以爲國。集京垓人以爲世界。則以有其族其國其世界特別同一之羯磨。箇人之羯磨。則箇人食其報。一家之羯磨。則全家食其報。

一族一國乃至一世界之羯磨。則全族全國全世界食其報。由此言之。則言家族之餘慶餘殃者。於佛說豈有違異乎。特佛說就其大者言之。極之全世界乃至他世界。就其小者言之。則專論箇人。而孔教則偏言家族之一方面而已。證以進化論之遺傳說。則孔教更明確而無所容駁。夫以形體畸異之點。不過精神之粗末耳。而猶能遺傳諸其子孫。則祖宗所積善惡諸業。於其子孫必有密切之關係。抑何待言。吾中國因果報應之發表於後代者。據稗乘所載及鄉愚父老之所傳說。往往有之。近世科學新智識漸輸入。淺嘗者流。訝其與學理不相應也。從而排斥之。其鑿鑿有據不能排斥者。則推之不可思議之數而已。其實何奇之與有。祖宗雖死。而以其不死之善業惡業遺傳於子孫。子孫受之而已。

今為淺譬人之造善業及身不得善報而子孫得之者。譬猶有資本以營商業有資本則

可以得利常理也。雖然營業非必盜無失敗者。故不獲利亦有焉。但其資本既傳諸子孫。則子孫有可以利用之而獲利之資格矣。造惡業及身不得惡報。而子孫得之者。譬有人於此。常為盜。以終身盜之術。巧或終身逃法網者。有焉矣。但其為盜時。必有其子孫。其子孫終必有以盜覆其宗者。即子孫不為盜。然其祖父為盜時。必有與盜相緣之他種惡質。子孫或受之。而以他道取亡者。亦有焉矣。又如淫暴之子孫。每或多天然之天折。必其人時。皓齒蛾眉。伐性太甚。以脆弱之稟。貽諸子孫。

也。諸人觀之。如此者。若悉數之。累千萬言。而不能盡。但一人之造業。太複雜。不能一一調查。器然。驟視之。其動作。或言有主。然殺亂而實。有一定之秩序。其信否。蓋難斷。藉曰。有能。察耳。此種之應報。或言有主。然殺亂而實。有一定之秩序。其信否。蓋難斷。藉曰。有主。始者。然主者。固無以入其中。而循其日。而稽之也。如彼紡績者。然置一機器。而團持。之。始者。然主者。固無以入其中。而循其日。而稽之也。如彼紡績者。然置一機器。而團持。不。演說。而其孫。或再隔數代。而後現。家言。有人物之畸。異形。由姑而傳。姪者。中國常言。外。之。甥。或隔數代。而始見。應報。亦由此。而已。

一家之善業惡業。餘慶殃於其家。一羣之善業惡業。餘慶殃於其羣。理無二也。故我族數千年來相傳之家族報應說。非直不能以今世之科學破之。乃正得今世之科學。而其壁壘愈堅也。問者曰。孔教言報之身後。佛教言報之後身。寧得云無異。應之曰。不然。佛固言有么匿之羯磨。有拓都之羯磨。則受報者。必不僅死後輪迴之么匿體明矣。然則佛之不廢家族報應說。與家族報應說之不戾於真理。其可以類推也。故謂孔不如佛之備也可。謂孔佛殊別也不可。問者曰。既報之身後。又報之後身。毋乃重乎。應之曰。訛諸遺傳之說。則吾之本體。固有傳焉者。有不傳焉者。其傳焉者。則

報之於其拓都。

拓都與么匿並報蓋雖傳去而我身固尙有此業存也

其不傳者則報之於其么匿。報諸么匿

之義。此則孔教與進化學家所不言。而佛說逾密者也。若夫名譽之之說。其理亦同

一源。夫一羣羯磨

傳即達性

之總體。亦集其羣中箇人羯磨之別體而成耳。合無量數人

同印此羯磨於其羣中。而其間業力較大者。則其印象必較顯。此即所謂名譽也。顯著之印象。以視尋常普通之印象。其影響於總體之變化者。能力必倍蓰焉。故名譽能鑄社會。一聖賢一豪傑出。而千百年後猶受其感化。而社會之幸福賴之。由斯道也。以比例之語說明之。則亦可謂積名之羣。必有餘慶也。孔子以名爲教。所以勸人爲一羣造善業也。

其他諸哲之所以研究此問題者。不一端。今不能具徵。要之與前所論列。無甚差別。吾今乃欲爲下一結論曰。

吾輩皆死。吾輩皆不死。死者吾輩之箇體也。不死者吾輩之羣體也。

夫使以箇體爲我也。則豈必死之時而乃爲死。誠有如波斯匿王所言。歲月日時。剎

那剎那。全非故我。以今日生理學之大明。知我血輪運輸。瞬息不停。一來復間。身中所含原質全易。如執爲我也。庸詎知今日之我。七日以後。則已變爲松爲煤爲牛爲犬爲石爲氣也。是故當知彼彼也。而非我。楊朱所謂十年亦死百年亦死仁聖亦死兇愚亦死者。彼也。而非我也。抑彼之死。又豈俟十年百年。歲歲死。月月死。日日死。刻刻死。息息死。若夫至今歸然不死者。我也。歷千百年乃至千百劫而終不死者。我也。何以故。我有羣體故。我之家不死。故我不死。我之國不死。故我不死。我之羣不死。故我不死。我之世界不死。故我不死。乃至我之大圓性海不死。故我不死。我不死而彼必死者何也。彼之死。非徒生理之公例應然。卽道德之責任亦應然也。我有大我。有小我。彼亦有大彼。有小彼。何謂大我。我之羣體是也。何謂小我。我之箇體是也。何謂大彼。我箇體所含物質的全部是也。卽軀殼何謂小彼。我箇體所含物質之各分子是也。卽五臟血輪乃至一身中所含諸質小彼不死。無以全小我。大彼不死。無以全大我。我體中所含各原質。使其凝滯而不變遷。常住而不蟬脫。則不瞬息而吾無以爲生矣。夫彼血輪等

之在我身。爲組成我身之分子也。我軀殼之在我羣。又爲組成我羣之分子也。血輪等對於我身。而有以死利我之責任。故我軀殼之對於我羣。亦有以死利羣之責任。其理同也。頡德曰。死也者。人類進化之一原素也。可謂名言。

抑死

以下之死字皆指恆言所謂死

之責任。非猶夫尋常之責任也。他責任容或可逃。惟此一責任。

則斷無可逃。常情莫不貪生而避死。然生終未聞以貪而能常。死終未聞以避而能免。夫亦盡人而知之矣。明知其不能常不能免。而猶貪焉避焉者。則人類志力薄弱之表徵也。要之於「死後而有不死者存」之一義。見之未瑩也。吾之汲汲言此義也。非欲勸人祈速死以爲責任也。蓋惟憐於死而不死之理。故以爲吾之事業之幸福。限於此眇小之七尺。與區區之數十寒暑而已。此外更無有也。坐是之故。而社會的觀念與將來的觀念。兩不發達。夫社會的觀念與將來的觀念。正人之所以異於禽獸者也。苟其無之。則與禽獸無擇也。同爲人類。而此兩觀念之或深或淺或廣或狹。則野蠻文明之級視此焉。優劣勝敗之數視此焉。今且勿論一國。勿論一族。卽以一

家校之。使其家之先輩。漠然不爲子孫將來之計。則家之索可立而待也。雖然。旣已謂之人類。則此兩種觀念者。則已自無始以來之羯磨而熏之受之。雖有深淺廣狹。而其本性中無此根器者。未或聞也。故雖有愚不肖之夫。要能知節制其現在快樂之一部分以求衰老時之快樂。犧牲其本身利益之一部分以求家族若後代之利益。此種習性。我國人之視他國。尤深厚焉。此卽我國將來可以競勝於世界之原質也。孟子曰。善推其所爲而已矣。將來之界。不限於本身。社會之界。不限於家族。推之推之。則國之淳焉。可立而待也。

楊度曰。『古之仁者。其身雖死。而其精神已宏被於當世與後來之社會。故孔子死矣。而世界儒教徒之精神。皆其精神也。釋迦死矣。而世界佛教徒之精神。皆其精神也。於中國言孔子則孔子死。於日本言孔子則孔子生。於印度言釋迦則釋迦死。於日本言釋迦則釋迦生。死者其體魄。而生者其精神故耳。由此推之。今世界之言共和者。無一而非華盛頓。言武功者。無一而非拿破侖。言天賦人權者。無一而非盧梭。

言人羣進化者。無一而非達爾文。蓋自世有孔子釋迦華盛頓拿破侖盧梭達爾文諸傑以來。由古及今。其精神所遞禪所傳播者。已不知有幾萬億兆之孔子釋迦華盛頓拿破侖盧梭達爾文矣。而遂以成今日燦爛瑰奇之世界。其餘聖賢豪傑之士。皆無不如此者。其道何由。則惟有借來人之體魄。以載去我之精神而已。去我之體魄有盡。而來人之體魄無盡。斯去我之精神與來人之精神。相貫相襲相發明相推衍。而亦長此無盡。非至地球末日人類絕種。則精神無死去之一日。盛矣哉。人之精神之果可以不死也。『揚氏序拙著「中國武士道」中』斯言諒矣。顧以吾所綜合諸尊諸哲之說。則微特聖賢不死。豪傑不死。卽至愚極不肖之人亦不死。語其可死者。則俱死也。語其不可死者。則俱不死也。但同爲不死。而一則以善業之不死者遺傳諸方來。而使大我食其幸福。一則以惡業之不死者遺傳諸方來。而使大我受其苦痛。夫人亦孰樂使方來之大我受苦痛。然明知之而故蹈之者。必其於比數計量之法。有所未瑩。以爲是可以謀現在小我之快樂。毋寧舍其遠而取其近也。吾今且與之言小我言現

在。彼所謂快樂者。豈不曰鮮衣耳。美食耳。宮室妻妾之奉耳。游宴歡娛之聚耳。今卽此數者。以中國人所享之程度與歐美人所享之程度比較。不待智者而羣知其不如也。推其所以不如之由。則亦彼國強而我弱。彼國富而我貧爾。而况乎民窮財盡之今日。將來茹荼嚼蘖之苦。且迫眉睫也。故處貧弱國而欲謀箇人之快樂。其終無望矣。是謂小我之樂必與大我之樂相緣。此一說也。小說家言。昔有富翁。日夕持籌。夜分不得息。其鄰有製豆腐者。雞鳴而起。磨聲隆隆焉。翁甫交睫。輒聒之不能成寐。翁乃遣人貸以百金。使改他業。鄰喜受之。則復持籌汲汲。思所以處分此百金者。竟三夕夜分不能成寐。如翁也。乃急返其金。曰吾得金之樂。與不寐之苦。不能相消。請辭。若是乎。眞苦眞樂。必不在唯物的。而在唯心的。至易明也。雖復縱耳目口體之欲。而其精神界有無量壓制。無量束縛。無量憂疑。無量慚愧。無量恐怖。是安足云樂也。是謂有形之樂與無形之樂相除。此又一說也。夫卽持現在小我之主義者。其所以自擇。不可不審也。既若此。而况乎現在小我者。實彼也。而非我也。我不惜犧牲我以

爲彼之奴隸。天下之不智。孰過此也。

然則吾人於生死之間。所以自處者。其可知矣。亡友康幼博廣仁嘗語余。『吾輩不得不一死。又不得再死。死之途萬也。若造物主令我自擇者。吾將何從。吾且勿論公益。先計私利。則爲國民而戰死於鎗林彈雨者。最上也。何也。突然而死。毫不感其苦痛也。爲國事而罹刑以流血者。次也。何也。如電之刀一揮。苦痛者僅刹那頃也。展轉牀蓐。呻病以死。下也。若乃如勞瘵之病。去死期數年。醫者已宣告其死刑。而彌留之際。猶能絮絮處分家人婦子事者。最下也。何也。知必死而不能避。求速死而不能得。苦痛無極也。』此雖似滑稽之言乎。而真理寓焉矣。今吾請彙括前言而縑演之曰。我之軀殼。共知必死。且歲月日時。刹那刹那。夫既已死。而我乃從而寶貴之。罄吾心力以爲彼謀。愚之愚也。譬之罄吾財產之總額以莊嚴輪奐一宿之逆旅。愚之愚也。我所莊嚴者。當在吾本家。逆旅者何。軀殼是已。本家者何。精神是已。吾精神何在。其一在么匿體。將來經無量劫。緣以爲輪迴。乃至入無餘涅槃。皆此物焉。苟有可以爲

彼之利益者。雖棄其軀殼。不敢辭也。其一在拓都體。此羣焉。此國焉。此世界焉。我遺傳性所長。與以爲緣。而靡盡者也。苟有可以爲彼之利益者。雖棄其軀殼。不敢辭也。夫使在精神與軀殼。可以兩全之時也。則無取夫戕之。固也。而所以養之者。其輕重大小。既當嚴辨焉。若夫不能兩全之時。則寧死其可死者。而毋死其不可死者。死其不可死者。名曰心死。君子曰。哀莫大於心死。

三十自述

風雲入世多。日月擲人急。如何一少年。忽忽已三十。此余今年正月二十六日。在日本東海道汽車中所作三十初度口占十首之一也。人海奔走。年光蹉跎。所志所事。百未一就。攬鏡據鞍。能無悲慚。擊一旣結集其文。復欲爲作小傳。余謝之曰。若某之行誼經歷。曾何足有記載之一值。若必不獲己者。則人之知我。何如我之自知。吾死友譚瀏陽曾作三十自述。吾毋寧效顰焉。作三十自述。

余鄉人也。於赤縣神州。有當秦漢之交。屹然獨立羣雄之表。數十年用其地與其人。

稱蠻夷大長。留英雄之名譽於歷史上之一省。於其省也。有當宋元之交。我黃帝子孫與北狄異種血戰不勝。君臣殉國。自沈崖山。留悲憤之記念於歷史上之一縣。是卽余之故鄉也。鄉名熊子。距崖山七里強。當西江入南海交匯之衝。其江口列島七。而熊子宅其中央。余實中國極南之一島民也。先世自宋末由福州徙南雄。明末由南雄徙新會。定居焉。數百年棲於山谷。族之伯叔兄弟。且耕且讀。不問世事。如桃源中人。顧聞父老口碑所述。吾大王父最富於陰德。力耕所獲。一粟一帛。輒以分惠諸族黨之無告者。王父諱維清。字鏡泉。爲郡生員。例選廣文。不就。王母氏黎。父名寶瑛。字蓮澗。夙教授於鄉里。母氏趙。

余生同治癸酉正月二十六日。實太平國亡於金陵後十年。清大學士曾國藩卒後一年。普法戰爭後三年。而意大利建國羅馬之歲也。生一月而王母黎卒。逮事王父者十九年。王父及見之孫八人。而愛余尤甚。三歲仲弟啓勳生。四五歲就王父及母膝下。授四子書詩經。夜則就睡王父榻。日與言古豪傑哲人嘉言懿行。而尤喜舉亡

宋亡明國難之事。津津道之。六歲後。就父讀。受中國略史。五經卒業。八歲學爲文。九歲能綴千言。十二歲應試學院。補博士弟子員。日治帖括。雖心不慊之。然不知天地間於帖括外。更有所謂學也。輒埋頭鑽研。顧頗喜詞章。王父父母時授以唐人詩。嗜之過於八股。家貧無書可讀。惟有史記一。綱鑑易知錄一。王父父日以課之。故至今史記之文。能成誦者八九。父執有愛其慧者。贈以漢書一。姚氏古文辭類纂一。則大喜。讀之卒業焉。父慈而嚴。督課之外。使之勞作。言語舉動稍不謹。輒呵斥不少假借。常訓之曰。『汝自視乃如常兒乎。』至今誦此語不敢忘。十三歲始知有段王訓詁之學。大好之。漸有棄帖括之志。十五歲母趙恭人見背。以四弟之產難也。余方游學省會。而時無輪舶。奔喪歸鄉。已不獲親含殮。終天之恨。莫此爲甚。時肄業於省會之學海堂。堂爲嘉慶間前總督阮元所立。以訓詁詞章課粵人者也。至是乃決舍帖括以從事於此。不知天地間於訓詁詞章之外。更有所謂學也。己丑年十七。舉於鄉。主考爲李尙書端棻王鎮江仁堪。年十八計偕入京師。父以其穉也。挈與偕行。李公以其

妹許字焉。下第歸道上海。從坊間購得瀛環志略讀之。始知有五大洲各國。且見上海製造局譯出西書若干種。心好之。以無力不能購也。

其年秋。始交陳通甫。通甫時亦肄業學海堂。以高才生聞。既而通甫相語曰。吾聞南海康先生上書請變法。不達。新從京師歸。吾往謁焉。其學乃爲吾與子所未夢及。吾與子今得師矣。於是乃因通甫修弟子禮事南海先生。時余以少年科第。且於時流所推重之訓詁詞章學。頗有所知。輒愼愼自憲。先生乃以大海潮音作師子吼。取其所挾持之數百年無用舊學。更端駁詰。悉舉而摧陷廓清之。自辰入見。及戌始退。冷水澆背。當頭一棒。一旦盡失其故壘。惘惘然不知所從事。且驚且喜。且怨且艾。且疑且懼。與通甫聯牀竟夕不能寐。明日再謁。請爲學方針。先生乃教以陸王心學。而並及史學西學之梗概。自是決然舍去舊學。自退出學海堂。而間日請業南海之門。生平知有學自茲始。

辛卯余年十九。南海先生始講學於廣東省城長興里之萬木草堂。徇通甫與余之

請也。先生爲講中國數千年來學術源流。歷史政治沿革得失。取萬國以比例推斷之。余與諸同學日劄記其講義。一生學問之得力。皆在此年。先生又常爲語佛學之精奧博大。余夙根淺薄。不能多所受。先生時方著『公理通』『大同學』等書。每與通甫商榷。辨析入微。余輒侍末席。有聽受。無問難。蓋知其美而不能通其故也。先生著新學僞經考。從事校勘。著孔子改制考。從事分纂。日課則宋元明儒學案、二十四史、文獻通考等。而草堂頗有藏書。得恣涉獵。學稍進矣。其年始交康幼博。十月入京師。結婚李氏。明年壬辰。年二十。王父棄養。自是學於草堂者凡三年。

甲午年二十二。客京師。於京國所謂名士者。多所往還。六月日本戰事起。惋惜時局。時有所吐露。人微言輕。莫之聞也。顧益讀譯書。治算學地理歷史等。明年乙未和議成。代表廣東公車百九十人上書陳時局。既而南海先生聯公車三千人上書請變法。余亦從其後奔走焉。其年七月京師強學會開。發起之者爲南海先生。贊之者爲郎中陳熾。郎中沈曾植。編修張孝謙。浙江溫處道袁世凱等。余被委爲會中書記員。

不三月爲言官所劾。會封禁。而余居會所數月。會中於譯出西書。購置頗備。得以餘日盡瀏覽之。爾後益斐然有述作之志。其年始交譚復生楊叔嶠吳季清鐵樵子發父子。

京師之開強學會也。上海亦踵起。京師會禁。上海會亦廢。而黃公度倡議續其餘緒。開一報館。以書見招。三月去京師。至上海。始交公度。七月時務報開。余專任撰述之役。報館生涯。自茲始著。變法通議。西學書目表等書。其冬公度簡出使德國大臣。奏請偕行。會公度使事輟。不果出。使美日秘大臣伍廷芳復奏派爲參贊。力辭之。伍固請。許以來年往。旣而終辭。專任報事。丁酉四月直隸總督王文韶湖廣總督張之洞大理寺卿盛宣懷連銜奏保。有旨交鐵路大臣差遣。余不之知也。旣而以劄來。黏奏摺上諭焉。以不願被人差遣辭之。張之洞屢招邀。欲致之幕府。固辭。時譚復生宦隱金陵。間月至上海。相過從。連輿接席。復生著仁學。每成一篇。輒相商榷。相與治佛學。復生所以砥礪之者良厚。十月湖南陳中丞寶箴江督學標聘主湖南時務學堂講

席就之。時公度官湖南按察使。復生亦歸湘。助鄉治。湘中同志稱極盛。未幾德國割據膠州灣事起。瓜分之憂。震動全國。而湖南始創南學會。將以爲地方自治之基礎。余頗有所贊畫。而時務學堂於精神教育。亦三致意焉。其年始交劉斐邨。林墩。谷唐。絨丞。及時務學堂諸生李虎。村林。述唐。田均。一。蔡樹珊等。

明年戊戌。年二十六。春大病。幾死。出就醫上海。旣痊。乃入京師。南海先生方開保國會。余多所贊畫。奔走四月。以徐侍郎致靖之薦。總理衙門再薦。被召見。命辦大學堂譯書局事務。時朝廷銳意變法。百度更新。南海先生深受主知。言聽諫行。復生噉谷。叔嶠。斐邨。以京卿參預新政。余亦從諸君子之後。黽勉盡瘁。八月政變。六君子爲國流血。南海以英人仗義出險。余遂乘日本大島兵艦而東。去國以來。忽忽四年矣。戊戌九月至日本。十月與橫濱商界諸同志謀設清議報。自此居日本東京者一年。稍能讀東文。思想爲之一變。己亥七月。復與濱人共設高等大同學校於東京。以爲內地留學生預備科之用。卽今之清華學校是也。其年美洲商界同志。始有中國維

新會之設。由南海先生所鼓舞也。冬間美洲人招往遊。應之。以十一月首途。道出夏威夷島。其地華商二萬餘人相繫留。因暫住焉。創夏威夷維新會。適以治疫故。航路不通。遂居夏威夷半年。至庚子六月。方欲入美。而義和團變已大起。內地消息。風聲鶴唳。一日百變。已而屢得內地函電促歸國。遂回馬首而西。比及日本。已聞北京失守之報。七月急歸滬。方思有所効。抵滬之翌日。而漢口難作。唐林李蔡黎傅諸烈。先後就義。公私皆不獲有所救。留滬十日。遂去適香港。既而渡南洋。謁南海。遂道印度。游澳洲。應彼中維新會之招也。居澳半年。由西而東。環洲歷一周而還。辛丑四月。復至日本。

爾來蟄居東國。忽又歲餘矣。所志所事。百不一就。惟日日爲文字之奴隸。空言喋喋。無補時難。平旦自思。只有慚悚。顧自審我之才力。及我今日之地位。舍此更無術可以盡國民責任於萬一。茲事雖小。亦安得已。一年以來。頗竭綿薄。欲草一中國通史。以助愛國思想之發達。然荏苒日月。至今猶未能成十之二。惟於今春爲新民叢報。

冬間復創刊新小說。述其所學所懷抱者。以質於當世達人志士。冀以爲中國國民適鐸之一助。嗚呼。國家多難。歲月如流。眇眇之身。力小任重。吾友韓孔廣詩云。舌下無英雄。筆底無奇士。嗚呼。筆舌生涯。已催我中年矣。此後所以報國民之恩者。未知何如。每一念及。未嘗不驚心動魄。抑塞而誰語也。

孔子紀元二千四百五十三年壬寅十一月任公自述。

鄙人對於言論界之過去及將來 壬子

鄙人今日得列席於此報界歡迎會。而羣賢濟濟。至百數十人之盛。其特別之感想。殆難言罄。去秋武漢起義。不數月而國體丕變。成功之速。殆爲中外古今所未有。南方尙稍煩戰事。若北方則更不勞一兵。不折一矢矣。問其何以能如是。則報館鼓吹之功最高。此天下公言也。世人或以吾國之大。革數千年之帝政。而流血至少。所出代價至薄。詫以爲奇。豈知當軍興前軍興中。哲人畸士之心血。沁於報紙中者。云胡可量。然則謂我中華民國之成立。乃以黑血革命代紅血革命焉。可也。鄙人越在海

外。曾未能一分諸君子之勞。言之滋愧。雖然。鄙人二十年來。固以報館爲生涯。且自今以往。尤願終身不離報館之生涯者也。今幸得與同業諸英握手一堂。竊願舉鄙人過去對於報館事業之關係及今後所懷抱。爲諸君一言之。鄙人之投身報界。託始於上海時務報。同人多知之。然前此尙有一段小歷史。恐今日能言之者少矣。當甲午喪師以後。國人敵愾心頗盛。而全費於世界大勢。乙未夏秋間。諸先輩乃發起一政社名強學會者。今大總統袁公。卽當時發起之一人也。彼時同人固不知各國有所謂政黨。但知欲改良國政。不可無此種團體耳。而最初着手之事業。則欲辦圖書館與報館。袁公首捐金五百。加以各處募集。得千餘金。遂在後孫公園設立會所。向上海購得譯書數十種。而以辦報事委諸鄙人。當時固無自購機器之力。且都中亦從不聞有此物。乃向售京報處託用粗木版雕印。日出一張。名曰中外公報。只有論說一篇。別無記事。鄙人則日日執筆爲一數百字之短文。其言之膚淺無用。由今思之。只有汗顏。當時安敢望有人購閱者。乃託售京報人隨宮門鈔分送諸官宅。酬

以薪金。乃肯代送。辦理月餘。居然每日發出三千張內外。然謠詠已蜂起。送至各家門者。輒怒以目。馴至送報人懼禍。及懸重賞。亦不肯代送矣。其年十一月。強學會遂被封禁。鄙人服器書籍。皆沒收。流浪於蕭寺中者數月。益感慨時局。自審舍言論外。無能致力。辦報之心益切。明年二月南下。得數同志之助。乃設時務報於上海。其經費則張文襄與有力焉。而數月後。文襄以報中多言民權。干涉甚烈。其時鄙人之與文襄。殆如僱傭者與資本家之關係。年少氣盛。衝突愈積愈甚。丁酉之冬。遂就湖南時務學堂之聘。脫離報館關係者數月。時務報雖存在。已非復前此之精神矣。當時亦不知學堂當作何辦法也。惟日令諸生作劄記。而自批答之。所批日恆萬數千言。亦與作報館論文無異。當時學生四十人。日日讀吾所出體裁怪特之報章。精神幾與之俱化。此四十人者。十餘年來。強半死於國事。今存五六人而已。此四十分報章。在學堂中固習焉不怪。未幾放年假。諸生攜歸鄉里。此報章遂流布人間。於是全湘譁然。咸目鄙人爲得外教眩人之術。以一丸藥翻人心而轉之。諸生亦皆以二毛子

之嫌疑。見擯於社會。其後戊戌政變。其最有力之彈章。則撫當時所批劄記之言。以爲罪狀。蓋當時吾之所以與諸生語者。非徒心醉民權。抑且於種族之感言之未嘗有諱也。此種言論。在近數年來誠數見不鮮。然當時之人。聞之安得不揜耳。其以此相罪。亦無足怪也。戊戌八月出亡。十月復在橫濱開一清議報。明目張胆以攻擊政府。彼時最烈矣。而政府相疾亦至。嚴禁入口。馴至內地斷絕發行機關。不得已停辦。辛丑之冬。別辦新民叢報。稍從灌輸常識入手。而受社會之迎歡。乃出意外。當時承團匪之後。政府創痍旣復。故態旋萌。耳目所接。皆增憤慨。故報中論調。日趨激烈。壬寅秋間。同時復辦一新小說報。專欲鼓吹革命。鄙人感情之昂。以彼時爲最矣。猶記曾作一小說。名曰新中國未來記。連登於該報者十餘回。其理想的國號。曰大中華民國。其理想的開國紀元。卽在今年。其理想的第一代大總統。名曰羅在田。第二代大總統。名曰黃克強。當時固非別有所見。不過辦報在壬寅年。逆記十年後大業始就。故託言大中華民國。祝開國五十年紀念。當西曆一千九百六十二年。由今

思之。其理想之開國紀元。乃恰在今年也。羅在田者。藏清德宗之名。言其遜位也。黃克強者。取黃帝子孫能自強立之意。此文在座諸君想尙多見之。今事實竟多相應。乃至與革命偉人。姓字暗合。若符讖然。豈不異哉。其後見留學界及內地學校。因革命思想傳播之故。頻鬧風潮。竊計學生求學。將以爲國家建設之用。雅不欲破壞之學說。深入青年之腦中。又見乎無限制之自由平等說。流弊無窮。惴惴然懼。又默察人民程度。增進非易。恐秩序一破之後。青黃不接。暴民踵興。雖提倡革命諸賢。亦苦於收拾。加以比年國家財政國民生計。艱窘皆達極點。恐事機一發。爲人劫持。或至亡國。而現在西藏蒙古離畔分攜之噩耗。又當時所日夜念及而引以爲戚。自此種思想來往於胸中。於是極端之破壞。不敢主張矣。故自癸卯甲辰以後之新民叢報。專言政治革命。不復言種族革命。質言之。則對於國體。主維持現狀。對於政體。則懸一理想。以求必達也。及丁未夏秋間。與同人發起政聞社。其機關雜誌。名曰政論。鄙人實爲主任。政聞社爲清政府所封禁。政論亦廢。最近乃復營國風報。專從各種政

治問題。爲具體之研究討論。思灌輸國民以政治常識。初志亦求溫和。不事激烈。而晚清政令日非。若惟恐國之不止而速之。劇心怵目。不復能忍受。自前年十月以後。至去年一年之國風報。殆無日不與政府宣戰。視清議報時代。殆有過之者矣。猶記當舉國請願國會運動最烈之時。而政府猶日思延宕。以宣統八年宣統五年等相搪塞。鄙人感憤既極。則在報中大聲疾呼。謂政治現象。若仍此不變。則將來世界字典上決無復以宣統五年四字連屬成一名詞者。此語在國風報中凡屢見。今亦成預言之讖矣。計鄙人十八年來經辦之報。凡七。自審學識譎陋。文詞樸儻。何足以副立言之天職。惟常舉吾當時心中所信者。誠實懇摯。以就正於國民已耳。今國中報館之發達。一日千里。卽以京師論。已逾百家。回想十八年前中外公報沿門丐閱時。殆如隔世。崇論閎議。家喻戶曉。豈復鄙人所能望其肩背。雖然。鄙人此次歸來。仍思重理舊業。人情於其所習熟之職業。固有所不能舍耶。若夫立言之宗旨。則仍在灌輸民智。薰陶民德。發揚民力。務使養成共和法治國國民之資格。此則十八年來之

初志。且將終身以之者也。而世論或以鄙人曾主張君主立憲。在今共和政體之下。不應有發言權。卽欲有言。亦當先自引咎。以求恕於疇昔之革命黨。甚或捏造謾言。謂其不慊於共和希圖破壞者。卽儕輩中。亦有疑於平昔所主張。與今日時勢不相應。舍己從人。近於貶節。因囁嚅而不敢盡言者。吾以爲此皆警詞也。無論前此吾黨所盡力於共和主義者何如。卽以近年所主張。對於國體主維持現狀。對於政體則懸一理想以求必達。此志固可皎然與天下共見。夫國體與政體。本不相蒙。稍有政治常識者。類能知之矣。當去年九月以前。君主之存在。尙儼然爲一種事實。而政治之敗壞已達極點。於是憂國之士。對於政界前途發展之方法。分爲二派。其一派則希望政治現象日趨腐敗。俾君主府民怨而自速滅亡者。卽諺所謂苦肉計也。故於其失政。不屑復爲掄正。惟從事於祕密動運而已。其一派則不忍生民之塗炭。思隨事補救。以立憲一名詞。套在滿政府頭上。使不得不設種種之法定民選機關爲民權之武器。得憑藉以與一戰。此二派所用手段雖有不同。然何嘗不相輔相成。去年

起義至今。無事不資兩派人士之協力。此其明證也。然則前此曾言君主立憲者。果何負於國民。在今日亦何嫌何疑而不敢爲國宣力。至於強誣前此立憲派之人爲不嫌於共和。則更是無理取鬧。立憲派人不爭國體而爭政體。其對於國體主維持現狀。吾既屢言之。故於國體則承認現在之事實。於政體則求貫徹將來之理想。夫於前此障礙極多之君主國體。猶以其爲現存之事實而承認之。屈已以活動於此事實之下。豈有對於神聖高尚之共和國體而反挾異議者。夫破壞國體。惟革命黨始出此手段耳。若立憲黨則從未聞有以搖動國體爲主義者也。故在今日。擁護共和國體。實行立憲政體。此自論理上必然之結果。而何有節操問題之可言耶。若夫吾儕前此所憂革命後種種險象。其不幸而言中者十而八九。事實章章在人耳目。又寧能爲諱。論者得毋謂中國今日已治已安。而愛國志士之責任。從是畢耶。平心論之。現在之國勢政局。爲十餘年來激烈溫和兩派人士之心力所協同構成。以云有功。則兩俱有功。以云有罪。則兩俱有罪。要之此諸人士者。欲將國家脫離厄區。躋

諸樂土。而今方泛中流。未達彼岸。既能發之。當思所以能收之。自今以往。其責任之艱巨。視前十倍。又豈容一人狡卸者。今激烈派中人。其一部分。則謂吾既已爲國家立大功成大業矣。疇昔爲我盡義務之時期。今日爲我享利權之時期。前此所受窘逐戮辱於清政府者。今則欲取什伯倍之安富尊榮於民國以爲償。此種人自待太薄。既不復有責備之價值。其束身自好者。則謂吾前此亦既已盡一部分之責任。進國家於今日之地位矣。自今以往。吾其可以息肩。則愴然於事外而已。而所謂溫和派者。忘卻自己本來爭政體不爭國體。因國體變更。而自以爲主張失敗。甚乃生出節操問題。又忘卻現在政治。絕未改良。自己疇昔所抱志願。絕未貫徹。而自己覺得無話可說。則如鬥敗之雞。垂頭喪氣。如新嫁之娘。扭扭捏捏。兩方面之人。既皆如此。則國家之事。更有誰管。在己治己安之時。人人不管國事。尙且不可。况今日在危急存亡之交者哉。若謂前此曾言立憲之人。當共和國體成立後。卽不許其容喙於政治。吾恐古往今來普天率土之共和國。無此法律。吾儕惟知中國爲中國人之中國。

盡人有分。而絕非一部分人所得私。前清政府。以國家爲其私產。以政治爲其私權。其所以迫害吾儕不使容喙於政治者。無所不用其極。吾儕未嘗敢緣此自餒而放棄責任也。況在今日共和國體之下。何至有此不祥之言。此鄙人所爲欲賡續前業。常舉其所信以言論與天下相見也。忝列嘉會。深銘隆貺。聊述前此之經歷。與今後之志事以塵清聽。情切詞蕪。伏希洞亮。

述歸國後一年來所感

甲辰

一年來之中國。其狀態變遷之劇烈。蓋不可思議。如觀電影百戲。倏忽曼衍。目無留瞬。一刹那間。已成陳迹。如備四時之氣管於一室。振以萬鈞之機。忽而沸度。忽而冰點。居室中者。喘汗膚粟。疲於奔命。夫過去之跡。則旣若是矣。而後此之遷流。又莫測其所屆。故舉國彷徨迷惑。幾無一人得安身立命之地。則社會杌隉之象。終無已也。今喘息似稍定矣。其狀乃如百戲場中。止樂垂幕觀場之人。經過度之震蕩搖眩後。則疲倦欠伸之態。四作。又如號呶傴舞之後。扶頭作酒惡。故於沈默之中。含一種蕭

索慘淡之氣。氣象之不良。莫過此矣。夫果必有因。而知病卽藥。中國曷爲而構成此種氣象。吾以歸國後一年間所觀察。而感不絕於余心也。

所感一 人才之不經濟

不經濟云者。日本名詞也。吾未能得一切當之語以譯其義。故借用之。大抵凡物之在宇宙。各有其功用。而以時間空間配置之得宜。能發揮其功用至最大限度。斯謂之經濟。反是則謂之不經濟。人皆曰中國今日人才消乏。惟吾亦以爲消乏也。然自昔社會亦只能以一時代一地域之才。治一時代一地域之事。例如治庖。熊蹯駝峯。固可登俎。春盤苜宿。亦可成味。例如築室。大杗細桷。各有其所。雕甍壤土。咸含其用。才之界說。豈有定哉。若乃糝桂椒於飴羹。建畫壁於洞牖。惟其不適。是以無用。匪惟無用。且滋害焉。此不經濟之說也。吾非敢謂今日全國之人才。盡投諸不經濟之地。然其患此者已什而八九。卽所餘一二。亦程度問題耳。以不經濟之故。於是舉國殆無一人能發揮其良能。其在客觀方面。則相誚以無用。其在主觀方面。亦人人漸自

覺其無用。不知天地間果何爲而生我。而我果持何鵠以生於天地間也。以此言之。人才雖欲不消乏。亦安可得。此其故由社會之形格勢禁者半。由個人之自嬰狼疾者亦半。箇人方面之惡因。宜以箇人意力自被解之。社會方面之惡因。宜以多數個人之合成意力共被解之。苟非爾者。恐全國爲無用之人。而才不才更於何有。

所感二 制度試驗之彷徨

制度者社會之產物也。制度之爲用。雖時或可以匡正社會狀態之一部分。然萬不能離社會以創制度。更不能責制度以造社會。十年來之中國。日日以離社會創制度爲事。其極也。乃取凡與我社會絕不相容之制度。無大無小。悉移植之。植而萎焉。則咎制度之不善。而更謀改植。故凡百制度。日日皆在試驗中。譬如屬文。屢易其題。每題作數行。更試他題。則脫稿遂終無日也。然則中止試驗。亦有道乎。或爲之說曰。今茲試驗所受之苦辛。緣制度移植而生也。盡廢移植者。而復其舊。則更何患。殊不知由舊而趨新。固試驗也。由新而求舊。亦試驗也。舊制度爲舊社會之產物。舊社會

有其固有之要素。故能產彼制度而維繫之。使適於用。今此種要素。或已亡失。或已滅殺。其維繫固有制度之力。或已消滅。或雖未消滅而已甚薄弱。今後試驗復舊之困衡。與前此試驗作新之困衡正相等。同爲離社會以創制度。不能相非也。而其成敗。則亦略可逆覩矣。太史公曰。上者因之。其次利導之。其次教誨之。其次整齊之。我國比年來對於制度之大患。在有革而無因。感現行制度之不適。則翻根柢而摧棄之。故無論何種制度。皆不能植深基於社會。而功用無自發生。自今以往。其試驗漸竣時耶。

所感三 社會事業之萎靡

在專制國人民惟知倚賴政府。識者悼之。共和之職旣張。宜若一改此度矣。而其敝乃視昔尤甚。始建國之一年間。社會運動。其外觀若甚磅礴鬱積。如政團。如其他慈善學術之團體。如私立學校。如報館。如公司。其蓬出於各地者。不可勝量。然而旋起旋滅。若浮漚之相續而不暫留也。其倖而存立者。則皆直接間接與中央政府或地

方政廳爲特別關係。而仰其補助卵育以自活也。其尤可駭詫者。若政黨。若股分有限公司。其性質純爲社會的。宜若與政府不能相蒙。然而其託生命於中央政府或地方者。乃什而八九也。夫社會事業。宜求其基礎於社會。社會事業。而以政府爲基礎。譬猶螟蛉。託子於果蠃。雖辛勤憫鬻。而終非類。又如擷桃英以綴李本。欲其向榮。不可得也。夫託生命於政府之社會事業。在法固不能謂之爲社會事業。以非社會事業。而冒社會事業之名。則非惟今茲之僞社會事業。必不能久也。而將來之眞社會事業。且緣而窒其發育。何也。人民將誤解社會事業之真相。而凡從事於此類事業者。或且以結託政府爲必要之條件。則其結果。必至與今之所謂社會事業者同一末運。謬種相襲而終於澌滅也。其能解社會事業真相之人。又且將引嫌而不肯自効也。不寧惟是。以政府而宰制社會事業之生命。非直不利於社會事業也。而又不利于政府。蓋二者相結。一方面既導社會事業於腐敗。而一方又導政府於黑闇也。夫今日之社會事業。曷爲而必求基礎於政府。則以社會無基礎故。夫社會無基

礎。則豈復成社會。然則非無也。薄弱而已矣。以薄弱之社會基礎。謂宜先發生規模。緊小之社會事業。或可以乘載之而無傾墮。待其體已具。而徐圖恢廓也。年來治社會事業者。其或稍闇於斯義。故成效與所期反也。而政府又或欲助長之而反貽之毒也。夫無論何時代之國家。皆以社會事業爲之元氣。况其張共和之幟者哉。故吾於此淵乎其有思也。

所感四 思潮之浮淺及不調和

凡社會之現象。無一非思潮之產物也。政治與制度。則社會現象之一種而已。故覘國者。必於其思潮焉覘之。吾國之由專制而共和。謂非思潮之產物焉不得也。然共和適成其爲吾國之共和。則亦近今之思潮實產之。或曰。今中國無思潮。吾不敢謂然也。然大多數人之所懷想。大率浮光掠影。無深刻銳入之思。無確乎不可拔之信念。無恢博之演繹。無嚴密之歸納。輕下判斷。輕棄判斷。譬之歌者。其聲不自丹田出。苟宛轉於喉舌間耳。故其發於外也。不洪宏。不耐久。求所謂沁入肝脾者無有也。求

所謂繞梁三日者無有也。吾無以狀之。狀以浮淺而已。若此者無論驚新執舊之徒。莫不有然。而新舊之間。又如水與油糝於一盂。絕無化合之餘地。且無化合之希望。以浮遇浮。以淺遇淺。而常相非常相軋也。過去之惡果。則既以此爲其因矣。而方今所造之因。且循斯軌而益加厲焉。吾觀法國革命前後。雖社會混莽慘酷。極人世所不堪。而其間常有鴻哲。靜立乎社會之輿。而冥冥中左右之。故雖屢瀕於危。而國性轉以光大。日耳曼人受蹂躪受箝束最甚之時。卽其思潮醞釀最深厚最成熟之時。故如經冬藏蟄。遇春則萌芽莫禦。又如伏流之河一出。則千里而始一曲也。又觀吾國過去史乘。當大危亂之世。常有賢哲爲深沈之思。理察之論。而因以開一代之治。竊以謂今日之中國。相需最殷者宜在此。而吾似未之見也。又竊以謂天下之理本一。而人之智不甚相遠。苟其深入而博辯之。則無論何種思想。未有絕對不能相容者也。故莊生云。我知天之中央。燕之北越之南是也。而其思潮所以不調和者。則思潮之浮淺實使然。循此不變。則中國將舉其所以與立於天地者而喪之也。夫此

則非惟不能責望於政府。且不能責望於社會。蓋箇人之事業。莫大乎是矣。以上四端。述其所感想之最大者。其他關於一制度一政象之所感。不具論也。

徐序

余游美數年。以余所見。舉美國一學校也。舉美國一兵隊也。舉美國一商店也。舉美國一工廠也。舉美國一家族也。舉美國一花園也。以語任父。任父曰。良信。吾因而返觀。比較於我祖國。覺我同胞。匪惟不能自治其國而已。乃實不能自治其鄉。自治其家。自治其身。乃至所行者。不能謂之路。所居者。不能謂之室。所臥者。不能謂之榻。此豈恥惡衣惡食。亦以覘文明程度之標準也。吾又覺吾同胞。乃至言者。不能謂之能言。立者。不能謂之能立。步者。不能謂之能步。此寧細故耶。國民之性。凡知一國強弱所由基也。細故如此。大者可知矣。余非崇拜西人者。余倔強之僻性。凡知我者。靡不知之。雖然。余以我民族與彼民族比較。余惟有怵息。余惟有流涕。余不忍道。余又不忍不道。任父之在美也。余與之同游者。月餘。任父將爲游記。余尼焉。旣乃見其稿。則皆余之所欲言。而不能言者也。且彼以十月間所觀察所調查。乃多爲吾三年間所未能見及。人之度量相越。不亦遠耶。以是公諸世。其影響於民族前途者。必非淺尠。

豈徒小道可觀云爾。任父索序。乃弁數言。光緒二十九年十二月同學三水徐勤

自序

余游新大陸。日拉雜有所記。將詮次爲一小冊。君勉至紐約。尼余曰。子毋爾。凡游野蠻地爲游記。易。游文明地爲游記。難。子以爾許之短日月。游爾許之大國土。每市未嘗得終一句淹。所見幾何。徒以遼豕爲通人笑耳。余領其言。欲中止者屢。顧性好弄翰。有所感觸。不能不筆之。積數月。碎紙片片盈尺矣。自一覆視。雖管蠡之見。可笑實甚。然容亦有爲內地同胞所未及知者。宋人之獻其曝。曝寧足貴。惟獻焉者之愚誠欲已不自己也。因積兩旬之力。詮次叢稿。旣成。乞序於君勉而布之。志余悛諫之咎。且以自贖。癸卯除夕著者識。

凡例

一茲編本游歷時隨筆所記。但叢稿盈尺。散漫無紀。令讀者有恐臥之想。故返日本後。以兩旬之力重理之。如今本一段中所記。或非在一時也。

一中國前此遊記。多紀風景之佳奇。或陳宮室之華麗。無關宏旨。徒災棗梨。本編原稿中亦所不免。今悉刪去。無取耗人目力。惟歷史上有關係之地特詳焉。

一茲編所記美國政治上歷史上社會上種種事實。時或加以論斷。但觀察文明複雜之社會。最難得其要領。况譴陋如余。又以此短日月。歷彼廣幅員耶。其不足當通人之一噓明矣。但以其所知者貢於祖國。亦國民義務之一端也。於吾幼稚之社會。或亦不無小補。大雅君子。尚希亮之。

一此次於美國政治。所欲論述尙多。本擬附錄一「美國政治評」。但稿太叢亂。重整理之。費日更多。出版更遲。故惟於歸途篇略附一二。今後得間。再賡續之。

一此次所至。承我海外同胞異常之歡待。實不克當。本宜詳述以誌感謝。但限於篇

幅。詳敘或失諸冗漫。使讀者生厭。故此類之筆記。悉從刪去。諸君諒焉。

甲辰正月

著者識

新大陸游記目次

飲冰室叢箸第十二種

徐序

自序

凡例

由橫濱至加拿大

(一) 首塗 舟中

(二) 至加拿大 全加拿大華人數

(三) 溫高華之繁盛 華人之生計 工業 商業 華日之小商比較

(四) 加拿大之限制華工 與各地禁例比較 白人待華人之兩法

加拿大華工鬻至之理由 誰之過歟

(五) 中國維新會之起點 選舉法之試行 總會所樹礎之典

(六) 美國總統盧斯福之太平洋演說(其一) 二十世紀太平洋之勢

力圈 歐洲列國之猜忌 盧斯福之太平洋演說(其二) 文明中心

點之遷移 地中海時代 北進時代 大西洋時代 太平洋時代

十九世紀初之太平洋 美國太平洋勢力漸進之略史 咄咄逼人

太平洋之主人翁 我國民其猛省 美國之公言 中國辜負太平洋

(七) 現世界之第二鐵路 加拿大首都阿圖和 加拿大何故不合併

於美國乎 其理由一二三四五六 加拿大與中美南美諸國之得失

世界第一之國會議堂 滿地可之一瞥

由加拿大至紐約

(八) 紐約之歡迎 全世界現在之第二都會將來之第一都會 生計

上都市之結集 全世界商業之中心點

(九) 紐約所產怪物托辣斯 托辣斯之意義 托辣斯之沿革 全世

界總資本之小半數在數人掌握中 一八九九年以後之托辣斯資本表 四十三萬有奇之資本 托辣斯之利十二條 托辣斯之弊十條 美國現今之最大問題 美國對於托辣斯輿論之變遷 關於托辣斯問題之書籍及雜件 國際托辣斯及其關係於中國

(十) 美國亞細亞協會 美英工業進步之比較 英國工業之牛耳已被奪於美 競爭舞臺東漸之由

(十一) 美國將來最危險之大問題 近兩年海外移民國別表 近二十年移民比較表 意奧俄最盛 北歐日少南歐日多 條頓民族衰退之消息 羅馬之覆轍可憂 同化力不足恃 道德上之影響 政治上之影響 一 二 三 四 五 六 七 歐洲移民與中國移民之利害比較 選舉權之重要 中國人失權利之由 共和政體一大缺點

(十二) 猶太人之大勢力 猶太人左右紐約市政 猶太人之團結力

猶太之名士 中國何敢望猶太 猶太人之惡德

(十三) 旅行之感情 住地底住地面住地頂 鴿籠蛛網百足之蟲 公

園 公園與衛生及道德之關係 路易第十四宮中物 格蘭脫之墓

自由島 數千萬枝之電燈

(十四) 黑闇之紐約 貧民窟之情狀 財產分配之太懸絕 慈善事業

及其效果 以人爲機器且爲機器之奴隸 智者愈智愚者愈愚 大

勢滔滔返於專制 女權不過表面上佳話

(十五) 社會黨員之來謁 社會主義與中國 社會主義者一種之迷信

也 社會主義之實力 訪商界之拿破侖 摩爾根氏 摩爾根之贈言

摩爾根畧傳 三大托辣斯之成功 全世界之原動力 並世兩人傑

(十六) 紐約華人及其生計 李鴻章雜碎 西人嗜用華醫 中國商業

之慚色

由紐約至哈佛波士頓

(十七) 謁容純甫先生 中國初次出洋學生留學地 前學生留美者之情狀 耶路大學中國學生之名譽 白種人哈然變色 耶路大學擬設分校於中國 教育權可假人否

(十八) 波士頓之維新會 共和政治之發光點 自由祖國之祖百有一人 新世界石 勃黎福創行共和政之略史 波士頓與美國合衆自立之關係一二三四五六七八九十 拋棄英茶之港口 詩 英美兵第一次交綏之地 詩 華盛頓點兵處 華盛頓奪英堡寨處 獨立前之禮拜堂

(十九) 世界最古之市立圖書館 世界最古之報館 古報館之價值 嗜報國民 每日出報數次至十數次 博物院所藏中國宮內器物 觀哈佛大學 世界最美麗之汽船

由紐約至華盛頓

(二十) 最閑雅之大公園 「喀別德兒」之莊嚴 世界第一美麗之圖書

館 祖國文字 大統領官邸之質素 華盛頓紀功華表 國文銘石

之辱國 華盛頓留學生

(二十一) 訪外務大臣海氏 訪大統領盧斯福 盧斯福略傳 極端之

進取主義 門羅主義性質之大變化 門羅主義之起源 門羅主義

之內容兩方針 其變遷之歷史 亞美利加者美國人之亞美利加世

界者美國人之世界 盧斯福之演說門羅主義 門羅主義所向無敵

其意何居

(二十二) 大統領之權力及職掌 大統領平時權力小戰時權力大 大

統領與立法部之關係 三權鼎立之實行 歷任大統領何故多庸材

乎 其理由 一第一流人不入政界 二大統領可以用庸才 三異

才爲國民所忌 四異才不利於候補 五省界之競爭 與其得良大
統領毋寧得良候補者 六高才之士多有不願爲大統領者 大統領
者黨派之傀儡也 共和政體之流弊 今後之變遷

(二十二)美國最奇一事曰無首都 華盛頓不足以當首都 紐約費城
波士頓芝加高聖路易皆非首都 各省亦無首府 其理由 中國亦
無首都 華盛頓市民無選舉權 選舉區之疆界 第一流人物何故
不投身政界乎 其理由一二三四五六七

(二十四)華盛頓雜記

由紐約至費城

(二十五)獨立時代國會所在地 訪獨立廳 會議憲法之堂 自由鐘
自由鐘出游 維廉濱遺像 宣讀獨立檄文處 華盛頓慰恤傷兵
處 維廉濱遺物

(二十六) 觀海軍造船所 美國海軍與現任大統領盧氏之關係 海軍

嚆矢 興海軍僅七年 西班牙戰役時美國之海軍力 美國最近海

軍力 盧斯福之海軍演說一二 列國海軍比較 美國人猜忌兵備

之舊謬見

由紐約至波地摩必珠卜

(二十七) 波地摩 必珠卜 烟市 鋼鐵大王卡匿奇 善散財之豪傑

助自助者 普天下圖書館之大檀越 獨立紀念日 詩

(二十八) 太平洋海電通信祝典 太平洋海電之二線 十二分鐘繞地

球一周 九分鐘繞地球一周 二萬四千六百六十英里之電線 美

國與太平洋海電之關係 太平洋海電與中國之關係 工價最昂

由必珠卜至先絲拿打紐柯連

(二十九) 先絲拿打 詩 奴隸省 寡頭政體 黑人蕃殖問題 黑人

之自由虛名耳 最可笑者一事 待黑人之私刑 所謂文明者吾知之矣 西班牙風

由紐柯連至聖路易

(三十) 世界博覽會 工人之辱國

由聖路易至芝加哥

(三十一) 文明西漸之潮流 東西諸市人口進步比較表 芝加高大學

體操場 圖書館 美國無國立大學

(三十二) 西賢雪地 宗教界之拿破侖 廢醫藥 市制 杜威之歡迎

生理與心理之關係 野心向於中國 杜威與摩爾根 耶教之大

乘法

(三十三) 芝加高雜記 詩

由芝加高至汶天拿省

(三十四) 大北鐵道 偉人占士比兒 大北鐵道之三大利益 全世界

農業制度最完美之區 落機山中浴溫泉 詩 全世界第一大公園

待華人最酷之市 維新會之聯衛部

由汶天拿省至舍路砵命

(三十五) 紅印度土人 滅種之歷史 雜記

(三十六) 大北輪船公司 現世界空前之第一大船 商戰舞臺之中心

及歐亞距離航利之比較 船舶容積之增大與商戰進步之影響 太

平洋與蘇彝士之決鬥

(三十七) 砵命之盛會 美國之巴拿馬政策 有鐵血無公法 英之蘇

彝士與美之巴拿馬 哀哉巴拿馬 國恥之一事 詩

由砵命至舊金山

(三十八) 華人性質試驗場 華人所長 華人所短 人數略計 職業

類別 洗衣業 漁業 廚工業 農業 採礦業 製靴捲烟織帶業
奪我執業之自由 通事 中國雜貨店 日本雜貨店 裁縫業
飲食店 醫生 傳教 學生 婦女兒童 無業 賭業 賭亦爭外
利之一道

(三十九) (甲) 公立之團體 會館之組織 各會館之主席 三邑四邑

國語統一之必要 (乙) 公共慈善之團體 (丙) 商家團體 (丁) 各

縣之慈善團體 宗教上之習慣 (戊) 族制之團體 其勢力 聯族

團體 歷史上民族思想之發展 (己) 祕密之團體 其歷史 其內

容 (庚) 文明之團體 保皇會之總部及支會 學生會 青年尙武

會 教會 同源總局 八種九十六團體 報館之發達

(四十) 中國人之缺點 有族民資格而無市民資格 有村落思想而無

國家思想 只能受專制不能享自由 自由之試驗 經過之歷史

其議事法 其選舉法 金山以外之人又如何 多數政體之不適

無高尚之目的 精神的文明之根本 華人性質雜論 休息者人生

一要件 勤而不敏 人種強弱之比較 遷華埠之議 一唾五百元

中國人不會走路不會講話

(四十一)美國留學生 余關於留學之意見 斯丹佛大學 卜技利大

學戲園

由舊金山至羅省技利

(四十二)羅省之歡迎 美人以菲律賓兵攻菲律賓

歸途

(四十三)歸途 美國政治略評(其一) 村落思想 由舊金山至紐約

經過十一國 兩重之政府兩重之愛國心 各省政府之發生遠在聯

邦政府以前 組織美國之兩原素 自由非由革命而得 歷史上共

和政體之天然發達 小共和國中復有小共和國

(四十四)美國政治略評(其二) 聯合第一著 聯合第二著 中央公

會之無力 美人之僻見 當時幾陷於無政府 聯合第三著 制定

憲法之困難 憲法實行之困難 各省之猜忌 數偉人強制而成

(四十五)美國政治略評(其三) 政治進步之四大時期 兩大政黨之

起原 哈彌兒頓與遮化臣 一自由之木鐸一秩序之保障 遮黨之

全勝 政黨一衰 第二次政黨 中央集權黨勢力復振 國權省權

問題之消滅 哈彌兒頓之精神復活

(四十六)美國政治略評(其四) 政治家貪黷之原因 政治家多中下

才 以官俸爲餌 統領一易官舍爲空 白宮爲請謁者所蹋倒 詔

上與詔下 政黨之兵卒政界之風也 非民主之弊 亦民主之弊

共和政治之最大缺點 市政之腐敗 選舉之頻數 選舉之次數四

五倍於歐洲 政治史卽黨派史之合本

(四十七) 美國風俗雜評 婦女之地位 其外文 其內容 職業及法

律上之權利 婦人選舉權 婦人加入政界之非宜 勞力者之地位

優待勞力者如他國之優待軍人

(四十八) 歸舟雜記 加拿大維新會議會之成立 電報九十六通

附錄記華工禁約

(一) 其歷史

加罇寬尼爲中國人血汗所造 同治年之條約 美工與華工之衝突

衝突最劇時代 沙地黨起 加罇寬尼省一八七九年之新憲法

華民不聊生 沙地黨亡 光緒六年北京條約 初禁 光緒二十年

華盛頓條約

(二) 禁例

條約語意之曖昧 累次禁例之年月及款目 禁例類別 華人之有入美權利者 華人之許暫入美境者 合例華人入境之限制 例中之挑剔苛禁 普通之苛禁 對於游學者之苛禁 對於商人之苛禁 對於注册華工之苛禁 對於外籍華人之苛禁 堵截來路 過關虐詰 暫入美境者之苛禁 雜例

(二) 旅美華人人數統計

最近之統計 初至者多爲太平餘黨 最盛時期 禁後減退之消息 每年減少萬人之比例 將來之豫測 華人與美國西部之關係

(四) 美人排斥華人之論據

禁逐華人之原理一論文 其原理一二三四五六七八九十十一十二十三十四十五十六十七十八十九二十 著者之案語 我亦不能辭其咎 公論非盡混 強權世界

(五) 華人對於禁約之運動

旅美華民全體之公稟 禁約由來 兩大政黨對於工黨之情狀 關稅問題爲抵制一妙術 抵制之理由 外交消息之祕鑰 問題之主眼 美人之感情 此問題關係於全國 每年國貨之出入五六千萬 稟稿之附片 檀香山菲律賓弛禁問題 改正條約中關於工人資格之語詞 其二 免上岸留難之苛例 求歸國復來者之便益 尊重現居美境者應得之權利 免假道之苛禁 不能藉口傳染病相阻止 定入口審問時之法律使與常案同 查冊暴舉之節制 鷹紙事 件 護照之給還 巴太連機器之廢止 游學生之特別保護 工人之眷屬 商店之夥伴 此事非不可挽救 檀香山新中國報之建議 外競思想發達一先聲

新大陸游記

飲冰室叢著第十二種

新會梁啓超箸

由橫濱至加拿大

(一)

余蓄志游美者既四年。己亥冬。舊金山之中國維新會初成。諸同志以電見招。即從日本首塗。前所作二十世紀太平洋歌。所謂『逝將適彼世界共和政體之祖國』者是也。道出夏威夷島。即檀香山夏人繫維之。約留一月行。既而防疫事起。全市華僑廛宅付一炬。環島不通行。旅者數閱月。於是余自庚子正月至五月。蟄居夏威夷。六月十七嚴裝往美。忽得上海電。促之歸。遂以二十日回馬首而西。道日本返上海。遽聞漢口之變。志不遂。遂折而南。由香港而星加坡而檳榔嶼而印度。繞澳大利亞洲一週。

首途

辛丑四月。經菲律賓復至日本。居日本者又幾兩年。至是始續舊游。實癸卯正月廿三日也。

舟中

廿六日爲余三十一初度。余頻年奔走海內外。未嘗有所終三年淹。其尤奇者。則年年今日。必更其地。十年來無一重複。自癸已在家鄉一度生日。諸母猶喚以飴餠棗栗之類。爾後甲午此日在黃海舟中。乙未此日在京師。丙申此日在上海。丁酉此日在武昌。戊戌此日在洞庭湖舟中。己亥此日在日本東京。庚子此日在夏威夷島。辛丑此日在澳洲雪梨市。壬寅此日在日本東海道瀛車中。今年癸卯今日。在太平洋。嘻。此亦一詩料也。成詩一章。

十年十處度初度。頗感勞生未有涯。日月苦隨公碌碌。人天容得某栖栖。莊嚴地嶽來何暮。芻狗年華住且佳。一事未成已中歲。海雲凝望轉低迷。

(二)

二月初六凌晨。舟入加拿大屬溫哥華島之海口。兩岸青山。如送如迎。左英屬。右美

至加拿大

屬。山皆秀麗。灌木如莽。舟行於朝曦融曳之間。頗極快游。

午後一點鐘。舟抵域多利。維新會同志李君福基等迎於碼頭者數十人。停舟十五分鐘。即啟行。溫哥華及二埠之同志葉君恩劉君章軒李君佑樞等。亦至域多利相迎。夕間抵溫哥華。同人迎於碼頭者復百餘。

英屬加拿大凡分七省。其沿太平洋海岸者爲布列地士哥倫比亞省。British Columbia 計加拿大全屬華人約二萬。而哥倫比亞省居十之六七焉。哥倫比亞省之首府曰域多利。Victoria 其附近大都會曰溫哥華。Vancouver (華人俗稱咸水埠) 曰紐威士綿士打。New Westminster (華人俗稱二埠) 一切華商華工皆鬻集於此。計全加拿大華人人數大略如下。

域多利

五千餘

溫哥華

四千餘

紐威士綿士打

一千

全加拿
大華人
數

天寅米

一千

奶糜

五百

卡拉布

一千

噶黎

一千

滿地羅

二千餘

阿圖和

二百餘

其餘散在各市者

約三千餘

十餘年前 C.P.R. 公司築大鐵路之時。華人來者最衆。計全盛時代殆不下七八萬人。鐵路成後。需工漸少。今僅有此數。

(11)

溫哥華
之繁盛

溫哥華市距今十五年前。一林莽耳。自太平洋鐵路公司。(西名爲 Canadian Pacific Railway Co. 省名爲 C.P.R. 公司) 開大鐵路橫截大陸以通紐約。鑿歐洲交通

東方之孔道。又開中國皇后日本皇后印度皇后三船來往於日本及中國。其鐵路之車站。輪船之碼頭。皆以溫哥華爲終點。故溫哥華驟盛。哥倫比亞省本以域多利爲首府。今則勢力全趨於溫哥華矣。地價驟漲至百數十倍。吾華人十五年前來此者。既實繁有徒。從無一人肯買地以牟大利者。雖或西友勸之。亦莫或應。此亦學識不足。不能與西人競爭之明證也。

華人之在加拿大者。生計殊窘蹙。遠不逮在美國。其工人之不得職業者十而五六。困苦不可言狀。商人恃工人爲生。工業衰。故商業亦衰。蓋商於此間者。皆非有大資本營大事業。不過專辦本國日用飲食之物。售諸工人以取利耳。故工人來者少。則商店自少。工人困苦。則商利益微。吾所至夏威夷澳洲各地。皆同一現象。而加拿大爲尤甚。

哥倫比亞省之工人。以做沙文魚爲最多。計每年魚來時。業此者每月可得美金三十元至六七十元不等。然每年惟四月至七月爲魚來時節耳。自餘數月。凡業魚者

皆無所得業。束手坐食。故歲入恆不足以自贍也。

日本人在此者。亦以魚爲業。然日人則採漁也。華人則製魚也。採魚每日每人工價優於製魚者數倍。然此地西人限華人非已入英籍者不得採魚。故雖以此區區之利權。亦不得與他族競。

製魚業之外。惟有廚工洗衣工爲大宗。廚工最上者每月可得美金七八十元。最下者十餘元耳。洗衣工工價甚微。大約每月美金十餘元。滿地羅洗衣工最多。以其地爲加拿大之最大都會也。其餘尙有採礦工伐木工等。然不多。

合觀哥倫比亞省之商業。專指華商域多利埠凡商店百四十餘家。溫哥華五十餘家。紐

威士綿士打二三十家。其數不可謂不盛。然與西人貿易者。不過一、二家耳。其餘皆

恃華工以爲養者也。中國雜貨店居十之七八。而域多利埠則以製販鴉片爲一大宗。蓋鴉片入口稅輕。易於牟利也。但所牟者亦皆華人之利而已。大半銷入美國。近則美國查稅極嚴。故所銷歲減。其餘則洋服裁縫店有十餘家。稍爭西人利益於一

二而已。

商於此者以賭博爲一專門業。幾於無家不賭。以區區之溫哥華埠。而番攤館有二
十餘家。白鴿票廠有十六七家。他埠亦稱是。吾常稽其每月銷費之數。每一番攤館
受工者約五六人。每人每禮拜薪工美金六元內外。每館地一間租錢每月約美金
四十元。通計溫哥華攤館每月之支費。約在美金六千元內外。爲中國通用銀者萬
二千元矣。每年當銷費十五萬元矣。白鴿票及其他雜賭之銷費亦稱是。是每年溫
哥華一埠之資本蝕於賭者將三十萬。合計哥倫比亞全省。歲蝕至百萬矣。所生之
利。不足以償所分。華人生計之日蹙也固宜。

日本人亦最嗜賭。聞其每年輸與華人者約在美金十六萬元云。溫哥華一埠此亦爭外
利之一道歟。嘻。

日本人之不能商務。尤甚於中國。計日人在此者殆四千人。而無一稍完之商店。吾
昔曾至木曜島。在澳洲之東北隅見其地有日本人二千而極貧。有中國人不滿一百而頗

華日之
小商比
較

富。詰其由。則此數十中國人。即恃彼二千餘日本人之貿易。以致富者也。而二千日本人中。竟不能立一商店。因疑華人商務之天才。過於日人遠甚。今觀此地益信。雖然。華人商務之天才。只能牟本國人之利。只能牟東方人之利。然與歐美人相遇。輒挫敗。則有此天才而不知擴充故也。

(四)

哥倫比亞省亦有限制華工之例。前此每一人登岸。須納稅金一百元。(美金)近則增至五百元。合中國通用銀千餘元矣。此案自五年以前。已提出於本省議院。久未通過。今年則提出於加拿大之總議院。以四月初一日通過。千九百〇四年正月一日實行。自此以往。吾華工來此地之路。又絕矣。一歎。

白人之殖民地。除南亞美利加及南洋海峽羣島以外。幾無一不限制華工。其限制之例種種。以余所知者。則

美國及其屬地。皆與中國申明禁約。嚴定法律。一切勞動者。皆不許至。

禁約禁例
詳下編

加拿大
之限制
華工

與各地
禁例比

澳洲之烏修威省徵稅金一百磅。千華銀

澳洲之域多利省坤錫蘭省。限每船容積五百噸者則每次許搭華工一名。每五百噸遞進一名。不許逾額多載。

澳洲之西澳南澳兩省。限能解英語五十句以上者乃可登陸。

此一千九百年以前之例也。其時澳洲諸省各自分治。華人在甲省上陸者。不許闖入乙省。自千九百年一月澳洲聯邦成。六省合而爲一。其已登陸者。各省許通來往。然此後限制之例益苛。今則雖納稅金亦不許至。雖噸位亦不許容。其苛禁殆更甚於美國矣。

紐西蘭島徵稅金三十磅。百華銀三

加拿大徵稅金一百元。百華銀二 今增至五百元。千華銀一

夏威夷古巴菲律賓。昔皆許華工自由。隸逮美後。一從美例。古巴近已獨立。若當其政府新易時。解此禁自非難。惜我國政府恬不以爲意。今無及矣。

白人待
華人之
兩法

白人之待華人。惟有兩法。(其一)則既居其地者。一切應守之法律。與彼民平等。惟限制我不許來。(其二)則來去任我自由。惟居其地者設特別法律以相待。其第一法。用之於白種人多他種人少之地。如美洲澳洲是也。其第二法。用之於白種人少他種人多之地。如南洋羣島安南暹羅諸地是也。要之不許與彼平等而已。

吾昔在澳洲。聞吾華工每一人至其地者。率須費七八百金。其船位之價。不過百金耳。何以餘費之鉅。至於如是。蓋因坤士蘭域多利兩省限噸位。每船率僅能載四五人。而欲往者之數。殆十倍之而未已。故必須報名候補。候補或至五六年不得。故競以多金賂船行之司事。甲以三四百得一位。乙以五六百奪之。丙又以七八百奪之。故遂至以七八百爲定價也。其事殆與官場之捐儘先班者同矣。尋常西人以三百金得頭等船位。而我華人乃以七八百金得三等船位。可歎。

華人之往澳洲者。其目的地率_{雪梨市者}在烏修威_{威之首府也}。以千金之稅不易納也。故由噸位以過域多利或坤士蘭。然後復由彼兩省問道以潛入烏修威境_{兩省皆島}。

加拿大
華工
至之
理由

境謂之偷過界。偷過界被拿獲者。除照徵稅金百磅外。仍加罰五十磅。無贖可罰則下獄一年。獄滿仍逐出境。

加拿大屬覓工甚難。而華人來此絡繹不絕者何也。蓋由此偷過界以入美境也。去年一歲上陸於域多利溫哥華兩埠者五千餘人。其入美境者殆十而六七。他歲稱是。

此間華商有專以導人偷過界爲業者。每人索賄美金二百餘元。其賄則美境之稅關及駐溫哥華之美領事皆有分潤云。故今日華工之改入美境者。亦須華銀七八百元乃得達。蓋來加拿大之稅金二百元。入境之賄四五百元。其餘船費車費不過百餘元耳。以祖國數萬里膏腴之地。而使我民無所得食。乃至投如許重金以餬口於外。以受他族之牛馬奴隸。誰之過歟。

(五)

華人愛國心頗重。海外中國維新會(西名爲 Chinese Empire Reform Association)

誰之過
歟

中國維
新會之

起點

實起點於是。自己亥年此會設立以來。至今蒸蒸日上。溫哥華入會者十而六七。域多利則殆過半。紐威士綿士打幾無一人不入會者。會中章程整齊。每來復日必演說。每歲三埠合同大敘集一次。近集數萬金建總會所於溫哥華。儼然一小政府之雛形也。

選舉法
之試行

今歲會事益有進步。效立憲國選舉法。公舉總會之副總理一人。監督一人。其大總理既有區域溫紐三埠各出候補者二名。先期一月佈告其名。屆日以匿名投票之法選舉之。三埠同時開票。互以電報報某名得票之多寡。當選舉期以前。競爭殊劇烈。各候補者到處游說運動。演說其所懷抱之政策。儼然與文明國之政黨無異。此誠中國數千年所未有也。他日有著中國政黨史者。其必託始於是矣。余到後四日。為總選舉之期。定章凡會員皆有選舉權。有權者六千餘人。投票之數。不過千餘。蓋風氣初開。未知公權之可貴。各國皆如是也。得票最多者為六百七十一票。被選為副總理。明年屆選舉期。則棄權者之數必少於今年矣。

三月廿六日爲維新會總會所興工建築之期。西例凡有公家建築。必請一有聲望之人。先置一石。且獻祝詞。名曰樹礎之典。諸同志以余適至。因固留數日。使行斯禮。當時中西人士。觀者如堵。余置石獻祝詞後。演說一次。鼓掌之聲雷動。此亦中國前此未有之舉也。

（六）

在溫哥華讀西報。見美國總統盧斯福巡行太平洋沿岸。所至演說。雄辯滔滔。其言有深足令吾國人猛省者。今錄其在屈臣威爾市所演者如下。

（前略）吾國民有不可不熟察者一事。卽吾國在太平洋上過去及現在所占之優勢及其根原是也。太平洋。洋中之最大者也。而此最大洋。在今世紀中。當爲吾美國獨一無二之勢力範圍。雖然。欲就最大之事業者。不可不負最大之責任。凡國民欲增進其幸福與其名譽。不可不先納其代價。苟不爾者。亦疲茶之國民已耳。嗚呼我同胞。吾信諸君。吾信吾國民。吾深謝彼蒼之以此絕好機會畀於二十

世紀時代之我同胞也。吾爲諸君賀。嗚呼。機會不可逸。吾儕今者以吾祖宗遺傳活潑進取之精神。對於此問題。吾祝吾儕大成功之日。不在遠也。

嗚呼。何其言之自負乎。而大統領之自負。亦卽全國民自負之代表也。此演說之語。飛達歐洲。歐洲各國。奔走相告。各報館羣起而睨之。而德國爲尤甚。柏林公報論之曰。『美國之懷抱野心。以欲盜太平洋。匪伊朝夕。至其明目張胆無忌憚以言之。自此度始。雖然。我歐洲列國。其與太平洋有切密之關係者。亦不尠。盧斯福之佳夢。殆未易遽踐也。』其餘各報。同時爲此等議論者。亦雜遝相接。笑罵之聲。殆不可聽。據當

時美國各報所譯載

未幾。盧斯福至舊金山。更爲第二次之太平洋演說。其氣焰益高。茲譯錄如下。

(前略)余之未親觀太平洋也。余已爲國中主張帝國主義者之一人。(拍掌)及今親見之。而益信夫欲進吾美於強盛之域。爲我子孫百年之大計。舍帝國主義其末由也。(拍掌)在今世紀中。惟能在太平洋上占優勝權者。爲能於世界歷史

歐洲列國之猜忌

盧斯福之太平洋演說 (其二)

上古優勝權。請言其理。人類權力舞臺之中心點。自陸而陸。自海而海。恆變動而無已時。以吾輩所記憶。若上古之小亞細亞文明。埃及文明。其與海運關係者。雖絕少。洎夫腓尼西亞人勃興以來。地中海遂爲歷史之中樞。若喀西士。若希臘。若羅馬。皆以其軍艦商船。以爭產業上軍事上之牛耳。繫何故乎。蓋國民興盛之要具。舍此末由耳。彼羅馬之霸九州。全在其掌握地中海航權之時代。是其例矣。雖至羅馬滅亡之後。其南方海濱。爲全歐文明之中堅者。猶亘數世紀。地中海之勢力。不亦偉耶。彼俾尼士志挪亞諸市府之發達。卽在彼時也。

雖然。權力日漸推移。北方諸國。稍嶄然顯頭角。商船貿易。日以發達。而北海波羅的海。及比斯加灣。(按) Biscay 灣今法蘭與西班牙接壤之海灣也沿岸諸市。日見興旺。而冒險勇敢之商人。

來往於大西洋之歐岸者如織。此奈渣蘭半島。(按) 班葡兩國之總名諸市發達之原因也。

英荷班葡法諸國。競張幟於海外。一以博名譽。一以謀大洋上利益之優先權耳。其後遂尋得好望角航路。與美洲新大陸。於是大西洋海權。左右世界。其位置與

太平洋
時代十九世
紀初之
太平洋

昔時之地中海同。

今也以懸崖轉石之機。其大運乃直趨入於世界最大之洋。而此最後之大規模。非以文明國民之力。無由開拓之。嗚呼。天將以太平洋昇其第一之驕子。今正其時矣。

今吾與諸君翻觀十九世紀之初。此龐大之太平洋。何物之與有。其與波濤衝激航行稍遠者。惟少數之捕鯨船耳。宅於其中之島嶼。與環於其旁之岸原。曾未能一脫泰古原人之情狀。其在洋之東。猶有舊式之帆船。稍游弋於中國日本印度間。若吾美大陸之西鄙。則依然爲紅夷之巢穴。眺其海岸。惟時見刳木之舟。(按)吾國

古代言刳木爲舟。今地球上此種舟。尚不少。吾於印度嘗試乘之。

三點兩點。與波上下而已。此豈遠而不過一世

紀以前事耳。何圖僅及百年。當本世紀之初。其狀態之變遷。遽乃若此。其地位之重要。殆有非吾輩擬議所能及者。位於其南之澳洲聯邦。既已突兀湧現。日本亦非復昔日之日本。駸駸乎欲與列強爭中原鹿。而彼中國者。老朽垂死。歐洲列強。

共盡勢力於東亞大陸。而吾合衆國亦以同時擴其版圖。若加罈寬尼。若阿利根。

若華盛頓。

(按)三省名也。舊金山即加罈寬尼省最大之市。林諦即阿利根省最大之市。舍路即華盛頓省最大之市。三市實太平洋東岸之中堅也。吾國

人旅于是者甚衆。

昔也石田。今也天府矣。至如阿拉悉加也。

(按)太平洋北一島。距日本四日程耳。夏威夷也。

(按)即檀香山。

菲律賓也。皆次第內隸。爲我郡縣。海岸線之擴張。馴使吾美一躍而立於

太平洋一等國之位置。若吾國民能以精心果力。利用此地理上之優勝乎。吾信

其將來以平和之手段。制此莫大之霸權。決非難矣。(拍掌)今者洋底之海電既

已告成。洋面之大航船。亦已著手。世之論者。至有謂此船爲當今船中之王者矣。

(按)詳見別節。

地峽運河之開鑿權。其必歸於我手。殆又可斷言也。(拍掌)

(按)彼時巴拿馬尙未自立。

而彼運河者。實使我大西太平洋兩洋之沿岸地。忽相聯屬。其所裨於我商業上海

陸軍上者。至重且大也。且我國民非好戰也。而迫於不得已。使我無端而出於征

討菲律賓之舉。不謂之天助焉。不得也。我國民乎。我輩苟不願爲劣者弱者。不願

以墮落之歷史。貽我子孫。則猛進猛進。以實行我所懷抱之壯圖。今其時哉。(拍

掌)

凡欲以大國民自負者。必當思將由何道。使吾國在世界上得占偉大之地位。且持續之。故不進則必退。國家存亡。皆在此點。吾國民萬不可以不占此地位。勢使然也。而加罅寬尼省諸君之責任。尤加一層。何也。吾國之國力。將皆由此金門按舊金山名而進也。(拍掌)

太平洋
之主人
翁

嗚呼。我同胞諸君。吾今深慶吾國之得此好機會。吾又深信吾國民之智識勇氣。毅力。視此機會。猶高一級焉。此吾所爲歡喜無量者也。(拍掌)吾國民其毋曰。吾從事於此大業與否。吾將擇焉。何也。人各有天職。天職者。天所命也。吾能辭乎。(拍掌)若猶欲超然於世界活劇之外。而袖手旁觀焉。非惟不可。抑亦不能矣。今後之美國。將大成功乎。將大失敗乎。其機皆決於今日。故夫小國之國民。在世界之舞臺。執小役。斯可也。何也。物理則然也。苟以大國民而執小役者。吾以爲不如死之爲愈矣。(拍掌)(下略)

我國民
其猛省

美國之
公言

中國寧
負太平
洋

吾在報中見盧斯福此演說文之後。吾怵怵焉累日。三復之不能去焉。夫其曰執世界舞臺之大役。曰實行我懷抱之壯圖。其大役壯圖之目的地何在乎。願我國民思之。

此雖盧斯福一人之言。實美國之公言也。自德國報紙之冷嘲熱罵。頻數相加也。美國報紙與之舌戰者。全國囂然焉。

世界大勢日集中於太平洋。此稍知時局者所能道也。世界大勢何以日集中於太平洋。曰以世界大勢日集中於中國故。此又稍知時局者所能道也。若是乎其地位可以利用此太平洋以左右世界者。宜莫如中國。中國不能自爲太平洋之主人翁。而拱手以讓他人。吾又安忍言太平洋哉。雖然。吾之所不忍言者。又寧止一太平洋哉。

(七)

四月三日。由溫哥華首途。乘汽車往紐約。卽 C.P.R. 公司之鐵路也。此鐵路橫貫美

現世界
第二之
長鐵路

大陸長三千餘英里。實中國萬里矣。當俄國西伯利亞鐵路未成以前。此路實世界第一之長線。美國鐵路雖貫大陸者數線。然非全成於一公司之手。當初議建築時。資本家多目笑之。募股份。應者寥寥。謂其工程之斷難就也。今則利數十倍矣。加拿大聯邦之鞏固。實自此鐵路始。鐵路與國政羣治之關係。偉矣夫。

行經落機大山而東。層峰積雪者千餘里。汽車所經行最高點。距海平殆三千尺。以機器車三座推挽始得上。沿山螺旋。蜿蜒而進。一目見三鐵路。若作平行線形。亦一壯觀也。車中有感。口占一絕。

四月猶爲踏雪游。光明世界入雙眸。山靈知爲誰辛苦。如此華年也白頭。

行五日抵阿圖和。阿圖和爲加拿大首都。總政府在焉。加拿大之政體。與澳洲略同。名雖英屬。實則一獨立國也。七省各自有政府。各自有議院。復合爲一聯邦。有聯邦之總政府。有聯邦之總議院。其性質亦皆大類美國。

加拿大
何故不

加拿大
首都阿
圖和

加拿大與美國。萬里接壤。僅地圖上以一直線爲界。其歷史上發達相類。其現行政

合併於
美國乎

一 其理由

二 其理由

體相類。顧何以百餘年來。不合併於美。此實一疑問也。考其歷史。當獨立戰爭時。美軍侵入加拿大者亦數次。然其時美國以十三省起義。祇求完十三省之自由獨立而已。他猶非力所能及也。而加拿大東部之殖民。其時西部全未開闢法國人最占勢力。至今猶然美國之倡獨立者。皆前此清教徒之子孫。其信仰。其習慣。皆與加拿大東部之民不相容。故彼時不能合併。此其理由。一千八百十二年。英美海戰開。彼時美人併吞加拿大之志始萌芽。然戰端不久即熄。且美國國力未充。猶未以外競進取爲國是。至一千八百二十三年。門羅爲總統時。宣告亞美利加與歐羅巴之關係。即今日美國人所奉爲金科玉律之「門羅主義」是也。其宣言中有云。『歐羅巴諸國現在之屬國。殖及民地在美洲者。美國決不干涉之。且將來亦不干涉之。』云云。此門羅主義。在今日固一變爲進取的。而在十年以前。則一向皆爲保守的也。以此之故。苟加拿大非有自謀叛英之舉。則美國勢不得強迫之。此其理由二。英政府自美國獨立以後。其對殖民地之政策一變。舍干涉主義。而取放任主義。加拿大無論屬英。

三 其理由

無論合美。其所得政治上自由之權利等耳。而何必爲此一舉。此其理由三。迨南北戰爭以後。全美國人狂熱於戰事。倡併吞加拿大之論者。一時沸騰。然老練之政治家。見夫經營南部諸省。已經爾許窘難。深察夫國羣之離合。由歷史上自然發達。不能強求。故持重之論勝。而併吞之論卒不敵。此其理由四。自茲以往。而英美兩國之感情。日加親密。同種同文相友相助之義。深入於兩國民之腦中。苟從事併吞。勢不得不訴於兵力。而兩國民皆有所不欲。此其理由五。自O.P.R.公司橫貫大陸之鐵路既成。加拿大聯邦之力日以鞏固。且大西洋海運日盛一日。故其與母國之關係。亦日親一日。至於今日。美國雖銳意實行帝國主義。而加拿大之勢力。亦已不可侮。此其理由六。吾研究此問題。欲以茲六者解釋之。其猶有未盡歟。則非吾游客皮相之所能道也。

六 其理由

加拿大
與中美
南美諸
國之得

位於美國之北者爲加拿大。位於其南者爲中美南美諸國。以名義論。則加拿大者。君主國之一附庸也。中南美諸國者。則獨立之共和民主國也。以實際論。則加拿大

四 其理由

五 其理由

人所獲之自由。所享之幸福。以視中南美諸國何如。使加拿大非以宏毅慎重之條頓人種爲其中心點。而一任彼輕僥浮傲無經驗之拉丁人種主持之。加拿大東部拉丁人種居其半條頓及他種人種居其半。妄爲無謀之革命獨立。則其現象。或竟與今之祕魯巴西同。未可知也。天下事有與名實不相屬者。此類是矣。

阿圖和國會議堂。其結構之美麗。在世界諸國會中。號稱第一。余至此得保守黨領袖褒爾君之介紹。徧游之。誠壯觀也。全廈以紅白大理石相間構造。居中一最大座。爲上下議院。左右兩座。其大稍遜。爲行政各部官公署。亦可見英人之視立法重於行政也。堂中於上下議院之外。復有實業會議所。藏書樓。書記房。議員治事室。議員休憩室等。俱極壯麗。堂中一高塔。凡拾五百餘級。始達絕頂。全市皆歷歷在目矣。其中最偉觀者爲藏書樓。樓爲一圓形。凡六層。藏書三十一萬冊。在堂下一望。可以盡見之。

初十日。抵滿地可。滿地可者。加拿大最大之都會也。人口約四十餘萬。工商業大盛。

視西部各市。過之遠矣。其中法國之移民強半。市內除最旺之一隅外。多有以英語不能通行者。吾未嘗至法國。觀此亦可以見法人社會之一斑焉。

凡在阿圖和二日。在滿地可五日。其地素未有中國維新會。至是始設。人心大好。會所咄嗟成立焉。

由加拿大至紐約

(八)

四月十六日。由滿地可抵紐約。以午後九點鐘至。維新會同人迎於車站者數百。華人市皆罷工。觀者如堵。余直至華人戲院。演說片刻。表謝意。座中西人亦多。並以英語謝其歡迎。

居紐約凡兩月餘。其間由紐約而適波士頓。而適華盛頓。而適哈佛。而適費爾特費。而皆復返於紐約。實居紐約者不過一月。其間接見邦人。接見報館訪事。演說。赴宴。費時日十之八九。殆無餘晷。以及游覽調查之事。所觀察草草殊甚。僅以夜間藉字

全世界
現在之
第二都
會將來
之第一
都會

生計上
都市之
結集

典及舌人之助。一閱報紙。或訪問於其市民。欲以評論此世界第一都會。所謂隔靴搔癢也。姑就所觸。隨記一二。

紐約當美國獨立時。人口不過二萬餘。其時美國中一萬人以迨十九世紀之中葉。

驟進至七十餘萬。至今二十世紀之初。更驟進至三百五十餘萬。為全世界中第二

之大都會。英國倫敦第一以此增進速率之比例。不及十年。必駕倫敦而上之。此又普天下

所同信也。今欲語其龐大其壯麗其繁盛。則目眩於視察。耳疲於聽聞。口吃於演述。手窮於摹寫。吾亦不知從何處說起。

斯賓塞言。野蠻時代。以生產機關為武備機關之供給物。文明時代。以武備機關為生產機關之保障物。十九世紀以來。歐美各國。殆皆日趨重於生產一事。而美國又其尤著者也。考現在各國都市之趨勢。皆由政治上之結集。一變為生計上之結集。故古代希臘之雅典。斯巴達等市。大率為政治上兵事上奠安防禦而設。及中世著名之意大利市府。亦為政權發達之地。凡市之以政治而結集者。雖極繁盛。而總有

所限量。至於以都市爲生產機關之總匯。則其發達之速率。有不可思議者。現世之大市。莫不皆然。而紐約則尤爲純粹之生產機關。而無所攙雜者也。

若倫敦。若柏林。若巴黎。若維也納。若羅馬。皆當今第一等都會也。一國中政治之心點在是。商業之中心點在是。乃至文學美術之中心點。莫不在是。獨紐約不然。惟爲商業之中心點而已。雖然。商業者。位於美國凡百事物之第一位者也。故觀美國之菁英。於紐約焉可也。且紐約不徒爲美國商業之中心點而已。又實爲全世界商業之中心點。然則觀二十世紀全世界生存競爭之活劇。亦於紐約焉可也。

(九)

紐約所
產怪物
托辣斯

全世界
商業之
中心點

紐約市於前世紀與今世紀之交。產一怪物焉。曰「托辣斯」。此怪物者。產於紐約。而其勢力及於全美國。且駸駸乎及於全世界。質而言之。則此怪物者。其勢力遠駕亞歷山大大帝拿破崙第一而上之者也。二十世紀全世界唯一之主權也。吾欲考求其真相也有年。今至紐約而始得此機。

托辣斯
之意義

托辣斯
之沿革

全世界
總資本

托辣斯者。原文爲 Trust。譯言信也。其用之爲一特別名詞者。自一八八二年。而大盛於最近之五年中。托辣斯者何。以數公司乃至數十公司之股份之全數或過半數。委託之於所謂「托辣斯梯」Trustee者。（即可信之人之意）而此「托辣斯梯」或發回一證券於股東。自此以後。此托辣斯梯有全權管理各公司之營業。或分析。或合併。或擴充。悉聽其指揮。而以所得利益分配於股東。托辣斯者。以政治上之現象譬之。則猶自各省並立而進爲合衆聯邦也。自地方分治而進爲中央集權也。質而言之。則由箇人主義而變爲統一主義。由自由主義而變爲專制主義也。

托辣斯之濫觴。起於一八八二年之煤油托辣斯。卽世所稱煤油大王洛奇佛兒之所手創也。爾後一八八三年。綿油托辣斯成。一八八六年。蒸餅托辣斯成。一八八七年。製糖托辣斯成。其利益昭昭。聳動一世耳目。自茲以往。舉國皆狂熱於托辣斯。及於今日。而美國全國之資本。其在各托辣斯之支配下者。殆十而八。夫美國者。今世界第一之資本國也。美國資本。殆占世界全部資本之半。然則現今世界資本總額

之小半數在數人之掌握中

一八九九年以後之托辣斯資本表

之小半數。全歸於此最少數之托辣斯梯諸人之手中也。嘻，豈不異哉。豈不偉哉。今欲語托辣斯之盛況。特將紐約四季叢報所列最近五年托辣斯之資本表。譯錄如下。

千八百九十九年一月以後設立之托辣斯資本表

(附注)其資本一千元以下者原文不錄

(托辣斯名)

(設立年)

(資本額)

(美金)

聯合製銅公司(附注)

以公司代托辣斯名下同

一八九九年

一五五、〇〇〇、〇〇〇圓

美國農業聯合公司

一八九九年

三三三、六〇〇、〇〇〇圓

美國蔗糖公司

一八九九年

二〇〇、〇〇〇、〇〇〇圓

美國自由車公司

一八九九年

三六、四九六、四〇〇圓

美國黃銅公司

一九〇〇年

一〇〇、〇〇〇、〇〇〇圓

合衆國製罐公司

一九〇一年

八二、四六六、六〇〇圓

合衆國製車公司

一八九九年

六〇、〇〇〇、〇〇〇圓

亞美利加製雪茄烟公司	一九〇一年	一〇、〇〇〇、〇〇〇圓
亞美利加草絲公司	一八九九年	一三、〇八三、〇〇〇圓
亞美利加製革公司	一八九九年	三三、〇二五、〇〇〇圓
美國製冰公司	一八九九年	四一、七〇五、〇〇〇圓
美國製網公司	一八九九年	二〇、〇〇〇、〇〇〇圓
國民製造餅乾公司	一九〇一年	一二、一二七、〇〇〇圓
美國機關車(即火車頭)公司	一九〇一年	五〇、四一二、五〇〇圓
美國機械公司	一九〇二年	一〇、〇〇〇、〇〇〇圓
美國裝填公司	一九〇二年	二〇、〇〇〇、〇〇〇圓
美國農器公司	一九〇一年	七五、〇〇〇、〇〇〇圓
美國汽車裝飾公司	一八九九年	二二、〇〇〇、〇〇〇圓
美國水喉公司	一九〇〇年	一〇、二九五、七〇〇圓

美國造船公司

一八九九年

一五、五〇〇、〇〇〇圓

美國鑄鎔及精製公司

一八九九年

一〇〇、〇〇〇、〇〇〇圓

美國鼻烟原料公司

一九〇〇年

二、三〇〇、〇〇一、〇〇〇圓

美國鋼鐵製物公司

一九〇二年

三〇、〇〇〇、〇〇〇圓

美國窗牖玻璃公司

一八九九年

一七、〇〇〇、〇〇〇圓

美國羊毛公司

一八九九年

四九、七九六、一〇〇圓

美國箋紙公司

一八九九年

三九、〇〇〇、〇〇〇圓

美國販賣商聯合公司

一九〇一年

一五、〇〇〇、〇〇〇圓

大西洋樹膠鞋公司

一九〇一年

一〇、〇〇〇、〇〇〇圓

牛奶業聯合公司

一八九九年

二〇、〇〇〇、〇〇〇圓

中央鑄造公司

一八九九年

一八、〇〇〇、〇〇〇圓

芝加高氣學器具公司

一九〇二年

一〇、〇〇〇、〇〇〇圓

植民地木料及箱篋公司

一九〇二年

一五、〇〇〇、〇〇〇圓

室內禦寒禦暑器具公司

一九〇一年

一七、〇〇〇、〇〇〇圓

聯合烟捲公司

一九〇一年

二六二、六八九、〇〇〇圓

五穀屬類生產物公司

一九〇二年

八〇、〇〇〇、〇〇〇圓

美國水鍋鋼鐵公司

一九〇〇年

五〇、〇〇〇、〇〇〇圓

東方鐵器公司

一九〇一年

一九、七七三、一〇〇圓

亞美利加電氣公司

一八九九年

二〇、三六八、四〇〇圓

電車公司

一八九九年

一八、四七五、〇〇〇圓

佛耶門煤炭公司

一九〇一年

一八、〇〇〇、〇〇〇圓

墾闢公司

一八九九年

一六、八二一、五〇〇圓

哈比遜倭加鎔化公司

一九〇二年

二五、七五〇、〇〇〇圓

萬國收穫公司

一九〇二年

一二〇、〇〇〇、〇〇〇圓

萬國製鹽公司

一九〇一年

三三三、〇〇〇、〇〇〇圓

萬國製造蒸氣筒公司

一八九九年

三一、一五〇、〇〇〇圓

約翰郎格靈製鋼公司

一九〇二年

三〇、〇〇〇、〇〇〇圓

煤炭及煤氣公司

一八九九年

三九、四七〇、〇〇〇圓

國民製造火柴公司

一九〇〇年

五五、五六三、〇〇〇圓

國民炭氣公司

一八九九年

一〇、〇〇〇、〇〇〇圓

國民化藥及製造模型公司

一八九九年

二三、八三八、四〇〇圓

國民防火公司

一八九九年

一二、五〇〇、〇〇〇圓

國民精鍊白糖公司

一九〇〇年

二〇、〇〇〇、〇〇〇圓

紐英倫紡績公司

一八九九年

一五、五七七、〇〇〇圓

紐約船渠公司

一九〇一年

二八、五八〇、〇〇〇圓

太平洋鐵器公司

一九〇二年

一〇、〇〇〇、〇〇〇圓

濱士温尼亞省製網公司

一九〇一年

三四、二五〇、〇〇〇圓

必珠卜釀酒公司

一八九九年

二六、〇〇〇、〇〇〇圓

必珠卜煤炭公司

一八九九年

五九、七三一、〇〇〇圓

農家壓搾器公司

一八九九年

一〇、〇〇〇、〇〇〇圓

鋼鐵車公司

一八九九年

三〇、〇〇〇、〇〇〇圓

活版字製造公司

一九〇一年

一一、五〇〇、〇〇〇圓

鐵路用鋼條公司

一九〇二年

二〇、〇〇〇、〇〇〇圓

共和國製鐵公司

一八九九年

四八、二〇四、〇〇〇圓

帝國油漆用器公司

一八九九年

二〇、〇〇〇、〇〇〇圓

樹膠用物製造公司

一八九九年

二六、四一〇、〇一五圓

士洛士佛得製鋼公司

一八九九年

一八、二〇〇、〇〇〇圓

士丹特製造公司

一九〇〇年

一七、二五〇、〇〇〇圓

聯合輪船公司(大西洋)

一九〇二年 一七〇、〇〇〇、〇〇〇圓

聯合製紙及製袋公司

一八九九年 二七、〇〇〇、〇〇〇圓

製筐及製紙公司

一九〇二年 三〇、〇〇〇、〇〇〇圓

製銅公司

一九〇二年 五〇、〇〇〇、〇〇〇圓

全國果品聯合公司

一八九九年 一五、三六九、五〇〇圓

製靴機器聯合公司

一八九九年 二二、六五六、〇〇〇圓

合衆國煤炭鐵管及鑄鎔公司

一八九九年 二五、〇〇〇、〇〇〇圓

合衆國棉紗公司

一九〇一年 一三、一〇〇、〇〇〇圓

合衆國建築公司

一九〇二年 六六、〇〇〇、〇〇〇圓

合衆國精製公司

一九〇一年 一二、八〇八、三〇〇圓

合衆國造船公司

一九〇二年 七一、〇〇〇、〇〇〇圓

合衆國鋼鐵大聯合公司

一九〇二年 一、三八九、三三九、九五六圓

世界烟草公司

一九〇一年

一〇、〇〇〇、〇〇〇圓

華治尼阿煤鐵公司

一八九九年

一八、九七〇、〇〇〇圓

合計

四三二一八、〇〇五、六四六圓

以上所列。除鐵路托辣斯及一八九八年以前所立之托辣斯未計外。其資本總額已四十三萬萬零一千八百萬有奇。以現在中國銀價之比列。實當上海香港通用銀九十萬萬元有奇。計美國現在通用貨幣之數。二十五萬萬有奇。而鋼鐵托辣斯。以一公司之資本。而居其半額。其氣象之偉大。真不可思議。不可思議。

考托辣斯之所由起。原為防自由競爭生產過度之病。實應於今日時勢。不得不然也。而其流弊亦自不少。今刺取各家言其利害者而平論之。

托辣斯之利。

(一) 可以利用最新最大最敏之機器。而盡其所長。所用資本勢力。視前此為少。而所產物品。視前此為多。

(二)資本既合併。則需用原料多。需用多則其購之也較廉。原料價廉。則製出之物。其價亦隨而廉。

(三)以工場夥多之故。可以實行分業之學理。使日趨精密。則庸工各盡其長。成物良而速。

(四)以資本多之故。能有餘力以利用廢物。造出種種附屬副產物。使無棄材。而正產物之價亦得更廉。

(五)以全國本業皆合同故。能節制生產。毋使有羨不足。因以免物價之漲落無定。而資本家無時常倒閉之患。勢力者亦不至被牽涉而失其業。

(六)能經營附屬事業。擴張外國販路。

(七)能淘汰冗員。節減薪費。

(八)凡一切競爭之冗費。如告白費運動費等。皆可以節省。

(九)以其工場徧於全國故。可以節省運送費。使本公司與販賣人皆食其利。

托辣斯之弊

(十) 以製品多故。能隨時立應買客之求。使生計界之信用日堅實。

(十一) 以資本雄大故。不假借貸。無畏外界市場之恐慌。卽有借貸。其息亦廉。

(十二) 可以交換智識。獎勵技術。爲全社會之利益。

(一) 以全權委諸一二人之專制。苟不得其人。則全局失敗。

(二) 以規模太大故。統一之。監督之。大非易易。

(三) 獨占一業。莫與之競。則生產技術之改良進步將中止。

(四) 淘汰多數之工場。採用省力之機器。許多勞傭。因以失業。

(五) 以壟斷利益故。有相競爭者。以種種手段摧滅之。使小資本家不能自存。

(六) 以獨占之故。強以廉價勒買原料品。使生產家蒙其害。強以高價售出製造

品。使消費家蒙其害。

(七) 以獨占之故。所製產之物。雖日雜粗窳。以欺市衆。而莫敢誰何。

八

(八)濫用保護關稅之權利。其製造品售出外國。價或更廉。售於本國者反更貴。

(九)以獨占之故。勞力家舍彼處別無餬口之途。因得任意尅減工價。延長作工

時刻。

十

(十)其資本估價。多報浮數。號稱百萬者。其實不過五十萬或二三十萬。一有失敗。則其托辣斯證券。攪亂市場。

美國現今之最
大問題

以上所陳。左右袒兩說之大略。在是矣。要之最近十年間。美國全國之最大問題。無過托辣斯。政府之所焦慮。學者之所討論。民間各團體之所譁囂調查。新聞紙之所研究爭辯。舉全國八千萬人之視線。無不集於此一點。故欲知美國之國情。必於托辣斯。欲知世界之大勢。必於托辣斯。

美國對於托辣斯之變遷

托辣斯之初出也。全國視爲怪物。視爲妖魔。政府務所以摧抑掃除之。殆與現時中國政府之謀摧鋤新黨者無以異。故自一八八九年至一八九九年。凡二十八省之政府。發布法律。以禁止托辣斯。華盛頓政府亦隨之。然卒不可禁。民間之組織托辣

斯者。易其名而用其實。而發達且日盛一日。至千九百年以後。舉國輿論。幡然一變。知此物之發生。由於天演理勢。相迫使然。愈遏之則其勢愈盛。而弊亦愈深。於是禁遏之政策。一變爲補救之政策。而托辣斯之機體。乃今漸確立矣。今舉一八九七年以後之出版書籍及雜件。其關於托辣斯問題最詳博確實而有力者。列數種如下。

(甲) 政府調查報告書及托辣斯會議議事錄。

(一) 美國上下議院聯合調查托辣斯會之報告書。(一八九七年)

(二) 芝加哥及聖路易之托辣斯調查會議事錄。(一八九九年)

(三) 美國調查工業委員會之報告書。及美國保工局報告書。(一九〇〇年)

(四) 芝加高反對托辣斯會議之報告書。(同上)

(五) 美國生計學會總會演說集。(同上)

(乙) 民間之著述。

(一)以托辣斯爲適應於現今生計界。實天演使然。無可逃避。而因詳論其起原利益流弊。及謀所以補救之法者。

Jenks, The Trust Problem,

Harpers, Restraint of Trade,

Collier, Trusts,

Halle, Trusts and Industrial Combinations in United States,

(二)攻擊托辣斯者。

Ely, Monopolies and Trusts,

Clark, Trusts,

(三)頌揚托辣斯。謂其功德巍巍。爲全社會各階級人之利益者。

Gunton, Trusts and the Public

要之托辣斯實二十世紀之驕兒。必非以人力所能摧沮。此今世稍有識者所同知

也。自今以往。且由國內托辣斯。進爲國際托辣斯。而受害最劇者。必在我中國。然則我輩不能以對岸火災視此問題也明矣。至其起原其利害其影響及吾國今後對之之策。吾將別著論論之。

(十)

廿六日。赴亞細亞協會之宴。座中美國人二十三。日本人二。中國人並余而六。其美國人類皆紐約市中實業家之有力者也。此會之目的。全在生計上。於政治上毫無關係。然東方稍知名之人至者。必饗宴焉。前公使伍。現公使梁。皆嘗到演說。宴梁後半月而余至。席間總幹事赫欽士。先起演說。極言美國無利中國土地之意。惟願保和平興商務。余亦照例述感謝之詞。並言中國若不得良政府。則世界之平和。終不可得。列強狃於現政府一日之安。欲在此亂機滿地之市場。殖其產業。非預備數倍之保險費不可。或又欲利用現政府之昏弱。而因以攫特別之權利。吾信其將來之或失。必不償現在之所得云云。余約演四十五分之久。此後繼演者尙十數人。率

皆照例附和余言。

美英工
業進步
之比較

次日訪赫欽士於其家。赫氏復極言中國之平和擾亂。其影響於美國者甚大。卽如拳匪之變。美國南方業棉花者。已倒閉三之一。失業之勞傭數千云云。余時讀新聞紙。見英國殖民大臣張伯倫所演說。謂英國工業品即製造者輸出額。每人平均二十五元六角。(美金)美國工業品輸出額。每人平均價五元一角。足證美國猶未脫農產時代。其工業實未足與英頡頏云云。余惑其說。因以叩赫氏。赫氏曰。不然。美國人工業發達之實力。實已在英國之上。不過其所產工業品。大半消於本國。僅據出口之額以爲比較。非篤論也。且美國非不能推廣其工業品於海外。實緣本國人消費力甚大。現在尙無餘裕以輸於外耳。欲實知兩國工業進步之比較。必須合其工業之全額計之。因檢出英人瑪爾荷(按瑪氏近世統計學最著名之大家也)所著民富論一書。舉其統計相示。則當一八六〇年。英國所產工業品之全額。每人平均九十五元。其年美國所產工業品之全額。每人平均不過五十九元。迨一八九四年。形勢已一變。英國每

英國工業之牛
耳已被
奪於美

競爭之
舞臺東
漸之由

人平均增至百一十元。美國每人平均增至百四十元。相去僅三十四年間耳。而其位置之改易如此。赫氏又言瑪氏之統計。爲萬國所共信者也。且出諸英人之口。而其言如此。又言瑪氏書刊於一八九五年。於近數年之統計未及詳。而此數年間美國之進步。更有不可思議者。千九百年。吾美工業品之全額。實一百三十萬萬零三千九百二十七萬九千五百六十六元。(美金)以現在人口計之。每人平均百七十一元有奇。其年英國工業品全額。不過五十萬萬內外。每人平均百二十元耳。若夫以出口額計之。而美反劣於英者。則英國之工業品。以百分之二十五。輸出海外。而美國則僅以百分之四輸出耳。此其所以逕庭也。云云。其言確鑿。至可信據。昔歐洲人口產業發達之故。不得不求尾閭於海外。新大陸之開闢。其原因殆皆在於是。今則新大陸者。已無復隙地。可容歐洲產業之滲入。不寧惟是。且更皇皇然自求其尾閭。此競爭之舞臺。所以日東漸也。

(十一)

美國將來最危險之大問題

近兩年海外移民別表

余游美。無一事為美人憂為美人恐者。雖然。有一焉。則歐洲及其他各地之下等民族。日輸入於美國。而為其國民。是也。試將去年及今年之統計列其移民比較表如下。

此表據西歷今年十二月在舊金山所購美國今年統計書

(國名)

(一九〇二年)

(一九〇三年)

(增加數)

奧大利 匈牙利

一七二、九八九

二〇六、〇一一

三四、〇二二

比利時

二、五七七

三、四五〇

八七三

丹麥

五、六六〇

七、一五八

一、四九八

法蘭西

三、一一七

五、五七八

二、四六一

德意志

二八三、〇〇四

四〇〇、〇八六

一一、七八二

希臘

八、一〇四

一四、〇九〇

五、九八六

意大利

一七八、三六七

一三〇、六二二

五二、二四七

奈渣蘭

二、二八四

三、九九八

一、七一四

那 威	一七、四八四	二四、四六一	六、九七七
葡 萄 牙	五、三〇七	九、三一七	四、〇一〇
羅馬尼亞	七、一九六	九、三一〇	二、一四四
俄國及芬蘭	一〇七、三四七	一三六、〇九三	二八、七四六
塞爾維亞及布加利亞	八五一	一、七六一	九一〇
西 班 牙	九七五	二、〇八〇	一、一〇五
瑞 典	三〇、八九四	四六、〇二八	一五、一三四
瑞 士	二、三四四	三、九八三	一、六三九
歐洲土耳其	一八七	一、五二九	一、三四二
英 倫	一三、五七五	二六、二一九	一二、六四四
愛 爾 蘭	二九、一三八	三五、三一〇	六、一七二
蘇 格 蘭	二、五六〇	六、一四三	三、五八三

威爾斯	七六三	一、二七五	五二二
中國	一、六四九	二、三〇九	五六〇
日本	一四、二七〇	一九、九六八	五、六九八
亞細亞土耳其	六、二二三	七、一一八	八九五
澳洲及紐西侖	三八四	一、一五〇	七六六
英屬加拿大	六三六	一、〇五八	四二二
南亞美利加	三三七	五八九	二五二
西印度諸島	四、七一	八、一七〇	三、四九九

(附注)右表所列。連美國屬地在內。即如中國條下。包含往檀香山及菲律賓者。日本條下。則往檀香山者居大半也。然惟此兩國惟然耳。自餘諸國人。皆往美國本境。其往屬地者不及百之一也。

更舉最近二十五年間移民之統計。則

一九〇三年 八五七、〇四六人
 一九〇二年 六四八、七四三
 一九〇一年 四八七、九一八
 一九〇〇年 四四八、五七二
 一八九九年 三一七、七一五
 一八九八年 二二九、二九九
 一八九七年 一三〇、八三二
 一八九六年 三四三、二六七
 一八九五年 二七九、九四八
 一八九四年 三二四、四六七
 一八九三年 五〇二、九一三
 一八九二年 六二三、〇八四

一八九〇年 四五五、三〇二人
 一八八九年 四四四、四二七
 一八八八年 五四六、八八九
 一八八七年 四九〇、一〇九
 一八八六年 三三四、二〇三
 一八八五年 三九六、三四六
 一八八四年 五一八、五九二
 一八八三年 六〇三、三二二
 一八八二年 七八八、九九二
 一八八一年 六六九、四三一
 一八八〇年 四五七、二五七
 一八七九年 一七七、八二六

一八九一年 五六〇三一九 一 一八七八年 一三八四六九

(附注)右表所列以今年(即一九〇三年)爲最高額。而一八八二年次之。去年(即一九〇二年)及一八八一年一八九二年復次之。一八八五年何以銳減。則初禁華工之結果也。一八九四年以後何以復銳減。則再禁華工之結果也。由此觀之。知前二十年移民之數。中國人占一大部分也。至近一兩年之增加。則全屬歐洲人矣。觀前表自明。

由此觀之。僅以二十五年間。而外國人之入美者。總數凡一千一百八十餘萬。居美國人口七分之一有奇矣。而其勢且滔滔橫流。未知所屆。稽其國別。則意大利人及奧匈人最多。在昨年各十七萬餘。在今年各二十萬餘。居全數之半。次則俄羅斯人。去年十萬餘。今年十三萬餘。合三國計之。幾居全數三之二。稽其種別。則拉丁民族居八分之三有奇。斯拉夫民族居八分之二有奇。其餘東方民族及難晰別之民族。居八分之二有奇。而條頓民族則僅八分之一也。且其國別種別之遞嬗。愈近而愈

北歐日
少南歐
日多

條頓民
族衰退
之消息

變。當十年前。卽一八九三年。德國人之來者七萬八千餘人。去年則減至二萬八千餘人。十年前。愛爾蘭人之來者四萬三千餘人。去年則減至二萬九千餘人。若意大利。則十年前來者僅七萬二千餘耳。而去年乃增至十七萬。今年乃增至二十三萬。此實北歐移住者日以少。南歐移住者日以多之明證也。若是者爲美國之利乎。將爲美國之害乎。吾不能無疑。

美國當千八百年。只有五百三十萬人。至千九百年。驟增至七千六百三十五萬人。百年之間。增十五倍。何以得此。曰惟受海外移民之賜。美國前此以歡迎移民爲國是也。無足怪者。雖然。以今日大勢所趨。恐數十年以後。美國將不爲條頓人之國土。而變爲拉丁人及他種人之國土。此其機不徒在移民之突進而已。其原住之舊民。婚姻愈遲而產子愈少。其入籍之新民。婚姻愈早而產子愈多。苟率此不變。吾恐不及百年。而前此殖民時代獨立時代高貴民族之苗裔將屏息於一隅矣。吾所以代美國抱杞憂者莫亟於是。而美之政論家。若矚然不以爲意焉。是則下走所不解也。

美國人以平等博愛之理想自誇耀者也。故其對於他民族。妒嫉之念頗淡。（除中國民族不計）是其可敬佩者也。但以吾觀之。美國立國之元氣何在。亦曰條頓民族之特質而已。使政治上社會上種種權利。全移於條頓以外諸民族之手。則美國猶能爲今日之美國乎。吾所不敢知也。昔北歐蠻族南下。而羅馬之文物以亡。自今以往。美國若有潰虞。其必自此焉矣。

羅馬之
覆轍可
憂
同化力
不足恃

美國自恃其同化力之強。謂能吸集種種異族。使從同於美。故雖龐雜不爲害。斯固然也。雖然。吾見其同化力之速率。不能與外加驟進之力相應也。昔日本人謂中國人最不肯同化。無論至何地。必自成所謂支那村支那町者。今吾觀於美。則豈惟中國人而已。即紐約市中。若者爲意大利村意大利町。若者爲猶太村猶太町。若者爲俄羅斯村俄羅斯町。雖以吾輩初旅行者。猶一望而知其區別。然則所謂同化力者。其亦僅矣。其亦緩矣。

以吾所見。則外來之民。其影響於美國之道德上政治上者甚多。

其道德上之影響奈何。外來之民。固非無大學問家大政治家大宗教家。足爲美國前途之光者。雖然。不過百中之一二耳。若其大多數。非無智無學之農民。則蕩檢敗行之醜類也。或其生計不能自存於本國。或其性行不能見容於本國。乃不得已。而以新大陸爲逋逃藪。據倫敦移民會報告書云。每歲由愛爾蘭移住美國者。其百分之七十四。爲罪滿出獄之囚徒。觀於此。不能不爲美人瞿然驚也。失業無賴之人。麇集既衆。於是酗酒姦淫殺人盜竊諸惡風。日浸淫於美國。終非宗教之制裁所能範圍。據千九百年統計。紐英倫四省之人口。其外來者居百分之四十。而犯罪之人數。外來者居百分之七十五。可以見其概矣。其他雖不悖於法律。而有害於風俗者尙多。據千九百年統計。則美國賣酒業中百分之六十三。釀酒業中百分之七十五。飲食店中百分之七十七。皆爲外來移民之所營業云。其於道德上之影響。必不少矣。其政治上之影響奈何。

一 (一) 外來者多酗酒。故務求所以利酒業。當投票選舉時。至生出所謂「酒家票」

者。馴至爲政治上之勢力。近世有「禁酒會選舉團」亦因防此弊而起也。

(二) 外來者多好淫。故摩門教利用之。摩門教起於美國中都。以一夫多妻爲教義。當選舉時。生出所

謂「摩門派投票」者。爲政治上之勢力。

(三) 外來者之大多數。屬天主教。故天主教投票爲政治上之勢力。

(四) 外來者多持偏激之社會主義。故社會黨投票爲政治上之勢力。

(五) 外來者多麇集於大都會。致使市政種種腐敗。危及地方自治之基礎。

(六) 外來者多不能同化於美國。各自用其國語。沿其國俗。於合衆國政治上。別

爲一團。若德意志人。意大利人。愛爾蘭人。其最甚也。故有所謂德意志投票意

大利投票。愛爾蘭投票者。各爲一特別之勢力。牢不可破。每當選舉時。其妨害

公安公益者實甚。

(七) 外來者以無智無學無德之故。實不能享有共和國國民之資格。以一國主權。

授諸此輩之手。或馴至墮落暴民政治。而國本以危。

歐洲移民與中國移民之利害比較

選舉權之重要

中國人失權利之由

共和政體一大缺點

由是觀之。則外來移民。其關係於美國前途者。遼乎遠哉。然此等種種惡影響。惟自歐洲來者實尸其咎。而自中國來者蓋甚稀焉。中國人之病美國者。不過勞傭價廉。與彼之下工相競耳。而所競者。又僅在太平洋岸之一小部分。而非若彼等之蔓延及於全國也。然則爲美國計。中國移民。不過疥癬之患。而歐洲移民。實心腹之憂也。乃彼中政治家。顧厄我而驕彼者何哉。彼有選舉權而我無之耳。美國政治家。他無所懼。而最懼工黨。蓋一失工黨之歡。而位遂不可保也。準是以談。則美國人對於此問題之理由。可以見矣。夫孰不知其爲國家將來一大患。其奈國中選舉票之半數。皆已在外來新入籍者之手。一倡異議。則萬戈向之。彼十年前固嘗有議禁意大利人者矣。乃不旋踵而噤若寒蟬焉。則國中有二百餘萬意大利人之投票以盾其後也。使我華人在美者而有此權也。今此下民。或敢侮予。噫。雖然。以媚衆取寵之故。而置最大問題於不顧。則與專制國諱言朝廷闕失者何擇焉。此亦共和政體一大缺點也歟。

(十二)

美國外來移住民之中。其勢力最大者。則猶太人也。聞美國之銀行業。猶太人居十之三四。其銀行職員。猶太人居十之五六云。

布埒委街者。紐約第一大街也。大商店凡數千家。屬於猶太人者十而六七。吾中國則僅一家而已。

紐約市政之權。一惟猶太人所左右。他無足與抗者。其他大市。亦大率類是。

猶太人何以能若是。則以其團結力之大。爲他種人所莫能及也。聞之彼族有一公會。其組織規制甚秘密。外人莫得聞。凡一猶太人來美國者。公會量其才而貸以資本。使營商業。獲利則稅其若干以復於公會。折閱則再貸之。復折閱則三貸之。貸之三而猶不能自立。乃不復矣。此所以相扶相導。而全世界之商業。日入彼掌握也。故紐約市中二十餘萬之猶太人。其從事於下等勞働職業者甚希。而小商店營業。不計其數。

猶太人
之大勢
力

猶太人
左右紐
約市政
之團結
力

余初到紐約時。適遇俄羅斯殺掠猶太人事件。紐約各報。日攻擊之。描寫其慘狀。不遺餘力。其實此次被殺傷者。合計不滿四百人。以視拳匪之役。俄人在黑龍江畔。一日而殺華人七千。其相去亦遠矣。而全球報紙。其肯爲我實力訟冤者有幾耶。彼曷爲爾爾。則以紐約者。猶太人之紐約也。動紐約則動全美國。動美國則動全世界。而俄人虐殺事件。遂招天下公憤。於此見中國人之生命。賤於猶太人遠矣。此役也。紐約市捐救濟金千餘萬。全美國合捐二千餘萬。紐約之華人亦有助者。聞美國猶太公會。建議欲盡迎旅俄之同胞至新大陸云。

近世猶太人最有名者。如英國前大宰相侯爵的士黎里。爲保守黨魁。與格蘭斯頓爭政權數十年。其最著也。既今紐約市中。若西士弗氏。爲紐約財界之雄。每年捐助教育事業。常在萬金以上。若士特拉夫氏。兩任土耳其公使。爲美國第一等外交家。若立溫德列氏。現任紐約高等法院長。爲法律名家。自餘類此者。不可枚舉。紐約「每月叢報」。嘗彙舉現世界重要人物屬於猶太族者。凡四十八人。各國皆有揭其小傳。

及其肖像。

嗚呼。以數千年久亡之國。而猶能巋然團成一族。以立於世界上。且占其一部分之大勢力焉。則其民族之特色之實力。必有甚強者矣。不然。彼巴比倫人。腓尼西亞人。今何在也。卽希臘人。羅馬人。其今昔之感。又復何如也。吾中國今猶號稱有國也。而試問一出國門。外人之所以相待者。視猶太爲何如。而我國人之日相軋轢相殘殺。同舟而胡越。闔室而戈矛者。視今之猶太人。又何其相反耶。吾黨猶囂囂然曰中國將爲猶太將爲猶太。嗚呼。其亦不慚也已矣。

猶太人
之惡德

中國何
敢望猶
太

猶太人之趨利若鶩。視錢如命。詐僞貪鄙。此盡人所同知也。故西國通用語。呼人之貪吝譎詐者曰「周」。周者。猶太字之原音也。吾嘗論猶太人對於本族有道德。對於本族以外無道德。雖然。凡道德者皆愛其類利其羣之謂耳。又豈獨猶太哉。猶太人之不潔。與中國相類。紐約唐人街與猶太街接壤。其穢湫不相上下。

從內地來者。至香港上海。眼界輒一變。內地陋矣。不足道矣。至日本。眼界又一變。香港上海陋矣。不足道矣。渡海至太平洋沿岸。眼界又一變。日本陋矣。不足道矣。更橫大陸至美國東方。眼界又一變。太平洋沿岸諸都會陋矣。不足道矣。此殆凡游歷者所同知也。至紐約觀止也未。

吾聞日本游歷家皆曰。先至美國。後至歐洲者。無不驚歐洲之局促頑舊。先至歐洲。後至美國者。無不驚美國之囂塵雜亂。吾未至歐洲。吾不能言之。

吾在紐約無餘日以從事游覽。若政治上生計上社會上種種觀察。百不得一。固不待論。卽風景亦所見絕稀。吾深負紐約也。初到時。有拉雜筆記百數十條。記瑣見瑣聞。及游歷。徧覆視之。覺其全屬遼東豕。故概淘汰不編入。惟略存十數條如下。

野蠻人住地底。半開人住地面。文明人住地頂。住地面者尋常一兩層之屋宅是也。住地底者孟子所謂下者爲營窟。古之五祀。有中霤。穴地爲屋。鑿漏其上以透光。雨則溜下也。今吾國秦晉豫之間。猶有是風。北京之屋。亦往往有入門下數石

級者。猶近於地底矣。紐約之屋。則十層至二十層者數見不鮮。其最高者乃至三十三層。眞所謂地頂矣。然美國大都會通常之家屋。皆有地窖一二層。則又以頂而兼底也。

紐約觸目皆鷓籠。其房屋也。觸目皆蛛網。其電線也。觸目皆百足之蟲。其市街電車也。

紐約之中央公園。從第七十一街起至第一百二十三街止。其面積與上海英法租界略相埒。而每當休暇之日。猶復車轂擊人肩摩。其地在全市之中央。若改爲市場。所售地價。可三四倍於中國政府之歲入。以中國人之眼觀之。必曰棄金錢於無用之地。可惜可惜。

紐約全市公園之面積。共七千方噏架。爲全世界諸市公園地之最多者。次則倫敦。共六千五百方噏架。

論市政者。皆言太繁盛之市。若無相當之公園。則於衛生上於道德上皆有大害。

公園

鷓籠
蛛網
百足
之蟲

公園與
衛生及

吾至紐約而信。一日不到公園。則精神昏濁。理想污下。

街上車。空中車。隧道車。馬車。自駕電車。自由車。終日殷殷於頂上。砰砰於足下。麟麟於左。彭彭於右。隆隆於前。丁丁於後。神氣爲昏。魂膽爲搖。

人言久住紐約者。其眼必較尋常人爲快。苟不爾者。則當過十字街時。可以呆立終日。一步不敢行。

紐約之最大旅館。其上等房位。每日百五十元。合墨西哥銀三百餘元房中陳設。皆法前王

路易第十四宮中物云。李文忠游美時住此館。但僅住二等房位耳。每日七十五元。其參隨輩皆住三四等以下云。以中國第一等地位之人。而作紐約第二等客。一笑。

格蘭德之墓。亦紐約一游燕處也。格蘭德罷任總統後。貧不能自存。無有恤之者。及其死也。以數兆金營其墓。可稱咄咄怪事。聞賤丈夫欲罔利者。營此別業。吸引裾屐。因使其附近地價。可以驟漲云。茲事雖小。亦可見薄俗之一斑也。墓臨河。風

自由島

景絕美。士女雲萃。過於公園。合肥手植一樹於墓門。泐數言焉。行人咸目之。

自由島者。在紐約海口中央。豎一自由女神像。法國人所贈也。美人寶之。登之有瀟灑出塵之想。

耶埃崙在布碌崙之西。由紐約乘電車半點鐘可達。避暑之地也。游者以夜。余嘗一游。未至里許。已見滿天雲錦。蓋電燈總在數千萬盞以上也。層樓傑閣。皆綴華燈。遙望疑爲玻璃世界。中有一園。名狂笑園者。人以洋一角售券入園。園中諸陳設玩區。有普通者。有特別者。特別者零買券乃能入觀。其券賤者半角。最貴者亦不過兩角半。然欲徧觀之。每人須費二十三元有奇。自餘如狂笑園而稍小者。尙數十區。欲徧游非三四日不能。然至者率皆中下等社會及兒童耳。

(十四)

天下最繁盛者宜莫如紐約。天下最黑闇者殆亦莫如紐約。吾請略語黑闇之紐約。排黃熱者流。最詆華人不潔。以吾所見之紐約。則華人尙非不潔者。其意大利人猶

數千萬
枝之電
燈

黑闇之
紐約

大人所居之數街。當暑時。老嫗少婦。童男幼女。各攜一几。箕踞戶外。街爲之塞。衣服襤褸。狀貌猥瑣。其地電車不通。馬車亦罕至也。顧游客恆一到以觀其風。以外觀論。其所居固重樓疊閣也。然一座樓中。僦居者數十家。其不透光不透空氣者過半。然煤燈晝夜不息。入其門穢臭之氣撲鼻。大抵紐約全市作此等生活者殆二十三萬人。

据一八八八年之統計。紐約之赫士達及摩比利兩街。

大半屬意大利人所居。德國人中國人猶太人亦間有。

其人口死亡之比例。每千人中至三十五人有奇。其五歲以下之小兒死亡者。每千人中至百三十九人有奇。較之紐約全市普通統計。每千人實應死亡二十六人有奇耳。其貧民生活之艱難。可以想見。此等率皆由住宅缺空氣缺光線所致云。

又一統計家言。全紐約賃人合居之房屋。凡三萬七千間。住於其中者百二十萬餘人云。

此等住居。非特有妨於衛生也。且有害於道德。又據統計家言。紐約某街有一樓。居

財產分配之太懸絕

慈善事業及其效果

者四百八十三人。而一年之間。犯罪者百有二人。其影響亦大矣。

杜詩云。朱門酒肉臭。路有凍死骨。榮枯咫尺異。惆悵難再述。吾於紐約親見之矣。據社會主義家所統計。美國全國之總財產。其十分之七。屬於彼二十萬之富人所有。其十分之三。屬於此七千九百八十萬之貧民所有。故美國之富人則誠富矣。而所謂富族階級。不過居總人口四百分之一。譬之有百金於此。四百人分之。其人得七十元。所餘三十元。以分諸三百九十九人。每人不能滿一角。但七分有奇耳。豈不異哉。豈不異哉。此等現象。凡各文明國罔不如是。而大都會爲尤甚。紐約倫敦其最著者也。財產分配之不均。至於此極。吾觀於紐約之貧民窟。而深嘆社會主義之萬不可以已也。

此等情形。既日日劘心怵目。於是慈善事業起焉。據統計表。則紐約既有之慈善事業。凡千二百八十八所。其類別如下。

公立

二十八

臨時救助

八十三

以人爲
機器且
爲機器
之奴隸

特別救助

五十一

救助外國人

二十六

常川救助

六十七

醫院

百〇一

救助廢疾

十六

改良事業

十六

傳道會附屬救助

四十九

相互救助

七十八

教會附屬救助

五百九十

雜類

百八十三

現在紐約全市。每年慈善事業所費。亦恆在千萬元以上云。雖然。慈善果遂足以救此敝乎。慈善事業易導人於懶惰。而生其依賴心。滅其廉恥心者也。此所以此等事業雖日興。而貧民窟之現狀亦日益加甚也。觀於此而知社會之一大革命。其終不免矣。

觀各公司之製造工場。更令人生無窮之感。近世之文明國。皆以人爲機器。且以人爲機器之奴隸者也。以分業之至精至纖。凡工人之在工場者。可以數十年立定於尺許之地而寸步不移。其所執之業。或寸許之金。或寸許之木。磨礱焉。控送焉。此寸

智者愈
智愚者
愈愚

大勢滔
滔返於
專制

女權不
過表面
上一佳
話

金寸木以外。他非所知。非所聞也。如製針工。磨尖者不知穿鼻之事。穿鼻者不知磨尖之事。而針以外之他工無論矣。而工以外之他事業。他理想更無論矣。以是之故。非徒富者愈富。貧者愈貧而已。抑且智者愈智。愚者愈愚。如彼摩爾根洛奇佛拉之徒。以區區方寸之腦。指揮數千兆金之事業。支配數十百萬之職員。歷練日多。才畧日出。而彼受指揮受支配之人。其智識乃不出於寸金寸木。嗚呼。何其與平等之理想太相遠耶。此固由天才之使然。然亦人事有以制之。準是以談。則教育普及之一語。猶空言耳。嗚呼。天下之大勢。竟滔滔日返於專制。吾觀紐約諸工場而感慨不能自禁也。

紐約省統計對於男子一人而有女子六七人之比例。聞由近日東方之民。謀食於太平洋岸一帶及大北鐵路一帶者日多。而其細弱則仍居東部。故懸絕至此甚云。此事於道德上影響亦不少。美國號稱最尊女權。然亦表面上一佳話耳。實則紐約之婦女。其尊嚴嬌貴者固十之一。其窮苦下賤者乃十之九。嬌貴者遠非中國千金

閨秀之所得望。下賤者亦視中國之小家碧玉寒苦倍蓰焉。以文明之地。結婚既難。而女性復多於男性數倍。故怨曠之聲。洋洋盈耳。以華人之業賤工者。而中下等之西女。猶爭願嫁之。則其情形略可想矣。此摩門教所以歲月侵入。而賣淫業者之數。殆逾三萬。其號稱良家而有桑濮之行者。且徧地皆是也。此亦紐約黑闇之一大端也。

(十五)

廿九日紐約社會主義叢報總撰述哈利遜氏來訪。余在美洲。社會黨員來謁者凡四次。一在域多利。一在紐約。一在氣連拿。一在碧架雪地。其來意皆甚殷殷。大率相勸以中國若行改革。必須從社會主義著手云云。余謝以進步有等級。不能一蹴而幾。彼等皆云均之改革也。均之與舊社會之現狀戰也。均之艱難也。大改革所費之力。與小改革所費之力。相去不相上下。毋寧逕取其大者焉。所謂獅子搏兔與搏虎之喻也。余以其太不達於中國之內情。不能與之深辯。但多詢其黨中條理及現勢

社會主義與中國

社會主義者一種之迷信也

而已。大抵極端之社會主義。微特今日之中國不可行。即歐美亦不可行。行之其流弊將不可勝言。若近來所謂國家社會主義者。其思想日趨於健全。中國可採用者甚多。且行之亦有較歐美更易者。蓋國家社會主義。以極專制之組織。行極平等之精神。於中國歷史上性質。頗有奇異之契合也。以土地盡歸於國家。其說雖萬不可行。若夫各種大事業。如鐵路礦務各種製造之類。其大部分歸於國有。若中國有人。則辦此真較易於歐美。特惜今日言之。非其時耳。社會主義爲今日全世界一最大問題。吾將別著論研究之。

吾所見社會主義黨員。其熱誠苦心。真有令人起敬者。墨子所謂強聒不舍。庶乎近之矣。其於麥克士德國人之著書。崇拜之。信奉之。如耶穌教人之崇信新舊約然。其汲汲謀所以播殖其主義。亦與彼傳教者相類。蓋社會主義者一種之迷信也。天下惟迷信力爲最強。社會主義之蔓延於全世界也亦宜。

哈利遜爲余言。現在全地球社會黨之投票權。合各國計之。已共有九百餘萬。而近

社會主義之實力

訪「商界之拿破命」摩爾根氏

一兩年來。其黨員以幾何級數增加。不及十年將爲全地球政治界第一大勢力云。此其言雖不無太過。然其盛大之情況。固在意計中也。近來國際社會黨最發達。此亦人類統一之一徵兆。哈氏言日本人入黨者已有九百餘人。而中國尙無一。以余所聞在美洲有余君表進者。社會主義黨員之一人也。余君親爲余言之。特未能爲該黨有所盡力耳。想曾入其黨者尙不止此數。哈氏或未確知耳。哈氏極欲與吾黨聯絡拓殖此主義於我國。且欲得內地或海外之華文報數家爲其機關報。余以中國人現在之程度未足語於是。婉謝之。期以異日而已。哈氏以其黨之主義綱領等小冊子及其叢報凡數十冊見贈。余深謝之。

是日下午往訪摩爾根。摩爾根者。世所稱托辣斯大王。又稱現今生計界之拿破命者也。余本無事與彼交涉。特以全美國最大魔力之人。以好奇心欲一見之耳。彼生平未嘗往訪人。惟待客之來訪。雖以大統領及國務大臣。或關於一國財政上求助於彼。亦惟就諮之。不敢望其枉駕也。又聞彼之會客。以一分鐘至五分鐘爲度。雖絕大之問題。只以此最短短時刻決斷之。而曾無失誤。其精力真千古無兩。余於前兩日

摩爾根
之贈言

以書道來意。求五分鐘之晤談。且約期。至是詣彼窩爾街之事務室訪之。則應接所之客數十。以次引見。真未有過五分鐘以外者。余本無所求。且不欲耗彼貴重之時刻。故入談僅三分餘鐘而畢。彼贈余一言云。凡事業之求成。全在未著手開辦以前。一開辦而成敗之局已決定。不可復變矣。云云。此語殆可爲彼一生成功之不二法門。余深佩之。

摩爾根
略傳

摩爾根。美國干捏底吉省人。累代皆爲美名族。父擁大資本。在波士頓創一摩爾根銀行。握大西洋兩岸金融之權者數十年。摩氏雖藉父業起家。然自少年即富於自立之性。大學卒業後。二十一歲即入紐約之丹康查門銀行。從事實務之練習。自南北戰爭以後。美國產業勃興。而全國中各事業。其資本在數百萬圓以上者。殆無一不與摩氏有關係。及一八八二年以後。美國托辣斯漸興。野心家從事此業者踵相接。而真能成就者不過十之一二。其餘則屢起屢仆。大牽動生計界。惹起舉國物議。於是天然淘汰。優勝劣敗。其成功全歸摩氏之手。計今摩氏所倡

辦。及與彼有關係之托辣斯公司等。凡三百六十餘家。全美國總資本之半額歸彼一人支配之下。其最大者。(一)鐵路大托辣斯。以千九百年成立。凡合併十一大公司。全美國最大之幹線。皆被網羅。其線路合計四萬三千三百餘英里。足以繞地球四周而有餘。其資本爲美金十萬萬零五千四百餘萬。當中國政府二十年之歲入。(二)鋼鐵大托辣斯。以千九百一年成立。凡合併八大公司。其資本爲美金十一萬萬零四千五百萬。部下職員凡二十五萬有奇。(三)輪船大托辣斯。以千九百二年成立。凡合併八大公司。有船百十八艘。八十八萬一千五百六十二噸。英美德三國在大西洋航路之船。一網而盡。嘻。偉矣。當摩氏之謀設鋼鐵托辣斯也。鋼鐵大王卡匿奇不欲。乃摩氏僅一席話。而卡氏遂帖然奔走。三月事遂大定。其謀設輪船托辣斯也。欲握大西洋航權。使新舊兩大陸交通機關。入於其手也。黎倫輪船公司者。英國最大最久之公司。其船來往大西洋者二十九萬三千餘噸。英國百餘年來所以左右海權者。實惟此公司是賴。摩氏之初至英也。英

全世界
之原動力

並世兩
人傑

紐約華
人及其
生計

人聞其有建輪船托辣斯之議。目笑存之。乃亦不及數月。竟戢戢以就範圍。於是全歐人始駭汗相驚。曰美國禍。曰美國襲來。曰美國統一世界。若此者謂其原動力在摩氏一人可也。舉世錫彼徽號曰商界之拿破侖。誠哉其拿破侖也。摩氏至德國。德皇維廉第二出其御船迎之。與之同游宴者三日。退而語人曰。吾見當世英雄。惟有一人。曰摩爾根。摩氏亦語皇云。使陛下而生於美國。憑藉此大舞臺。以演陛下之大手段。其鴻圖當更有不可思議者。嗚呼。使君與操。真並世之兩人傑哉。其目無餘子也固宜。抑一十世紀以後之天地。由武力時代。變為實業時代。然則今日再有一武力之拿破侖。亦終不免在劣敗之數。而有一實業之拿破侖。其并吞囊括之大業。誰又能測其所終極耶。

(十六)

紐約全省之華人。約二萬。其在紐約市及布碌侖與紐約相連今合為一自治團體者萬五千。大率業洗衣工者最多。雜碎館者次之。廚工及西人家雜工又次之。其餘商人。則皆恃工

以爲生。商店大小亦有數百家。自成一所謂唐人埠者。每來復。唐人埠街衢爲塞。蓋工人休暇。皆來集也。餘日則頗冷淡。吾儕在東方諸市演說。惟來復日聽衆闐塞。餘日則至者不及半數。

雜碎館自李合肥游美後始發生。前此西人足跡不履唐人埠。自合肥至後一到游歷。此後來者如鯽。西人好奇家欲知中國人生活之程度。未能至亞洲。則必到紐約唐人埠一觀焉。合肥在美思中國飲食。屬唐人埠之酒食店進饌數次。西人問其名。華人難於具對。統名之曰雜碎。自此雜碎之名大噪。僅紐約一隅。雜碎館三四百家。徧於全市。此外東方各埠。如費爾特費波士頓華盛頓芝加高必珠卜諸埠稱是全美國華人衣食於是者凡三千餘人。每歲此業所入可數百萬。蔚爲大國矣。

中國食品本美。而偶以合肥之名噪之。故舉國嗜此若狂。凡雜碎館之食單。莫不大書「李鴻章雜碎」「李鴻章麵」「李鴻章飯」等名。因西人崇拜英雄性及好奇性。遂產出此物。李鴻章功德之在粵民者。當惟此爲最矣。然其所謂雜碎者烹飪殊劣。中

國人從無就食者。

西人嗜
用華醫

西人性質有大奇不可解者。如嗜雜碎其一端也。其尤奇者莫如嗜用華醫。華醫在美洲起家至十餘萬以上者。前後殆百數十人。現諸大市殆無不有著名之華醫二三焉。余前在澳洲見有所謂安利醫生者。本不識一字。以挑菜爲生。貧不能自存。年三十餘。始以醫誑西人。後竟致富三百餘萬。及至美洲。其類此者數見不鮮。所用皆中國草藥。以值百數十錢之藥品。售價至一金或十金不等。而其門如市。應接不暇。咄咄怪事。

西例凡業醫者必須得政府之許可。然在美國得之並不難。各醫家皆自稱在中國某學校卒業之醫學士醫學博士等。蓋美國賄賂風盛行。有錢則萬事俱辦也。自此點觀察之。則不如日本遠甚。日本唐人埠之醫生。無一能得免許狀者。

紐約者全世界第一大市場。商業家最可用武之地也。中國至微至賤之貨物如爆竹如葵扇如草席。每歲銷數皆各值美金數百萬。大者無論矣。然大率由美國人手

中國商
業之慚
色

經辦。中國人自辦者寥寥。統計紐約全市。其與西人貿易之商店。僅兩家而已。中國人對外競爭之無力。卽此可見。謂中國人富於商務之天才者。亦誣甚矣。紐約及東部一帶之華人。有眷屬者頗稀。不如西部之多。蓋道遠往來難之所致歟。以此之故。華童在學校者亦甚少。約計不盈百人。哥倫比亞大學。美國大學中之第一流也。吾中國學生一人。曰嚴君錦鎔。北洋大學堂官費所派遣者。學政治法律。明年可以卒業。

由紐約至哈佛波士頓

(十七)

四月晦。由紐約至哈佛。哈佛者。干捏底吉省之都會。而東部著名之市府也。居紐約將匝月。日爲電車。瀛車。馬車之所鞿鞞。神氣昏濁。腦筋脊亂。一到哈佛。如入桃源。一種靜穆之氣。使人愴然意遠。全市貫以一淺川。兩岸嘉木競蔭。芳草如簣。居此一日。心目爲之開爽。志氣爲之清明。

全市華人不過百餘。而愛國熱心不讓他埠。舉皆維新會中人也。時容純甫先生閱隱居此市。余至後一入旅館。卽往謁焉。先生今年七十六。而矍鑠猶昔。舍憂國外無他思想。無他事業也。余造謁兩時許。先生所以教督之勸勉之者良厚。策國家之將來。示黨論之方針。條理秩然。使人欽佩。

翌日鄉人請余演說。容先生亦至。

哈佛者中國初次所派出洋學生留學地也。於吾國亦一小小紀念。容先生導余游其高等學校。實全美國最良之高等學校云。余行後三月康同璧女士來留學斯校其校長出二十年。前校中記事錄。言及中國學生者見示。余爲歎歎久之。

中國初次出洋學生。除歸國者外。其餘尙留美者約十人。余皆盡見之。舍歎息之外。更無他言。內惟一鄭蘭生者。於工學心得甚多。有名於紐約。真成就者此一人矣。然不復能爲中國用。以美國數百萬學者中。多此一人。何補於美國。其次則容駉。現在我公使爲頭等翻譯。篤誠君子。文學甚優。亦一才也。吾深望其將來有所効於祖國。

耶路大
學中國
學生之
名譽

白種人
哈然變
色

耶路大
學擬設
分校於
中國

自餘或在領事署爲譯員。或在銀行爲買辦。等諸自鄙矣。人人皆有一西婦。此亦與愛國心不相容之一原因也。一歎。

市中有一室。昔爲留學生寄宿舍者。中國政府所購置也。數年前始售去。其一匾額落雜貨肆中。鄉人以數金易歸。免將來入博物院增一國恥而已。

由紐約至哈佛。道經紐海文。實耶路大學所在地也。耶路爲美國最著名之大學。吾國學生亦有二人在焉。曰陳君錦濤。曰王君寵佑。曰張君煜全。皆北洋大學堂官費生也。吾自初卽發心往參觀此校。然迫於時日。所至各地。皆有期約。竟不能下車。以爲遺憾。今年夏季卒業。其法律科。王君裒然爲舉首。受卒業證書時。王君代表全校四千餘人致答詞。實祖國一名譽也。是次法律科第一名爲黃種人。第二名爲黑種人。第三名乃爲白種人。各報紙競紀之。謂從來未有之異數云。

聞耶路大學近擬開一分校於我上海。已有成議。或以明年秋冬間可開校云。果爾則爲吾國學者求學計。便益多矣。雖然。我輩當思彼美人者。果何愛於我。而汲汲焉。

乃不遠千里而來教我子弟耶。人才未始不可以養成。特不知能爲祖國用否耳。教育者何。國民教育之謂也。天下固未有甲國民而能教育乙國民者。不然。香港之皇仁書院。上海之聖約翰書院。其學科程度。雖不及耶路之高。然在中國固罕見矣。問其於我祖國前途作何影響耶。吾聞耶路開學之舉。喜與懼俱矣。

余在哈佛二宿卽行。五月二日至波士頓。

教育權
可假人
否

(十八)

波士頓者馬沙諸些省之首都。現今美國第五位之大都會。而自獨立以前素著名譽之市府也。人口五十六萬餘。華人約三千。美國東部中國維新會之開。以斯市爲最早。會成於己亥秋。至壬寅冬而大擴張。故吾黨與該市華人關係頗切密。旣至。諸同志迎於車站。留學生徐君建侯偕焉。歡迎一如紐約。是夕余爲中國國旗演說。及波士頓歷史之演說。聽者頗感動。

波士頓
之維新
會

共和政
治之發

波士頓者美國歷史上最有關係之地。而共和政治之發光點也。初英人之殖民於

美洲。在千六百二年。初有新英蘭勿爾吉尼諸地之公司。而其實行共和政體者。爲自今馬沙省所屬普利摩士一支之殖民始。余於五年前所爲飲冰室自由書有一條題爲「自由祖國之祖」者其文云

北亞美利加洲有一族之人民焉。距今二百七十餘年前。其族之先人百有一人。苦英苛政。相率辭本國。去而自竄於北美洲蓬艾藜蒿之地。櫛風沐雨。千辛萬苦。自立之端緒。稍萌芽焉。其初至之地曰苦利摩士。遺跡至今猶有存者。爾後有志之士。接踵而來。避秦而覓桃源者。所在皆是。積百有餘年。戶口漸繁。財政漸增。至千七百七十五年。旣瀰漫於十三洲之地。遂建義旗。脫英羈軌。八年苦戰。幸獲勝利。遂爲地球上第一大獨立國。卽今之美國是也。回憶一百有一之先人。於千六百年十二月二十二日。冽風陰雪中。舍舟登陸。繭足而立於大西洋岸石上之時。其胸中無限塊壘抑塞。其身體無限自由自在。其襟懷無限光明俊偉。殆所謂本來無一物者。而其一片獨立之精神。遂以胚胎孕育今日之新世界。天下事固

有種因在千百年以前。而結果在千百年以後者。今之人有欲頂禮華盛頓者乎。吾欲率之以膜拜此百有一人也。

吾夢想此境者有年。吾今乃得親履其地。撫其遺跡。余欣慰可知矣。菩利摩士距波士頓僅漚車五點餘鐘。余凌晨而往。觀所謂新世界石者。卽彼百有一人初至時登岸所立之地也。二百年來。美之愛國家及外來遊客至者。每槩鑿少許懷之而歸。以作紀念。原石損壞殆半。至是以鐵柵圍之。禁探折云。徐君建侯錫其名曰新世界石。本書所載之圖。卽徐君親自攝影見贈者也。一見第

新世界
石

初十七世紀之初元。英民以謀利目的。渡航美洲者漸夥。至其眞爲自由主義堅苦刻厲以行其志者。實始自此百有一人。百一人之首領爲勃黎福。實清教徒中之急進派也。當英王占士第一卽位。嚴壓新教勃黎福及其黨人。乃決計出奔異國。自行其是。千六百八年率其徒赴荷蘭。寄居數年。困甚。又慮其子弟久居異邦。失其國粹。時聞勿爾吉尼省之殖民公司爲清教會中所主持。始謀來美託庇同道。乃貸資於

勃黎福
創行共
和政之
畧史

波士頓
與美國
合衆自
立之關
係

其一

倫敦富商。期以七年償還。約定買巨艇盡族而行。千六百二十年。抵普利摩士。見其地饒沃宜種植。遂定居焉。不隸於勿爾吉尼。其始定制。通力合作。種植所得。悉存爲公積。而同人亦衣食於公家。無有私財。實行柏拉圖之共產主義。未幾故國人聞之。深相慕羨。來者日衆。見共產之制不可以久。乃議每夫劃田一畝爲私有。建築村邑。公議管理之法。首建議會。舉勃黎福爲伯里璽天德。小事由伯理璽處分。大事則公議公斷。凡成年者皆有會議權。至一六三八年。以居民分拓殖於各地。散處不能悉赴會。乃行代議制度。是普利摩士開闢之略史也。普利摩士初時自爲一省。後乃合併於馬沙。故美國共和政團。實托始於是。

美國人合衆自立之端緒。殆無一不發源於波士頓。當一六四三年。紅印度土人屢與殖民諸白人爲難。而英廷亦與清教會相持。於是始聯合馬沙諸些普利摩士干捏底吉紐海文四省。立一殖民總會。後普利合於馬沙紐海文合於干捏實今之二省而當時分四政府也實爲聯邦之濫觴。而其總會所在。波士頓也。一六六四年。英廷頒發航海條例。欲以限制殖民。

其二

遣使至新英蘭及馬沙諸省。而廷折其公使拒不納者。波士頓人也。一六八四年。英廷廢馬沙省之證書。美國諸殖民地皆受自治證書於英廷。或先傳證書而後來。或殖民漸就緒而後求得證書。特派一總督統

其三

轄新英蘭諸省。及一六八八年。馬沙人首立共和政府。復要求自治證書於英廷。其政府所在。則波士頓也。是年英王維廉第三遂給回證書於馬沙。當英法七年戰爭之役。法人大聯紅印

其四

度土人與英屬諸殖民省爲難。故諸省不能不會同拒敵。於是有亞爾拔尼。紐約省也。大會議。實爲聯邦進步之第二著。而其時之軍事會議。則在波士頓也。時華盛頓爲勿爾吉

其五

尼省之副將參與軍事會議於波士頓。自是華盛頓始著名。一七六五年。英廷創行印花稅。諸殖民地大憤。其首

發難相抵抗。使稅員懼而辭職。而印花稅得以暫廢者。則亦波士頓市民之爲之也。

一七六七年。英國戶部大臣湯欣厲行苛稅。設法六章。而特由英廷設一美洲總稅

務司於波士頓。其首倡臨時公議。抗此新法。令各稅務司皆懼而逃匿於炮臺者。亦

波士頓人也。一七七二年。居民與駐防兵首交鬩。爲軍事之先聲者。又波士頓人也。

其後湯氏新稅雖廢。而仍留茶稅一項。印度茶必經由英國。由英廷抽稅。乃許入美。

其七

其八

其九

其十

拋棄英
茶之港
口

一七七三年。英茶至波士頓。起岸候驗。居民聞之大譁。羣起奪取茶箱。盡投諸海港。此實爲美國人對於英廷宣戰之第一著。則亦波士頓之倡也。其年。英廷遣兵一小隊。以軍政治其地。而馬沙亦自設政府。募民兵。一七七五年。遂有奔勾丘之戰。其最初交綏之地。則波士頓也。其年五月。復開國會於費爾特費。舉華盛頓爲統帥。其第一次戰捷。挫英兵之銳氣者。則首圍波士頓而奪據之也。由此論之。謂波士頓爲美國合衆自立之母。誰曰不宜。

余在波士頓九日。每以半日與國人演說談論。以半日訪尋其歷史上遺跡。手美國史一部。波士頓名勝記一部。地圖一紙。按圖而索之。初四日往觀拋棄英茶之港口。則今爲一大街最繁盛之區矣。街角牆上嵌一銅碑。銘曰「一七七四年拋棄英茶處」下復紀其事略。蓋當時有市民七人。塗面易服。爲紅印度人之裝束。夜襲英船。取其茶數十箱。投諸海云。斯事與林文忠在廣東焚燬英人鴉片絕相類。而美國以此役得十三省之獨立。而吾中國以彼役啓五口之通商。則豈事之有幸有不幸耶。

毋亦國民實力強弱懸絕之爲之也。余徘徊久之。得一絕句。

雀舌謂入海鷹起陸。美國以鷹爲徽章。銅表摩挲一美談。猛憶故鄉百年恨。鴉烟烟滿白

鵝潭。

同日遊奔勾山。至則僅一小丘耳。一七七五年四月。馬沙民兵圍波士頓。與英駐防兵初交綏。卽在此地。今有一華表。一民兵首領戰死者之銅像。華表之守護人導余徧遊全丘。逐一指點曰。某處者某兵官所立廢令之地也。某處者某兵官戰死之區也。是役也。英兵死傷千五百。美人僅四百云。余憑弔感慨。不能自禁。成一詩云。

昔遊東臺岡。日本勤王師戰勝處。卽今東京上野公園是也。今上奔勾丘。渺茲一蕘土。長留萬人謳。生命

固所愛。不以易自由。國殤鬼亦雄。奴顏生逾羞。當其奮起時。磊落寧他求。公義之所在。赴之無夷猶。一射百決拾。往折來軫適。大業指揮定。嘖嘖凝萬眸。謂是實天幸。人謀與鬼謀。謂是某英雄。隻手迴橫流。豈識潛勢力。乃在丘民丘。千里河出伏。奔海不能休。三年隼不鳴。一擊天地秋。穫實雖今日。播種良遠繇。固知無實力。不

華盛頓
點兵處

華盛頓
奪英堡
寨處

獨立前
之禮拜
堂

世界最
古之市
立圖書
館

足語大猷。卽今百年後。兵銷日月浮。鋪錦作山河。琢玉爲層樓。周文與殷質。國粹兩不仇。入市觀市民。道力尙無儔。清明嚴肅氣。凜凜凌五洲。波士頓風俗之美至今猶爲美國冠益信樹人學。收效遠且遒。仰首嘯鴻濛。回首睨神州。先民不可見。懷古信悠悠。

翌日遊公園。有一樹爲華盛頓初次點兵處。原樹已槁。今所見其補植者也。

隨遊道前斯達嶺。前此英兵所屯。華盛頓奪據之。以臨波士頓。遂獲全勝者也。有石碑示華盛頓所立處。

同日遊一禮拜堂。乃獨立前清教會之所建者。規模甚局小。體製甚古樸。實獨立時民黨屢次集議之地云。今不復在此講道。惟以當一博物院而已。其中所陳歷史上紀念物甚多。不能備述。

(十九)

初六日往觀市立圖書館。設圖書館以保存古籍者。自十六世紀時日耳曼人已行之。至以此爲公共教育之機關。實自茲館始云。千八百四十七年。波士頓市長乾士

氏議徵市稅。以設市立圖書館。議會許之。卽爲此館之嚆矢。越二年。英國仿其例。由議會提款以充茲事之用。千八百五十四年。英之門治斯達利物浦二市始有圖書館。實波士頓以後第一次繼起者也。以千八百九十六年之調查。則全美國中藏書三千卷以上之圖書館。凡六百二十六處云。本館所藏書凡八萬冊。其前後建築費合計美金二百六十五萬元。除總館之外。其分布於市中者。尙有分館十所。借書處十七所云。此皆館長爲余所言者。彼斷斷然以此爲波士頓市對於全世界之名譽也。

世界最
古之報
館

同日往觀「波士頓報」館。史家或亦以此爲世界最古之報館云。考新聞紙之起源。或云當中世之末。意大利之俾尼士已有之。由政府發行。每月一冊。用手寫。非印刷也。其在英國。則千五百八十年。額里查白女皇與西班牙交戰之時。政府亦曾發一新聞紙。出版無定期。至占士第一時。始有禮拜報。實則英國每日新聞。實自千七百九年始。而此「波士頓報」則濫觴於千七百四年。然則謂此報爲報界之祖。殆無不

可。距今逾二百年。已不知幾易主。而其規模之宏大。亦不可思議。余往觀經三點鐘。乃畢。內容繁賾。倦於筆記矣。觀畢後館主請留一相。余每至一市。諸報館訪事皆來照相。此次又特別留記者也。

報館愈古者則愈有價值。蓋泰西之報館。一史局也。其編輯文庫所藏記事稿。無慮百千萬億通。所藏名人相及名勝圖畫。無慮百千萬億襲。分年排比。分類排比。吾嘗遊大新聞報館數家。其最足令吾起驚者。則文庫是也。故無論何國。有一名人或出現。或移動或死亡。今夕電報到。而明晨之新聞紙即登其相。地方形勝亦然。彼何以得此。皆其文庫所儲者也。

美國當千八百五十年。全國報館僅二百五十四種。讀者僅七十五萬八千人。至千九百年。報數增至萬一千二百二十六種。讀者增至千五百十萬人。全國印出報紙總數凡八十一萬萬零六千八百五十萬部。統計全國報館平均支出費用總額一萬萬零九千二百四十四萬元。(美金)收入總額二萬萬零二千三百萬元。於戲盛

每日出
報數次
至十數
次博物院
所藏中
國宮內
器物

哉。而倡之者實自「波士頓報」。此亦波士頓之一榮譽哉。美國之大報館。皆一館而出報至數種或十數種之多。有晨報焉。有午報焉。有晚報焉。有夜報焉。有來復報焉。有月報焉。有季報焉。有年報焉。皆以一館備之。其最大者如紐約之太陽報。世界報。時報。每日出至十數次以上。大抵隔一點或兩點鐘即出一次。午間向街上賣新聞者。而求其早間所出之報。則已不可復得矣。凡大都會之大新聞。大率類是以視吾東方之每日出一張。銷數數千乃至數萬。即龐然共目爲大報館者。其度量相越。豈不遠耶。

初七日往觀博物院。其中陳設之璀璨瑰璋。吾固數見不鮮。不復縷述。所最令余不能忘者。則內藏吾中國宮內器物最多是也。大率得自圓明園之役者半。得自義和團之役者半。內有文宗所用之表。云是俄羅斯皇室所贈者。其雕鏤之精巧。殆無倫比。表大不過徑寸。其外殼槩兩裸體美人倚肩於瀑布之上。兩鳥浴於瀑布之下。表機動則瀑布飛沫。誠奇工也。其餘彫玉物品。彫金物品。古近磁器。凡數百事。並度一

龕。不遑枚舉。余觀其標籤。汗顏而已。

初八日。觀哈佛大學。美國東部大學以哈佛耶路哥倫比亞三者最著名。其程度莫能軒輊。至科學則仍以哈佛爲最高云。吾中國始終未有一人卒業於此校。

初九日。往紐巴弗。其地華人不過數十。徐建侯留學於其地實業學校。招往焉。演說一次。往觀學校而還。

初十日。由波士頓復返紐約。道經科利華。其地有華人百餘。強留一宵演說。十一日。乘船歸紐約。其船稱世界汽船中最美麗者云。

由紐約至華盛頓

(二十一)

五月十四日。由紐約至華盛頓。

華盛頓。美國京都。亦新大陸上一最閑雅之大公園也。從紐約。波士頓。費爾特費。諸煩濁之區。忽到此土。正如哀絲豪竹之後。聞素琴之音。大酒肥肉之餘。嚼鱸蓴之味。

其愉快有不能以言語形容者。全都結構皆用美術的意匠。蓋他市無不有歷史上天然之遺傳。而華盛頓市則全出於人造者也。

「喀別德兒」之莊嚴

都中建築最宏麗莊嚴者爲「喀別德兒」Capitol 喀別德兒者。譯言元首之意。謂此地爲一國之元首也。喀別德兒之中央一高座爲聯邦法院。其左右兩座次高者爲上議院下議院。其後一大座爲圖書館。合稱爲喀別德兒。喀別德兒之前。置華盛頓一銅像。其中央高座中門樞楹桷壁。蓋皆美國歷史紀念畫。其技或繪或彫或塑。其質或金或石或木。自殖民時代獨立時代南北戰爭時代以至近日。凡足以興國民之觀感者。無一不備。對之令人肅然起敬。沛然氣壯。油然意遠。甚矣美術之感人深也。環喀別德兒之周遭。皆用最純白大理石鋪地。淨無纖塵。光可鑑髮。其外則嘉木修蔭。芳草如簣。行人不譁。珍禽時鳴。瑯環福地。匪可筆傳矣。

華盛頓之圖書館。世界中第一美麗之圖書館也。藏書之富。今不具論。其衣牆覆瓦之美術。實合古今萬國之菁英云。吾輩不解畫趣。徒眩其金碧而已。數千年來世界

世界第一美麗之圖書館

祖國文
字

大統領
官邸之
質素

華盛頓
紀功華
表

上著名之學者。莫不有造像。入之如對嚴師。其觀書堂中常千數百人。而悄然無聲。若在空谷。

觀書堂壁間以精石編刻古今萬國文字。凡百餘種。吾中國文亦有焉。所書者爲「子夏曰日知其所亡。月無忘其所能。可謂好學也已矣」二十一字。寫顏體。筆法遒勁。尙不玷祖國名譽。

喀別德兒之莊嚴宏麗如彼。而還觀夫大統領之官邸。卽所謂白宮 White House 者。則渺小兩層聖白之室。視尋常富豪家一私第不如遠甚。觀此不得不歎羨平民政治質素之風。其所謂平等者真乃實行。而所謂國民公僕者真絲忽不敢自侈也。於戲。侷乎遠矣。

全都中公家之建築最宏敞者爲國會。卽喀別次爲兵房。次爲郵局。最湫隘者爲大總統官邸。民主國之理想。於此可見。

華盛頓紀功華表。矗立都之中央。與喀別德兒相對。高五百英尺。實美國最高之建

築物也。其中空。可以升降。用升降機上之。須五分鐘始達絕頂。步行則須二十分鐘以外。登華表絕頂以望全都。但見芳草甘木。掩映於瓊樓玉宇間。左瞰平湖。十頃一碧。同行一西人。爲余指點某邱某壑。是獨立軍決鬪處。某河某岸。是南北戰爭時南軍侵入處。余感慨歎。不能自勝。得一詩云。

詩

瓊樓高處寒如許。俯瞰鴻濛是帝鄉。十里歌聲春錦繡。百年史跡血玄黃。華嚴國土天龍靜。金碧川山草樹香。獨有行人少顏色。撫欄天末望斜陽。

華盛頓紀功華表。構造時徵石於萬國。五洲土物。鳩集備矣。各國贈石。皆系以銘。用其國文泐之。以頌美國國父之功德。吾中國亦有一石焉。當時使館所餽。道員某爲題詞。其文乃用瀛寰志略所論載。謂華盛頓視陳勝吳廣。有過之無不及云。嗚呼。此石終不可磨。此恥終不可洒。見之氣結。

旅美十月。惟在華盛頓五日中午最休暇。徧游其兵房庫房鑄銀局博物院植物院等。惜不能到華盛頓故里一觀遺跡。最爲憾事。

每夕使館中人多相訪者。詢美政府對滿洲問題之真相頗悉。今事已過去。已發表不復再述。

華盛頓
留學生

華盛頓除使館外。有中國留學生八人。壽州孫氏居其五。皆沈實向學。有用才也。

(二十一)

訪外務
大臣海
氏

十六日訪外務大臣約翰海氏於其家。談兩點餘鐘。語以中國朝局真相。及一二年來民間之思潮。海氏皆若不勝其駭者。勸著一書以諭歐美人。許之。病未能也。海氏號稱美國第一政治家。任國務卿兼外務大臣者將十年。近年美國對外政策。多由彼主持。彼又爲余言。彼向持中國可以扶植之論。雖同僚亦多非笑之者。今見余。且聞余言。益自信其所見之不謬。余聞之。深爲我祖國悲慚。唯唯而已。瀕行。殷殷以常通信相囑。亦有心人也。其人沈默廉悍。一望而知爲外交老手。

十七日訪大統領盧斯福於白宮。時盧氏巡行國內初歸。坐客闐溢。導余別室。會晤約兩刻。無甚深談。惟言常接我會電報。且見章程。深佩其宗旨及其熱誠。祝此會將

訪大統
領盧斯
福

來有轉移中國之勢力。且祝其現在有轉移美國華僑之勢力云云。又言深以未得見康南海爲憾事。屬余代致意。且屬有欲陳之言。悉告海氏。與彼無異云。

盧斯福
略傳

盧斯福之人格。與德皇維廉第二相彷彿。並世各國首長中。其雄才大略。有開拓萬古推倒一時之概者。惟此兩人而已。盧氏以千八百五十九年生於紐約市。千八百八十年卒業哈佛大學。受法學博士學位。出仕爲海軍部書記官。已著論大倡擴張海軍之議。其時國民無以爲意者。西班牙戰役起。慨然投筆。自募義勇隊率以從軍。威名大顯。戰畢。被舉爲紐約市警察總監。旋任紐約省總督。極力節制資產家。使不得跋扈。及選舉大統領時。資產家忌其能。故欲以閑職安置之。乃推爲副統領之候補員。竟獲選就任。美國制。副統領不過上議院一議長。且在院中無發言權。無投票權。實坐嘯畫諾之閑員耳。黨人以此術敬而遠之。將使彼無用武之地。乃無端而有前統領麥堅尼遇刺之變。定例以副統領襲其後。於是盧氏一躍而立於最高之位。驥足始克展矣。美國自麥堅尼以來。共和黨即利帕爾力根現政府黨也。即已傾心於帝國政

略。盧氏更持極端之進取主義。雄心勃勃。其所著書有奮鬪的生涯一篇。自餘所至演說。無不以戰爭爲立國之大原。卽此可見其爲人矣。將來下次選舉大統領時。盧氏已有獨占多數之勢。大約其復任可以豫決。果爾則盧氏在任七年中。美國之突飛進步。正未可量也。

美國近數十年以門羅主義爲外交上神聖不可侵犯之國是。此盡人所同知也。雖然。經麥堅尼盧斯福兩大統領之時代。而門羅主義之性質。生一大變化。欲知世界全局之大勢者。不可不深察也。考門羅主義之宣言。在千八百二十三年。其時中美洲南美洲諸國尙悉爲歐羅巴人殖民地。顧皆不堪虐政。欲脫母國自立。而母國猶汲汲鎮壓。始終認屬地爲其固有之權利。其時歐洲各專制君主國結集所謂神聖同盟者。思以挫民權自由之氣燄。而西班牙遂借此同盟之威力。欲鎮壓殖民地之叛亂。而恢復其故權。以此之故。中美南美戰亂無已時。而商業上交通上皆生障害。美國大統領門羅氏乃宣言於各國。明定北美合衆國對於全美洲之權利及其義

門羅主義之內
容兩方針

務。是即所謂門羅主義者是也。故門羅主義者。非國際法上一原則。而實對抗於神聖同盟之防守軍也。所謂門羅主義之性質如是如是。今剖析其內容。則有積極之方針三。有消極之方針二。

一 亞美利加大陸中。凡已宣告自由獨立之國土。則歐羅巴諸國不得以之爲殖民地。

二 若歐羅巴諸國欲壓制拉丁亞美利加諸國。

案中南美諸國皆拉丁亞美利加所殖民故謂之拉丁亞美利加

美國人自稱則條頓亞美利加或盎格魯亞美利加也

或以他種方法阻其進步。是即與美國爲敵也。

三 歐羅巴同盟諸國。不得擴張其政體於南北美兩大陸。苟爾則是有意欲破壞美國之平和及其幸福。

以上三條積極之宣言

一 歐羅巴諸國所有現在之殖民地及屬國。美國不干涉之。

二 亞美利加大陸諸國。各從其所採擇之政體。美國不干涉之。

三 歐羅巴諸國之內政及其外交和戰等事。美國決不干涉之。但有侵害美國權利之時。則爲正當之防禦。

以上三條消極之宣言

此門羅主義最初之本相也。雖然。八十年來隨美國國勢之進步。而此主義亦日變其形。今略述。則

一八四五年 博克爲大統領時宣言曰。合併美洲大陸之國土。此美國之義務也。云云。

一八八一年 加弗爲大統領時宣言曰。拉丁亞美利加諸國所有紛擾事件。宜以美國爲其裁判者。云云。

一八九五年 國務大臣阿爾尼宣言曰。美國者亞美利加全洲之主權者也。云云。

由是觀之。則門羅主義之本相。則所謂『亞美利加者亞美利加人之亞美利加』是

亞美利加者美
國人之
亞美利
加
世界者
美國人
之世界

盧斯福
之演說
門羅主
義

門羅主
義所向
無敵

其義也。及其變形。則所謂『亞美利加者美國人之亞美利加』矣。而孰知變本加厲。日甚一日。自今以往。駸駸乎有『世界者美國人之世界』之意。而其所憑藉以爲口實者。仍曰門羅主義。門羅主義。嘻。豈不異哉。謂余不信。請觀盧斯福之門羅主義演說。

盧斯福巡行全國至芝加哥演說云。

(前略)門羅主義者。今猶未能爲國際法上之原則。顧其將來。必有能爲國際法上原則之一日。此吾所敢斷言也。雖然。此主義能實行與否。全視吾美國人之遠志與實力何如。而其爲國際法上原則與否。殆餘事耳。此則我國民所一日不可忘者也。夫大言壯語。非所貴也。於人與人之交涉有然。於國與國之交涉亦有然。使徒言之以快一時。倉卒遇變。而無所以應之之具。則辱滋甚耳。諺有之。『勿多言。攜盾於手。汝斯得進。』鄙人思之熟思之。苟吾美國能具置有力之海軍。且持久而勿替焉。斯我門羅主義所向無敵矣。(下略)

案此演說甚長且極有關係之文也其大意皆在變厲海軍思

想於下節觀美國海軍
時再錄之茲不多贅

其意何
居

吾讀此演說。三復其門羅主義所向無敵一語。吾不禁瞿然以驚。而未測盧斯福及美國國民之本意何在也。夫使門羅主義而僅曰亞美利加者亞美利加人之亞美利加也。則需海軍何爲者。就使門羅主義而僅曰亞美利加者美國人之亞美利加也。則需強大之海軍何爲者。且門羅主義。凡以保守耳。防禦耳。故他國之向於門羅主義。容或有之。至以門羅主義向人。吾不知其何意也。盧氏之言曰。所向無敵。嗚呼。可以思矣。夏威夷律。夷爲郡縣。若不闕秦。將焉取之。吾恐英國鴉片煙之役。法國東京灣之役。德國膠州灣之役。此等舉動。不久又將有襲其後者也。

(二十二)

美國大統領。其權力職掌。與他國之首長有所異。今據其憲法所定者論次之。

一大統領有總督聯邦海陸軍及各省民兵之權。

二大統領有締結條約之權。惟須得上議院議員三分有二之協贊。

大統領
之權力
及職掌

三大統領有任用外交官司法官及聯邦政府各官吏

其憲法中特別規定之官吏不在此限

之權。

惟亦須得上議院之協贊。

四有赦減刑罰之權。(惟議院所彈劾之案不在此數)

五遇大事故。有臨時召集議院之權。

六國會決議之法律案。大統領有權拒之。或飭令再議。(惟再議之後若兩院皆

以三分二之多數通過前案則大統領不得不畫諾)

七大統領有將美國國情稟告於國會以政策呈薦於國會之義務。

八有效忠於法律之義務。

九有監督聯邦官吏之義務。

美國大統領之性質。其最與他國首長相逕庭者有一焉。則在平時其權力甚小。在

戰時其權力甚大是也。蓋在平時國內行政大部分之權在各省政府。即聯邦之諸

政務。論美國政治者當於各省政府與聯邦政府劃清界限本書末章已略論之亦大率由立法部即上下之法律所規

大總統領
平時權
力小戰
時權力
大

定。故行政部即大總統所屬無自由行動之餘地。若一旦與外國宣戰。或國中內亂起。則大總統據其總督海陸軍之權。且實行其效忠法律之義務。可以將一切權力悉入掌握中。如南北戰爭時之林肯。是其例也。彼於一八六二年宣告放奴之檄於全國。未嘗問各省立法部之許可與否。而毅然舉行。且一切普通法律皆得以便宜行事停止之。故西人常言在盎格魯撒遜人種之中。其箇人之權力最大者。前有一克林威爾。後有一林肯耳。大統領戰時之大權。可見一斑。

美國大統領與立法部之關係。以視英王與立法部之關係。大有所異。彼英王者以形式上言之。則立法部之一員也。何以故。彼英國憲法本以國會爲王所召集。以王爲會議長。以聽人民之疾苦。而制定匡救之法律者也。今事實上實非爾爾。但其由來則如是耳。故現今英國重要之法律。大率皆由政府大臣奉王之名提出於國會。以求其協贊。美國則不然。彼大統領非立法部之一員也。故其憲法不許大統領及其閣臣提出法律案於議會。何以故。彼等無列議於國會之權利故。此亦政法上一有趣味之問題也。蓋

三權鼎立之實行

歷任大總統何庸材乎

美國者實行孟德斯鳩三權鼎立之義。而界限極分明者也。美國何以能如此。則以英國之憲法由天然發達。而美國則全加以人力也。

美國大統領多庸材。而非非常之人物居此位者甚希焉。此實我輩異邦人所最不可解之問題也。試歷數建國以來二十四名之大統領中。除華盛頓、遮化臣、林肯、格蘭德、麥堅尼、五人。此外碌碌餘子。其不藉大統領之地位而能傳其名於歷史上殆無一人也。嗚呼。距今不過數十年耳。試問全地球中誰復知博克一八四九年至一八五四年大總統、皮阿一八五三年至一八五七年大總統之爲何如人者。亦誰復欲知其爲何如人者。故以百餘年來英國

大宰相與美國大統領比較。英則有維廉、釐特、小釐特、惠靈頓、羅拔、比兒巴、馬斯頓、格蘭斯頓、的士黎里、沙士勃雷。皆可稱世界歷史上第一流人物。求諸美國足與頡頏者惟彼五人。遮化臣格爾德尙稍有慚色。嘻。咄咄怪事。孰有過此。

若此者其理由何在。乎。英人占士布里斯所著美國政治論。書中言之特詳。且深中癥結。茲節譯之。

其理由

一第一
流人不
入政界
二大統
領可以
用庸才

三異才
爲國民
所忌

第一 美國第一流人物。多不肯投身於政治界也。此事之原因布利斯別有詳論

第二 美國之國勢及其憲法所規定。非必須非常之才。始足以當此任也。如彼英國之大宰相總攬立法行政兩大權。故必須有左右羣衆之雄辯。有案畫大政策創制大法律之能力。始克堪此。若美國大統領。則不能參列於國會。不能妄演說於公衆之前。不能提出議案於兩院。不能以別種手段擴張其勢力於立法部。故大統領之在平時。不過一奉行成法之長吏而已。與尋常一公司之總辦。其職務正相等。故勤慎敏直之人。即可當此職而有餘。而遠慮博識雄才大略。非所必需也。

第三 美國自建國以來。於專制武斷政體。深惡痛絕。此等腦識。傳數百年。入人最深。其所最懼者。若克林威爾拿破侖等人物濫用其權力。馴變爲僭主專制政體也。故以華盛頓初次就任時。猶且謗議沸騰。謂其妄自尊大。欲儼英王。故第二次滿任時。華盛頓決避嫌引退。其後格蘭德在任時。輿論亦以其功名太盛。部卒

愛戴。謗妒之言。橫生疊見。故美國之大統領。非特不必要第一流人物而已。抑且不欲要第一流人物。此美人之僻性使然也。

第四 英傑之士。多友亦多敵。此常理也。今當兩政黨競爭選舉之時。各指定一人爲候補者。彼通例不肯用其黨中第一等人。而惟用第二三等以下之人。何以故。彼第一等人久已著名爲萬衆所具瞻。而任事愈多者。其授人以可攻之隙亦必愈多。當其競爭劇烈之時。甲黨對於乙黨之候補者。攻擊每不遺餘力。往往將其平生行誼。毛舉以相指摘。楓秀於林。風則摧之。故英傑之士。不利於候補。毋寧舉無咎無譽之輩。之較有成算也。是則黨派之私見爲之也。

第五 且美國人有兩重愛國心。一曰愛合衆之國。二曰愛本省之國。彼等各以大統領出於其省。爲一省之名譽。又以爲本省人爲大統領。其所以謀本省之利益者必更周也。故甲省之票。投諸以舉乙省人者甚稀。故各黨指定其候補人之時。常校其籍貫。務取之於大省。若紐約省選舉大統領有三十六票。濱士溫尼亞

四異才
不利於
候補

五省界
之競爭

與其得
頁大統
領毋寧
得良候
補者

省案即費爾特費所在有三十一票。伊魯女士省案即芝加高所在有三十票。阿海和省有二十三

票。若溫門省埒埃侖省則僅各四票。的拉華省柯利根省則僅各三票。案美國選大統領用

間接選舉法故每省只有此數然則其候補人出於紐約與出於柯利根。其得票之數相去必懸

絕矣。故陬澁之鄉。雖英俊不能以自達。衝要之邑。雖庸材反得以成名。亦黨派之意見爲之也。

要而論之。大統領自大統領。候補者自候補者。良大統領未必爲良候補者。良候補者未必爲良大統領。昔一名士求爲大統領而自薦於友人曰。『諸君當知以余爲大統領則甚良。以余爲大統領候補者則甚劣。』當時傳誦以爲名言。痛乎哉。美國黨人之意見也。與其求得良大統領也。毋寧求得良候補者之爲急。蓋爲國家百年之大計。事未可知。而爲一黨目前之利害。則選舉一失敗。而此四年間本黨已蠖屈而不可得伸矣。案大總統任期四年故其所兢兢研究之問題曰。將由何道而使本黨之選舉獲勝利而已。噫。此大統領所以不得人才。而共和政體之所以有

流弊也。

高才之士多有不願爲大統領者

第六 不寧惟是高才之士亦多有不自願爲大統領者。蓋任期只有四年或八年。任滿之後。欲再投身於政界。大有所困難也。各部之次等行政官固非所欲。欲入於上下議院。則本省各有常員。不易出缺。且曾居高位。爲十手十目所指示。不免授敵黨以可攻之隙。在本黨中。則當其在任時。黨員之請謁。勢不能盡如其意。相憾者亦復不少。故以罷任大統領而望再舉爲議員。是殆必不可得之數也。不寧惟是。罷職之後。欲營別業。從事於辯護商務等。非惟損名譽也。又辱國體。故退職之大統領。幾無一業可就。非生計素裕。甚或罹凍餒之憂。故人之不甚樂就此職也亦宜。

案國家待退職之大統領之法。此亦美國多年一大問題也。昔羅馬共和政界也。此實良法美意也。奈美國則其勢萬不能行。蓋美國上院議員代表一省。每省之員數相均各二人。今若以退職大統領加入之。則甲省多一人而乙省之

妒嫉將起。此其所以不能行也。

案布氏所論。可謂窮形盡相矣。準是以談。則大統領者。殆不免爲黨派中之一傀儡。

大統領者黨派

其廢置一在黨中策士之手。既傀儡矣。則其好用庸才也亦宜。難者曰。若英國亦非無黨派。何故其大宰相不用傀儡。曰。其情實不同也。英國黨派之勝敗。於選舉議員時決之。美國黨派之勝敗。於選舉大統領時決之。英國但求黨員在議院中占多數耳。既占多數。則其黨魁自得為大宰相而莫與爭。故所爭者非在宰相其人也。美國反是。勝敗之機。專在一著。夫安得不於此兢兢也。夫美國爭總統之弊。豈直此而已。其他種種黑闇情狀。不可枚舉。吾遊美國而深歎共和政體。實不如君主立憲者之流弊少而運用靈也。若夫中美南美諸國。每當選舉時。必殺人流血。以相從事者。更自鄙無譏矣。

黨派之以大統領為傀儡者。蓋大統領有任用官吏之權。苟新任者與前任者異。黨則一國之官吏將盡行易人。新大統領對於舉主不能不為特別之酬勞。昔加弗以三月就任大統領。以七月被刺。死有記其事者。謂此五月中加弗除應酬求官者之外。別無他事。云其奴隸於黨派。可概見矣。自文官任用此用法。改正後。此弊稍減。

雖然。大統領之好用庸材。此惟在太平時為然耳。彼美國人者。固非於國之利害與黨之利害盡倒置其輕重者也。彼以為在平時則大統領雖庸才。而非有所大害於

國。故利用之以爲黨謀。其謀私益也。以不侵公益之範圍爲界也。

但於公益非無所損。但於比較的言之。

未爲甚耳。一旦有事。則各能誦小羣以伸大羣。忍小害以防大害。故南北戰爭之前。能用

林肯其人者。放奴義舉。其成功不徒在林肯。而國民能任用林肯。實其足以致成之道也。今者萬國比鄰。外競日劇。美國方汲汲然擴張其帝國政略於新大陸以外。勢不能不戴雄才大略者以爲一國之元首。故最近兩大統領麥氏盧氏。皆一世偉人也。吾知自今以往。若博克若皮阿士之徒。斷無望濫竽斯職焉矣。

(二十二)

美國最奇一事
曰無首都

今後之變遷

美國有最奇者一事。曰無首都是已。華盛頓美之首都也。曷云無之。曰吾之所謂首都者。謂全國中各種權力之集中點也。若英之有倫敦。法之有巴黎。德之有柏林。奧之有維也納。意之有羅馬。俄之有彼得堡。日本之有東京。舉國中人口最多者。此地也。財力最厚者。此地也。商務最盛者。此地也。工業最繁者。此地也。富豪權勢之人。最樂居者。此地也。最大學校之所在者。此地也。最大新聞紙發行者。此地也。一國中政

華盛頓
不足以
當首都

紐約費
城波士
頓芝加
高聖路
易皆非

治勢力之源泉在是。學問智識之源泉在是。財富通輸之源泉在是。國中諸地。萬海朝宗。歸集於此一點。復由此一點以分布於諸方。如血輪之在心房然。是之謂首都。若此者求諸美國中。何地足以當之乎。將曰華盛頓乎。以最近之統計。其人口僅二十七萬八千餘人。黑人居三之一焉。與諸市府比較。班在第十五。其社會之交際。僅議員官吏外國公使等耳。大商業家不在是。大文學家不在是。大美術家不在是。大工場大新聞不在是。其不足以當此名。昭昭然也。

將曰紐約乎。紐約誠人口最多。財力最厚。商務最盛。工業最繁之地也。雖然。其在政治上。除選舉大統領投票占多數外。無一毫特別之勢力。此亦指紐約省耳。非指紐約市也。實業上

之偉人雖多。而文學上之偉人殊少。其新聞紙誠最良最廣銷者也。然究爲紐約之新聞紙。以視倫敦巴黎之一國新聞紙。自固有間。故紐約非首都。將曰費爾特費乎。波士頓乎。當獨立時。此兩地雖幾有此資格。而今則無有也。將曰芝加高乎。聖路易乎。此兩地將來之發達。雖不可限。然充其量。固無以逾紐約明甚也。若是乎。美國洵

無首都。且殆將終無首都也。

各省亦
無首府

又不徒全國爲然也。於各省亦有然。政治之中心點。與社會之中心點。常不相合并。是美國之特色也。紐約省總督所在。阿爾拔尼也。而非紐約。濱士溫尼省總督所在。哈利士卜也。而非費爾特費。伊里女士省總督所在。士庇靈弗也。而非芝加高。加罈寬尼省總督所在。沙加免圖也。而非舊金山。阿海和省總督所在。哥侖布士也。而非先絲拿打。柯利根省總督所在。西林也。而非砵侖。自餘各省大率類是。以吾儕外國人之眼觀之。實千萬不可思議。

何因緣
無首都

美國以何因緣而無首都。由自然耶。由人造耶。此問題吾猶未能斷之。大率兩者各與有力焉。若華盛頓則全由人造者也。彼自其始未嘗不可擇一繁盛之都市。若波士頓若費爾特費者。以爲首善。但以各省互相嫉妒。且大市府競爭劇烈。慮其於政治上起騷擾。故避之而宅於一林莽未闢之地。故華盛頓者在美國諸省中。不屬於一省。別以七十英方里之地。自名哥林比亞。爲聯邦政府之直隸。畧與我順天府不屬於各省者同而

其性質
微異

此所謂由人造者也。其餘亦有由天然者。若紐約省當獨立以前。阿爾拔尼市之繁盛。實過於紐約市。後此以交通大開。其商業中心點隨而移動。而政府所在。尙未易也。如我中國直隸省會本在保定。通商以後。忽移於天津。但我則政治樞紐隨之而移。彼則尙仍其舊耳。其餘他省亦有類此者。此所謂由天然者也。

凡殖民地之現象。往往如是。如英屬加拿大最繁盛之市爲滿地可。而其政府國會乃在阿圖和。澳洲初爲聯邦時。維多利省與烏修威省爭聯邦之首都。卒乃於兩省之界。劃一甌脫而建置焉。是亦美之華盛頓也。

除美國外。其無首都之國。當惟中國。中國之北京。本有完全首都之資格者也。近則勢力已漸墜落。其政治上之權。多分散於各疆吏。學術思想界之權。當乾嘉間。悉萃於北京。今翩其反矣。若夫商工業則更不足道。以將來之趨勢測之。則上海駸駸乎有將爲中國首都之勢。夫至以上海爲首都。則亦列國公共殖民地之首都。而非復我之首都矣。一歎。

華盛頓
市民無
選舉權

選舉區
之疆界

第一流
人物何
故不投
身政界
乎理由一

余在美時。有西教士杜威者。偶爲余言曰。華盛頓市民無選舉權。余初聞大駭愕。及察之。信也。此真一怪現象也。考美國例有所謂某省某省之市民。(Citizen)而無所謂合衆國之市民。外人欲入美籍者必入某省籍得省籍而國籍亦同時俱得矣若欲竟入國籍則無從入也市民者選舉權所從出也。哥倫比亞即合衆國直隸華盛頓所在地無市民。則華盛頓人無市民權也亦宜。雖然。此則眞普天下立憲國之所無矣。華盛頓市民欲求選舉者則各歸其本省求之蓋各有原籍故也歐洲日本諸立憲國。其選舉區與被選舉人。常不相屬。甲地之人。可以運動乙地以競選舉。甚自由也。惟美國不然。此省之票。決不投彼省人。彼市之票。決不投此市人。此亦美國與諸國相異處也。此皆由聯邦政治各自保其邦之權利然也。前引布里斯言。謂美國第一流人物。不肯投身政界。此其理由究何在。乎。請畢布氏說。

(第一)則以無首都故。彼歐洲各國政治中心點所在。即職業中心點所在。故如英法之政治家。在倫敦巴黎。一面運動國事。一面仍照常操其職業。美則不然。苟

欲爲聯邦政治家。如國會議員之類勢不得不別家鄉拋職業以居於幽靜之華盛頓。非人情所甚欲故也。

(第二)歐洲諸國國會中數百議員。位置甚寬。欲得之者可以到處游說。以求選舉。此地不得去而之他。美國則諸省諸市各舉其土著人。若己之選舉區。本黨黨員候補者之額已滿。則更無術可以攔入。若必攔入。則出於內競耳。故其得爲議員也。視他國爲較難。懷才之士。不欲作雞蟲之爭。蓋亦爲此。

(第三)美國政界之大問題。不如歐洲之多。歐洲政界所屢演之大活劇。則外交政略問題也。改正憲法問題也。宗教問題也。此三者美國皆無之。所餘者惟貨幣問題關稅問題等一二大事耳。故奇才異能之士。往往不屑厝意也。

(第四)歐洲百年來爭競最劇者。則地主富豪家壓抑下等貧民。而貧民亦日思上進。以迫彼輩也。一則欲保守其特別之權利。一則欲爭其應享之權利。咸思舌戰於議會。以決勝負。凡以爲自爲計也。故兩階級中。皆多產政治家。美國則建國

以來。已墨守人類平等主義。除放奴問題外。更無足勞辯爭者。此亦政界所以少活氣也。

(第五)美國之立法權。由聯邦議會與各省議會分掌之。各有其權限。如外交關稅諸問題。則屬於聯邦社會。改良慈善事業諸問題。則屬於各省以分之。故其範圍遂狹。政治家入聯邦政界。則不能爲本省有所盡。入本省政界。又不能爲聯邦有所圖。故第一流之經世家爲功名心所驅迫者。以其地小不足以迴旋也。故望望然去之。

(第六)歐洲各國。凡在政界得意之人。其於社會交際。常得特別之名譽利益。美國則萬民平等。雖大統領猶一市民。故慕虛榮家不趨焉。

(第七)美國人欲求出身之路。與其入政界也。寧入實業界。蓋以無盡之富源。新闢之地利。懷抱利器之士。投身於商業工業礦業鐵路。可以數年之間。起蓬華而埒王侯。故美國當今第一流人物。咸願爲所謂鐵路大王煤油大王鋼鐵大王托

辣斯大王者。而不屑在「喀別德兒」中爭一座位也。

以上所論。真有特識。觀此則美國社會之情狀。可觀一斑焉。故並譯之。

(二十四)

美國憲法。自一七八七年九月十七日制定。凡七章二十條。一七九一年十二月十五日修正十條。一七九八年一月八日修正十一條。一八六四年九月二十五日修正十二條。一八六八年七月二十八日修正十四條。一八七〇年三月三十日修正十五條。即現行憲法是也。立憲以來。凡修正者五次。然大致不異於其初。

上議院代表各省。每省二人。由各省立法部（即省議會）派遣。任期六年。每六年改選其三分之一。現時總數九十員。

下議院代表箇人。各選舉區以人口疏密定員數多少。任期二年。現時總數三百五十餘。

行政權在大統領。大統領以下有政府。今舉政府各員如下。

大統領

副大統領(兼上議院議長)

國務大臣

戶部大臣

兵部大臣

檢事總長

郵運總監

海軍大臣

農務大臣

大統領年俸五萬員。自副大統領至農務大臣各年俸八千員。上下院議員各年俸

五千員。皆美金政府各員任期皆以四年。如大統領。

余旅美十月。其最閑靜者。則在華盛頓四日間也。除訪盧氏海氏外。更不見客。晚間

獨立時
代國會
所在地
訪獨立
廳

惟使館中一二舊友及留學生諸君來寓縱談。此地華人甚希。且無維新會。應酬殊希。盡日游覽。各名勝徧歷矣。

十八日晚返紐約。

由紐約至費城

(二十五)

五月二十一日由紐約至費爾特費(華人通省稱費城)

費城者。獨立時代國會所在地。現今第三位大市府也。人口共一百二十九萬三千六百九十七人。華人約三千餘。有維新會新開。會員約華民全額之半。至費城演說後。所最關心者則訪獨立廳也。二十二日晨興造焉。

廳兩層。上有閣。惘樸質素。百年前風也。

門外地石嵌一銅碑。蓋林肯嘗立此演說云。

門外鑄華盛頓銅像一。

會議憲
法之堂

入門左側一堂。卽千七百八十七年會議憲法處也。陳舊椅七張。圍以鐵鏈。中一椅華盛頓所坐也。華盛頓時爲議長。餘六椅則哈彌兒頓遮化臣諸人所坐。皆標名椅旁。當時各代表人簽名所用之筆及墨水壺等。皆寶存焉。

聞李合肥來游時。必欲一坐華盛頓所坐之椅。闈人曰。自國父去後無坐者。合肥曰。我偏爾爾。闈者難拒。卒破例許之云。此老作此態何居。

堂上懸遺像數十通。皆當時會議憲法各省代表人也。

自由鐘

出堂登樓。樓梯下甌脫處置破鐘焉。卽所謂自由鐘者是也。

自由鐘
出游

余將至費城前數日。讀新聞紙。忽報自由鐘出游。余嗒然謂何無緣也。及鐘歸之後。一日而余至。鐘之出游。波士頓迎之也。以五十萬金作保證云。

維廉濱
遺像

緣梯而上。以至樓上之堂。滿壁皆畫像。自殖民時代至獨立時代之先民。凡數百通。不能悉記。內英前王前后遺像亦與焉。其當中最大之像。爲維廉濱。蓋濱士温尼省

卽費城所
屬之省

之殖民。自濱始也。卽以其
名省濱父母之像皆在。

宣讀獨
立檄文
處

樓上西堂爲一七七六年宣讀獨立檄文處。原草稿存焉。余購其影本一張。十七省代表人之簽名皆備。

樓板新加一層於其上覆之。懼剝傷舊板也。中空尺許覆以玻璃。使游客窺舊跡一斑焉。

華盛頓
慰恤傷
兵處

東堂爲華盛頓慰恤傷兵處。時傷者皆昇至此堂。狼籍滿地云。今舊樓板中尙見斑斑血點。

維廉濱
遺物

東堂置維廉濱所用之几及書案。皆初殖民時自英攜來者。几爲濱母所手織云。華盛頓母像與維廉濱母像同懸一龕。皆藹然仁人也。

有維廉濱當時與紅印度土人買地之質劑。及土人所饋維廉濱物品十數事。濱待土人最寬。土人德之。卒以關濱士全省云。

余徘徊摩挲一時許。向閤人購買紀念物數十種歸。

(二十六)

觀海軍
造船所

費城歷史上遺跡尙多。惜余在彼時日匆促。未能遍探。二十三日往觀海軍造船所。美國第一軍港也。

美國昔持非戰主義。故海軍之建設爲日甚淺。一八九五年以前。殆微末不足道。今則形勢一變。以武斷主義爲對內政策。以侵畧主義爲對外政策。至是擴張海軍一事。爲國家百年大計矣。聞美國今年一九〇三年海軍擴張豫算八百四十萬元（美金）與去年比較實增加四十萬。以此趨勢。歲歲進步。則其凌德法駕英俄之日。亦當不在遠耳。

美國海
軍與現
任大統
領盧氏
之關係

考美國海軍發達史。當以現任大統領盧斯福氏爲功首矣。當一八一二年與英國爭戰時。及一八六一年南北之役。海戰之績。良不可沒。然殆如曾文正之長江水師。置之今日。值一噓耳。迨一八七〇年前後。參將馬韓氏大聲疾呼。言經營海軍之爲急。

美國人之注意東方問題自馬韓氏之著書始

軍省。著一書極言美國現在之海軍。非舊式老朽之朦朧。卽新造劣等之艤舩。我國

民舉其國防托諸此等之手。其危險實不可思議云云。盧氏大文學家也。其詞剴切透達。足以動人。民漸傾聽。輿論一變。至一八九〇年。海軍省乃設海軍軍政局。提出軍艦擴張案於國會。得其協贊。是為美國有海軍之嚆矢。

美國軍艦之參列於世界海軍團。自一八九五年始也。其時德開鑿愷沙維廉運河。動工之際。各國軍艦參賀於德之奇爾港。美國二艦至焉。

(艦名)

(進水年)

(排水量)

(馬力)

(速度)

紐 約

一八九〇年

八二〇〇

一七、四〇一

二二

哥林比亞

同

上

七三七五

一八、五〇九

二二、八

美國軍艦出海自茲役。不過七年前事耳。其時新式戰艦。美國無一焉。據最近之海軍報告。則美國所屬十二戰艦。皆一八九五年以後所新造。惟「印地安拿」「馬沙諸些」「柯利根」三艘。以一八九三年進水。然九五年以前未供公用也。其十二艦中。內五隻排水量各一萬六千噸。現方製造。不日落成。成後則美國海軍之位置躍進。

與海軍
僅七年

西班牙
戰役時
美國之
海軍力

矣。要而論之。則謂一八九五年爲美國海軍之新紀元可也。及一八九九年。西班牙戰役起。美國海軍在散地哥馬尼刺等處連戰連捷。聲價頓增。而國民海軍熱亦漸盛。考其時美國之海軍力。則

一等戰艦 四隻

二等戰艦 一隻

裝甲海防艦 七隻

裝甲巡洋艦 二隻

保障甲巡洋艦 十八隻

小巡洋艦及炮艦 十八隻

水雷艦 十八隻

以視五年前奇爾港會操時。洵一日千里之進步矣。近兩年來。其計畫日益擴張。據本年（一九〇二年）統計年鑑。美國最近之海軍力如下表。

美國最
近海軍
力

(軍艦種類)

(現在)

(製造將成)

(預備製造)

一等戰艦

六

五

二

二等戰艦

六

……

……

三等戰艦

……

……

……

四等戰艦

一

……

……

裝甲巡洋艦

……

九

二

摩尼特爾艦

十

……

一

四等巡洋艦

二

……

……

五等巡洋艦

一

……

……

六等巡洋艦

十一

……

……

七等巡洋艦

七

……

六

炮艦

二十

……

一

滅水雷艦

二十

……

二

水雷船

二十四

……

……

潛水雷船

八

……

……

盧斯福氏當一八九九年嘗演說云。

我國民非好戰者。若事勢相迫於不得已之時。不戰則已。戰則不可不期於必勝。而在今日世界大勢戰之勝敗。必以海軍之優劣為衡。苟海軍不完。則不論我國民之富力進步何若。智力進步何若。其失敗可計日而待也。故擴張海軍者。我今日愛國之國民。所當每飯不忘也。

今年其在芝加高演說亦云。參觀第二十一節

其二

盧斯福之海軍演說其一

(前略)兩年以來。我海軍突飛進步。鄙人所以為國民慶者。莫大於是。吾深謝前議會之諸君子。賜我同胞以九艘之大戰艦。且許增加海軍將校。及其兵員。俾平時練習得宜。一旦有事。可以揚國威於海外。此之功德。我國民終不可諉者也。諸

君當知軍艦者最精細最複雜之一種大機械也。故製造之非以數年之歲月不能爲功。且將校及水兵之訓練。尤非咄嗟可辦。苟當國際破裂兵戈相見時。而始爲見兔顧犬之計。既無及矣。試觀近世之戰事。其終局皆甚速。然則開戰以後。決無復餘裕以爲製艦練將之預備。苟爾者非直愚而失計。且罪惡莫甚焉。何也。以其驅無罪之民。肝腦塗地。而且以辱國也。夫西班牙之役。吾國人在馬尼刺及散地哥所奏凱歌。國民咸豔稱之。而其所以得此之由。則十五年前之經營之爲之也。吾儕深頌吾海軍將校之偉業。吾尤不得不深謝我國之公人。(按)指政府及議員等與夫造船廠廠主及各鐵工也。何以故。一八九八年榮譽之戰勝。皆受彼等之賜故。抑吾更有一言。余之欲我國有龐大之海軍也。非爲戰爭計也。以此爲平和之保證而已。若吾果能得有力之海軍而繼續之擴充之乎。則敢信我國將來之國難。必永遠銷息。而海外諸國。更無復能與吾門羅主義爭輕重者。諸君請懸此以驗吾言。

(案)盧氏此次演題本爲門羅主義故末節並及之

此論者在二十年前爲盧氏一人之私言。在今日則已成全國之輿論矣。美國對外政略之變化。於此益可見。

更據統計年鑑所列列國海軍比較表。則其等第如下。

列國海軍比較

國名	鐵甲艦	非鐵甲艦	總計
英國	六三	四三	一〇六
法國	五五	三六	九一
德國	三五	一七〇	二〇五
俄國	三三	一八	五一
美國	二四	八七	一一一

嗚呼。門羅主義所向無敵。門羅主義所向無敵。豈其將以之向歐洲而行門羅主義之正反對耶。而汲汲焉何爲。我同胞一念之。

盧氏此次演說又云。「即我陸軍之宜增設者亦久矣。而蹉跎以至今日夫以擁七千餘萬自由民之大國。置十萬以上之常備兵。抑亦微乎末矣。而論者猶或懼以此故。危及共和政體之前途。其亦過慮之甚矣。」云云。以此可見美國人對於兵備之猜忌。其舊謬見至今未泯。而識時之士。所以嚙舌堵口。諄諄以此相勸勉者。其亦可得已之言之也。伯倫知理謂共和政體不適用於今後之競爭。信然信然。雖然。美國國論今固大變矣。

費城之製造瀛車機器廠爲全世界第一。余往觀矣。
二十五日返紐約。

由紐約至波地摩必珠卜

(二十七)

閏月初四日由紐約啓行而西。復至費爾特費兩宿焉。應該地維新會之大會議也。初六日往波地摩。美國第六大會也。屬美利侖省。人口五十萬八千九百五十七。

華人約六百餘。未有維新會。余至演說一晚。會遂成。迫於他地之期約。不能少留。初七日至必珠卜。行汽車十七點鐘。

必珠卜者。美國第十一大都會也。與費城同省一極東一極西也。人口三十二萬

一千六百十六人。以人口與富率平均比較。全國中以此市爲第一云。華人六百餘。維新會已開。余留市一來復。

必珠卜者。鋼鐵大王卡匿奇之老營也。其大鋼鐵公司在焉。滿市皆機器廠。烟囪如林。煤氣成霧。有烟市 Smoke Town 之目。市甚炎熱。而無穿白衣。蓋不半日而素化爲緇也。

鋼鐵大王卡匿奇

烟市

必珠卜

卡匿奇爲現今美國第一富豪。然其所以爲世模範者。不在其能聚財。而在其能散財。彼常語人曰。『積資產以遺子孫。大丈夫之恥辱也。』於是定計將其有五萬萬美金之財產。務於生前悉散之。分布於社會之自助者。務使得其所。毋失其宜。彼近年來之苦心。皆在於此。彼嘗言大集者必當大散。集之固不易。散之亦良難。於是

好事某大藥房之主人。作八百萬部美麗之小冊子。記卡氏小傳及其財產總數。而頒之於美國。募人投票。論卡匿奇當用何法以散其財於公益事業。於是應募投書者凡四萬六千通。其類別如下。

自請贈與者

一三、三四

請贈與於別人者

三三、六

請施送此藥房之藥以濟世者

五、二九

請助教會傳道事業者

二〇、四

請施救貧民者

一、五六

請捐助癲狂院者

三四一

請施恤南非戰死之孤兒寡婦者

一、四六

請投諸殖民事業者

三三二

請用以養老人者

一、三〇

請爲工人建模範家宅者

二七六

請以設醫院者

七〇九

請贈少年子弟爲資本者

二七七

請施入孤寡院者

六五一

請設立學校者

二六四

請捐印度濟飢者

六二九

請給家宅與鰥寡孤獨者

二四八

勸卡氏讓財產於其女者

五〇九

請代償國債者

二三七

請給家宅與老人及廢疾者

四〇三 請爲美國預備戰費者

二二六

請給家宅與貧民者

三九三 請建設圖書館者

二〇四

請捐助俱樂部者

三九 其他

七、七〇

當此投票紛紛騷擾之時。卡氏乃始著手處置其財產。計數年來設必珠卜工業大學捐五千萬。紐約市圖書館一千萬元。紐約以外美國諸市之圖書館凡一千萬元。必珠卜圖書館及工人救恤費一千萬元。都合捐出八千萬元以上云。

卡氏雖常助金錢於種種團體。然始終未嘗一助教會。未嘗一助政治運動。

卡氏不助不自助者。彼常言曰。自發心欲上梯子者。從後助之可也。若不欲上者。雖助之亦不得上。徒令其受墮落之苦而已。是非益之。卻害之也。云云。

卡氏出身寒微。自其幼時。未嘗得受相當之教育。惟恃在公立圖書館中得種種之智識。故卡氏以圖書館爲慈善事業之第一。傾全力以助之。余所至各市。無不見有卡氏所立圖書館者。雖日本所設立。彼亦依助數處云。惟其善果。未一播於中國。殆

助自助者

普天下
圖書館
之大禮
越

豈中國人無自助力。不足邀卡氏之助耶。噫、余至必珠卜時。卡氏往歐洲。惜未得見。

十一日即西曆七月四日。百二十七年前美國宣告獨立之日也。以財賦最盛之奧區。行舉國最大之祝典。其盛況可想矣。余不能殫述之。且羞述之。有詩兩章。

此是君家第幾回。地平彈指見樓臺。巍巍國老陪兒戲。得得軍歌入酒杯。十里星旗連旭日。萬家紅爆隱驚雷。誰憐孤館臨淵客。憑陟升皇淚滿腮。

尋思百廿年前事。穆穆神山不可望。拚使軍前化猿鶴。豈聞閩左有蝸蟻。成功自是人權貴。創業終由道力強。予欲無言君記取。勃黎遺教十三章。殖民初祖勃黎福有共產自治

團體規則十三章皆德育要領至今美人寶為勃黎福實以一講學大師開此宏業者也

(二十八)

美國太平洋海電告成。即以獨立紀念日舉行通信祝典。我太平洋彼岸人當此。其感更何如。

昔英國詩聖索士比亞作夢游僊吟有句云。『吾有寶帶兮。以四十分鐘一周地球。』此實三百年前理想家之一寓言耳。豈期物換星移。物質文明之發達。不可思議。我輩生此二十世紀者。竟人人皆得以至微末之代價。利用彼索士比亞之寶帶而有餘。嘻。不亦異哉。不亦偉哉。

太平洋
海電之
二線

此寶帶之出現。始自千八百五十年英吉利海峽之設置海電。及至本世紀之第二年。英國之太平洋海電。美國之太平洋海電。先後竣工。而全帶乃成。英國之線。則自加拿大屬之域多利經佛安寧島菲支島那兒福克島而達於澳洲之比里斯賓市終焉。以一九〇二年完成。美國之線。則自舊金山經夏威夷島之漢挪路盧。再經蔑德威島嘉謨島至菲律賓之馬尼刺終焉。其舊金山至夏威夷間之線。以本年西曆元旦告成。其夏威夷至菲律賓間之線。即此次所成者是也。

七月五日。必珠卜報載四日之夕十點五十分時。大統領盧斯福在紐約電報總局發一電於菲律賓總督達富特氏。

文曰祝美國太平洋海電之開通
井頌貴督及菲島人民起居萬福 迨十一點二十

十二分
鐘繞地
球一周

分達富特氏之覆電已至。文甚長凡百五十餘言并有求美國政此祝電既發後。大

統領更發一電賀海電局總辦麥奇氏。即在本局發電。令繞地球一周而復還本局。

麥奇氏親自監督發電。文曰賀太平洋海電之成功并代全國民敬謝足下之先君子及足下實其夜十一點二十三

分也。麥奇氏自揣環地球一周。大約歷一點鐘可以復還。心急之極。自持時表注視

長短針之運行。怵息以待。忽然電機躍動。舉局之人。環集爭覩。隨現隨寫。視之正大

統領祝電也。距發信時不過十二分鐘耳。彼時麥奇氏之得意。真有萬乘不易者。

此電經行之路。則由紐約經大陸出舊金山。由舊金山即用此新海電經夏威夷島、

蔑德威島、嘉謨島、至馬尼刺。更由馬尼刺接英國海電至香港。復由香港經西貢、新

嘉坡、檳榔嶼、馬德拉士、摩爾達。地中海志布羅爾達、利士般。葡葡牙達於亞佐士羣島。西大

洋再由彼循美國海電復返於紐約云。

麥奇氏既接此祝電。復致一覆電於盧斯福。此次之電。改由大西洋發。循前此歐洲

與東方通行之舊線至馬尼刺。復由馬尼刺用新海電至舊金山。經美洲大陸復還

九分鐘
繞地球
一周

紐約發電時十一點五十五分。接電時十二點四分三十秒。相距僅九分零三十秒。云。嗚呼。人巧之奪天工。至此而極。今舉其經行之里數如下。

(電線路)

(英里數)

自紐約至舊金山(大陸電線)

三六五〇

自舊金山至漢挪路盧

一一一〇〇

自漢挪路盧至蔑德威島

一一二〇〇

自蔑德威島至嘉謨島

一一一五〇

自嘉謨島至馬尼刺

一五〇〇

自馬尼刺至香港

四〇〇

自香港至西貢

七五〇

自西貢至新加坡

六〇〇

二萬四
千六百
六十英
里之電
線

自新加坡至馬德拉士

一、五五〇

自馬德拉士至孟買（印度陸線）

五〇〇

自孟買至亞丁峽

一、七〇〇

自亞丁峽至亞歷山德利亞

一、三〇〇

自亞歷山德利亞至利士般

一、四九〇

自利士般至亞佐士羣島

一、一七〇

自亞佐士至紐約

二、六五〇

總計

二四、六六〇

其距離之遠如此。而以十二分至九分之短時刻。瞬息相接。嘻、偉觀矣哉。回憶大西
洋海電初議建設之時。實在千八百五十八年。而歷數次之失敗。直至千八百六十
六年。始獲就緒。曾幾何時。今則大西洋上之電線已十六條。而亘世界大半之太平
洋。亦同時而成二線。世界之進化。真不可思議。

美國與
太平洋
海電之
關係太平洋
海電與
中國之
關係

紐約太陽報曾論美國與太平洋海電之關係云。美國之電報。前此全恃大西洋傳來。倘或偶有事變。大西洋海電稍生窒礙。則美國與世界全部。無一地可以交通。其危險莫甚焉。且也世界之大勢。日趨於泰東。今吾美既得夏威夷菲律賓。以東方諸國爲吾市場。非在東方得一最迅速最直接最確實之交通機關。則事事將落人後。前此華盛頓政府與馬尼刺之交通也。由迂回遼遠之電路。當外國干涉之衝。雖幸而未嘗遇意外之變。借或有焉。何以禦之。故海電告成之日。卽美國在東方勢力範圍始穩固之日也。云云。由此觀之。美人之注熱誠以歡迎此海電也亦宜。

抑吾更有一言。四十六年以前。紐約之人口。不過七十萬。及今乃一躍而至三百餘萬。雖其他種原因尙多。而自大西洋海電既通以後。驟增突進之跡。歷歷不可誣矣。然則此太平洋海電開通以後。東亞之紐約。殆將出現。此亦推理而可徵者矣。我國民若能利用之。其助我文明進步之速率。又豈淺鮮。而惜乎錦繡江山。他人入室。吾又安忍言哉。

(附記)西七月二十五日芝加高電局改正電報價目表摘錄如下

芝加高至漢挪路盧

每字四角四分(俱記美國銀下同)

至蔑德威

六角九分

至嘉謨

九角四分

至菲律賓島

一元一角四分

至香港

一元一角九分

至中國

一元一角九分

至澳門

一元二角九分

至日本

一五五角

前此由芝加高發電至中國每字電費一元六角今減四角一分云

美國諸市工價之昂。以必珠卜爲最。華人在此者照例仍以洗衣工爲獨一無二之職業。以此賤工而每來復所入。自美金十七元乃至二十二元。視內地候補道一局

工價最昂

差。優之遠矣。

十四日行。

由必珠卜至先絲拿打紐柯連

(二十九)

閏五月十四日由必珠卜首塗之紐柯連。道經先絲拿打。被邦人繫留焉。一宿行。先絲拿打者。美國第十大會。屬阿海和省。人口三十二萬五千九百〇二人。華人九十餘。市雖大。頗貧瘠。拉丁人種所麇集。文明程度。遠出他市下。余演說一夕。維新會成。十五日行。以溽暑節入熱帶地。坐汽車竟日。如入甕然。口占一絕。

黃沙莽莽赤烏虐。炎風炙腦腦爲涸。乃知長宿水晶盤。三百萬年無此樂。

十六日至紐柯連。

紐柯連者美國第十二大會。而南部之重鎮也。屬路易安拿省。人口二十八萬七千一百〇四人。華人千餘。

此地西人華人之生計風俗。皆與東部絕異。至此耳目爲之一新。

南部諸省前此所謂奴隸省。而紐柯連實爲之總鎮。紐柯連卽南部數省之攝影也。故吾至紐柯連。其特別之趣味獨多。

南部諸省黑人殆三分之一。而紐柯連之比較率。恐尙不止此數。蓋舊蓄奴者皆大地主。而大地主集於大都會。故奴數尤多。今雖自主。猶附著於土地也。入其市幾忘爲白亞美利加。而疑爲黑亞美利加矣。

寡頭政體

南部諸省號稱爲共和政體。實則至今仍寡頭政體也。其人民大率可分三級。其一曰上等之白人。卽南北戰爭以前此地之殖民貴族。部亦有新自北移來者而掌握地方上實

權者也。其人數甚少。不過十與一之比例。其二曰下等之白人。此輩當用奴時代卽已來住。但其時富家以蓄奴獲利。一切墾闢耕耘之業。皆奴爲之。此輩既不自有資本。求勞傭之業。亦無所得。其生計之困難。不可名狀。坐是之故。更無餘力以興教育。受教育。其智識亦在水平線以下數級。其優於黑奴者不過名義上有選舉權。稱自

由民耳。此在南北戰爭前耳。若在今日則黑人與彼等不能軒輊。近年來礦業製造業漸興。此輩之困稍蘇。然其

進步究緩慢。遠不逮上級社會。此等人約居十之四有奇。其三則黑人。黑人自解放後。有選舉權。與齊民等。然黑白之不敌。豈待論矣。黑人亦約居十之四。吾故謂南部之政治。非共和政治。而寡頭政治。抑亦非寡頭政治。不足以靖南部也。

黑人蕃殖於美國之前途。其影響將何如。此亦一問題也。千八百九十年之調查。美國黑人共七百四十七萬四千人。最近精確之調查。未見開約。近九百萬云。適居總人口十分之一。而據

米因斯密之社會統計學。日本有譯本。所論。有大足資研究者。即自一八六〇至一八七

〇年。凡十年間。黑人生產之數。比前銳減。及七十至八十年間。忽驟增。計此十年。黑人每百人增加三十四人有奇。白人每百人增加二十九人有奇。及八十至九十年間。其現象復倒置。黑人每百僅增加十三人有奇。白人每百增加二十六人有奇。三十年來。忽漲忽落。如波折然。其故果安在。

米氏對於此理由。未下解說。以鄙意度之。當初放奴時。彼等乍離其主。而未別得謀

黑人之
自由虛
名耳

最可笑
者一事

生之路。其慘苦爲最甚。聞當時黑人怨林肯者甚多。曰：林肯雖不殺吾曹，吾曹由林君而死。情狀可見一斑。其生不蕃，實由於此。及十年以後，稍稍得職業，白人晚婚而少育，黑人早婚而多育，其率之驟加也亦宜。然此不過一時耳。白人競爭力終非黑人所能敵。且近年來美國由農業國而進爲工商業國，工商業之生產力，更非黑人所能任。故其生計復日悴一日，而生殖力隨之。乃至由三十四人而減至十三人。何其一落千丈。至於如是也。嘻，不適之種，未有不滅。此豈獨黑人哉。

又統計家言現今美國之黑人實減

百年前三
之一云

黑人之自由權，不過名義上耳。實則其狀態仍與前此相去無幾。現紐柯連市之黑人，非得市會之許可，不能移住他市。南部諸省，大率皆然。蓋昔則一人一家之私奴，今則一市之公奴也。中國人則不使來黑人則不使去咄咄怪事而彼等對於舊主人，亦若有戀戀不能去者。非餘恩有以結之，實餘威有以慴之也。有最可笑者一事，放奴之舉。本共和黨所主持也。既放之後，舊奴悉有選舉權。共和黨以爲吾有恩於彼，必可得其助，增數

待黑人
之私刑

百萬票以制勝。孰意投票之時。黑人票之全部。悉加於合衆黨。蓋南部之上等社會。悉爲其主人者。皆合衆黨。而彼等不得不聽其指揮也。彼奴性終古不改。可見一斑。美國人有一種私刑名「靈治」刑者。以待黑人。此實文明國中不可思議之一現象也。初有農夫名靈治者。一黑人觸犯之。乃縛之而懸於樹上。以待警吏之來。吏未至而該黑人已死。後遂襲用其名。近所通用者則焚殺是也。每黑人有罪。不經法官直聚衆而焚之。當二十世紀光天化日之下。而有此慘無人理之舉。使非余親至美洲。苟有以此相語者。斷非余之所能信也。計旅美十月。在新聞紙中見此等怪報。不下十數次。初甚駭之。及習見亦不以爲怪矣。查其統計。乃知自一八八四年以來。每年有此等私刑者。殆平均百五十七次云。嘻。俄羅斯殺百數十猶太人。舉天下以爲暴。吾不知美與俄果何擇也。

黑人之舉動。亦誠有足令人憤恨者。蓋彼等以得一接白人婦女之膚澤。雖九死不悔。往往於暮夜林薄中強污焉。畢復殺之以滅口。故靈治之案。十有九爲此云。斯固

所謂文明者吾知之矣

西班牙風

可憤也。雖然。不有有司乎。而國家於妄行靈治之人。不加以相當之刑罰。抑又何也。無他。人種上之成見則然耳。美國獨立檄文云。凡人類皆生而自由。生而平等。彼黑人獨非人類耶。嗚呼。今之所謂文明者。吾知之矣。

紐約連市湫隘囂塵。視東方諸市幾若異國。除市中的一大街外。其餘道路。殆與吾北京無甚差別。

市中所謂下等白人者。多西班牙及法蘭西遺民。其樓屋之結構。有一種異色。土人語余曰。此西班牙風也。其市會議堂。今猶雕西班牙國徽章焉。吾來此可當游西班牙一次。

由紐約連至聖路易

(三十)

閏五月廿五日由紐約連至聖路易。

聖路易。美國之第四大都會也。屬迷梭里省。人口五十七萬五千二百三十八人。華

世界博覽會

工人之
尊國

人約六百餘。有維新會。團體甚堅。

明年開世界博覽會於此市。其會期本在今年。以預備未完。故改訂。否則余到之日。正開會時也。逸此機亦一可惜。但游會場一周。以當望梅。

會場外觀之宏麗不待言。但其材料皆用細木片耳。丹漆而聖飾之。則瓊樓玉宇不如也。會畢則拉雜而摧燒之云。

北京政府所派博覽會副監督黃開甲適先余數日至。僦屋居焉。帶有工人三十餘名。時方溽暑。聖路易炎熱尤甚。其工人皆裸體赤足。列坐門外。望比鄰之遊女。憨嬉而笑。大爲市中惡少所不平。擲石唾面不絕。致一日數呼警吏以相彈壓。嗚呼。各省攤派搜括數十萬金。以買唾罵。是亦不可以已耶。

中國商人亦自占一區於會場中。陳華品焉。今亦在建造中。發起之者。費城之維新會員也。

六月一日行。

由聖路易至芝加高

(三十一)

六月二日由聖路易至芝加高。

芝加高者。美國第二大會也。屬伊里女士省。人口一百六十九萬八千五百七十五人。華人三千餘。維新會新成。成後一月而余至。

余在芝加高所最感動者。則文明西漸之潮流是也。文明之起源。在小亞細亞。由巴比倫敘利亞達於海濱之腓尼西亞。遂超地中海。開希臘。開羅馬。此上世紀之事也。乃駸駸瀰漫歐羅巴全陸。及於窮北。而數百年間。常向西方進行。寢假而權力中心點。專集於大西洋沿岸。此中世紀之事也。近世以來。復超海而達於大西洋。彼岸之新大陸。所謂美國東部加拿大東部一帶殖民地。星羅碁布。有跨竈母國之觀。凡此者皆盡人所能道矣。此文明之傳播。由海而陸。由陸而海。由海而海。由陸而陸。而其線向恆在西。證諸美國最易見之。

文明西
漸之潮
流

當十九世紀之初。新大陸著名市府。只有紐約費爾特費波士頓及加拿大之滿地可而已。其他無足稱者。若太平洋岸一帶。全為紅印度土人之巢窟。固不待論。即如芝加高號稱今日美國第二大都會。全世界第四大都會。其在十九世紀之上半期。猶一區區之三家村而已。豈圖數十年間。遂一躍而立於此地位。此西漸之力。最彰明較著者也。今試將百年來紐約費城波士頓芝加高四地人口之增進比較表列如下。

東西諸市人口進步比較表

年次	紐約	費城	波士頓	芝加高
一八〇〇年	六〇,〇〇〇	六九,〇〇〇	二五,〇〇〇	……
一八一〇年	九六,〇〇〇	九五,〇〇〇	三三,〇〇〇	……
一八二〇年	一四〇,〇〇〇	一一五,〇〇〇	四三,〇〇〇	……
一八三〇年	二〇五,〇〇〇	一六一,〇〇〇	六一,〇〇〇	……
一八四〇年	三三三,〇〇〇	二二〇,〇〇〇	六三,〇〇〇	四,〇〇〇

一八五〇年	五六,〇〇〇	三四〇,〇〇〇	一三七,〇〇〇	三〇,〇〇〇
一八六〇年	八二四,〇〇〇	五六八,〇〇〇	一七八,〇〇〇	一〇九,〇〇〇
一八七〇年	九四二,〇〇〇	六七四,〇〇〇	二五一,〇〇〇	二九九,〇〇〇
一八八〇年	一,二〇七,〇〇〇	八四七,〇〇〇	三六三,〇〇〇	五〇三,〇〇〇
一八九〇年	一,五五,三〇一	一,〇四六,〇〇〇	四四八,四七七	一,〇九九,八五〇
一九〇〇年	三,四三七,二〇一	一,二九三,六九七	五六〇,八九二	一,六九八,五七五

由此觀之。美國諸市。皆歲歲進步。不待論。而其飛行絕跡者。尤莫如芝加哥。當千八百三十年時。僅一林莽耳。四十年時。僅四千餘人。越五十年而增一百餘萬人。自一八九〇至一九〇〇年十年間。復增七十萬人。其進步之速。真可謂冠千古而無兩也。曰惟文明西漸之力。驅迫使然故。

近年之世界博覽會。一開於芝加哥。再開於聖路易。皆文明西漸之表證也。越五年後。至一九〇七年。又將開博覽會於砵侖。則直移至太平洋岸矣。太平洋海電既成。

東亞商務日益發達。十年以後。芝加高或凌駕紐約一躍而爲全美第一之市府。亦意中事也。

以學界之發達論。則當二十年前。今國中真可稱大學者。不過東方大西洋岸七八校耳。近則芝加高大學。駸駸有凌哈佛耶路之勢。而加罈寬尼省之斯丹佛卜技利兩大學。又絕足而馳。以云完備。雖不能無所讓於東部。以云進步。固迥非東部之所能望也。此皆文明中心點日移於西之明證也。

初五日往觀芝加高大學。吾游東部所見學校既多。雖規模甚宏大者亦若數見不鮮。然且匆匆一覽。萬不能悉其內容。故余屢次所觀學校。其最感動者則體操場圖書館規模之大而已。

體操場皆建築物。非在校外空地也。而其場中往往有可以賽馬處。可以競船處。則其建築之龐大可想矣。其體操器具之五光十色。不必殫述。

余所見各學校之圖書館。皆不設管理取書人。惟一任學生之自取而已。余頗訝之。

芝加高
大學

體操場

圖書館

至芝加哥大學。詢館主如此書籍。亦有失者否。答云。每年約可失二百冊左右。但以此區區損失之數。而設數人以監督之。其所費更大。且使學生不便。故不爲也。大抵失書之時。多在試驗期之前半月。蓋學生爲試驗而竊携去備溫習。驗畢復携返者亦甚多云。此可見公德之一斑。卽此區區。亦東方人所學百年而不能幾者也。美國教育之事。皆由各省自行管理。非中央政府所得干涉。政府雖設有一學報長官。不過調查報告而已。故美國無國立大學。此亦一怪異之現象也。去年卡匿奇往謁盧斯福。勸立一國學於華盛頓。自認捐二千萬。元以爲之倡。盧斯福尙未全諾。現正在計畫中。想不久可成立耶。

(三十一)

初七日往西賢雪地。

西賢雪地者新立之一市也。余前在東籍中。見一段言社會主義之初祖聖西門。以欲實行此主義。故特爲一隊新殖民於美國。初至切市省。失敗。繼復至伊里女士省。

成焉。然不能有所發達。但保守而已。至今猶有六十餘家奉聖西門之教不變。在美國中劃然爲一新天地云云。余未至美。卽欲訪之。及至芝加高。聞人稱西賢雪地者頗與相類。因逕訪焉。

宗教界
之拿破
命

廢醫藥

至則非是。乃一「宗教界之拿破命」新創之市也。其人名杜威。本澳洲人。十三年前移住於美國。其宗教與前此諸宗派大有所異。自謂獨契帝子之微言。排斥異己。不遺餘力。而其魔術尙有一端足以聳聽者。彼竊比耶穌。以祈禱療病。不用醫藥。亦往往有奇效。故教士與醫生皆銜之極至。聞其至美十三年。凡被訟者千餘次。下獄十四次云。初至時無一徒黨。今有七十餘萬人。且徧地球各國無處無之。上海亦有其教會公款至千數百萬金以上云。洵一奇才也。

西賢雪地者。僅一年半以前所成立。杜氏欲聚其教徒。成一地上之天國。因自相地得此。以一百萬元購之。遂闢新市。僅一年半。而市民已有二萬餘。現來者尙接踵。但土木不能速就耳。蓋彼教不許吸烟飲酒。入其市犯此者課罰二十五元。故工人就

市制

之者希云。市內惟有一商店。百物俱備。惟有一旅館。以供寄居者。其餘百端事業皆獨一無二。其斷絕競爭。實行干涉。頗有類社會主義者。余初至時。甚疑其爲該黨人之實行。細詢乃覺不類。蓋其市中惟土地及兩大工廠一銀行屬公有財產。其餘各種事業仍歸各私人。惟無同業之競爭而已。實亦非強禁之。彼輩自好爾爾也。其租稅惟「有所得稅」之一項。無論執何業者。以其所得什之一歸教會。故教會之富。歲增不可紀極。

其市一種親愛清明肅穆之氣。實有令人起敬者。據市中人言。立市以來。年餘未嘗有一次之訟獄。以二萬餘人麇居一市者。年餘而訟獄不一見。亦真可謂異數矣。余至匆匆數點鐘。卽返芝加高。蓋相距幾一時許也。是日杜威不在市。未見之。及暮彼歸。聞余至。乃大驚。飛電來芝加高。務請再一臨。使彼盡地主誼。余旣奇其人。亦欲一見。初七日再往焉。

至則杜威以軍樂迎於驛站。導至其家。款待殷勤。不可名狀。其人美髯鶴立。目光閃

生理與
心理之
關係

人。一望而知爲一大人物也。是夕彼請余至其教堂演說。聽衆六千餘。彼言現在教堂之宏敞。（每指容衆之多）在全世界中。此爲第二云。余演說後。杜威自演三時許。其音之雄壯。余生平所未聞也。辯才亦橫絕一世。其所以起平地而成此大業。蓋有由也。彼演說畢。語余曰。吾將以上帝之能力示足下。余靜聽之。彼呼於衆曰。諸君中誰是曾經有病爲上帝療治得愈者。請起立。衆起立者過半。余思之。彼若與其人作弊以誑余。豈能盡數千人甘心爲其作僞之奴隸。此必眞事也。度生理學與心理學有一種特別之關係。現今未能盡發明者。而迷信之極。其效往往能致此。此亦非可駭之事。前上海某教會所譯治心免病法一書。固略言之耳。但彼益實行之而見效耳。彼則以爲非己之能。皆上帝之力。故其徒咸信之。謂爲「先知」。（舊約全書謂耶蘇以前諸賢皆先知）復生云。顧吾所最不解者。彼教會中下等社會人固多。其上等社會亦不少。余在彼所見。某甲則芝加高大學教授。某乙則法學博士。某丙則醫學博士。某丁則芝加高國民銀行總理。凡此輩者皆非易被魔惑之人。而何以竟信之若是。其人之材略。必有大過人

野心向
於中

杜威與
摩爾根

耶教之
大樂訟

矣。現彼日日闢新市。聞今年又將在太平洋岸開一第二之西賢雪地云。其教徒殆每月以幾何級數增加。竊意此人如不死。十年以後。其勢力必占美國一大部分。請懸吾言以俟之。

此人野心勃勃。大有并吞宇內之概。現四處行其教。明年元旦即復起行往英國。欲開第三之西賢雪地於歐洲云。其竭誠盡敬以歡迎我也。凡欲藉我爲擴張勢力於中國之地也。彼運動我入其教。且明言之。謂十年以內。必有一西賢雪地見於中國。吾信其力能致是。使其致是。則洵大可畏。此君之魔力。不可思議。吾謂現今全美國。惟摩爾根與彼兩英雄耳。

彼之教理亦有大可佩者。疇昔景教者流。皆言末日審判時。善者信者永生極樂。惡者不信者永死沈淪。杜氏謂不然。上帝無使人永死沈淪之理。今之惡者不信者。特機緣未熟。迷而不返耳。要其善根固在。至末日審判時。雖以極惡之人。一觀上帝之靈光。亦必大徹大悟。至彼時終得與善信者同立於平等之地位。蓋上帝之條。本重

悔改。悔改者前惡盡消也。云云。此其義與佛教大乘法全合。所謂一切衆生皆成佛。卽其義也。此亦杜氏獨到處。宜其有以立足也。此人或爲第二之馬丁路得。亦未可知。願吾終覺其權術過於道力耳。

(三十二)

芝加高
雜記

芝加高之大屠獸場。實託稱世界第一。余往觀之。內職工九千餘人。一豕之所產出

物品。凡百三十餘種。一牛所產出物品。凡百四十餘種。該總理語余云。諸獸所不能

利用之部分。惟屠殺時所失之呼吸氣而已。其副產物。見前論 托之價值。視正產物

即牛肉 豕肉之類。四倍有餘云。一點鐘內可屠三百五十餘牛。自繫屠以至裝罐一切安畢。

芝加高舊博覽會。現留存一座以爲紀念。余往遊之。內所藏希臘羅馬古跡之模範品甚多。

芝加高之公園。風景冠絕全美。蓋湖沼多以水勝也。「林肯公園」清幽殊絕。「華盛頓公園」前臨墨西哥湖。有氣吞雲夢波撼岳陽之概。余絕愛之。嘗往遊。忽遇暴風

雨。登湖樓憑眺。白馬吼突。海天無際。真壯觀也。成一詩。

黑風吹浪魚龍舞。白日沈天鷹隼豪。何意迷漫金粉地。登樓猶見廣陵濤。
十三日行。

由芝加高至汶天拿省

(三十四)

六月十四日至懇士雪地。

懇士雪地者。美國第二十二大都會也。人口十六萬三千七百五十二人。華人約二百。維新會早成。余至此僅一宿。演說以外。不能多有所觀察。

十五日晚由懇士雪地起行。北迤入汶天拿省。乘大北鐵路之汽車行。

大北鐵路者。亦美國近十餘年來之進步一大關係也。其東方起點自米尼梭達省

之聖保羅市。此市亦有維新會華人百餘余以匆遽未及至橫貫南北達哥他省汶天拿省華盛頓省以達

於太平洋岸之舍路市。線長六千餘英里。現新大陸之鐵路中。除加拿大太平洋鐵

傳人占
士比兒大北鐵
路之三
大利益

路外。以此路爲最長。而在美國境內則此爲第一也。自十五年前。此諸省者。皆一望林莽。獸蹄鳥跡相交錯。時或有一二紅印度人持石鏟手鑽燧相與出沒而已。以美國東南部一帶富源尙未盡闢。資本家惟擇已開之地日相爭競。而此西北一帶。莫或過問。時則有一英雄曰占士比兒。具遠識。懷大略。謂此荒棄之地。實足爲美國前途增無限勢力。汲汲謀拓殖者有年。雖然。比兒固窶人子。衣食尙不自給。年二十餘。尙在密士瑟必河畔爲一挑夫。每日得一二元之工價。僅以餬其口。以勤慎之故。漸升爲一鐵路公司之代理人。如是者二十年。至千八百七十五年間。彼乃發表其意見。謂自聖保羅至舍路築一大鐵路。(一)可以闢無窮之寶藏。爲一國前途之大利。(二)可以通美國東西兩部使聯絡日固。(三)可以與東洋航路銜接爲擴張美國勢力於東方之地步。雖然。以蒙茸林莽人跡不到之地。投數千萬金之資本。尋常無經驗之人所最怖也。且其時之比兒氏。人微言輕。不足以動衆。其獨力之資本。又不克任。於是聞者皆目笑存之。如是者又十餘年。而比氏氣不少衰。日日運動。漸至

聳一世觀聽。直至千八百八十七年。而此大鐵路之計畫乃實行。閱五年而路成。美國諸鐵路中。其工事之艱難。殆莫過於此路。其所經過者。有全洲最大之落磯山。有大森林。有大湖沼。穿無數之大隧道。與積雪戰。與堅冰戰。與酷日戰。與瘴霧戰。與猛獸戰。與土蠻戰。乃至與飢渴戰。與死亡戰。其工程之幾中止者屢矣。比兒氏卒以堅忍不拔之力。冒萬苦。排萬難。以底於成。嘻。亦偉人哉。鐵路一成。而數萬年來鴻荒黑闇之天地。遂放大光明。至是而此數千里之荒原。不十年間。而千數之大村落。百數之大都市。彈指湧現。歲歲產七千萬石以上之小麥。供給世界市場。其餘物產亦稱是。至今全世界農業制度最完美之區。惟此爲稱首。而比兒氏在此諸省中。其受崇拜也。幾與華盛頓同。尊之曰「大北之父」。華盛頓有國父之稱。嘻。豈不亦人傑哉。余在汽車中。見有「大北鐵路歷史」一書。美國各汽車中皆有圖書室。窮日之力讀之。覺其關係如此其雄深。其人物如此其偉大。故記其崖畧如右。

大北鐵路之經營日益龐。今復造世界第一之大汽船。以握太平洋航路之權。其影

響於我中國者最大。下章更論之。

十六日至比令士。演說一晚行。

十八日至笠榮士頓。演說兩晚行。此兩地皆屬汝天拿省。

汝天拿省華人數不過二千餘。分屬十餘市。而維新會發達最盛。有會所之市十二焉。余不能盡歷。惟至比令士、笠榮士頓、表雪地、氣連拿、數市。附近各市之同志。皆走集相見。

笠榮士頓爲全美國最高之都市。蓋在落機山之大半麓矣。余至是適患小恙。同人勸浴於溫泉。泉距笠市二十餘里。落機深處也。風景幽絕。塵念頓消。余浴三日。得詩數章。

名山穆穆日如年。獨步長歌復醉眠。亦是茲遊一奇絕。落機深處浴溫泉。

瀉潭飛瀑何太急。樓壑片雲長自閑。安得風塵棄我去。年年攜酒看青山。

九萬里中得三日。二十年間此一回。猛憶過去未來事。清明膚寸現靈臺。

落機山
中浴溫
泉

詩

落機山中有黃石園者。周遭八百里。實全世界第一大公園也。聞奇景最多。有種種定期之噴泉。或一日噴一回。或一日噴三四回。或隔日噴一回。或一來復噴一回。或一月噴一回。皆有定期。靡差靡忒。園中熊最多。皆馴擾不犯游客。園中禁射獵。每歲只有半歲可游。積餘日由聯邦政府派兵一小隊守衛之。遊客不得攜鎗械。惟今年總統盧斯福來遊。曾破例許獵一熊以歸云。園距笠市僅半日程。惟往遊非半月不能探其勝。余無此暇晷。僅購影畫數十枚。當臥遊耳。

二十二日到表雪地。華人六百餘。甚瘠苦。多以西人餐館爲業。數年前工黨用強制手段。不許西人就食於華人餐館。因此損失甚鉅。全市爲之寂寥。此事屢以國際交涉。提出於美政府。莫能伸也。全美中待華人最酷者。此市爲第一。二十六日到氣連拿。實汝天拿省之省會也。華人六百餘。以軍樂相迎。極一時之盛。至夕。其總督來相訪。頗殷勤。總督士蔑氏。良喜華人。此市與表雪地相距不過百餘里。而吾民之舒蹙迥殊矣。

汶天拿省人雖少。而維新會之開最早。且最普及。其中熱誠之士數輩。堅苦刻厲。令人肅然起敬。

汶天拿省以西人最相凌侮。故維新會別立一聯衛部。專貯積公款。爲相周相救之用。法甚密。意甚美。現各屬多有踵效者。

二十八日爲今上萬壽節。在汶天拿省遙祝焉。附近各市皆各出代表人至。一同慶祝。且議本屬各支會改良進步之法。

二十九日行。

由汶天拿省至舍路砵命

(二十五)

二十九日至博奇梯拉。余本不欲下車。有鄉人數輩苦相邀。乃一宿焉。此地華人百餘。有維新會。有會員而無會所。余匆匆演說一次。亦未能睹其成。

此市紅印度人最多。政府設法保護之。免俾絕種。每來復頒食一次焉。余至日適遇

維新會
之聯衛
部

紅印度
土人

頌食之期。全市闐塞。其衣皆紅綠兩色。爲種種式樣。以文其身。各以一木箱負其嬰兒。詭形殊狀。見所未見。亦一眼福也。

當維廉濱初至美時。濱士温尼省之土人。殆二十餘萬云。其餘東部各省亦稱是。其總數雖不可全考。史家謂總在三四百萬以上云。觀殖民時代與歐洲人種之血戰。可見一斑矣。十七世紀之中葉。土酋有名腓力者。驍勇絕倫。統率諸部與白種爲難。各殖民地乃設總會於波士頓。共同捍禦之法。則其勢力之大可想。其後英法七年戰爭。法人亦勾連土人大擾英屬地。卽華盛頓之將略。始亦以攻勦土人著者也。是時新英蘭附近諸地。土人如織。乃曾幾何時。至今落機山以東。無復一土巢矣。余行半年。走萬里。欲求一遺民之跡。不可得見。据千八百九十年統計。謂全國今尙有二十四萬八千二百五十三人云。率皆被迫逐竄於西部。今則西部亦日闕。深山大澤。悉化塵市。無復寸土以容此輩。今此十三年間之銳減。又不知若何。要而言之。若三十年後。再遊美國。欲見紅印度人之狀態。惟索諸於博物院中之繪塑而已。優勝劣

敗之現象。其酷烈乃至是耶。君子觀此。膚粟股栗矣。

三十日至片利頓。博奇梯拉片利頓同屬埃的荷省。片利頓華人約五百。有維新會。七月初一日至碧架雪地。華人百餘。吾族人居三分之一。有維新會。甚鞏固。亦以軍樂迎。會所遍結電燈焉。

初三日至貝市雪地。華人四百餘。有維新會。亦以軍樂相迎。余至是飛信前途諸市。屬毋以軍樂。實不克當。且耗費無益也。

初五日至抓李抓罇。屬華盛頓省。亦西部一新興市也。華人將及千。有維新會。開會甚早。而團體最固。致可欽敬。此市華人多從事農業及飲食店。光景頗佳。白人則俄羅斯移住者甚多云。

以上諸市。皆匆匆稅駕。不能有所觀察。筆記甚畧。

(二十六)

初八日至舍路。舍路者華盛頓省第一大會。而太平洋岸重要之港口也。大北鐵

路以此爲終點。日本郵船會社之太平洋線亦以此爲終點。日本人在美國者以此市爲最多。華人亦約三千。美國境內維新會之開。以此市爲嚆矢云。康同璧女士與家弟啟勳同來美遊學。適至此市。相見甚懽。

余至舍路所最感者。莫如大北鐵路公司之經營東亞政策。今略記之。

余甚陋。不知世界。自庚子年由印度檣伽島航澳洲。乘英國 N. & O. 公司之船。總容積九千噸者。余喜愕不知所爲。又從該島港口見德國公司船容積一萬一千噸者。余愈喜愈愕。去年見美國航太平洋之「高麗」「西伯利亞」兩船。寄泊橫濱。聞其容積一萬八千噸。余愈喜愈愕。今次遊美。矢願附之。而船期適不合。往來皆相左。余滋憾焉。頃到美國。乃復聞有大北輪船公司造絕大汽船之事。

大北輪船公司者。大北鐵路公司之子孫也。初美國西北一帶。長林蔓草。人跡杳絕。自千八百七十九年。有占士比兒者。始排萬難。以建一橫絕大陸之鐵路。自是美國太平洋北岸一帶。日趨繁盛。遂關今之柯利根華盛頓兩省。而此鐵路公司。亦享莫

大之利益。至於今年。乃益爲壟斷太平洋航權之策。造絕大之汽船。以往來於中國美國日本之間。自一年前已在美國東方造船公司定製姊妹船二艘。其一名彌奈梭達者。以本年四月十二日竣工。明年^{一九〇四年}元旦自華盛頓省之舍路港起航云。其他一艘尙未命名。約以明年四月竣工。而將來辦理獲利之後。尙擬更造多艘云。據砵命市之北美叢報所記。則

彌奈梭達船長六百三十英尺。幅七十三英尺。吃水三十六尺半英尺。排水量三萬七千噸。內容一等客位百五十人。二等三等客位各百人。下等客位一千人。除外仍可容軍隊一千二百人。船中職役人等三百人。共容二千八百五十人。載貨物二萬噸外。尙容煤七千噸。速度一萬一千匹馬力。現在世界中商船之大。此爲第一。

二十世紀之世界。商戰世界也。而商戰之勝敗。惟視其在泰東市場。即中國及東亞諸國所占之地位何如。此又盡人所同認也。自千八百六十九年。蘇彝士運河開通之後。歐亞

現世界空前之第一大船

商戰舞臺之中亞及歐亞距離

之距離。雖已縮短。然以視美國之由太平洋直達者。其利便仍遠有所不逮。今略比較之。則從歐洲經蘇彝士河東來者。以法國之馬賽起計。到香港凡七九〇二海里。到馬尼刺凡七九〇六海里。到上海凡八七五八海里。到橫濱凡九四七六海里。若由美洲渡太平洋而來。以舊金山起計。到香港凡六〇八七海里。到馬尼刺凡六二五四海里。到上海凡五五五〇海里。到橫濱凡四五六四海里。然則美國之地勢。已占世界商戰上優勝之位置。明甚矣。而前此太平洋航業所以未甚發達者。則有三故。其一由美國之力尙未膨脹於外也。其二由東亞諸國之貿易尙屬幼稚也。而猶有第三端焉。則以太平洋海程太遠。中間無貯煤港以爲之接濟。故當啓輪以前。應用之煤。必須備足。載煤多而載貨之餘地自少。故其遜於蘇彝士航線一着者。以此。以故欲以太平洋線航利壓制他線者。勢不得不用大船。非以其洋之大而然也。蓋其船必容三千噸以上之煤。而不覺其太多。然後可以利用太平洋。查十年來海運發達史。當千八百九十二年。全世界中四千噸以上之船。凡二百六十六。八千噸以

太平洋
與蘇彝
士河之
決門

上之船。凡八。至千九百年。四千噸以上之船。凡八百十二。八千噸以上之船。凡六十四。船舶容積之增大。與商戰之進步。最有關係焉。然此即太平洋飛躍之一先聲也。竊嘗論之。將來太平洋航業發達日盛。則蘇彝士運河之地位必將一變。而其勢力亦大有所減。何以言之。試觀近年來歐亞間之郵政。已不由蘇彝士而由太平洋。彼蘇彝士通航之船。非不密也。而顧若此者。遲速之異也。夫自歐洲各都市經蘇彝士以達亞東。至速亦須三十二日。若由大西洋踰美大陸道太平洋而來。則柏林以九日。巴黎以八日。倫敦以七日。即可達紐約。紐約以四日。零三點鐘達舊金山。舊金山至上海。若以每點中行十七海里之船。則十六日可達。郵政之舍彼就此。蓋有由也。故使太平洋之航業。有大船以發達之。則將來不惟於郵政爲然。於貨物亦然。蓋商戰者以白圭之勇。慶忌之捷。而制勝者也。人之樂去遲而就速勢也。况蘇彝士河之經過。必須納稅。平均每噸在三圓以上。久爲商家之所苦乎。以此言之。則今者大北輪船公司之計畫。可謂扼天下之吭而拊其胸。將來此輪船之成效日增。即彼大北

鐵路之進步日盛。占士比兒亦可稱近世商界之小拿破侖哉。

吾國人於實業思想。毫未發達。聞吾喋喋論此。不隱几而臥者希矣。雖然。此太平洋上之航權。實我國應染指者也。而以吾招商局開設四十年。曾無絲毫之遠慮。而其餘商人。亦更無有起而圖之者。吾儕亦復何顏以責備政府耶。吾記此。吾有餘悲。吾猶有餘望云爾。

在舍路三日行。

(二十七)

十二日至砵侖。砵侖屬柯利根省。亦太平洋岸一要港也。華人約五千。維新會最盛。西北部諸市以爲總鎮。余將至。砵侖會中特號召各市出代表人來赴會。至者二十餘市。一時稱極盛焉。余在市數日。日接見同志。於他事觀察殊少。

在砵侖讀新聞紙。忽見巴拿馬市民宣告獨立之事。僅三日而美國公認之。此實向來革命時代國際史所未聞也。越兩來復。而美國政府遂與巴拿馬革命政府結條

約。以巴拿馬運河開鑿之權讓於美國。而美政府以金二百萬磅爲報酬。且每年以金五萬磅給巴拿馬新政府。約遂定。於是哥倫比亞政府責言焉。哥倫比亞國者巴拿馬舊所屬也

國務大臣約翰海氏覆牒曰。若哥倫比亞必欲破此條約。案指運河條約則或至破兩國之

國交。恐我議會不復能附於哥倫比亞。相爲親友。云云。國際上用語。其傲慢無禮。至是而極。美國與哥倫比亞。雖有大小強弱之殊。以國際法論之。固皆對等之獨立國也。使哥倫比亞以此施諸美。美人將何以待之。若今之哥倫比亞。則吞聲泣血而已。俾士麥曰。公法不可恃。所恃者惟赤血耳。黑鐵耳。吾觀於美國對於巴拿馬之政策。歎歎累日而不能自禁也。

有鐵血
無公法

英之蘇
彝土與
美之巴
拿馬

昔英相的士黎里。以一夕祕密之交涉。遂舉五千萬蘇彝士運河之股票。從埃及王室之手。而移諸英國政府之手。當時全歐震動。謂爲神奇。今次約翰海之敏腕。毋乃類是。嗚呼。強權世界之外交家。可畏哉。可畏哉。

英自收蘇彝士河股份票。而英霸東方之局遂定。美自得巴拿馬開鑿權。而美伯東

方之局亦遂定。以二千萬易此最高之地位。天下古今之物品。其代價之廉。當未有過此者。

今者名義上。巴拿馬爲一獨立國。且爲萬國公保之中立地。但其實際如何。不待知者而決也。美之巴拿馬。猶英之埃及也。余至日本。余乃見吾國革命家所出之報紙。謳歌巴拿馬革命者。不可勝數。僉曰。吾同胞何不如巴拿馬。吾同胞其學巴拿馬。嗚呼。吾同胞而欲學巴拿馬也。則亦何難之有。新政府之歲給。尙可以什伯倍於五萬磅。吾敢斷之。

在砵侖讀舊金山華文報紙。知有我領事館一隨員譚某。爲西美國警吏辱毆自戕之事。余深爲國體痛。作輓詩三章。稿不存其一
首不復記憶

丈夫可死不可辱。想見同胞尙武魂。可惜轟轟好男子。不教流血到櫻門。
國權墮落嗟何及。來日方長亦可哀。變到沙蟲已天幸。驚心還有劫餘灰。

八月初三日行。

由砵侖至舊金山

(三十八)

八月初五日。由砵侖至舊金山。

舊金山本名三藩蘭斯士哥。日本人通譯作桑港。華人呼以今名。屬加罈寬尼省。美國現今第九大都會。而華人最多之地也。人口三十四萬二千七百八十二人。華人約二萬七八千之間。維新會成立最早。注籍會員者約萬人。余至時。以軍樂歡迎。盛況更過紐約。感謝無量。

觀華人性質在
世界占何等地位

吾以爲欲觀華人之性質。在世界上占何等位置。莫如在舊金山。何以故。內地無外人之比較。不足以見我之長短。故在內地不如在外洋。外洋華人所至之地。亦分兩大類。一曰白人少而華人多者。白人爲特別之法律以待我。如南洋諸區是也。二曰白人多而華人少者。我與彼同立於一法律之下。如美洲澳洲諸區是也。其第一類者與內地幾無以異。故亦不足研究。所研究者第二類而已。第二類之中。其最大多

數之所在。莫如舊金山。故吾欲以舊金山代表此問題。以吾所見。則華人所長者如下。

一愛鄉心甚盛。(即愛國心所自出也。)

一不肯同化於外人。(即國粹主義獨立自尊之特性。建國之元氣也。)

一義俠頗重。

一冒險耐苦。

一勤儉信。(三者實生計界競爭之要具也。)

其所短者如下

一無政治能力。(有族民資格。而無市民資格。)

一保守心太重。

一無高尚之目的。

今請先敘其情狀。次乃論其性質。

人數略計

余所至之市。凡二十餘。其人數約如下。

紐約及其附近

約八千

哈佛

二百

波士頓及其附近

四千

費城

一千

華盛頓

五百

波地摩

六百

必珠卜及其附近

九百

先絲拿打

一百

紐柯連及其附近

一千

聖路易

六百

芝加高及其附近

三千餘

懇士雪地

百餘

汶天拿全省

二千

埃的荷全省

二千

砵侖及其附近

一萬

舍路及其附近

三千

舊金山及其附近

三萬

羅省技利

五千

自餘未至之地。

所至者尙不止此數其小埠略之

約尙有五萬餘人。大約我同胞在美國者。通計不

過十二萬人內外。

今舉其重要之職業如下。

洗衣業

約四萬人

漁業

約萬餘人

廚工業(僮僕業附).....約二千人

農業.....約四千人

工業
採礦業.....約千人

製靴業

織帚業.....約二千人

捲烟業

通事業.....約五百人

雜貨店 中國雜貨.....約五千人(傭影在內下同)
日本雜貨.....約千餘人

商業
裁縫店 成衣(西服).....約二千人
褻服雜件(婦女所用).....約千人

飲食店 華式.....約三千餘人
西式.....約二千人

無業者.....	約萬人
以上所列。非有精確之調查。但舉其概耳。	
醫生.....	約二百人
傳教.....	約二百人
雜學生.....	約二百人
婦女.....	約二千人
兒童.....	約二千人

洗衣業實在美華人最重要之職業也。東部諸省。十有九業此。其工價最廉者。每禮拜美金八九元。(約每月合華銀七十元)最昂者。每禮拜二十元。(約每月合華銀百六七十元)以此至賤之業。而庸率如此其大。故趨之若鶩。

漁業惟太平洋岸諸省有之。舊金山舍路砵侖其大宗也。南部紐柯連亦間有。此業最苦。每年只有半年作工。其半年則坐食。其工價亦不昂。業此者其資本主皆西人。

華人有一人爲工頭。代彼招工。工人當坐食時。常先支其工價之半額。漁畢而歸。復支半額。故常僅餬其口而已。其採漁之地。或在附近海岸。或遠適他島。其最遠者。乃至亞拉悉加島云。輪船約行十一日。漁者多用帆船。往往月餘。南部漁業。則皆華人爲資本主。

廚工業

廚工業各地皆有。東方稍盛。在西人家中。或旅館司庖者也。其工價優於洗衣業者。三之一。實最優之業也。

農業

農業惟加罈寬尼省有之。餘則甚稀。此業不如洗衣工。然頗有獨立之姿。大率賃地而耕。華人自爲資本主。賃地而傭數人。至數十人。所種植以蔬果爲大宗。

採礦業

採礦業前二十年加罈寬尼最盛。今則無有矣。現惟北中部之洛士丙令等埠。南部之切市省。尙有一二。其工價甚苦云。余未至其地。又前此鐵路業爲華工一大宗。蓋西部諸大鐵路皆成於華人之手。今亦無有矣。

製靴捲烟織帶業

製靴捲烟織帶三業。惟舊金山有之。他處無有。此三業前此極盛。資本主亦華人。華商以此致富者不少。後工黨妒之甚。設種種法律相脅制。如呂宋烟非經政府蓋印

者不能出售。而政府於華工所捲者不蓋印。是其例也。此等事本大悖國際私法。蓋禁華工猶可言也。華工既經政府許其住美境者。而爲特別之法律。以奪其執業之自由。不可言也。豈有他哉。亦曰強權而已。使我政府而以民爲念者。仗義執言。彼無以爲難也。而惜乎非其人也。現此業日衰微。行將絕跡矣。

通事業在小法衙中或稅關或律師處爲繙譯者也。其工價自較尋常稍優。然此輩大率皆非端人。在各市中頗有權力。而鄉人最恨之。

中國雜貨店之業。在各市中最有權力者也。其與各工人。殆有貴族與平民之關係。凡一切關於公共團體之事。皆取決焉。然絕不能與外人爭利權。惟吸工人之脂膏以爲養。且業此者十有九兼業賭。以生計學理論之。實分利者也。其與外國貿易。惟爆竹草席糖果等爲大宗。絲類亦間有。茶則絕無。其輸出貨洋參麵粉兩項稍有之。然有外國貿易者。不過二十之一而已。

日本雜貨店則取外人之利者也。以日本磁器漆器絲類爲主。中國雜物亦間有。其

獲利不能甚豐。各地皆有之。

裁縫業

裁縫業有二種。一爲做西裝外衣者。一爲專用絲類做西婦裏衣及約領面巾諸雜項者。西部諸省砵侖舍路舊金山等處最盛。其餘頗少。此業獲利亦不菲云。

飲食店

飲食店有二種。一爲華式者。東部諸省最盛。芝加高以西則無有矣。此業自李合肥至後始有之。卽所謂「李鴻章雜碎」者是也。其利殊豐。他業無足以比之者。現紐約市將三百餘家。波士頓費城等市各數十家。芝加高市有一家。而投資本十萬金（華銀）者。陳設皆用華式。門如市焉。一爲西式者。則尋常餐館是也。華人可較西人價廉。故或在一二市爲獨占焉。汶天拿省。埃的荷省。此業最盛。柯利根省次之。餘則甚希。

醫生

醫生亦爭利權之一法門也。西人有喜用華醫者。故業此常足以致富。有所謂「王老吉涼茶」者。在廣東每帖銅錢二文。售諸西人。或五元十元美金不等云。他可類推。然業此之人。其不解醫者十八九。解者往往反不能行其業云。

傳教

學生

婦女兒童

無業者

賭業

賭亦爭外利之一道

傳教者各市皆有。亦衣飯椀之一端也。

學生近漸發達。下節別論之。

婦女兒童西部多於東部。然美洲大率皆求食而歸之人。與南洋及檀香山頗異。眷屬甚少也。娶西女者亦約二十之一。

無業者居一大部分。此實最怪異之現象也。此等無業者之中。其年老不能做工又

不能歸去者。約十之一。其餘壯而游手者。約十之九。其老不能歸者前此必亦壯而游手者也彼等何以

爲業。則賭其一大宗也。在美洲之華人。幾無復以業賭爲恥者。謹厚君子亦復爲之。

真可異矣。以華工所入。每人每年平均可得千金。然其能贖以返國者。不及十之一。

皆賭害之也。雖然。賭亦爭外利之一道。如溫高華舍路諸埠。賭客之大部分爲日本

人。每年貢於我者。埠各十餘萬。舊金山埠之番票。西人賭白鴿票者別爲賭館以待之與華人不相雜。廟各埠皆有。

當最盛時。西人之賭金。將三百萬美金。今猶五十萬美金云。以此等文明播諸彼國。

亦無怪人之相惡焉矣。

(二十九)

華人團體最多者度未有過於舊金山焉矣。試分類列之。

(甲) 公立之團體。

(甲) 公立之團體

(一) 中華會館

(二) 三邑會館(南海番禺順德)

(三) 岡州會館(新會鶴山)

(四) 寧陽會館(新寧)

(五) 合和會館(新寧之余姓者及肇慶府屬之一小部分)

(六) 肇慶會館(肇慶府屬之大部分)

(七) 恩開會館(肇慶屬之恩平開平)

(八) 陽和會館(香山)

(九) 人和會館(客籍)

(十) 六邑同善堂(不詳其縣)

自(二)至(九)是爲八大會館

以上諸團體皆有強制的命令的權力。凡市中之華人。必須隸屬。各縣之人隸屬於其縣之會館。全體之人。皆隸屬於中華會館。無有入會出會之自由。故曰公立者。

會館之組織

八大會館與中華會館之關係。頗似美國各省與聯邦政府之關係。美國先有各省後乃有聯邦。彼亦先有各會館乃有中華會館。美國聯邦政府成立後。尙加入三十餘省。彼亦中華會館成立後。加入兩會館。乃合和後加開美國聯邦政府初建時。其財政

不能獨立。由各省供賦之。彼八大會館之於「中華」亦然。質而言之。中華會館之地

位。與美國獨立後立憲前十年間。美以一七七八年立憲費爾特費之總政府絕相

類。今各會館皆有伯里璽天德。(即主席)惟中華會館無焉。有事集議。則八主席同

到。其印則八家輪掌之。經費則八會館攤派。其大邑派一份半或兩份。如三邑寧陽

其小邑派一份乃至半份。如其餘一切大小事。大率決於各邑之本會館。苟非關於

華人全體之利害。或甲乙兩邑交涉者。不集「中華」

其會館之財政。則

(一)捐助 初建時有之。近則甚希。

(二)出口稅 此最重要之部分也。其法凡歸國者每人須納出口稅若干於會館。由各邑會館派委員在船頭收之。不納者不能上船。此例蓋得政府之許可

云。不納者可呼警吏索之其所收或三元四元至五六元不等。由各會館自定。惟不論所

收多寡。概以一元半納於中華會館。此「中華」經費所由出也。此出口稅惟教民抗不納。教會別以出口票給之。而警吏許其自由云。嗚呼。亦可以觀世變矣。

(三)祝稅及醮金 各會館皆祀關羽。每歲課司祝者稅若干。多或至萬金焉。又一年或兩年建醮一次。各商戶各私人皆捐醮金。所捐必逾豫算之額。因存積之以爲會館基本金。

此其歲入之部也。其歲出之部則無定。不能詳知之。其最奇者。則各會館必在內地

請一進士舉人秀才其人者爲主席是也。此費每歲例須千餘美金。或二千餘。其人或三年或兩年或一年滿任。一語不能解。一事不能辦。惟坐食而已。時或武斷而魚肉之。鄉人莫之敬莫之畏。然亦順受也。人人知其有害無益。而莫肯改革者。此殆所謂天然之奴性。非有一人焉踞其上者而不能自安歟。

中華會館之歲出。則以請一西人律師居其大部分。此卻是不可少之事。但得其用者亦實希耳。中華會館出口稅所入不敷歲出。往往使各會館攤派。

凡外洋之粵民。皆有所謂三邑四邑者。是最怪事。所謂三邑。則南海番禺順德也。所謂四邑。則新會新寧恩平開平也。會寧屬廣州府。恩開屬肇慶府。而會寧之人呢。其

異府之恩開。而疏其同府之南番順。豈非異聞。推原其故。則言語之同異爲之也。新會

新寧之語在省會幾無人能解。恩開則甚相近。

三邑四邑殆如敵國。往往殺人流血。不可勝計。非直金山。卽

他埠亦然。嗚呼。國語統一之法之不可不講也如是夫。

舊金山之四邑。又分爲五會館。視前表自明。其分裂之法極可笑。最奇者則余姓又

自外於新寧是也。其故皆由人多之縣。不欲與他縣合併。人多之姓。又不欲與他姓合併。金山最多人之縣爲新寧。新寧最多人之族爲余氏。此亦其無政治能力之一大徵證也。小羣可合而大羣遂不能合也。

(乙)公共之慈善團體。

(乙)公共之慈善團體

(一)東華醫院

(二)衛良會

此皆與中華會館同。全市所公立。不以邑姓等分者也。惟入否聽人自由。

(丙)商家團體。

(丙)商家團體

(一)昭一公所

(二)客商會館

初時本惟有昭一公所。創立實在各會館以前。其目的則防同業之競爭。相與劃定物價。且調停各商家種種交涉者也。後三邑四邑相鬪。於是四邑人別爲客商會館。

(丁)各
縣之慈
善團體

而昭一專屬於三邑。其岡州人則分屬焉。

(丁)各縣之慈善團體。

(一) 福蔭堂(南海)

(二) 昌後堂(番禺)

(三) 行安堂(順德)

(四) 保安堂(東莞)

(五) 福善堂(香山)

(六) 同德堂(新會)

(七) 餘慶堂(新寧)

(八) 仁安堂(增城)

(九) 同福堂(恩開)

尚有數家不能盡記

宗教上之習慣

(戊)族制之團體

此等團體最奇。其目的甚簡單。僅為客死於外者連骸骨歸耳。葬祭之禮。本吾國所最重。此實原於宗教之習慣也。狐死首丘。亦愛國之情之一端。然愚亦甚矣。每運一骨歸。動需數百金。故此類之團體。蓄積甚厚。少者數萬。多者如番禺之昌後堂現存三十餘萬金云。其財政大率於會館出口稅帶徵之。嘻。以此款興學校。蔚然成一大學矣。

(戊)族制之團體。

(團體名)

(姓別)

(團體名)

(姓別)

穎川堂

陳

滎陽堂

鄭

隴西堂

李

馬家公所

馬

江夏堂

黃

西河堂

林

忠孝堂

梁

沛國堂

朱

盧江堂

何

胥山堂

伍

風采堂

余

清白堂

楊

彭城堂

劉

武陵堂

龔

天水堂

趙

高密堂

鄧

清河堂

張

南陽堂

葉

隴西堂

關

愛蓮堂

周

光裕堂

譚

安定堂

胡

三省堂

曾

寶樹堂

謝

由是觀之。以二萬餘人之衆。而此種團體如此其多。則族制思想之深入人心。可以見矣。此種團體在社會上有非常之大力。往往過於各會館。蓋子弟率父兄之教。人皆認爲應踐之義務。神聖不可侵犯者也。故雖以疲癯之長老。能馴桀驁之少年。舊金山所以維持秩序者。惟此攸賴。

其同姓之人。相親相愛。相周相救。視內地更切密。固他鄉之感情。例應爾爾。然亦由

聯族團體

有宗教之理想。以盾其後也。我梁氏本爲粵巨族。旅人在美洲者將萬焉。所至各市。忠孝堂伯叔兄弟皆爲特別之歡迎。致可感也。族制不奇。最奇者則有所謂聯族是也。今舉如下。

(團體名)

(聯族)

龍岡公所

劉關、張、趙

至德堂

吳、周、蔡

遡原堂

雷、方、鄺

篤親公所

陳、胡

昭倫公所

譚、談、許、謝

鄰德堂

盧、羅、勞

世澤堂

鄧、岑、葉、白

鳳倫堂

司徒、薛

中山堂

甄湯

或尙有而爲吾所未能盡知者

此真不可思議之現象也。彼等之相親相愛。相周相救。與同姓無以異也。彼等子弟

率父兄之教。與同姓無以異也。

關氏子弟率劉氏父兄之教。吳氏子弟率周氏父兄之教。他皆類是。

推原其故。殆由小

姓者爲大姓者所壓。不得不採聯邦之制。以爲防禦之法。於是求之於歷史上稍有

相屬者則從而聯之。如吳周蔡蓋謂同出於姬姓也。如陳胡蓋謂同爲舜後也。如鄧

岑葉白蓋謂同爲楚之民族也。此等之理想。頗有趣味。吾在金山演說。嘗言之。謂推

此等聯族之思想。當知我四萬萬人皆同出於黃帝。既知同出於虞舜者當相親。同

出於周后稷者當相親。曷爲舉同出於黃帝者而疏之。彼輩皆解頤。若深領者。然至

最奇者。若劉關張趙則演義的歷史之思想。以下等社會之腦識觀察之。謂其非歷

史的焉不得也。尤奇者若談譚許謝。以偏旁聯。若盧羅勞。以雙聲聯。則直是無理取

鬧。觀此者與讀野蠻人之游記。同一趣味矣。

歷史上
民族思
想之發
展

(己) 祕密之團體。

(己) 祕
密之團
體

致公堂

保安堂

聚良堂

秉公堂

秉安堂

安益堂

瑞端堂

羣賢堂

俊英堂

協英堂

昭義堂

儀英堂

協勝堂

保善社

協善堂

合勝堂

西安社

敦睦堂

萃勝堂

松石山房

安平公所

萃英堂

華亭山房

洋文政務司

保良堂

竹林山房

此諸團體者。實全市之蠹也。歷年種種風波。皆自此起。其源蓋皆同出於三合會。而

流派之歧。多至如此。真可浩歎。溯咸同間最初有所謂廣德堂^四協義堂^三丹山堂

其歷史

山^香者。亦統名爲三合堂。是爲祕密結社之嚆矢。蓋四五十年前。良懦之民。憚於遠遊。其冒險往者。率皆鄉曲無賴子。迨洪氏金陵潰後。其餘黨復以海外爲尾閫。三合會之獨盛。蓋以此故。其後統名爲致公堂。致公堂者。三合會之總名也。各埠皆有。其名亦種種不一。而皆同宗致公。雖然。致公之下。復分裂爲前表所列之廿四團體者。然則致公之爲致公。亦可想矣。全美國十餘萬人中。其挂名籍於致公者。殆十而七八。而致公堂會員中。殆無一人不別挂名於以下各團體者。致公派者。以傾滿洲政府爲目的者也。而其內容之腐敗之軋轢。視滿洲政府又十倍焉。法儒李般曰。國民之心理。無論置諸何地。皆爲同一之發現。演同一之式。吾觀於中國之祕密結社。而不禁長太息者矣。

以上諸團體軋轢無已時。互相仇讎。若不共戴天者然。忽焉數團體相合爲一聯邦。忽焉一團體分裂爲數敵國。日日以短鎗匕首相從事。每歲以是死者十數人乃至數十人。眞天地間絕無僅有之現象也。痛哉。

洋文政務司者。本諸團體中之稍解洋語者。相結以魚肉其本團體。故現在二十餘團體復相結與洋文政務司爲仇云。是一年金山祕密黨最重要之事件也。要其離合之跡。大率類是。吾不忍復道之。

(庚)文明之團體。

(庚)文
明之團
體

(一) 保皇會

(二) 學生會

(三) 青年尙武會

(四) 各教會(準文明)

(五) 同源總局(準文明)

保皇會卽中國維新會也。己亥冬始成立。有會員約萬人。其組織悉依泰西文明國公黨之式。爲有機體之發達。與各埠相聯絡。近以支會太多。將美洲畫爲十一總部。而加罅寬尼省與居一焉。其本部總事務所。卽在舊金山。今將保皇會總部之名列

如下。

- | | |
|----------|----------------|
| 一加拿大部 | 所屬十二支會以溫高華爲部長 |
| 二美國加罈寬尼部 | 所屬六支會以舊金山爲部長 |
| 三美國西北部 | 所屬九支會以砵侖爲部長 |
| 四美國東部 | 所屬六支會以紐約爲部長 |
| 五美國中部 | 所屬十三支會以芝加高爲部長 |
| 六美國南部 | 所屬四支會以紐柯連爲部長 |
| 七美國汝天拿部 | 所屬十二支會以氣連拿爲部長 |
| 八墨西哥部 | 所屬九支會以榮苑爲部長 |
| 九中亞美利加部 | 所屬四支會以巴拿馬爲部長 |
| 十南亞美利加部 | 所屬三支會以祕魯之利馬爲部長 |
| 十一檀香山部 | 所屬八支會以漢挪路盧爲部長 |

都凡太平洋以東八十六支會十一總部

學生會
學生會本內地往美留學諸君所發起。而華商子弟在學校者亦加入焉。數約七十餘人。初發達未有會所。借中華會館爲議場。

青年尙武會
青年尙武會乃新創者。會員大率皆保皇會中之少年子弟也。現不過四十餘人。將來發達可望更盛。其規模略倣日本體育會。有兵式體操。

教會
教會凡八家。照例與內地各教會同。不必多述。華人入耶穌教者約千人。

同源總局
同源總局美產之華人所立也。其始本以爭選舉投票權利爲目的。故亦可謂之文明。但其組織甚不完備。計舊金山之華人。有美籍者不下二千人。全國約有四五千

人。計未成
年者亦尙多現
殆止有三千之間使果能一致投票。儘可以操縱兩大政黨。要求種種權利。爲

祖國同胞吐氣。就使在全國中無甚影響。若夫舊金山之市政。則可以爲所欲爲矣。何也。以舊金山之二千票。使全加於甲黨。則乙黨所弱於甲黨者已二千票。二千票之勢力。其左右一市也必矣。余在彼時。向同源總局會員演說。極力鼓舞之。且爲之

擬聯合選舉章程。未知將來能實行否也。現金山美籍者。雖有二千人。其爲同源總局會員者。不過三四百。而投票時。至者不滿百人云。嘻。以自由權賦諸中國人。果何益哉。

以上所列凡八種九十六之團體。其餘若俱樂部等小小之結集。尙不在此數。以人口平均比例算之。則除日本東京留學生外。其團體之多。當無有及舊金山者。舊金山報館之多。亦冠絕內地。今舉其名。

文興日報（保皇會機關報）

中西日報

大同日報致公堂機關報（新立者）

華記日報

萃記報（來復報）

華洋報（同上）

以區區二萬餘人之市。而有報館六家。內地人視之。能無愧死。此亦文明程度稍高之明證也。

(四十)

綜觀以上所列。則吾中國人之缺點。可得而論次矣。

中國人之缺點
有族民資格而無市民資格

一曰有族民資格而無市民資格。吾中國社會之組織。以家族爲單位。不以箇人爲單位。所謂家齊而後國治是也。周代宗法之制。在今日其形式雖廢。其精神猶存也。竊嘗論之。西方阿利安人種之自治力。其發達固最早。卽吾中國人之地地方自治。宜亦不弱於彼。顧彼何以能組成一國家而我不能。則彼之所發達者。市制之自治。而我所發達者。族制之自治也。試游我國之鄉落。其自治規模。確有不可掩者。卽如吾鄉。不過區區二三千人耳。而其立法行政之機關。秩然不相混。他族亦稱是。若此者。宜其爲建國之第一基礎也。乃一游都會之地。則其狀態之凌亂。不可思議矣。凡此皆能爲族民不能爲市民之明證也。吾游美洲而益信。彼旣已脫離其鄉井。以箇

有村落
思想而
無國家
思想

只能受
專制不
能享自
由

人之資格。來住於最自由之大市。顧其所齎來所建設者。仍舍家族制度外無他物。且其所以維持社會秩序之一部分者。僅賴此焉。此亦可見數千年之遺傳。植根深厚。而爲國民鄉導者。不可不於此三致意也。

二曰有村落思想而無國家思想。吾聞盧斯福之演說。謂今日之美國民最急者。宜脫去村落思想。其意蓋指各省各市人之愛省心愛市心而言也。然以歷史上之發達觀之。則美國所以能行完全之共和政者。實全恃此村落思想爲之原。村落思想。固未可盡非也。雖然。其發達太過度。又爲建國一大阻力。此中之度量分界。非最精確之權量。不足以衡之。而我中國則正發達過度者也。豈惟金山人爲然耳。卽內地亦莫不皆然。雖賢智之士。亦所不免。廉頗用趙。子房思韓。殆固有所不得已者耶。然此界不破。則欲成一鞏固之帝國。蓋亦難矣。

三曰只能受專制不能享自由。此實芻狗萬物之言也。雖然。其奈實情如此。卽欲掩諱。其可得耶。吾觀全地球之社會。未有凌亂於舊金山之華人者。此何以故。曰自

自由之
試驗專制之
歷史

由耳。夫內地華人性質。未必有以優於金山。然在內地。猶長官所及治。父兄所及約束也。南洋華人。與內地異矣。然英荷法諸國。待我甚酷。十數人以上之集會。輒命解散。一切自由。悉被剝奪。其嚴刻更過於內地。故亦戢戢焉。其真能與西人享法律上同等之自由者。則旅居美洲澳洲之人是也。然在人少之市。其勢不能成。故其弊亦不甚著。羣最多之人。以同居於一自由市者。則舊金山其稱首也。而其現象乃若彼。有鄉人爲余言。舊金山華人。惟前此左庚氏任領事時。最爲安謐。人無敢挾刃尋仇者。無敢聚衆滋事者。無敢游手閑行者。各祕密結社。皆斂跡屏息。夜戶無驚。民孜孜務就職業。蓋左氏授意彼市警吏。嚴緝之而重罰之也。及左氏去後。而故態依然。此實專制安而自由危。專制利而自由害之明證也。吾見其各會館之規條。大率皆仿西人黨會之例。甚文明。甚縝密。及觀其所行。則無一不與規條相反悖。卽如中華會館者。其猶全市之總政府也。而每次議事。其所謂各會館之主席及董事。到者不及十之一。百事廢弛。莫之或問。或以小小意見。而各會館抗不納中華會館之經費。中

華無如何也。至其議事，則更有可笑者。吾嘗見海外中華會館之議事者數十處。其現象不外兩端。（其一）則一二上流社會之有力者，言莫予違。衆人唯諾而已。名爲會議，實則布告也。命令也。若是者，名之爲寡人專制政體。（其二）則所謂上流社會之人，無一有力者。遇事曾不敢有所決斷。各無賴少年，環立於其旁。一議出則羣起而噪之。而事終不得決。若是者，名之爲暴民專制政體。若其因議事而相攘臂相操戈者，又數見不鮮矣。此不徒海外之會館爲然也。卽內地所稱公局公所之類，何一非如是。卽近年來號稱新黨志士者所組織之團體，所稱某協會某學社者，亦何一非如是。此固萬不能責諸一二人。蓋一國之程度，實如是也。卽李般所謂國民心理，無所往而不發現也。夫以若此之國民，而欲與之行合議制度，能耶否耶？更觀其選舉，益有令人失驚者。各會館之有主席也，以爲全會館之代表也，而其選任之也，此縣與彼縣爭。各會館多合同數縣者一縣之中，此姓與彼姓爭。一姓之中，此鄉與彼鄉爭。一鄉之中，此房與彼房爭。每當選舉時，往往殺人流血者，不可勝數也。夫不過區區一會

會內以
外之人
又如何

館耳。所爭者歲千餘金之權利耳。其區域不過限於一兩縣耳。而弊端乃若此。擴而大之。其慘象寧堪設想。恐不僅如南美諸國之四年一革命而已。以若此之國民。而欲與之行選舉制度。能耶否耶。難者將曰。此不過舊金山一市之現象而已。以汝粵山谷獷頑之民俗。律我全國。惡乎可。雖然。吾平心論之。吾未見內地人之性質。有以優於舊金山人也。吾反見其文明程度。尙遠出舊金山人下也。問全國中有能以二三萬人之市。容六家報館者乎。無有也。問全國中之團體。有能草定如八大會館章程之美備者乎。無有也。以舊金山猶如此。內地更可知矣。且即使內地人果有以優於金山人。而其所優者亦不過百步之與五十步。其無當於享受自由之資格。則一而已。夫豈無一二聰偉之士。其理想。其行誼。不讓歐美之上流社會者。然僅恃此千萬人之一二人。遂可以立國乎。恃千萬人之一二人。以實行干涉主義。以強其國。則可也。以千萬人之一二人爲例。而遂曰全國人可以自由。不可也。夫自由云。立憲云。共和云。是多數政體之總稱也。而中國之多數大多數最大多數。如是如是。

多數政
體之不
適

故吾今若採多數政體。是無以異於自殺其國也。自由云。立憲云。共和云。如冬之葛。如夏之裘。美非不美。其如於我不適何。吾今其毋眩空華。吾今其勿圓好夢。一言以蔽之。則今日中國國民。只可以受專制。不可以享自由。吾祝吾禱。吾謳吾思。吾惟祝禱。謳思我國得如管子商君來喀瓦士克林威爾其人者。生於今日。雷厲風行。以鐵以火。陶冶鍛鍊吾國民二十年三十年乃至五十年。夫然後與之讀盧梭之書。夫然後與之談華盛頓之事。以上三條皆說明無政治能力之事其保守心太重一端人人共知無俟再陳

四曰無高尙之目的。此實吾中國人根本之缺點也。均是國民也。或爲大國民強國民。或爲小國民弱國民。何也。凡人處於空間。必於一身衣食住之外。而有更大之目的。其在時間。必於現在安富尊榮之外。而有更大之目的。夫如是乃能日有進步。緝熙於光明。否則凝滯而已。墮落而已。箇人之么匿體如是。積箇人以爲國民。其拓都體亦復如是。歐美人高尙之目的不一端。以吾測之。其最重要者。則好美心其一也。希臘人言德性者以真善美三者爲究竟吾中國多言善而少言美惟孔子謂韶盡美又盡善孟子言可欲之謂善充實之謂美皆兩者對舉此外言者甚希以謂韶

精神的
文明之
根本

華人性
質雜論

休息者
人生一
要件

較的論之雖謂中國爲社會之名譽心其二也。宗教之未來觀念其三也。泰西精神不好美之國民可也。的文明之發達。殆以此三者爲根本。而吾中國皆最缺焉。故其所營營者只在一身。其所孳孳者只在現在。凝滯墮落之原因。實在於是。此不徒海外人爲然也。全國皆然。但吾至海外而深有所感。故論及之。此其理頗長。非今日所能畢其詞也。此外中國人性質不及西人者多端。余偶有所觸輒記之。或過而忘之。今將所記者數條叢錄於下。不復倫次也。

西人每日只操作八點鐘。每來復日則休息。中國商店每日晨七點開門。十一二點始歇。終日危坐店中。且來復日亦無休。而不能富於西人也。且其所操作之工。亦不能如西人之多。何也。凡人做事。最不可有倦氣。終日終歲而操作焉。則必厭。厭則必倦。倦則萬事墮落矣。休息者實人生之一要件也。中國人所以不能有高尚之目的者。亦無休息實尸其咎。

美國學校。每歲平均只讀百四十日書。每日平均只讀五六點鐘書。而西人學業

勤而不敏

人種強弱之比較

遷華埠之議

優尙於華人。亦同此理。

華人一小小商店。動輒用數人乃至十數人。西人尋常商店。惟一二人耳。大約彼一人總做我三人之工。華人非不勤。實不敏也。

來復日休息。洵美矣。每經六日之後。則有一種方新之氣。人之神氣清明實以此。中國人昏濁甚矣。卽不用彼之禮拜。而十日休沐之制。殆不可不行。

試集百數十以上之華人於一會場。雖極肅穆毋譁。而必有四種聲音。最多者爲咳嗽聲。爲欠伸聲。次爲嚏聲。次爲拭鼻涕聲。吾嘗於演說時默聽之。此四聲者如連珠然。未嘗斷絕。又於西人演說劇場靜聽之。雖數千人不聞一聲。東洋汽車電車必設唾壺。睡者狼藉不絕。美國車中設唾壺者甚希。卽有亦幾不用。東洋汽車途間在兩三點鐘以上者。車中人假寐過半。美國車中雖行終日。從無一人作隱几臥。東西人種之強弱優劣可見。

舊金山西人常有遷華埠之議。蓋以華埠在全市中心最得地利。故彼涎之。抑亦

藉口於吾人之不潔也。使館參贊某君嘗語余曰。宜發論使華人自遷之。今夫華埠之商業。非能與西人爭利也。所招徠者皆華人耳。自遷他處。其招徠如故也。遷後而大加整頓之。使耳目一新。風氣或可稍變。且毋使附近彼族。日日爲其眼中釘。不亦可乎。不然。我不自遷。彼必有遷我之一日。及其遷而華埠散矣。云云。此亦一說也。雖然。試問能辦得到否。不過一空言耳。

舊金山凡街之兩旁人行處。

行中央車

不許吐唾。不許拋棄腐紙雜物等。犯者罰銀五

元。紐約電車不許吐唾。犯者罰銀五百元。其貴潔如是。其厲行干涉不許自由也如是。而華人以如彼凌亂穢濁之國民。毋怪爲彼等所厭。

西人行路。身無不直者。頭無不昂者。吾中國則一命而僵。再命而僵。三命而俯。相對之下。真自慚形穢。

西人行路。脚步無不急者。一望而知爲滿市皆有業之民也。若不勝其繁忙者然。中國人則雅步雍容。鳴琚佩玉。真乃可厭。在街上遠望數十丈外有中國人迎面

來者。即能辨認之。不徒以其軀之短而顏之黃也。

西人數人同行者如雁羣。中國人數人同行者如散鴨。

西人講話。與一人講。則使一人能聞之。與二人講。則使二人能聞之。與十人講。則使十人能聞之。與百人千人數千人講。則使百人千人數千人能聞之。其發聲之高下。皆應其度。中國則羣數人坐談於室。聲或如雷。聚數千演說於堂。聲或如蚊。西人坐談。甲語未畢。乙無僂言。中國人則一堂之中。聲浪稀亂。京師名士。或以搶講爲方家。真可謂無秩序之極。孔子曰。不學詩。無以言。不學禮。無以立。吾友徐君勉亦云。中國人未曾會行路。未曾會講話。真非過言。斯事雖小。可以喻大也。

(四十二)

吾國人留學於卜技利大學者十餘人。大率皆前此北洋大學堂之學生也。每來復日。輒渡海來談。聯牀抵足。亦一快事也。此間本有一學生會。凡姓名籍貫年歲及所在校皆備載於會籍。余攜其一冊。擬爲此游記材料。及理叢稿時。不知何往。今不能

備錄。致可惜也。今就所記憶者錄如下。其非自內地來者不載。

(姓名)	(籍貫)	(學校)	(所在地)	(專門)	(費別)
陳錦濤	廣東南海	耶路大學	紐海文	政法數學	北洋官費
王寵惠	廣東東莞	法律	..
張煜全	廣東南海	政治	..
薛頌瀛	廣東香山	卜技利大學	舊金山附近	經濟	自費
王寵佑	廣東東莞	礦務	北洋官費
陸耀廷	廣東	工程	..
胡朝棟	廣東
譚天池	廣東	農務	游學會費
王建祖	廣東
吳桂齡	廣東新安	斯丹佛大學	..	電學	北洋官費

嚴錦銘	廣東東莞	哥倫比亞大學紐約	政法	、
徐建侯	廣東香山	私立大學	紐比佛	工商
章宗元	浙江烏程	卜技利大學	舊金山	自費
稽苓蓀	江蘇	、	、	杭州官費
濮□□	浙江	、	、	、
程斗	廣東香山	私立學校	芝加高	自費
程耀	、	、	、	、
黃旭	、	、	抓李抓罅	、
梁啓勳	廣東新會	、	芝加高	、
薛錦琴女士	廣東香山	中學校	卜技利	、
薛錦標	、	、	、	、
康同璧女士	廣東南海	高等學校	哈佛	、

李國波 廣東鶴山中學校 費城

張謙 廣東新會

以上舉書所記憶者。其餘漏略尚多。復有學生會所收得報告一紙。由該會員寄贈者。

(姓名) (籍貫) (年歲) (所在地)

施兆祥 浙江錢塘 二四 暹沙加

故永其 安徽桐城 二四 ..

黃子靜 安徽無為 二八 ..

黃子靜夫人

方和 福建侯官 十九 華盛頓

孫多鈺 安徽壽州 二十 ..

孫元芳 .. 十九 ..

孫季芳

、

十七

、

孫裕芳

、

、

、

孫震芳

、

十六

、

繼先

滿洲

十七

、

陶德琨

湖北襄陽

十九

波士頓

盧靜恆

湖北鄖陽

、

、

姚巨慤

湖北漢陽

二十二

維布拉罕

朱啓烈

湖北荊州

、

、

劉慶雲

湖北漢陽

二十一

遏沙加

楊恩湛

江蘇武進

二十

、

張繼業

湖北鄖陽

、

華盛頓

梁應麟

廣東香山

黃日升

、、

梁賚圭

廣東南海

陳耀榮

廣東番禺

鄭垣

廣東香山

蔡國藻

、、

容彭

、、

林鐸

、、

美洲游學界。大率刻苦沈實。孜孜務學。無虛囂氣。而愛國大義。日相切磋。良學風也。前北洋大學堂諸君現皆已卒業。得學位。尙皆留校研究。其餘或有學級稍低者。七八年後總可皆在大學卒業云。

游學會者。北洋大學堂留學諸君所發起也。現徐君建侯爲會長。譚天池王建祖兩君卽該會所供養云。

余關留
學之意
見

斯丹佛
大學

卜技利
大學戲
園

關於游學之事。美國游學指南一書。言之詳矣。茲不贅。惟余之意見。復有數端。一曰其程度非有足以入大學之資格者不可妄去。一曰女學生不可妄去。一曰宜學實業。若工程礦務農商機器之類。勿專驚哲學文學政治。一曰勿眩學位之虛名。宜求實在之心得。鄙意如是。願以還諸留學者。

加罇寬尼省兩大學。卜技利斯丹佛佛利進步甚速。駸駸乎有比肩東部之勢。吾國遊學者來此甚便也。

斯丹佛大學校長佐頓氏邀余至其校演說。縱覽一周焉。佐頓氏大才槃槃。斯丹佛之進步。皆由其力云。

借留學諸君遊卜技利大學一週。未嘗驚動其校長。粗覽而已。卜技利大學最壯觀者爲一戲園。聞仿古羅馬劇場式云。上無覆瓦。而在臺上演說。不須用力。而萬數千之座衆。皆能聽之。西人學校學生。常自編戲劇演之。文學上一高尚之業也。

屋崙者。舊金山之隔海。與卜技利毗連者也。華人數百。有維新會。規程嚴整。會中多

青年向學之士。余亦往演說一次。歡迎甚盛。

由舊金山至羅省技利

(四十二)

九月初五日由大埠入沙加免圖。

沙加免圖者。華人俗稱二埠。實加鱒寬尼省政府所在也。華人約六七百。維新會新成。余在此三日返舊金山。隨往羅省技利。初十日至焉。

羅省之
歡迎

羅省者。美國第三十六大都會。而加鱒寬尼省之第二大都會也。人口十萬二千五百五十五。華人約四千餘。維新會成立已數年。至是大擴張。各埠歡迎之盛。以此爲最。蓋西人特別相敬禮。余未至時。市會長預備行市民歡迎之典。以馬兵一隊。軍樂一隊。迎於驛站。市會長陪乘。先繞市一周。所至沿途西人觀者如堵。咸拍掌揮巾致敬。余亦不解其何故。惟一路脫帽還禮不迭而已。

華人之熱誠。尤致可敬。以無合式之演說場。特趕蓋一綵樓於街心。以供演說之用。

美人以
菲律賓
兵攻菲
律賓

十三日羅省技利市舉行市民歡迎典。結綵於市會堂。全市名譽紳商咸集。市會長演說言兩年前。一歡迎前大統領麥堅尼。一歡迎現大統領盧斯福。此爲第三次云。余演說一時許。復有繼續演說者。禮畢。乃赴茶會。

西人中有數將官最相敬禮。其一少將李氏。乃前此南北戰爭時著名之李將軍。南

大將與格爾
德將軍齊名之猶子也。其熱心於中國。視吾輩殆尤甚。其一皮將軍。嘗在菲律賓轉

戰二年餘。健將也。彼語余云。美國人之克菲律賓。藉菲人之力者居其半。蓋經彼手嘗練八萬餘之菲兵云。卽以菲兵還攻菲人。英滅印度之故技也。由此觀之。菲律賓之名譽。不逮波亞矣。豈東洋人之奴性終不可免耶。皮氏又言。凡菲兵有一美人督隊。則全軍俱勇。否則甚怯云云。亦一奇也。

羅省華人西人皆苦留。依依不相捨。余以歸期迫。留九日遂行。

行經斐士那。其地華人二千餘。舊未有維新會。余至演說兩次。會遂成。復入顯佛演說一次。二十日復返於舊金山。

歸途

(四十三)

九月初五日。遂自舊金山首塗歸亞洲。余本擬乘「高麗」輪船經檀島西返。適高麗船開罪於檀島之華人。我同胞與之斷交通。以挾制之。故吾不便附焉。歸後乃知檀人預備歡迎。意盛且厚。吾深媿無以對檀人也。遂由舊金山經屋崙、沙加免圖、尾利、允、砵命、舍路、復至溫高華。乘中國皇后船返日本。所經諸市。諸同志皆至車站握手依依。余亦有餘戀焉。惟砵命小住一日乃行。

余在美所見美國政俗。其感觸余腦者甚多。叢稿滿篋。欲理之爲一美國政俗評。勿未能卒業。姑述其略。若夫全豹。願以異日。

美國政
治畧評
(其一)

今年美國大統領盧斯福巡行全國。所至演說。有常用之一言焉。曰「剷除村落思想」。此實美國厲行帝國主義日趨中央集權之表徵也。然盧斯福何以斷斷爲此言。是又美國至今日猶未能剷除村落思想之表徵也。何也。村落思想者。實美國人

村落思
想

由舊金山至紐約經過十一國

兩重之政府兩重之愛國心

建國之淵源。經百餘年之進化。而至今猶未能脫其範圍者也。

吾儕以尋常之眼瞥觀美國。見其有唯一之元首。（大統領）有唯一之政府。有唯一之國會。（上下議院）且也其外交上有唯一之宣戰媾和訂盟結約之機關。其外形與他國無所異。於是心目中惟有一聯邦政府。吾儕游美國者。自舊金山上岸。經芝加高費爾特費以達紐約。凡六七千餘里。四五日汽車。然始終用同一之貨幣。同一之郵政。途中無稅關淹滯之事。亦無復言語衣服習俗之不同。亦謂在一國內之旅行。例應如是耳。夫孰知此車聲麟麟汽烟勃勃之間。已經過十一箇之共和自治國。而不自知也。

美國之政治。實世界中不可思議之政治也。何也。彼美國者。有兩重之政府。而其人民有兩重之愛國心者也。質而言之。則美國者。以四十四之共和國而爲一共和國也。故非深察聯邦政府與各省政府之關係。則美國所以發達之跡。終不可得明。其關係奈何。譬諸建築。先有無數之小房。其營造不同時。其結構不同式。最後乃於此

各省政
府之發
生遠在
聯邦政
府以前

組織美
國之兩
原素

小房之上。爲一層堂皇輪奐之大樓房以翼蔽之。而小房之本體。毫無所毀滅。毫無所損傷。蓋小房非恃大樓而始存立。大樓實恃小房而始存立者也。設或遇事變而大樓忽亡。則彼諸小房者。猶依然不破壞。稍加繕葺。復足以蔽風雨而有餘。故各省政府。譬則小房也。聯邦政府。譬則大樓也。各省政府之發生。遠在聯邦政府以前。雖聯邦政府亡。而各省還其本來面目。復爲數多之小獨立自治共和國。而可以自存。此美國政治之特色。而亦共和政體所以能實行能持久之原因也。

故他國之國家。皆以國民之一原素組織而成。美國之國家。則以國民及國民所構造之小國家凡兩原素組織而成。故美國國會之兩議院。各代表此兩原素之一。其下議院。則代表國民也。美國憲法第一章第二節云。下議院議員每三萬人以上舉一人。其上議院。則代表國民所

構造之小國家也。第三節云。上議院議員自各省之立法院舉出。每省二人。

論者動曰。美國人民離英獨立而得自由。此知其一。不知其二也。謂美國人之自由。以獨立後而始鞏固則可。謂美國人之自由。以獨立後而始發生則不可。世界無突

自由非
革命而
得

歷史上
共和政
體之天
然發達

小共和
國中復
有小共
和國

然發生之物。故使美國人前此而無自由。斷不能以一次之革命戰爭而得此完全無上之自由。彼法蘭西以革命求自由者也。乃一變爲暴民專制。再變爲帝政專制。經八十餘年而猶未得如美國之自由。彼南美諸國皆以革命求自由者也。而六七年來。未嘗有經四年無暴動者。始終爲蠻酋專制政體。求如美國之自由者。更無望也。故美國之獲自由。其原因必有在革命以外者。不可不察也。

法儒盧梭言欲行民主之制。非衆小邦相聯結不可。德儒波倫哈克亦言共和政體之要素有數端。而其最要者曰國境甚狹。吾觀於美國而知其信然矣。彼美國者。非徒四十四箇之小共和國而已。而此各小共和國之中。又有其更小焉者存。卽以新英倫海岸一帶論之。新英倫者今之馬沙諸些干捏底吉洛愛爾紐享布士亞威綿米因六省之總名也當時如披里門士如

沙廉如查里士湯。各自爲獨立之殖民地。而不屬於洛愛蘭。若菩列摩士若紐胥若婆羅域達士若紐海文。各自爲獨立之殖民地。而不屬於馬沙諸些及干捏底吉。諸如此類。不可枚舉。自十六世紀殖民以來。卽已星星點點。爲許多之有機體。立法行

法司法之制度具備焉。純然爲一政府之形。故美國之共和政體。非成於其國。而成於組織一國之諸省。又非成於其省。而成於組織一省之諸市。必知此現象者。乃可以論美國之政治。必具此現象者。乃可以效美國之政治。

(四十四)

美國政
治略評

(其二)

竊觀美國建國之困難。有深可驚歎者。當殖民時代各小共和團體之分立也。其所恃以聯合統一之之原質無一物。藉曰有之。不過曰同用一國語。同爲英王之臣屬而已。及其不堪英之虐政也。以同病相憐故。不得不協力以相抵抗。於是一七六九年。始由九殖民地各派代表人開公會於紐約。及一七七四年。復由十二殖民地各派代表人開公會於費城。翌年十三殖民地復會議。是爲聯合之第一著。雖然。當時

聯合第
一著

此公會者。不過暫時設立之革命團體。其法律上之人格毫無所存也。及一七七六年。此公會宣告獨立。翌年又置一永久一致之條款。一七八一年。各殖民地之政皆批准此款。是爲聯合之第二著。始略帶法律上之性格。雖然。彼時之公會。謂之爲各

聯合第
二著

政府之同盟體則可。謂之爲一政府則不可。何也。彼各省者。民即各地無大無小。皆有同一之投票權。不相統屬。純爲羣龍无首之氣象。而此中央公會者。對於一市民。曾無有裁判權。曾無有徵稅權。中央之行政機關無有也。中央之司法機關無有也。僅恃各省之捐款。以充國用。而各省所捐。又皆緩怠。時或無有。至各省及其所屬之市民。有不奉中央公會之命令者。公會無如之何也。此何以故。彼等實視公會爲贅疣。甚或視之爲毒物。故其所以生此妄見。奈何。彼等（指各省）當抗英王而自立之時。誓不欲復戴一權力於彼所固有之權力之上。卽其所自擇者。亦不願戴。故當獨立軍未告成功以前。此公會之指揮既已不靈。讀華盛頓傳。觀其軍中屢次兵變。公會種種不相接應。其竭蹶情形。殆可想見。及一七八三年。和議成後。外患既消。而內訌乃益甚。各省或不派代表人於公會。卽派者亦往往後期不至。公會毫無威力。不惟不能使人服從。亦且不能使人起敬。商業上交通上生種種障礙。各省又或濫發不換之鈔幣。或以金銀以外之物品爲通貨。舉國皇皇。不知所措。故華盛頓有言。惡

當時幾
陷於無
政府聯合第
三著制定憲
法之困
難

政府固惡也。猶瘡於無政府。不圖吾儕以八年血戰。易此無政府之氣象。其言愴乎有餘痛矣。是時美國之危。間不容髮。幸也。彼盎格魯撒遜民族根基甚深。經失敗之試驗。遂能幡然謀補救之方。一七八六年。五省之代表人。開會議於米里侖省之安拿坡里。謀所以整頓通商之法。遂乘此機。作一報告書。極言現時彫敝之情。及將來危險之象。遂乃倡議以明年開大會議。再謀聯合之鞏固。迨翌一七八七年五月十四日。遂開憲法會議於費爾特費。是爲聯合之第三著。自茲以往。而美國始得謂之一國家矣。嗚呼。破壞固不易。建設良亦難。以美國之本來有無數小房者。從而加一大樓於其上。而其層累曲折也。尙若此。苟非有羣哲之靈。與諸國民之肅。則彼美者將不亡於戰敗之時。而亡於戰勝之後也。嘻。亦危矣。

此次憲法會議。以華盛頓爲議長。各省代表人凡五十三員。皆一時之俊也。凡經五月之久。苦心焦慮。乃以祕密會議。成彼七章二十條之憲法。論者謂此舉之困難。實十倍於獨立軍云。其所難者。不徒在創前此所未有而已。彼離羣獨立之十三共和

國各有其利害。各有其習慣。地方上種種感情。不能相容。彼此以恐怖嫉妒之念相見。於此而欲調和之。難莫甚焉。故哈彌兒頓 本華盛頓之書記官聯邦成後為戶部大臣當時第一流人物也憲法草案中 其手賞云。『當甲兵收息之後。乃能以國民全體之同意。制定憲法。實可稱一異事。吾蓋戰戰兢兢。至觀其成效。而乃稍自安云爾。』諒哉斯言。

猶幸也。此憲法成於祕密會議也。苟公議之。則今之所謂合衆國者。其終不可得建憲法草案。既布之後。各省議論蠶起。以為立此強大之中央政府。則諸省之權利。與市民之自由。將從此而危。其言曰。自由將亡。我輩以血以淚從佐治第三手中所奪回之自由。將亡於其子孫之手。曰中央集權。滅各省政府。滅地方自治。此等輿人之誦。囂囂徧於國中。其最重要之省。若馬沙諸些。若紐約。其反對為最力。使當時若如今日者。以普通投票法取決之。 現今美國若有改定憲法之事須由全國人民投票取決 則憲法之實行終無望耳。幸也。彼時未知用此法。各省皆以其代表人決事。而所舉代表人。皆適當之人物。能知大勢之所嚮。毅然任之。時草案所定。謂此憲法經九省認可後。即便施行。而紐

數偉人
強制而
成

美國政
治略評
(其三)
政治進
步之四
大時期

兩大政
黨之起
原

約省威治尼亞省猶且徘徊遲疑。雖他九省既已公認之後。猶自恃其省分之大。良久不從。直至千七百八十八年始畫諾焉。嗚呼。輿論之不可恃也久矣。誰謂美國爲全體人民自由建立之國。吾見其由數偉人強制而成耳。以久慣自治之美民。猶且如是。其他亦可以戒矣。

(四十五)

美國政治進化史。有獨一無二之線路焉。卽日趨於中央集權是也。語其階級。則自初殖民以至革命會議時。而進一步。至憲法成立。華盛頓爲大統領。而進一步。至林肯肯爲大統領。南北戰爭時。而進一步。至麥堅尼爲大統領。西班牙戰爭後。而進一步。此其最著者也。其餘百端施設。皆著著向於此而進行。不及備述。但美國支配政界之實權者政黨也。吾今請略語其政黨。

美國百餘年來之政治史。實最有力之兩大政黨權力消長史而已。兩大政黨何自起。卽起於會議憲法時也。當會議之際。而兩政見之相戰。已非一日。兩政見者何。其

一則重學家所謂離心力。其二則所謂向心力是也。蓋一則務維持各省自治之勢

力。一則務擴張中央政府之威嚴。賴華盛頓之調和憲法案。乃僅得就。及華盛頓任

大統領。網羅一時之賢俊。以組織內閣。而閣員之中。兩派生焉。即戶部大臣哈彌兒

頓為集權派之魁。國務大臣美國之國務大臣始立憲君主國之首相譯其本名則云

聯邦之書記也 Secretary of States 惟性質全與宰相異其職外掌 遮化臣為分權派之桀。旗鼓相當。各不相下。初次召集議院。而國會中之此兩

黨已劃然分明。及法國大革命以後。哈彌兒頓派鑑彼覆轍。益覺中央權力之不可

以已。持之愈堅。遮化臣怨華盛頓之袒哈氏也。率其同志退出內閣。以各省獨立地

方(案)指各省所屬之市鄉獨立箇人獨立三大義為楫。號呼於國中。及華盛頓退職後。而兩

黨之形遂成。哈氏所率者曰「弗的拉里士」黨。譯音聯邦之意即今之「利帕璧力根」黨是

也。遮氏所率者曰「利帕璧力根」黨。譯音共和之意即今之「丹們奇勒」黨。譯音民主之意是也。是

為美國有政黨之始。

質而論之。則遮黨者自由之木鐸也。而哈黨者秩序之保障也。此兩義之在政治界。

一秩序
之保障

遮黨之
全勝

如車之兩輪。鳥之雙翼。缺一不可。而美國卒以此兩者之相競爭。相節制。相調和。遂以成今日之治。而國民對於此兩黨之感情。亦隨時為轉移。當遮氏之初退出內閣也。熱心鼓吹其自由主義。民多聽之。時以華盛頓左袒哈氏之故。乃至謗言雲起。昔也尊之曰國父。今乃嘲之曰國之繼父云。其激烈可見一斑矣。(附注)華盛頓實不偏於兩黨當時敵黨以

嫉哈氏故
波及之耳

雖然。哈黨之根據地。在新英蘭諸省。為美國最有勢力之地。且承華盛頓

之教民思慕之故。華盛頓八年退任之後。繼任者為約翰亞丹。實哈黨也。及千八百
年選舉之際。遮化臣以其辯才及其伎倆。卒能被舉為大統領。哈爾兒
頓副焉復再舉共任

八年。退職後。其黨人馬丁遜繼之者八年。門羅復繼之者八年。於是凡二十四年間。

政權歸於利帕璧力根黨。而第的拉里士黨於一八一〇一八一四年間。累失敗。以

失敗而遂至滅亡。雖然。利帕璧力根黨之所以能獨占政權。非其才力之果能如是。

實緣第的拉里士黨失其首領。而後此無復英才足以繼之也。(附注)當遮化臣再任
大統領時其黨人有

名布爾者妒哈爾兒頓之能乃挑之決門遂斃哈氏全美國無不痛惜此實美國政
黨史不可磨滅之恥辱也嗚呼以最文明最自治之美國國民獨有此等舉動完全民政

雖成立之
難如是耶 至是而美之政黨一衰

凡生息於自由政體之下之國民。其萬不能無政黨者勢也。故舊黨一滅。而新黨直隨之而生。至千八百三十年。復有兩黨者起。一曰丹門奇勒黨。卽受持舊利帕璧力根黨之主義者也。一曰利帕璧力根黨。卽受持舊弗的拉里士黨之主義者也。其時所爭者爲奴隸問題。南方諸奴隸省皆丹黨。北方諸自由省多利黨。而丹黨復制勝者十餘年。及千八百六十年之選舉。丹黨南北分裂。內訌以爭候補者。於是利黨乘此機。舉林肯爲大統領。至此而哈彌兒頓之靈魂始復繼續。利黨之勢。披靡全國。而南方十一省遂相率脫聯邦以謀自立。遂有南北之戰。而此兩大政黨及其黨名。遂繼續以至今日。

要而論之。則美國建國以來之歷史。可中分之。其上半期爲地方分治黨得意時代。其下半期爲中央集權黨得意時代。雖然。尙有一事宜注意者。卽遮化臣派所揭櫫之主義。謂節制中央政府之權力也。然及其得政也。固亦知集權之不可以已。且決

國權省
權問題
之消滅

哈彌兒
頓之精
神復活

美國政

爲有利而無害。故彼黨柄政數十年間。人民此等僻見亦漸化去。至林肯時而全局已大定。兩政黨所爭者。已非復國權省權之問題矣。此後所爭者。則自由關稅保護關稅其一也。用金用銀其二也。侵略主義平和主義其三也。此皆南北戰爭以後之大問題也。自林肯以還。其黨勢力繼續以至於今。中間雖亦有十數年政歸丹黨者。然總可謂之利黨時代。近今之麥堅尼盧斯福。皆利帕璧力根黨員也。利黨之大多數爲資本家。丹黨之大多數爲勞動社會。現今之美國對於內而實行干涉主義。對於外而實行帝國主義。皆利帕璧力根黨之最新政策。抑亦其最舊政策也。蓋自哈彌兒頓以來。其精神傳於今日者。殆相一貫也。二十世紀之天地。純爲十九世紀之反動力。所謂自由平等之口頭禪。已匿跡於一隅。吾料利帕璧力根之黨勢正未艾也。

四十六

美國政治家之貪黷。此地球萬國所共聞也。吾昔求其故而不可得。今至美。悉心研

治略評
(其四)

政治家
貪黷之
原因

政治家
多中下
才

究此問題。質諸彼地之口碑。參以書報之論斷。今所略發明者如下。

凡認報國之義務以投身於政治界者。各國中固亦有其人矣。雖然。鳳毛麟角。萬不
得一焉。其餘大多數。則皆有所利而爲之者也。其所利若何。則社交上之特權。其最
歆者也。而此物固非美國之所能有。其最可歆之一端已失矣。而彼美國之政治都
會。與職業都會常分離。一國之首都與各省之首府。皆在一僻陋之小市。苟投身於
政治。勢不能兼從事於他職業。其視歐洲政家之營業自由者迥殊趣矣。以此諸因。
故高才之士。常不肯入政治界。其說詳見
華盛頓篇且美國政治家之種類。與歐洲亦異。歐洲
政黨所競爭者。大率在政府之諸大臣。國會之諸議員而已。而美國大小官吏率由
民選。且任期甚短。故選舉頻繁。一投身政黨。勢不得不以全力忠於本黨。終歲爲此
僕僕。毫無趣味。故上流人士多厭之。除一黨中數十重要人物之外。其餘黨員皆碌
碌之輩也。而此重要人物者。又勢不得不藉彼碌碌輩以爲後援。而此碌碌輩果何
所利而爲一黨供奔走乎。既無社交之特權。亦非有可歆之名譽。然則所藉以爲餌。

以官俸為餌

官職而已。官職所以能為餌者。廉俸而已。故美國殆無無俸之官。歐洲則此等名譽職多有此即所以驅策中下等人之具也。

美國自一八二八年以後。至一八八三年以前。其任用官吏法。殆如一市場。每當大

統領易人之年。則聯邦政府所屬官吏。上自內閣大臣各國公使。下及寒村僻縣之

郵政局長。皆為之一空。使新統領而與舊統領同黨派也。則猶或不至此甚。若屬異

黨。則真如風吹落葉。無一留者。此實千古未聞之現象也。此例自昃臣氏為大統領

時一八二八年始開之。一就任即易官吏五百餘人。前此華盛頓在任八年中所免黜官吏不過九人自遮化臣至門羅為大

統領不過二十年間免黜者不過六十人以酬選舉時助己者之勞。此風一開。遂成為例。故大統領林肯嘗

云。『區區白宮。案即大總統官邸遂將為請謁者。案寧謂之要求者所蹋倒』而某氏稗史記大統領

加弗自就任以至被弑時。凡七月間。除應酬黨員之索官者更無他事。綱紀泯禁。至

是而極。蓋數十年間。美國之官吏。成一拍賣場耳。

專制國之求官者則詔其上。自由國之求官者則詔其下。專制國則媚茲一人。自由

統領一易官舍為空

白宮為請謁者所蹋倒

詔上與詔下

國則媚茲庶人，詔等耳。媚等耳。而其結果自不得不少異。雖然，以之爲完全之制度，則俱未也。

政黨之
兵卒政
界之風
也

英國亦有政黨。英國之政黨亦競爭。然其弊不如美國之甚者何也。竊嘗論之。英國政黨之戰。惟有大將有參謀有校尉而已。美國政黨之戰。則並有無量數之兵卒。兵卒者何。卽吾前所謂碌碌之中下等人物是也。此輩於生計上學業上皆不能自樹立。而惟以政治爲生涯。其盡瘁於黨事也。以是爲衣食之源泉也。故此輩者實政界之蠹也。

非民主
之弊

論者或以此爲民主政治之弊。以余論之。則此弊實緣美國之地理上習慣上而生者。參觀華盛頓第一流人物何故不入政界乎。語節。使美國而易他種政體。其腐敗亦當若是。使民主政體而行於他國。其腐敗或亦不至若是。

亦民主
之弊

雖然。美國國民何故默許此等舉動乎。此不得不謂爲迷信共和之所誤也。當是臣民之破壞舊章而任其私人也。乃宣言曰。官職之屢屢更迭。是共和政治之原理也。

於是國民咸翕然信之。流弊遂至於此極。此又與選大統領好用庸材同一迷見者也。

官職屢屢更迭之不利於國家。近今政治學者如伯倫知理波倫哈克輩言之詳矣。

夫一國中重要諸職。屢屢更迭。猶且不利。而況於各種之實務乎。官如傳舍。坐席不

煖。人人有五曰京兆之心。事之所以多凝滯也。英國每次更易政府。其所變置之職

位。僅五十員內外耳。大率皆中央政府各部重要之地位日本諸國亦然而美國乃至舉全體而悉易之。此實

共和政治之最大缺點也。迨千八百八十三年。改正官吏登庸法案。其弊稍減。然猶

未能免。

歷代大統領中。雖多庸材。然其以貪黷聞者尙無一人。蓋大統領總算一黨中上流

人物。終知自愛也。而其最腐敗者莫如市政。据布黎氏美國政治論所記。紐約一市。

平均每年選舉費。選舉時投票場中二十九萬元。係由各候補人所擔任者。無論何人欲自

爲候補人可也但無論入選不入選必須擔任選舉費之一部分然公費之外。尙

市政之腐敗

共和政治之最大缺點

有各黨派之運動費。共約四十餘萬元。合公費計之。六七十萬元。(美金) (附注)布氏書千八百

九十年出版近

日不知有增否其勢不得不皆出諸入選得官之人。而此輩者豈其自傾私囊以易

此無足重輕之官也。其究也。仍取償之於市而已。故市中極閑散之官吏。率皆受極厚之廉俸。得官者例須割其廉俸之一部分還諸黨中。以為下次爭選舉之用。是市也者。以己之公產。扶持己之虐主。使其勢力愈積久而愈鞏固也。而其濫用職權。蹂躪公益。又事勢之相因而至。萬不能免者矣。故美國諸大市中。如紐約費爾特費等。常為黑闇政治之淵藪。非無故也。(附注)此布黎氏著書時之現象也近屢改良 布氏又論美國選舉之類數。舉阿海和省為代表而論之。

第一種聯邦官職

大統領……每四年一回

下議院議員……每二年一回

公共土木委員……每年一回

高等法官……每年一回

第二種本省官職

本省總督及政府各大臣……各每二年一回

代表本省之聯邦上議院議員……每二年一回

本省學務委員及高等法院書記……各每三年一回

本省財政檢查委員……每四年一回

巡行裁判官……每二年一回

第三種各府官職

民事裁判所法官……每二年一回

本省評定物價委員……每十年一回

縣長及縣委員……各每年一回

醫院理事人……每年一回

縣會計員及驗屍員……各每二年一回

第四種各縣官職

本縣財政檢查委員、登錄者、測量家、民事裁判所書記官、

遺產裁判所委員、等……各每年一回

警察委員……每一年一回

醫院理事員……每一年一回

水道委員……每一年一回

第五種各市官職 市長市書記及市財政檢查委員……各每二年一回

下等法官及警察署附屬法官……各每二年一回

街道委員及工師……各每二年一回

救火局委員……每二年一回

今以該省中最大之市先絲拿打爲代表。其市中之投票所。則每一年所行之選舉凡七次。每二年所行之選舉凡二十一至二十六次。每三年所行之選舉凡八次。每四年所行之選舉凡二次。每五年所行之選舉凡一次。每十年所行之選舉凡一次。合計每年平均所行選舉約共二十二次。夫以歐羅巴各國每年平均所行選舉不過三四次。最多至五次而極矣。而美國乃四五倍之。無論其人民政治上之知識。若

選舉之
大數四
五倍於
歐洲

何發達。若何高尚。終不能舉二十二種之人物而識別之。確信某甲宜於某職。某乙長於某才。此事之至易見也。於是乎不得不以政黨運動員爲蝦。而自爲其水母。余

所見美國選舉多有同時並選數職者各政黨自印刷出許多投票紙。將某職舉某甲某職舉某乙印出投票者直取其紙而用之耳。此大政黨所

政治史
即黨派
史之合
本

以獨霸政界之原因一也。又如上所陳選舉費運動費如此其浩繁。其黨派非有大
力者斷不克任。且不敢妄充候補人。此大政黨所以獨霸政界之原因二也。質而言
之。則美國之政治史。實其黨派史之合本而已。

以上所論。言美國民主政治之缺點居多。雖然。以赫赫之美國。豈其於政治上無特
別善良之處。而能致有今日者。其所長者多多。固不待問。余亦稍有所心得。但今以
編輯之無餘裕。姑畧之以俟異日。

(四十七)

西人有恆言曰。欲驗一國文野程度。當以其婦人之地位爲尺量。然耶否耶。凡遊美
者皆謂美國之風。女尊男卑。卽美國人亦自謂然。以余觀之。其實際斷非爾爾。不待

美國風
俗雜評

婦女之地位

其外文

其內容

職業及法律上之權利

婦人選舉權

辯也。雖然。謂美國婦人之地位。在萬國中比較的最高尚者。則余信之。觀其表面之現象。則凡旅館凡汽車以及諸等遊樂之具。往往爲婦女設特別之室。其華表遠過於男室。道中男子相遇。點頭而已。惟遇婦人。必脫帽爲禮。在高層之升降機室中。一婦人進。則衆皆脫帽。街中電車坐位既滿。一婦人進。諸男必起讓坐。此風在東方諸市如紐約波士頓等不繁文縟節。如見大賓。然此不徒對於上流社會爲然也。卽尋常婦女亦復如是。此實平等主義實行之表徵也。至其內容實權。亦有甚進步者。其在專門高等之職業。日與男子相爭競。如女醫生女律師女新聞主筆女訪事女牧師女演說家。皆日增月盛。其他如各官署各公司之書記。各學校之教師。尤以女子占最大多數。男子瞠乎後焉。其法律上之權利。各省雖小有異同。然其大端不相遠。大抵一切私權。皆與男子立於同等之地位。無論既婚未婚之婦人。皆有全權自我管理其財產。夫死之後。皆得爲其子女財產之代理人。此實美國婦人權利優於他國者也。(附注)美國當一八九

六年以前猶未許婦人爲子女之代理人

婦人選舉權之議。自初建國時卽有倡之者。及放奴功成之後。

其運動益盛。蓋據獨立檄文人類平等之大義。白黑種之界限既除。則男女性之界限亦不可不破。此其理想之源泉也。自茲以來。北部及西部諸省多數之國民。熱心此事。屢以婦人選舉權法案提出於本省立法部。且頻議修正聯邦憲法。加入此條。然此修正案殆未易得可決。惟威阿明天達華盛頓三省之本省憲法。曾許可之。而天華兩省旋改正廢棄。今美國諸省中。惟威阿明省尙有此權云。實則婦人干涉政治。在今日之社會。實利少而弊多。伯倫知理輩論之詳矣。其法案之久不能通過也。亦宜。(附注)澳洲之紐西命。暹得力西澳。忒斯米尼亞諸省。皆有婦人選舉權。聞前十年紐西命曾有一婦人被選爲市長。男子皆梗其號令。不久遂辭職云。其學務委員之選舉權被選權。則現今有十四省許諸婦人者。然彼等大率放棄此權。不知寶貴。聞有某市人口二十萬。當選舉學務員投票時。婦人至者不過二三百。又馬沙諸省初行此例時。婦人至者甚衆。其後年減一年云。由是觀之。婦人之加入政界。非徒不可。抑亦不能矣。

美國勞力者之地位。亦日高一日。『勞力者神聖也。』此言殆美國通用之格言也。其

勞力者之地位

婦人加入政界之非宜

原因蓋由社會黨自爭權利之思想日熾。亦由上流社會慈善事業之日盛。兩者相提攜而得此進步。其庸率既日漸增高。而各大公司又往往多建房屋貸諸職工而不徵其塵稅。又或設特別之學校及遊戲運動場者。以教育其職工之子女。此所謂富而好行其德者非耶。各市中之鐵道電車。大率凡勞力者僅收車費之半額。各遊戲場之景物。須納錢乃得入觀者。勞力家大率皆減半焉。要之美國之優待勞力者。大率如日本之優待軍人。彼勞力者亦商戰國最重要之軍人也。其特別優待之也亦宜。

(四十八)

其餘瑣屑風俗有趣味者頗多。叢稿盈籠。檢閱眼花。太費時日。茲並略之。讀者諒焉。初八日復至砵命會所已遷。煥然一新。留一夕與諸同人作長夜談。歡可知矣。翌日行。

初十日復至加拿大之溫高華。新建之會所。已於一月前落成矣。輪奐堂皇。整齊嚴

加拿大
維新會
議會之
成立

電報九
十六通

肅。令人起敬。加拿大爲維新會起點之地。而其內部之發達進步。亦爲各市冠。今次以會所新成。合七省選舉議員。以十一月開議會。各議員由會員全體投票公舉。純用文明國自治制度。卷端所列第二十八圖。卽其議場也。

十二日遂乘中國皇后船返亞洲。其日接到各市同志送行電報九十六通。桃花潭水深千尺。不及汪倫送我情。致可感也。午後登舟。送行於海岸者百餘。爆聲巾影。綿亘一時許。夜間至域多利。未登岸遂行。翌日晨起。回望新大陸。青山一髮。微橫海天際而已。

廿三日至橫濱。翌日諸同志開歡迎會於大同學校。

附錄

記華工禁約

(一) 其歷史

華工之往美。實由美人招之使來也。當加罇寬尼省初合併美國之時。急於拓殖。而歐洲及本國東部之移民。憚其遼遠。來者不多。資本家苦之。及覓得金礦。盛開鐵路。而勞傭之缺乏更甚。是以渡海而求之於中國。今者加罇寬尼之繁盛。實吾中國人血汗所造出之世界也。何也。無金礦。無鐵路。則無加罇寬尼。而加罇寬尼之金礦鐵路。皆自中國人之手而開採而築造者也。

同治七年。即千八百六十八年。中美續訂通商條款第五條云。

大清國與大美國切念人民互相來往。或願常住入籍。或願隨時來往。皆須聽其自由。不得禁阻。

加罇寬
尼爲中
國人血
汗所造
同治七
年之條
約

第六條云。

中國人至美國。或游歷各處。或常行居住。美國必須按照相待最優之國所得游歷與常住之利益。俾中國人一體均沾。

美工與
華工之
衝突

彼條約實最自由最平等之條約也。然其時往者顧不甚衆。吾游舊金山。有七十餘齡之父老。爲余述彼初至時美人歡迎之狀。雖神明不如也。其後聞風而往者日盛一日。至光緒初年。而每歲移住之人民。殆十餘萬。夫以吾東方產業之萎靡。工價之低廉。以與彼寶藏新闢需工若渴之地相較。則吾民趨之若水赴壑。亦固其所。然自茲以來。東部工人。聞西方之極樂。爭走集者亦歲增。於是美工與華工之衝突漸起。

千八百七十七年。

光緒三年

加罇寬尼之產業界。忽入於恐慌時代。

生計學家言凡生計界往往有恐慌時代

或十餘年而一見或數年而一見蓋人民醉於投機事業以牽動全局也其理長不具論

一切股票。盡皆下落。全省騷然。貿易不

振。工事頓乏。所有工價。隨而暴跌。美國工人。以其所入。不敷事畜。而中國以勤儉之性質。且移住者率無家屬。以低廉工價。亦足自給。不惜稍貶以相遷就。故資本家益

衝突最
劇時代

用中國人。而美工得業愈少。於是相妒相憎相仇之念。益磅礴於彼等之胸中。全省騷然矣。未幾遂有所謂沙地黨者起。

沙地黨之首領。曰奇亞尼。實市井一無賴也。薄有積蓄。因投機全歸失沒。乃發憤學演說。欲投身於政治界。其年之末。七年八七適必珠卜市有同盟罷工之事。全國工人

多表同情。奇亞尼乃煽惑加省之工人。設立一工黨。在舊金山港口西方沙際一空地。集衆演說。故當時以沙地黨得名。奇亞尼指天畫地。肆口嫚罵。忽得下等社會大多數之歡心。來者日衆。政府以其妨害治安逮捕之。訟解得免。自是名愈高。黨愈盛。馴至選舉之際。「底門奇勒」「利巴別里根」兩大政黨。全失其勢。而沙地黨遂爲加罇寬尼省政界之中樞。(按)民主政治之弊。卽在是。此亦其一例也。言政者不可不深察。於是新被選之議員。遂提出改正本省新憲法案。以普通投票質諸全省人民。竟得大多數之贊成。所謂千八百七十九年之新憲法是也。

沙地黨之所最仇視者。則資本家與中國人也。故其新憲法之關於排斥中國人者

大略如下。

(一) 凡各公司不許用中國人。卽有前此經與中國人定合同者。亦作爲廢紙。

(二) 凡中國人不許有選舉權。不許受雇於公家職業。

(三) 議院須定條例以罰招致華工之公司。

(四) 中國人在美國者當設種種例規限制之。苟不遵例。卽逐出境。

自此憲法之成立。而舊金山所謂唐人埠者。遂爲暴民橫行之地。拋磚擲石。乾唾熱罵。毆辱頻仍。劫掠相續。蓋彼時加罈寬尼省。幾陷於無政府之地位。而我華民始不聊生矣。如是者一年有奇。未幾市民飽聽奇亞尼之邪險演說。而覺其所益於己者。不足以償所害也。旣漸厭之。至千八百八十年之市會選舉。兩大政黨相提攜。得占全勝。而沙地黨遂亡。雖然。侮辱華人之結習。終不克去。

當時華盛頓政府。固未嘗有所惡於華人也。而已漸爲輿論所動。始漸謀限制之法。乃與中國公使商議。令我政府以自願限禁之名義。定一條約。卽光緒六年西曆千

華民不
聊生

沙地黨
亡

八百八十年北京條約是也。其第一款云。

大清國與大美國公同商定。如他時大美國查華工前往美國並在境內居住等。倘有妨礙美國之利益。或有騷擾境內居民等情。大清國准大美國議暫止。或定人數。或限年數。並非盡行禁絕。總須酌中定限。此是專指華人續往美國承工者而言。其餘別等華人。均不在限制之列。所有定限辦法。凡續往美國承工者。必須按限進口。不得稍有凌虐。

其第二款云。

凡中國商民及學業生徒游歷人等。與及跟隨僱用之人。兼已在美國境內居住之華工。均可任其往來自便。同沾優待各國最厚之利益。

此約以光緒七年互換。光緒八年實行。實行以後。美國以是年西曆五月六日由議院頒限禁華人例案。凡十五款。光緒十年再改正增加。凡十七款。其款繁不備錄。其要者為表附於節下。是為設禁之始。

設禁之始。原訂以十年爲期。及光緒二十年。即一千八百九十四年。美政府要求續限。我政府我公使不與較。禁約遂續。今擇錄其條約第一第二第三第五款如下。

第一款 茲彼此議定。以此約批准互換之日起計。限十年爲期。除以下約款所載外。禁止華工前往美國。

第二款 寓美華工。或有父母正妻兒女。或有產業值銀一千圓。或有經手帳目一千圓未清。而欲自美回華。由華回美者。不入第一款限禁之列。但華工於未離境之前。須先在離境口岸詳細列名下眷屬產業帳目各情。報明該處稅務司。以備回美之據。該稅務司遵現時之例。或嗣後所定之例。發給該華工。按此約章應得回美執照。但所立之例。不得與此約相悖。倘查出所報各情屬僞。則該執照所准回寓美國之權利盡失。又例准回美之權利。限以一年爲期。以離美之日起計。倘因疾病或別有要事。不能在限期內回美。則可再展一年之期。但該華工須將緣由稟報離境口岸中國領事官。給與憑批。作爲妥據。以期取信於該華工。登

岸處之稅務司。該華工如不在稅關呈驗回美執照。無論其由陸路水路回美均不准入境。

第三款 此約所定限制章程。專爲華工而設。不與官員傳教學習貿易游歷諸華人等現時享受來寓美國利益有所妨礙。此項華人倘欲自行申明例准來美之利益。可將中國官員或出口處他國官員所給執照。並經出口處美國公使或領事官簽名者呈驗。作爲以上所敘例准來美之據。茲又議允華工來往他國。仍准假道美境。惟須遵守美國政府隨時酌定章程。以杜弊端。

第五款 美國政府爲加意保護華工起見。一千八百九十二年五月五號。美國議院定例一千八百九十三年十一月三號。此例又經修改。凡在定例以前。所有美國境內一切例准住美之華工。須照例註冊。中國政府現聽美國辦理。美國政府亦應聽中國政府定立相類條例。凡一切美國粗細工人。（商人亦如議院定例不計）寓居中國。無論是否在通商口岸。均令註冊。概不收費。又美國政府允

准自此約批准互換之日起。於十二箇月內。將寓居中國無論是否在通商口岸之一切他項美國人民（包括教士在內）之姓名年歲行業居址。造冊報送中國政府。以後每歲報冊一次。惟美國公使人員或一切奉公官員。在中國駐紮或游歷及其隨從僱用人等。不入此款。

自茲以往。續訂禁例。日出不窮。法如牛毛。民無適從。於是華人往美之路遂將斷絕。

（二）禁例

光緒二十年條約第二款。有『遵現時之例及嗣後所定之例』一語。第三款。有遵守美國政府隨時酌定章程一語。此皆外交家猾黠之手段。明欺我中國。為推翻兩國公權實行自立私例之地步也。我國外交家。不知其用意之所存。漫然許之。自茲以往。雖有千百苛例。而莫得與之爭。此所謂合九州鐵鑄一大錯也。今將美國政府所頒禁例之年月及款目。畧列一表如下。

條約語
意之曖
昧

累次禁
例之年
月及款
目

（年月）

（款目）

（附考）

一八八二年五月 十五款

此爲最初禁例。

一八八四年七月 十七款

將一八八二年之例改正增加。

一八八八年九月 十五款

同 年十月 四款

一八九二年五月 九款

一八九三年十一月 二款

增訂一八九二年之例。

一八九四年八月 一款

一八九八年七月 一款

此例因檀香山隸美後加入禁例而設。

一九〇二年四月 四款

此例因菲律賓賓羣島隸美後加入禁例並

賽會防禁法而設。

一九〇二年五月 九十三款

此乃戶部將前此所有禁例彙列且加增

訂頒行者。

一九〇三年七月

六十一款

此乃美國新在工商部設立管理外人入境委員。更由該委員增訂苛例頒行者。

美國禁例。非特內地人瞠乎未聞也。卽旅居彼中數十年者。尙或茫然不能窮其形。因定例旣已煩苛。而例之外復有案。一案之行。而後此復援以爲例。其稅關及司法之人。任意上下其手。而我莫能與校。故案之多益不可思議。欲盡紀之。常累數萬言。今爲悉心排比。分類列之。以清眉目。關心民瘼者。庶一省覽焉。

(甲) 華人之有入美權利者。

(一) 官吏。(及其隨僕)

(二) 傳教。(學校教師亦歸此項)

(三) 游學。

(四) 商人。

(五) 游歷。

禁例類別

華人之有入美權利者

以上五項。皆光緒二十年條約所訂明者。

(六) 商人之妻及子女。

(七) 工人有當千八百八十二年以前已至美國。經在稅關注册。且有合例之憑据者。則可以復來美。其合例憑据如下。

(一) 有父母妻子女現在美國者。

(二) 有實業值銀一千元以上在美國者。

(三) 有債權值銀一千元以上在美國者。

以上二項乃一八八四年禁例所許者。

(乙) 華人之許暫入美境者。

(一) 假道 (如往加拿大、墨西哥、西印度羣島、及中美洲南美洲等處。必須由美國假道者)。

(二) 賽會 (來觀博覽會。或辦貨物來賽會者)。

(丙) 合例華人入境之限制。

(一) 護照 甲款所列七項合例之華人。必須持有合式之護照。乃得來美。其所謂合式者如下。

(一) 須由出口之港埠領有該地方官認可之護照。其有權發給此護照之人如下。

(一) 中國各海關道。

(二) 香港華民政務司。

(三) 英屬加拿大稅務司。

(四) 在外國經商之華商。能向該國政府求得護照認可者。亦作合例。

(附注) 其禁例注明不得發給護照之人如下。

(一) 中國駐美領事。不得發給。

(二) 中國駐各國領事。不得發給。

(二) 墨西哥政府。不得發給。

(二) 領得護照後。須經由該港埠之美國領事。簽名蓋印認可。

(三) 其護照中必須有本人照相。

(四) 其護照中所列各款目。務須一一注明。不得少有欠缺。

(二) 入境口岸 甲款所列七項人。除官吏外。不許由下列各口岸以外之地

方入美境。

下所列諸地皆有專理華人入境委員駐紮

一 舊金山

六 砵黨順

十一 森亞士

二 砵侖

七 律注潤

十二 參巴

三 波士頓

八 聖亞路便士

十三 山姐故

四 紐約

九 摩鸞

十四 檀香山

五 紐柯連

十 博芙爐

(按) 一九〇二年(即去年)戶部所頒之例。尙有廿二口岸准入境者。今

年新例。裁餘十四耳。

(丁)例中之挑剔苛禁。

(一)普通之苛禁。

(一)雖攜有合式之護照。但於護照所列各款。有漏注一條者。即不准入境。

(按)上海天津各處所發給之護照。多有因此致梗者。余所聞有某大吏之子游學者。緣此阻延數月。不得入境。

(二)雖攜有合式之護照。至入境時。仍由該稅關委員查詰口供。若口供有一語不合。則作爲冒認。不許入境。(按)華人以此被撥回者。不計其數。

(三)雖攜有合式之護照。若經醫生考察。認爲有傳染病者。即不許入境。

(按)此乃今年美國所新頒之海外移民法案特著者。其例本不專爲華

人而設。惟行諸華人者。特加嚴酷。今年五六月間。有北洋大學堂學生某君到美。醫生謂其有眼疾。可以傳染。遂遞解回籍。

(二) 對於游學者之苛禁。

(一) 執游學之護照入境。既入境後。查有作工等弊。即驅逐回籍。(按)此例其阻礙於我學界前途者最甚。美國寒士。其且工且學者。殆十而六七。日本在美之私費學生。大率皆半歲作工。半歲讀書。以供學費。此例行使我國苦學界。永不能擴充於美國也。

(二) 非習高等學問者。不許入境。今年七月新發之禁例云。所謂學生者。專指欲來美習高等學問。或專門學。因在故國無從學習者。(按)此例最苛。此後非持有本國中學卒業文憑者。當不准入美。

(三) 必預備學至卒業時所需之費用。其費用。或以現銀。或以滙票。或由某店號擔保。經稅關委員驗明屬實。乃得入境。(按)此例亦今年七月新立。要之總不許我國寒士。得求學於美國耳。

(三) 對於商人之苛禁。其法律嚴密。不可思議。今更類分之。

(一) 商人之資格。

(一) 惟鋪店之股東。乃謂之商。其餘店中所雇用之人。若總辦人。若管銀人。若買手。若賣手。若書記。若管數人。若代理人。若學生意者。一概不得有商人之資格。(按)此等例所謂無理取鬧者也。安有以一鋪之大。而僅一東家能兼諸役者。然則名爲禁工。其實並禁商也。彼謂以工人庸廉爭利之故。然則華人店鋪中所用夥伴。亦豈爭美工之利耶。要之欲絕吾人往美之路而已。

(二) 凡開酒樓、餐館、開呂宋煙紙煙工廠、開製靴製帽廠、開裁縫店者。皆不得有商人資格。(按)彼立此例之口實。以此等業需用工人也。然業此者其每年與美人貿易。消美貨最多。此而禁之。孰謂平情。

(二) 在美華商之返國復來者。

(一) 華商欲回國者。須於出口時覓得華人以外之證人二名。矢誓證明

其人曾在美國經商一年以外者。(華人不得作證。)

(二)其證書必須誓明從前並未作過工業。除經商外並無別業。

(三)欲返國者。須於一箇月以前報名呈請護照。其護照限一年可以復來。一年以外。則所持之證券。作爲廢紙。(或有疾病及本人不能趨避之事。故者。可以展限一年。惟須求得前由美國出口處之中國領事。發給憑紙證明。)

(四)對於注冊華工之苛禁。中美所訂禁約。本有並非將華工盡行禁絕一語。故美政府於千八百八十二年。令現在已到美境之華工。報名注冊。其攜有冊籍者。許住美國。並可以歸國復來。然其額外之苛禁。亦有種種。

(一)必須在美國有未斷之關係者。(如甲款第七項所列)

(二)所謂有妻在美國者。須爲合例結婚。並已娶一年之久者。

(三)所謂債權。必須屬於未妥之數目。非復到美不能索取者。並非債務者。

同到裁判所證明認欠。(以上兩條參觀甲款第七項。)

(四) 注册之華工。欲返國再來者。可以求所在地之稅關發給護照。其法如下。

(一) 繕寫切實口供。注明或眷屬。或欠項。或產業若干。矢誓無虛。

(二) 將身材高矮。面目顏色。肥瘦輕重。四肢長短。及面龐上有何特別之痣認。一一注明護照中。

(三) 須照相兩片。一正面。一側面。帖於護照中。

(四) 欲取護照。須於三箇月以前報名呈請。

(五) 護照限用一年。過期不復來。作為廢紙。

(五) 對於外籍華人之苛禁。

(一) 美籍者。

光緒二十年之條約。聲明中國人不得入美籍。此事半由美國政府之意。

半由中國政府之意。至華童產於美國者照例不以華人論。但亦立種種苛例。其欲回國而復來美者。大約亦與回國之華商無異。

(二)他國籍者。

禁例中聲明凡入加拿大英籍入墨西哥籍者。皆以華人論。如欲入美。一須遵從禁例。

(戊)堵截來路。華人欲入美者。必有所自來之路。從此處堵之。正本清源。簡易直捷。其手段爲最辣。今列其方法如下。

(一)堵截船車。

(一)一八八四年改正禁例第二款云。凡船隻由外國港口來美。其船主若有意接載華工來美。或令或幫或准華工登岸。議監禁罰款。每帶一人。罰款五百元。或監禁一年。(惟或因避風駛入美港。或順經美港以入他國之船隻。不在此例。)

(二) 一九〇二年戶部所頒禁例第十九款云。火車若載有不合例之華人入美境。其罰例與船隻同。

(三) 一八八四年禁例第八第十款云。凡船隻由外國港埠來美。其船未抵埠之先。船主要將所載華客名數。及其護照所填履歷。繳交稅務司。若船主有意抗犯此例。即將其船充公。歸爲美國管業。

(二) 堵截偷關。

一八八四年禁例第十一款云。凡人或有意或幫助或引帶不合例入美之華人由岸而入或由船而登美境者。議監禁罰款。每帶一人。罰款一千元。或監禁一年。

(己) 過關虐詰。美政府定例。雖持有合式護照之華人。到境。仍須盤問口供屬實。乃能過關。故種種苛待情狀。半由此而生。今舉其例。

此等例非明著於公布之法律者。惟親至其地

過關虐詰

能見之求諸法文無有也

(一) 木屋監禁。

丙款第二項所列之十四口岸。皆各設有一木屋。其湫隘狼籍。甚於狴犴。凡華人到關者。無論合例不合例。一概先撥入此木屋候審。(大抵搭一二等客艙。且經埠上有名望人保證者。僅可免木屋之辱。)

(二) 審問延遲。

已入木屋者。常或延遲至二三十日始行開審。

(三) 審問違法。

(一) 審問者非由司法官。不過任憑稅關委員之意。上下其手。

(二) 審問時。無陪審人。亦不許旁聽。大反於文明國讞獄之通例。

(三) 未審問以前。雖本人之父母親友。亦不許探問。待之虐於重囚。

(四) 審問之口供。不許鈔錄宣布。(按)此其立心何在耶。故稅關員之若何搗鬼。雖通美國之法律家。無從知之。無從非難之。

(五)經關員批斷謂不合例者。本人若不服。欲翻案上控。必須仍經該關員之手。呈於工商部。惟上控只許一次。又批斷後經三日不上控者。以後卽無復上控之權利。

(四)用罪囚法量身。

此法所用名巴太連量身機器。乃法國人名巴太連者所創。現歐美各國獄中所通用。以量囚徒者。蓋囚徒屢有逃獄之弊。故用此法。先照其相。全身半身。正面背面。左側面右側面。復以機器量其頭骨若干闊。眼耳鼻口之距離。各若干。身長若干。手足長若干。肩與肘肘與腕腕與膝膝與脛脛距離各若干。伸臂而量之。復屈臂而量之。雙立而量之。復孛立而量之。(其量時皆裸體)又指節趾節長若干。無一不纖悉登錄。所以使罪囚逃獄者。雖在千里外。猶無從漏網也。今華工來美者。未嘗有罪。而辱之若囚徒。非徒蔑視我國家之尊榮。抑亦蹂躪人類之權利。美之野蠻舉動。至是而極。聞是而不髮指眦裂。

泣數行下者。尙得爲有人心耶。（此例乃今年七月新例所定。現僅用之。注冊華工及假道華工。其甲款前六項所列之人等。尙未受此虐待。）

（五）防疫苛禁。

若遇香港等處有疫症時。則所有華人。須到港外之痘房。裸體用硫磺水薰浴。然每年防疫之月。殆及半數。行旅大苦之。

加拿大各屬。亦同此例。前張蔭桓賀英皇加冕時。一切參贊隨員。同受此辱。

（庚）暫入美境者之苛待。

（一）賽會人員。

從前芝加高賽會時。華人因緣以入境者不少。今值明年聖路易博覽會將開。故今年七月。特頒禁例如下。

（一）凡欲入美國賽會者。要將合例可信之憑據。遞交入口關員。內要表明得有賽會值理批准利權憑據。或表明乃係得批准者。雇用在會場宜用。

之工人。

(二)要將本人影相三紙呈關員。且遵從該員量度。以爲證認。(此殆亦用巴太連機器)

(三)准入境後。要直往會場。不得中途停止。在會場中。要做入境時所認做之工藝。

(四)賽會畢。限三十日內。要從直路即回日前入口之關。搭最先開行之船。速離美境。

(五)每人必具保單銀五百元。(美金)或由有責任之人。或由保單公司。具備交該入口處關員。(按)余初至華盛頓時。適值中國政府所派往聖路易預備賽會做工之人將到。該關員照例索每人五百元保單。我公使與外部交涉數次。請由公使作保。該關員仍多方駁詰。僅乃得許。嘻。公使之言。竟不如五百金之重耶。可嘆可憤。

(六) 由關員派出差役若干。到賽會場。監守此等華人。以防逃走。

(二) 假道人員。

華工假道美境往別國。本由光緒二十年和約所訂明。而美政府亦設防禁諸例如下。

(一) 凡假道者。須將所買得直過美國所到之地或船紙或車紙。遞呈關員。

(二) 凡假道者。或由本人。或由有責任之人。或由給彼船紙車紙之公司。具保單銀五百元。

(三) 凡假道者。必須用巴太連機器量度身材。(非工人者不在此例)

(辛) 雜例。

(一) 冊紙。

凡現在居美國之華工。如未攜有一八八二年政府所給之冊紙。即作爲偷關入境。查得者即驅逐回籍。(按)此例近一兩年內。到處嚴行。派偵員查冊。

備極騷擾。余在美數月。所見坐此撥出境者。無慮數百人。

(二) 雜工。

凡非假道之華人。如船上所用水手廚役諸工。皆不得以保單登岸。以上所列。雖或未能具備。然罣漏亦罕矣。此篇乃搜輯美國前後例案十數通。由中西文比較參考。分類列出者。排比較勘。頗費日力。讀者鑒之。

(三) 旅美華人人數統計

吾欲求四十年來旅美華人人數統計表。不能得其材料。僅舉一九零二年（即去年）之統計。則

美國本部

九萬八千八百六十三人

檀香山

二萬五千七百六十七人

亞拉悉加（美國所屬海島以捕魚爲業者）

三千一百一十六人

海陸軍所雇用者

三百〇四人

合 計

十二萬八千〇六十人（菲律賓羣島在外）

以上冊籍。或不免尙有罅漏。大率現今華人在美國本部者。當在十萬至十二萬內。外。是爲確數。

初至者
多爲太
平餘黨

最盛時
期

禁後減
退之消
息

訪諸華人故老之口碑。則當南北戰爭之時。（一八六〇年）華人始有至者。及同治四年。而舊金山大埠華人。忽多至及萬。蓋同治二三年。洪秀全敗潰於金陵。其餘黨以海外爲逋逃藪云。故三合會之盛於美國。其原因亦頗在是。及同治七年。卽西曆一八六八年。美國公使巴靈兼。與我續訂條約。其目的在於招工。許我民與白人享同等之權利。且有招工公司。在香港極力兜攬。自是來者日衆。至八九十年間。每月者來約五六千。及光緒元二年間。僅舊金山一埠。已有七萬餘人。僅新寧一縣。已有十七萬人在美云。其時旅美華人。總計當不下三十餘萬人。至光緒八年始議禁。十年而實行。二十年而再禁。自此以往。日減一日矣。畧舉其消長之數。則

咸豐末年（一八六〇年）

初至極少數

同治四年（一八六五年）

約萬人

光緒元年（一八七五年）

約二十餘萬

光緒九年（一八八三年）

約三十餘萬

光緒十九年（一八九三年）

約二十餘萬

光緒廿九年（一九〇三年）

約十餘萬

以是觀之。則當初禁時（光緒九年）有三十餘萬人。及禁例行之十年。至續禁時（光緒十九年）減至二十餘萬。續禁行之十年。至現今第二次禁約將滿時。減至十萬餘人。大約禁例以後。每年減少一萬人之比例也。故及今不議所以抵抗禁約。更展限十年。則茫茫新大陸。無復我黃帝子孫一人之足跡。可斷言矣。

華人至美者。大率在太平洋沿岸諸省。愈東則愈少。今得西部諸省二十年來華人統計省別表。錄如下。

將來之
豫測
華人與
美國西
部之關
係

每年減
少萬人
之比例

（一八九〇年）

一九〇〇年

加罇寬尼省

七萬二千四百七十二人

四萬五千七百五十三人

柯利根省

九千五百四十人

一萬零三百九十七人

華盛頓省

三千二百六十人

三千六百二十九人

汶天拿省

二千五百三十三人

一千七百三十九人

埃地荷省

二千〇〇七人

一千六百四十七人

彌巴達省

二千八百三十三人

一千三百五十二人

亞里孫拿省

一千一百七十人

一千四百一十九人

可羅辣陀省

一千三百九十八人

五百九十九人

新墨西哥省

三千六百十二人

三百四十一人

維明省

四百六十五人

四百六十一人

天達省

八百〇六人

五百七十二人

由此觀之。以最近統計美國本部華人總數九萬八千八百六十三人中。而西部十

一省。居六萬七千九百二十九人。實爲全數三之二有奇。故西部之人。其對於華人嫉妒厭賤之念。更深一層。亦固其所。

(四)美人排斥華人之論據

美國人相抵排之言。洋洋盈耳。不可殫舉。今年紐約尊奴盧報。有加孫氏所作一論題。爲「禁逐華人之原理者」。凡臚列二十款。最爲詳備。頃耶路大學留學生張君煜全。譯出原文。寄登舊金山大埠文興報中。茲轉載之。並略加案語如下。

華人應擯於美國外者有二十端。

(一)彼等來此。非爲美國國民也。不過欲成一中國殖民地耳。

案此論未免太高視華人。若我同胞果有此思想。則已非美人所能禁逐矣。

(二)彼等非因避苛虐政府而來美國。不過圖富足榮旋耳。

(三)彼等來美。強半爲辦華工入口商會之產物。其居留之時。卽爲該商會之奴

隸也。譯者原案語云此殆專指辦客者而言

案此論殆欲以激起國民。使想及前此放奴問題。以爲斥逐之義憤也。其實此論不當。華人雖有以辦客爲生計者。但其客入境後。辦客者不復過問。所求者但其入口時之利耳。

(四)彼等不習美國之風俗。又不達美國道德之程度。

案此論誠當。但若此者。豈惟中國人。彼南歐諸國人。豈其免此。

(五)彼國總人口之數。多於我國。如五六與一之比例。

(六)彼等中國。儘有餘地可居。僅九十七人占一方里(英里)之地耳。若我紐約者。則每百二十六人占一方里矣。

案以中國全國統計。合滿蒙回藏而算之。其人口疏密之比例。固若是矣。若如東南沿海各省。其密率又豈讓紐約耶。至如美國之彌巴達省。每方里只合一人零六分者。又將何如。此不足爲論據也。

(七)彼等竭力而爲者。在得資財以寄返中國。四年半之間。由彼等寄出本國外

者。實五千萬美金有奇。

案我政府而知此。則當思抵抗禁例之謀。不可以已矣。五千萬美金。當我一萬萬有奇。若往美路絕。國家從何處復得此一萬萬之流通泉幣耶。

(八) 准華人移入之問題。加罈寬尼省。亦嘗試驗矣。終不能有成效。當一八八五年政府調查委員之報告書。有云。唐人埠者。乃美利堅退化人類最繁生之藪也。

案華人之較白人退化。誠難爲諱。然謂加罈寬尼試驗無成效。試問不有華人。能有今日之加罈寬尼耶。况舊金山大埠。素稱爲美國下等社會之淵藪。其風俗之壞。不能專歸咎華人也。

(九) 金山大埠唐人埠。歸官查閱之時。則有神廟十三所。堅守門戶之賭館百五十間。不秩序之屋原案語云指妓館云百零五間。五萬之華人。其舉動固如此哉。

(十) 屢試屢敗。而後證出華人萬不能教以遵守潔淨之規也。初猶試之。乃屢試

而屢敗則其將來如何可資確證矣。

案以上兩條華人宜猛省。

(十一)以華人爲國民。其最下乎。當華人爲加罇寬尼省人數六分之一之時。其所納賦稅。僅四百分之一。

(十二)千八百八十五年。爲華埠謀治安之費。用一萬二千美金。過於所納賦稅多矣。

案此語若確。則彼之厭我也。亦何足怪。

(十三)未有准華人入口。可以禁絕鴉片烟之害者。卽此一端。華人既當拒絕矣。

(十四)華人無論所操何業。輒減低工價與生計之程度。

案此實爲華人致妒之最大根原。一切禁例。皆起於是。雖然。彼年年自意大利。自澳洲。自愛爾蘭。自瑞典。來美之人。其工價低廉。亦與中國人不相上下。且或有更廉於我者。不妒彼而獨妒我也何居。

十五

(十五)在華人衆多之埠。彼等卽不願與美國人同操工作。或且恐嚇之而使之畏懼。

案此在前者曾有與否不可知。今則斷無有。且於理勢亦不近也。

十六

(十六)華人永不能受同化力。嘗有某證人對政府調查委員云。吾居加罇寬尼省三十年。未嘗見有一華人變革舊習者。

十七

(十七)當一八七九年加罇寬尼省投票議禁華人之際。贊成者十五萬四千六百三十六票。反對者僅八百八十三票耳。

案此卽沙地黨得意時代也。今則沙地黨之無狀。誰不知之。

十八

(十八)華人或可以破敗我民主國。如匈奴溫度兒人種之於羅馬帝國然。

案華人並選舉權而無之。由何道以破敗君家之民主國耶。公等不懼拉丁民族而懼我耶。誤矣。

十九

(十九)以最守舊之華人。而來最進步之美國躡等甚矣。如華人必欲來此。可令

其借徑俄羅斯奧大利日耳曼與英吉利。先居以上之國。最少一千年而後可來。

案此虐謔真難堪矣。我國民能忍受之否。雖然。華人雖極頑下。不猶愈於黑種耶。美人以平等正義自詡異。謂放奴一舉。爲其歷史上之光榮。然則禁華人一舉。不亦爲歷史上之污點耶。若果舉全國九百萬黑人。悉依華人例放逐之。則吾心服無異言矣。

(二十) 凡人類最高之責任。在能保存發達世界最高之物。以美國人目點觀之。莫有高於二十世紀之文化者。其文化之根基。則實學也。商務也。創製也。民政主義也。使我大開其門戶。以招徠此四百二十兆之人。彼固鄙惡我文明者也。是豈不因我解釋大難題於將來。而可以敗我二千年來貴重之物乎。

譯者原
案語云

悉照英
文直譯

我亦不

以上所譯。美國反對黨對於我華人之感情。可見一斑矣。大抵禁例之來。起於美國

能辭其
咎

公論非
盡泯

強權世
界

人之強權者半。起於吾國人之自招者亦半。其美國之部分。由於相妒者半。由於相厭者亦半。其中國人之部分。由於政府漠視者半。由於僑民不自愛者亦半。詩曰他山之石。可以攻錯。我同胞亦宜鑒於仇我者之言。而一自省焉。有則改之。無則加勉。不然。日日怨美人。責政府。猶無當耳。

雖然。美國輿論。除工黨外。其持華人不可禁之說者亦不少。今年上議院之禁例問題。委員長摩頓氏。嘗揚言於國會云。『近者太平洋沿岸諸省。利源日闕。需用勞傭亦日多。然所以致此之由。實前此藉華人之力。有以啓闕之。其功決不可沒。』云云。此亦可見公論之尙在人心也。

近年來西部諸省。對於日本人之嫉妒。亦囂囂盈耳。然以日本政府強有力之故。其議案卒不敢提出於國會。嗚呼。人生世上。勢位富厚。顧可以忽乎哉。

(五) 華人對於禁約之運動

十年續禁之期。瞬又將滿。故旅美商民。咸汲汲研究此問題。九月間。集議於舊金山。

中華會館者數次。欲瀝訴苦况。以求政府官吏之助力。遂共陳意見爲一公稟。今將其稟稿全文錄下。

具稟人旅居美國商民等。稟爲美國禁約。將次期滿。懇請籌策抵制力爭。以全國體而順輿情。挽利權而培邦本事。竊商民等僑居海外。遠沐國恩。身雖居於重瀛。心常縈於故國。孳孳勤動。於茲有年。惟美國自光緒十年卽西曆一千八百八十四年。與中國訂定禁工之約。訂以十年期滿。迨光緒二十年。卽西曆一千八百九十四年。復再展限其約。以西曆二月十一日在美京簽押。以西曆十一月七日互換實行。聲明再以十年爲期。如有不滿意。當由滿期前六箇月。先行知會等因。計此二十年來。美政府所頒苛例。日新月異。法如牛毛。僑民之困。莫可名狀。此中隱况。想久在賢明洞鑒之中。現察美國政府之意嚮。民間之輿論。一若中國政府必默許此約之繼續。無俟再更者。續頒苛章。方日出而未有已。商民等竊計朝廷關心民瘼。軫念僑氓。斷無漠焉不校之理。諒旣早經擘畫。具有權衡。碩

謨宏遠。固非商民等所能仰窺。外交謹嚴。尤非商民等所容參議。特以事中之甘苦。每身受者言之較詳。彼族之情形。亦習處者能窺其隱。况 聖世每採輿人之誦。河岱不辭涓壤之微。是用不揣疏逖。謹集衆議。試籌挽救之策。爲我 王爺中堂大人陳之。竊查美國禁工之議。本起於西方加罇寬尼省之沙地黨。不過一無賴市儈。欲煽惑愚民以徼權利。一唱百和。吠影吠聲。舉國若狂。每下愈况。彼美國者。民政之國也。上自總統政府。下及各省庶僚。必順民情。乃獲選舉。以故工黨之勢愈橫。則禁約之立愈密。雖然。禁華工之議。持之最力者。西方一二省。而東方諸省未甚以爲意也。妬我最深者。爲下等工人。而官吏紳商。殊不與同情也。卽以工人而論。其真正美產者。尙不肯太爲己甚。其最叫囂強暴無禮者。大率從歐洲新來入籍之意大利人。猶太人。德意志人耳。彼等驟入膏腴之新地。分茲餘潤。而其作苦及其技巧。皆不逮我華人。故因劣生忌。因忌生凌。禍源之起。皆由彼輩。試問彼輩之專橫。於上流殷實之人。果有利乎。彼輩以聯盟挾制爲不二法門。日索

增其工價。日索減其時刻。稍有不遂。立刻罷工。全國紳商病之久矣。幸有華人不隨波逐。易就範圍。故紳商之歡迎華工。非特昔日惟然。卽至今未或有改也。而國中立法行政諸人。皆所謂上等紳商者。乃竟甘舍其所利。而就其所害。何也。則以工黨之勢頗大。國中兩大政黨。恆視其所加以爲輕重。緣其所附以爲升沉。故無或有一黨焉。敢大拂其意。且相率以仇視華人爲取悅彼輩之一法門。爲擁護黨勢之一捷徑。此卽禁約之所由來也。夫彼所藉爲口實以禁華工者。豈不曰奪美工之業乎哉。然意大利人及其他拉丁民族之人。歲入美國者殆八十萬。彼工黨何以不憂彼之奪。而顧日尋癥索垢於區區歲進不滿千百之華人。則以彼等入境後旋卽入籍。入籍後卽有選舉權。而爲工黨傳翼故耳。知此病源。則我國所以乘間抵隙以圖補救者。殆亦非無道矣。其道云何。則利用其上等紳商使爲我助而已。或曰。彼紳商昔旣受制於工黨。不惜就其所害而助彼以禁我。今昔等耳。而何從易之。此又不然。夫工黨雖橫。而國中兩大政黨。固非事事仰其鼻息。聽其指

揮也。時或出全力以制之。苟遇重大事件。而兩政黨各出全力以制工黨。工黨終非兩政黨之敵也。顧其於他事則制之。而於華工之事獨順之者何也。我國既不與力爭。然則有華工焉。不過其一人一公司稍覺便利。禁之則稍損焉爾。而於大局無害也。故彼中政治家。不惜以此區區權利讓諸工黨。而借以買其歡心。苟中國非挾持一物。牽動其全國之休戚者。則無以轉移其輿論。於此而欲彼兩政黨中有一袒我者而必不可得。何也。甲黨一袒我。而乙黨將乘其隙。挾工黨以掩襲之也。然則所謂牽動其全國休戚之一物維何。以商民之愚。竊謂關稅問題可以當之矣。夫關稅問題。我國向來不甚以爲意。而各國動斲斲而爭之者。蓋主國藉此以保護本國之工業。而使利不外流。客國藉此以推廣工業於他國。而使利可壟斷也。今美國已由農國而進爲工商國。有旭日初升之勢。其工商業能制勝地球與否。全視其能推廣於中國與否。故中美關稅問題。美國一國休戚所由繫也。夫今日之中國。殆非與美國爭稅則之時也。雖然。或可借此以爲弛禁約之地步。

焉。商民等之愚。竊謂莫如趁此與美國定通商新約之時。將禁約併爲一談。由我外務部先行提議。謂十年期滿。請廢斯約。彼政府必仍前十年之議。謂華工多來。有妨民業。有害治安。固也。吾亦可反唇以稽之曰。貴國既絕我民海外謀生之路。貴國作俑。各國效尤。我民相率株困。不得不圖擴張工業於本國。以圖自存。如是則我國必當爲保護關稅之策。以蘇民困。夫條約者必兩利而後可久者也。貴國既大拂我損我以求自利。則我亦宜求一保護我利我者以相償。貴國可獨行其志以禁工。我國亦可獨行吾志以加稅。各爲內治計。不能相難也。如此則美國之輿論必大譁囂。而禁約之轉機必伏於是。此所謂圍魏救趙之謀也。夫關稅輕故美貨賤。美貨賤故多銷於中國。美貨多銷於中國。故土貨滯。土貨滯故吾民失業。失業故貧。貧故求餬口於外。然則今既禁我。而我加關稅爲補救。理之至順者也。美廷不能難我者一也。藉曰華工奪美工乎。則歐洲各國貧民歲至者以數十萬。何以彼不奪而惟我爲奪。且更何以解於日本人之源源而至也。美廷不能難我

外交消
息之秘
論問題之
主眼

者二也。論者或曰：以吾今日國勢之弱，他國不有挾以要求我，亦云幸矣。我安能復有挾以要求人，萬一以此再傷邦交，禍將不測矣。夫國威未張，則外交無一事不棘手。此中曲折，雖商民等之愚，亦能窺見一二。朝廷慎重邦交之苦心，早已爲薄海所共諒。雖然，商民等竊聞弱國之待強國，非徒以順從而能買其歡也。時亦以強立而能起其敬。子產有言：國不競亦陵，何國之爲以鄭之弱而時能左右晉楚，亦視其所以利用之者何如耳。夫關稅內治也，各國常以此爲抵制權利之衡樞。此近今數見不鮮之通例，亦彼中政治家所習聞也。歐洲列國，其弱小於我什伯倍者何限，未聞懾於他人之強，而於此事不敢提議也。英國之屬地，疇昔且以施諸母國矣。豈其中國而獨憚之，且今日之美國，昌言以保東亞平和自任，其斷不至因此以傷我邦交。又昭昭明甚矣。然商民等之獻此議，抑非謂欲以我政府之提議，而抵制彼政府也。實欲以我政府之提議，而使彼政府及上等紳商有所藉口，以抵制工黨人。以商民等考之，東方諸省之紳商，其本心實袒禁華工。

之議者。百不得一焉。卽西方一二省。素以仇視華人著名。而其紳商之祖此者。亦十不得一焉。若夫上下議院之議員。卽以是爲比例。至如輪船公司鐵路公司。亦一國之最有力者也。而其祖華人則明目張胆矣。凡此皆我 欽憲 領憲所熟知而無異言者也。而彼尸立法行政之職者。往往作違心論何也。我國旣無所要求。而彼忽袒我。則工黨集矢。無辭以自解免。而誰肯爲之。我若堅持關稅問題。則紳商有辭矣。曰是一國利害所關也。此議旣發自紳商。則兩大政黨皆共之。工黨不能藉詞以獨傾一黨。是可望決勝之道也。蓋自禁工以來。彼紳商受種種損失。厭之已久。商民等間與彼輩交接。往往相語曰。貴政府殆已默許此約之永行乎。窺其意若深爲中國惜者。又若欲援手而無從著力者。歎惋之聲。溢於言表。比比然矣。故商民等以爲我 外務部果有所挾以求。則美國人挺全力以相助者。必接踵起。無可疑也。若能一面提議。一面特派名望素著且嫻習西語諳練美例之人。游歷全美。到處演說。陰相聯絡。則力更倍蓰。而事立就矣。凡此所陳一得之見。

此問題
關係於
全國

未必有當。或久爲賢明所洞知。無俟喋陳。位卑言高。自知其罪。但獻曝之誠。不敢自外。抑亦切膚之病。難已於言。觸犯 威嚴。敢求 憫鑒。抑商民等更欲有言者。自互市以來。漏卮日甚一日。近年出入口貨。不相抵者。歲且四五千萬。似此朘削。何以克堪。夫商務之尾閭。旣已若此。而民間彫敝。尙未至遠甚於前者。賴有海外華僑取諸彼者。稍足以相償也。僑美人數不過十萬餘。而每年匯歸本國之工銀。尙可及千五百萬。其辦華貨入美口者。所值亦將千萬。若華工絕跡於美國。則華商亦不能自存。彼之千五百萬旣喪。而此之千萬者亦隨滅。是流通國中之泉幣。歲缺二千五百萬矣。溯光緒八九年間。族美華人三十餘萬。迨禁約行後。至光緒十八九年間。銳減至二十萬。今光緒二十九年。餘十萬人耳。以此比例推之。苟禁約不廢。則十年以後。全美國無一華人足跡。有斷然矣。况美例旣行。各國紛紛效尤。前年澳洲旣已禁絕。近則英屬加拿大加抽入口人頭稅至美金五百元。明年西曆正月一日實行此例之後。加拿大之路斷矣。雖以墨西哥新闢之地。數年前

殷殷求立約招華工。近且效尤翩反。而古巴檀香山菲律賓賓皆同美例。苛章日施。率此以往。則茫茫大地。竟無復我華人託足之區。數年以後。諸路皆絕。則我國每年損失。殆不下五六千萬。夫一國通寶。而驟減於今日五六千萬。民生之彫敝。尙可問耶。况入口貨之率。年增一年。數歲以後。漏卮必又倍蓰於今日。加以償款本息。每年攤派。是歲輦一百兆以上之金錢。瀉洩於外國。國力幾何。何以堪此。民苟非窮。必不肯餬口於四方。餬口路絕。勢不得不還歸於本國。當彫敝之際。而復增百數十萬失業之民。鬻聚於一隅。不餓不盜。即盜賊耳。此又不徒爲商民等一人一家之近憂。抑亦一國之隱患也。故商民等以爲此事所關。似小實大。雖朝廷稍費周折。猶當爲之。失今不圖。禁限再展十年。大局已不可問。爲此不避僭越。竭盡其愚。伏惟 王爺 中堂大人公忠體國。視民如傷。碩畫嘉謨。當更有進。商民等生長市廛。不學無術。區區芻蕘。何足以瀆 清聽。獨是上念 宗社。下撫身家。急切屏營。罔知所措。是以連合全美百餘埠僑民。公同商議。計惟有直抒所見。以呼

籲於 賢父母之前。冀 垂哀憐。 俯加采擇。除專稟 欽憲外。理合具稟。瀝陳 商民等壹得之見。是否有當。伏乞 王爺 中堂大人鈞鑒。謹稟。

於正稟之外。更有附片一通。條陳必須駁之苛例十八條。所謂不得已而思其次也。今並錄之。

再稟者。議約之際。若能藉 國家之威稜。當軸之碩畫。竟廢全約。聿奏膚功。此所謂如天之福也。但近今外交之難辦。商民等亦略知一二。豈敢好爲大言。不求實際。或不得已而思其次。則禁約雖不克全廢。亦當有所要挾。廢其續增條例之已甚者。以爭回權利於萬一。謹再將鄙見爲我 王爺中堂大人瀆陳之。

(一) 禁例本起自美國。迨檀香山菲律賓改隸美版。相繼照辦。華僑益困。無路可行。今縱不能逕廢全約。則檀菲兩島。必須力爭。以期豁免。夫檀島以糖業爲出產最大宗。自禁華工以來。糖商大窘。財政日絀。此檀人所同病也。菲律賓土人難用。美國新經營此區。非有華工。不能得力。此又美國報紙所常論及也。况美國本境。

白人居多。華工分彼工之利。故工黨持之最堅。若夫檀香山所爭者。則日本人之工耳。菲律賓所爭者。則該土人之工耳。本於美國工黨無甚大關係。其所以仍禁我者。不過以是爲國例所在云爾。故若吾國以此等實情。指明抗辯。持之稍堅。美廷必讓步無疑矣。

(一)美國禁例。本爲工人而設。然則凡非工人。皆在例外。明矣。查光緒二十年條約第三條。內載除官吏商家教習游學游歷各人員皆許入境云云。夫此五種以外之人。其非傭工者尙多多也。約僅禁工。乃并此而禁之。其悖戾於論理莫大焉。推原立約之始。美國作此含糊字面。實以爲藉口舞弊之地也。商民等以爲若能徑廢全約最善也。就令不能。亦宜與之斷定界限。凡工人之外。一切不禁。所謂工人。亦須指明某項某項資格。如鐵路坭工洗衣工洋廚工等數項作爲工人。凡在此外者。卽以非工論。庶幾界線分明。不至礙及他色人等。

(二)美廷禁例日新。不可思議。其意非徒欲將未來者拒之不使來也。實欲將已

來者驅之使盡去。彼見夫通商有約。凡爲商者不能拒絕也。於是乎務縮窄商字之範圍。自光緒廿四年以後。而開酒食館者。謂爲非商矣。迨至今年而開捲烟廠織帚廠縫衣廠者。皆欲謂爲非商矣。以前此等諸商。可以不取冊紙。可以取商照來往華美。今乃強辭厲禁。冤抑孰甚。夫酒食館裝修之費。動數萬元。中西紳商往來入口貨物。充斥稅關。歷歷可稽。至如華人所開捲烟廠縫衣廠。其大者。每歲向西店購買烟葉絨布等類。以爲原料。所值動以百萬計。此而猶謂爲非商。則商之名義。謂何矣。充此類也。則華人雖集千數百萬之公司來美。開大機器廠。謂之非商。焉可也。此實強詞奪理之甚矣。其故皆由條約中語句不分明。未嘗云於工之外不禁。而馴至於彼五等人以外皆禁故也。故劃清界限。爲議此約第一義。酒食館爲東方大利源所在。捲烟織帚縫衣諸廠爲西方大利源所在。應請實力保護。庶安僑氓。

(一) 條約中載明凡合例來美者。經地方官吏發給文憑。由該處美國領事簽名

蓋戳。即可入境。乃近年以來。美國屢設苛禁。多方留難。在各稅關建設木屋。凡華人到者。無論持何種文憑。皆須拘禁屋中。遲至一月半月。方始提審。審時若供詞稍有牴牾。便撥回原籍。似此苛制。實出情理之外。夫領事者政府之代表人也。美領事既已簽名蓋印。則是已認此人爲合例。是不啻美政府之認此人爲合例矣。然則其人持照抵境時。只須辨認領事之名及印之眞贋焉可耳。苟非贋矣。則其人雖不合例。亦非其人之咎。實美領事之咎。亦不啻美政府之咎也。此而留難。孰謂合情。應請我國政府與美廷申定前約。再加切實。凡華民來美。其在本國出口者。經地方官發給文憑。美領事簽名。其在別國屬地出口者。經該處華民政務司發給文憑。美國領事簽名。則到境時驗照屬實。即便放行。無得留難。稅關木屋。制同狂狴。玷辱國體。莫此爲甚。應請力爭。務求撤去。卽有疑竇。或須審問。只得取保上岸。隨時到案。

(一)條約原文。凡已居美國之華人。可以隨時來往華美。惟須由關吏給以憑據。

求歸國
復來者
之便益

尊重現
居美境
者應得
之權利

爲復來時登岸之證。乃近年以來。亦復多方留難。當領憑之時。動須候三四十日。始回覆准否。持據復來。仍拘木屋中待訊。費時誤事。其害實深。應請申明前約。凡有在美境領憑者。務須立即給與。如光緒八年所出鷹紙一樣。俾隨時出口。其持此憑復來美者。不論從何處稅關登岸。皆要准入。不得阻延至二十四點鐘以外。又該華民回國。不拘久暫。但持有此據。卽能隨時任意回美。

(一) 歷次條約。皆聲明已居美境之人。美國一律保護。與最優待之國同例。乃近年以來。復有查冊之例。溯原此例之起。所藉以爲口實者。因光緒十九年。前欽憲楊。許其以前入境之工人。一律注冊。此後無冊者。卽撥回原籍。開此厲階。至今爲梗。近一二年。因無冊之故。押令出境者。每月以百數計。致使我民騷擾驚皇。岌岌顧影。病民之政。莫此爲甚。夫當注冊之時。其例必須注者不過工人耳。則其餘非工者。自應無冊也明甚。而美吏尋癡索垢。無論工與非工。動輒逮捕。况工人之冊。亦容有遺漏。遺漏之後。則雖合例。而亦不准居矣。甚至本年八月間。使署參贊。

瀛車途中亦以查冊爲名橫遭盤詰其辱我國體孰甚焉查美廷所以嚴設此例之意殆以爲我華人時有不合例而私逸入境者故爲此以相驅除也夫立約只禁其來既來之則安之若有偷漏攔入是不過該關吏之不慎耳只當自咎而烏可以波及無辜之人平等優待之謂何矣此例爲現在華僑人人切膚之痛懇乞持理力爭務求剷除不然不及數年全美華民將盡繫以去矣

(一)華民有從美國假道往別國屬地者或往英屬加拿大或往墨西哥或往哥林比亞或往西印度羣島或往祕魯或往智利皆以美國爲孔道勢不得不經過其間或搭火車或候火船總須踏入美境但其人所往既非美屬則必當准其來往無得阻留美員亦無權可以審問之昭昭然也乃近年種種盤詰干預甚或以供詞一言之誤強撥回籍其損吾民身體自由之權利實甚應請與美廷訂約凡有此弊竇致我民失時損財許向美政府要求賠償損害之費

(二)近年又往往以傳染病爲詞雖合例亦不准登岸其甚者如本年七月間有

學生江某。由北洋大學堂卒業。持有合例游學護照。乃竟謂有眼疾。恐致傳染。強撥回華。夫眼疾傳染。誠前古所未聞也。似此上下其手。非特條約所無。抑亦例案所未有。推此以往。則雖 朝廷官憲前來。苟欲拒絕。何患無辭。蓋近來苛例。類此者更僕難數。此不過其一端耳。推原其朔。實由光緒六年十月十五日北京條約。許美國有隨時限制華工之權。所以日出日新。而我無以爲難。懇乞將前約修改。凡此等語句。務請刪除淨盡。卽云禁也。亦當有一定之法律。免致朝令暮改。使我民迷惑。無所適從。

以上八條。皆所謂不得已而思其次者也。縱不能逕廢全約。苟爭得此數事者。亦可稍爲補苴。以得所慰藉。苟 王爺 中堂大人始終堅持。以商民等度之。事未有不濟者也。若更不得已而再思其次焉。則猶有數條。萬不可以不爭者。且如入口時審問之例。必不能免也。則外國審問罪囚。猶有定例。有律師以爲之抗辯焉。有陪審員以爲之判證焉。乃現在美國關員。盤問入境華人之口供。不許一人在

旁知狀。苟非最野蠻之國。其訟庭未有若此者也。應請凡遇此等案。必須許我使署領署人員。臨場聽審。許聘律師代辯。此萬不能不爭者一也。又近例華民到埠。其父母妻子親朋到船探問。一概不准。據美國刑律。雖罪犯極等。猶許親友入獄問訊。華人何辜。而待之苛於死囚。曾是公理而若茲耶。此萬不能不爭者二也。又西例審案。凡有被屈不服者。例得上控。求再審。今華人入口之案。除持美國土生護照外。其餘各種人。一經冤屈批駁。即便撥回。不准上控。不公實甚。此萬不能不駁者三也。且如查冊之例。終不能免也。則萬不得已。亦宜將現在所有工人。重新再給冊一次。以後無冊者。乃作爲違例。不然。前此失去冊紙之人。既有許多。濫肆逮捕。何太強暴也。此萬不能不爭者四也。雖然。此舉不過暫救一時。而貽患於後日者方長。苟能稍進。似斷不應行此下策。又光緒八年。美國初行禁例之時。每工人發照一張。名爲鷹紙。許其持此復能返美。此種紙連發至光緒十二年。乃忽戛然而止。計前後所發。凡萬餘張。及十二年五月。有工人五百餘持此紙來。稅關

護照之
給還巴太連
機器之
廢止

不認。強撥回國。以一國政府而失信如此。豈謂合情。應請持理與辯。凡前此鷹紙。務准復來。此萬不能不爭者五也。又近日美國新例。雖持合例護照以入境。其入境之時。關員即將其護照留下。不再給與。然則其人甫離岸數武。萬一有陰持之者。指爲無冊。繫之而去。彼人無憑據以自明也。此係最新之例。行之不過兩月餘耳。其所以設此例之故。立心殆不可問。此萬不能不爭者六也。又今年新例。凡入口之華人。由關員特設量身機器。將其人全身骨節之長短。乃至耳目口鼻肘指膝脛之距離。一一度之。此種機器。乃法國所創。今日歐美諸國專用之於獄中。以防囚徒逃逸者也。今吾民之來美。爲經商也。爲作工也。非罪人也。烏得以此而污躐我。此萬不能不爭者七也。又如學生。或屬寒士。不能全備學費。往往於晨間晚間。或暑假之時。傭工以自給。此其志之可嘉亦甚矣。漢之丁寬。明之王良。爲世大儒。皆從此起。日本學生在美者數百人。其且傭且學者十而七八。卽美國學生。類此者亦十五六。斯亦可謂天下之達例矣。而美廷於中國學生。或有持游學護照

前來。不得已借此以自給者。則從而逮之。曰是工人也。其冤孰甚。夫中國今日。亟思變法而苦乏才。則游學歐美之人。愈多愈妙。無待言矣。官派既難。于籌費。私家又每多寒士。得此一途。庶可補助於萬一。若復塞之。是杜絕全國之生機也。應請訂明。凡有我國學生。經在某校肄業者。雖其晨暮及暑假時。爲人傭工。不得以工人論。此萬不能不爭者八也。又男女居室。人之大倫。查美國現例。惟商人許攜妻來住。其餘工人。一概不准。夫既在美國之工人。美已準其居住。則何能使其夫婦離羣。號稱文明之國。似不應爾。此萬不能不爭者九也。又華商店鋪中。皆應有管庫買賣手等種種職員。此等人不能以工人論。今美例凡此等人。皆入禁中。然則一鋪店中。僅有店東一人。遂足乎。如此禁法。實何異制華商之死命也。此萬不能不爭者十也。以上所陳。略舉大概。自餘煩苛苦擾之情形。雖更數僕。難悉數焉。要而論之。苟能力持全廢禁約之一大事。則前此之八端。不爭而自除。卽不得已。而能爭前此之八端。則後此之十事。亦不解而自破。若他不能得。而惟於茲區區小

節。相辨難焉。是孟子所謂放飯流歎而問無齒決也。卽能得之。亦百步與五十步耳。雖然。今日外交艱難。商民等具有天良。亦豈敢過於求備。誠恐我 賢父母於僑民困苦之狀。雖哀之而未能盡得其情。萬一所求廢約之一大事。稍有所窒礙而不能行。更思小小補苴。以蘇民困於一二。而又不知實情。無從按條批駁。則憾莫甚焉。是以不辭冗沓。縷述下情。伏惟 王爺 中堂 大人哀憐焉。而一援手之。僑民幸甚。大局幸甚。抑商民等更有一言。竊聞天下事理。求其上者僅得其中。求其中者必得其下。故今日之約。非從大處落脈。不足以收功。就令僅欲補苴一二。似仍當以徑廢全約提議。搓磨之極。雖極不得手。猶足以爭回種種之權利。况美國上等紳商。有可以利用之道。而廢約之事。實非空懸奢望者耶。此則 王爺 中堂大人自有權衡。無俟商民等再爲詞費者矣。商民等焦灼下情。干瀆 清聽。伏惟 鈞鑒。謹附片陳明。旅居美國商民再稟。

此稟稿由美屬百數十埠十餘萬人聯名上遞。凡所遞者七處。

一 外務部

二 商務部

三 駐美京梁公使誠

四 上海議商約大臣

五 前任駐美公使伍侍郎廷芳

六 兩湖總督張制軍之洞

七 兩廣總督岑制軍春煊

此事非
不可挽
救

檀香山
新中國
報之建
議

若當道者果能一省。則此事未必不可挽救於萬一。但斯區區一紙。果足以動袞袞諸公之垂顧否耶。則非吾之所敢言矣。

檀香山新中國報總撰述陳君儀侃。建議謂不可抑鼻息於政府。惟我民以自力抵制之。其論尤爲痛快直捷。今節錄如下。全文曾登新民叢報第三十八九號合本中故不全錄

(前略)今之所謂駁例者。吾知之矣。彼其意以爲禁約受虧。故苛例百出。今縱未

能盡除。宜去其太甚者。而存其稍輕者。慰情聊勝于無。卽鄙人之初意。亦若是已矣。然條約中所謂以最優之國相待。固久矣。視爲隨例之文章。而別見于他款者。則又子矛盾。大相逕庭。然則此等條約。無勢力以護持之。則有約與無約等耳。卽幸而駁除。淘汰略盡。而以自爲刀俎之美人。而視我魚肉之中國。不旋踵而別出一途以相難。其事愈酷。其毒亦愈甚。我華人又將何以處此。矧無理可言。今日之花旗人。有理不能言。今日之中國人。其必不能得志者乎。駁例者固極天下之有心人也。而皆知吾國之弱。不能遽然廢約。遷就其詞。而曰駁之云爾。庸詎知惟國弱之故。則愈不能駁。且無所用其駁。遷就其詞者。盍反而思之。然則今日聽此約之續行乎。曰烏乎可。我有國民。而我自禁其出境。如今日之日本政府所謂權自我操也。我不自禁。而人禁我。且組織慘毒之例法以禁我。主權何在。國體何在。有心人所爲痛哭而流涕也。藉曰華人不知主權。不爭國體。惟試問禁例已行以來。華僑之財產失喪者幾何。華人之生命傷害者幾何。工黨鼓其無滋他族滅此

朝食之蠻氣。無端而寸地可之警告來。無端而望淺拿之惡耗至。無端而查冊。無端而毒打。紛紛擾擾。倉倉皇皇。昨日今朝。眼內心頭。亦既飽嘗之而飢聞之矣。禁約何物。此而續行。又何事不可行。

吾今正言以告我華僑同胞曰。禁例不能廢而必廢之。廢之之道將奈何。曰。抵制之。夫美國強國也。中國弱國也。船不堅。砲不利。何從而抵制。曰。美人之禁華人也。亦以其敢爲而已矣。太平洋之海軍未調。鋼快砲之準頭未施。以一紙空文。而百數十萬之華族將死。而二十行省之政府被縛。外交受其害。生計蒙其災。則亦曰敢爲之而已矣。然則我行我法。則此抵制之術。爲今日獨一無二之法門。抵制之術奈何。曰。辦貨者不辦美人之貨。用物者不用美人之物。爲辦此抵制之術之絕妙宗旨。而傭力于碼頭者。惟美貨則不起。買賣于市上者。于美貨則有禁。爲辦此抵制之術之絕妙政策。(下略)

此論誠簡易直捷之一法門也。雖然。今者吾政府之力固薄弱。而吾民間之力之散

渙。亦與之相埒。然則此策遂果能實行乎。吾不能無疑。聞檀香山華人已派陳君往美遊說聯合。並派人歸國運動云。此事若成。亦國民對外思想發達之一先聲矣。

小說零簡目次

飲冰室叢著第十三種

新中國未來記

世界末日記

俄皇宮中之人鬼

劫灰夢傳奇

新羅馬傳奇

俠情記傳奇

小說零簡

飲冰室叢著第十三種

新會梁啓超箸

新中國未來記

王寅

緒言

一余欲著此書。五年於茲矣。顧卒不能成一字。況年來身兼數役。日無寸暇。更安能以餘力及此。顧確信此類之書。於中國前途。大有裨助。夙夜志此不衰。既念欲俟全書卒業。始公諸世。恐更閱數年。殺青無日。不如限以報章。用自鞭策。得寸得尺。聊勝於無。『新小說』之出。其發願專爲此編也。

一茲編之作。專欲發表區區政見。以就正於愛國達識之君子。編中寓言。頗費覃思。不敢草草。但此不過臆見所偶及。一人之私言耳。非信其必可行也。國家人羣。

皆爲有機體之物。其現象日日變化。雖有管葛。亦不能以今年料明年之事。況於數十年後乎。況末學寡識如余者乎。但提出種種問題一研究之。廣徵海內達人意見。未始無小補。區區之意。實在於是。讀者諸君如鑒微誠。望必毋吝教言。常惠駁義。則鄙人此書。不爲虛作焉耳。

一人之見地。隨學而進。因時而移。卽如鄙人自審十年來之宗旨議論。已不知變化流轉幾許次矣。此編月出一冊。冊僅數回。非亘數年。不能卒業。則前後意見。矛盾者寧知多少。況以寡才而好事之身。非能屏除百務。潛心治此。計每月爲此書屬稿者。不過兩三日。雖復殫慮。豈能完善。故結構之必凌亂。發言之常矛盾。自知其決不能免也。故名之曰稿本。此後隨時訂改。兼得名流駁正。或冀體段稍完。再寫定本耳。

一此編今初成兩三回。一覆讀之。似說部非說部。似稗史非稗史。似論著非論著。不知成何種文體。自顧良自失笑。雖然。旣欲發表政見。商榷國計。則其體自不能

不與尋常說部稍殊。編中往往多載法律章程演說論文等。連篇累牘。毫無趣味。知無以饜讀者之望矣。願以報中他種之有滋味者償之。其有不喜政談者乎。則以茲覆瓿焉可也。

一編中於現在時流。絕不關涉。誠以他日救此一方民者。必當賴將來無名之英雄也。樓閣華嚴。毫無染著。讀者幸勿比例揣測。謂此事爲某人寫照。此名爲某人化身。致生種種黨同伐異意見。

一此編於廣東特詳者。非有所私於廣東也。今日中國方合羣共保之不足。而豈容復有某鄉某邑之見存。顧爾爾者。吾本粵人。知粵事較悉。言其條理。可以訛謬較少。故凡語及地方自治等事。悉偏趨此點。因此之故。故書中人物。亦不免多派以粵籍相因之勢使然也。不然。寧不知吾粵之無人哉。讀者幸諒此意。毋哂其爲夜郎。

第一回 楔子

話表孔子降生後二千五百一十三年。今年二千四百五十二年即西曆二千零六十二年。今年二千

年零二歲次壬寅。正月初一日。正係我中國全國人民舉行維新五十年大祝典之日。

其時正值萬國太平會議新成。各國全權大臣在南京。注經已將太平條約畫押。因

尙有萬國協盟專件。由我國政府及各國代表人提出者。凡數十樁。皆未議妥。因此

各全權尙駐節中國。恰好遇著我國舉行祝典。諸友邦皆特派兵艦來慶賀。英國皇

帝皇后。日本皇帝皇后。俄國大統領及夫人。注菲律賓賓大統領及夫人。注匈加利大

統領及夫人。注皆親臨致祝。其餘列強皆有頭等欽差代一國表賀意。都齊集南京。

好不匆忙。好不熱鬧。那時我國民決議在上海地方開設大博覽會。這博覽會卻不

同尋常。不特陳設商務工藝諸物品而已。乃至各種學問宗教皆以此時開聯合大

會。是謂大同各國專門名家大博士來集者不下數千人。各國大學學生來集者不下數

萬人。處處有演說壇。日日開講論會。竟把偌大一箇上海。連江北連吳淞口連崇明

縣。都變作博覽會場了。闕哉這也不能盡表。單表內中一箇團體。卻是我國京師大

專爲講
求宗教
學問而
來者已
不下數
萬人餘
者正不
知凡幾

中國史
學將來
必爲世
界上第
一重要
學科無
疑以地
球第一
大民族
養數千
年來特
色誰得
而比之

學校文學科內之史學部。因欲將我中國歷史的特質發表出來。一則激厲本國人民的愛國心。一則令外國人都知道我黃帝子孫變遷發達之跡。因此在博覽會場中央占了一箇大大講座。公舉博士三十餘人分類講演。也有講中國政治史的。也有講中國哲學史宗教史生計史財政史風俗史文學史的。亦不能盡表。單表內中一科。卻是現任全國教育會會長文學大博士孔老先生所講。這位孔老先生名弘道。字覺民。山東曲阜縣人。乃孔夫子旁支裔孫。學者稱爲曲阜先生。今年已經七十六歲。先生今年十六歲了從小自備資斧。游學日本美英德法諸國。當維新時代。曾與民間各志士奔走國事。下獄兩次。先天下之憂而憂新政府立。任國憲局起草委員。轉學部次官。後以病辭職。專盡力於民間教育事業。因此公舉爲教育會長。……言歸正傳。卻說這位老博士。今回所講的甚麼史呢。非是他書。乃係我們所最喜歡聽的。叫做『中國近六十年史』。就從光緒二十八年壬寅講起。講到今年壬寅。可不是剛足六十年嗎。原來如此這六十年中算是中國存亡絕續的大關頭。龍拏虎擲的大活劇。其中可驚

可惱可悲可喜之事。不知多少。就是官局私家各著述。零零碎碎。也講得不少。卻未曾有一部真正詳細圓滿的好書出來。這位孔老先生學問文章。既已冠絕一時。是確

冠絕一時

況且又事事皆曾親歷。

恐怕將來要親歷罷了

講來一定越發親切有味。不消說了。那時

京師大學校及全國教育會出名登告白。請博士在博覽場內史學會講壇開講。擇定每來復一來復三來復五日下午一點鐘至四點鐘爲講期。二月初一日正是第一次講義。那日聽衆男男女女買定入場券來聽者足有二萬人。內中卻有一千多係外國人。英美德法俄日菲律賓印度各國人都有……看官。這位孔老先生在中國講中國史。一定係用中國話了。外國人如何會聽呢。原來自我國維新以後。各種學術進步甚速。歐美各國皆紛紛派學生來游學。據舊年統計表。全國學校共有外國學生三萬餘名。卒業歸去者已經一千二百餘名。這些人自然都懂得中國話了。因聞得我國第一碩儒演說。如何不來敬聽……閑話休題。卻說自從那日起。孔老先生登壇開講。便有史學會幹事員派定速記生從旁執筆。將這『中國近六十年

料想不
似現在
專學中
國話的
了

史講義』從頭至尾錄出。一字不遺。一面速記。一面逐字打電報交與橫濱新小說報社登刊。這筆電費諸君欲知孔老先生所講如何。請看下回分解。

第二回 孔覺民演說近世史 黃毅伯組織憲政黨

且說二月初一日午後十二點半鐘。聽衆都已齊集講堂。史學會幹事長大學校史學科助教林君志衡。先登講壇第二級左側。向衆人鞠躬演述開會之意。並謝孔博士以如此高年。不辭勞苦。爲國民演說國事實。可爲今次祝典一大紀念等語。演述已畢。衆人肅穆毋譁。一齊恭候。我卻候了六十年正交一點鐘。只見曲阜先生。身穿國家制定的大禮服。胸前懸掛國民所賜的勳章。與調查憲法時各國所贈勳章。及教育會所呈勳章等。道貌堂堂。溫容可掬。徐步登壇。滿座聽衆一齊起立致敬。拍掌歡迎之聲。忽如山崩濤湧。聽衆坐下。滿堂肅靜。曲阜先生乃以滿面熱誠之容。先開口道。諸君啊。諸君今日皆以愛國誠心參預斯會。非是鄙人無端生感。其實六十年前。那裏想還有今日。何日又那裏敢望還有今日。何日我們今日得擁這般的國勢。享這般

遮屠門
而大嚼
雖不得
肉固且
快意

欲覺聞
長鐘令
人發深
省普天
下青年
愛國諸
君當每
日三復
此言

的光榮。有三件事是必要致謝的。第一件是外國侵凌。壓迫已甚。喚起人民的愛國心。第二件。是民間志士。爲國忘身。百折不回。卒成大業。第三件。是前皇英明。能審時勢。排羣議。讓權與民。這三件事。便算是我這部六十年史的前提了。三件裏頭。那第二件。却是全書主腦。諸君啊。須知一國所以成立。皆由民德。民智。民氣三者具備。但民智還容易開發。民氣還容易鼓勵。獨有民德一樁。最難養成。倘若無民德。則智氣兩者。亦無從發達完滿。就使有智。亦不過藉寇兵。齎盜糧。就使有氣。亦不過一團客氣。稍遇挫折。便都消滅了。你看六十年前。我國衰弱到恁般田地。豈不都是吃了無道德的虧麼。那時不但那舊黨貪污鄙賤。行同禽獸。就那號稱民間志士的。也是滿肚皮私慾充塞。志士聽者變幻狡詐。志士聽者輕佻浮躁。志士聽者猜疑忌刻。志士聽者散慢亂雜。志士聽者軟弱畏怯。志士聽者他那心術行爲。正是同舊黨一鼻孔出氣。或者反比舊黨還不如哩。

志士聽者他後來的志士。都和那已亥壬寅間的志士一箇樣兒。我們的中國早已亡了。志士聽者這話非是鄙人饒舌。其實我新中國之存亡絕續。皆在此一點。若除了這

點。我這部六十年史亦無處講起了。閑話休題。卻說這部六十年史講義。共分爲六箇時代。

第一預備時代。從聯軍破北京時起。至廣東自治時止。

第二分治時代。從南方各省自治時起。至全國國會開設時止。

第三統一時代。從第一次大統領羅在田君批者曰此君爲誰歟著者曰讀北魏孝文紀便知得姓淵源就

任時起。至第二次大統領黃克強君滿任時止。

第四殖產時代。從第三次黃克強君復任統領時起。至第五次大統領陳法堯

君滿任時止。

第五外競時代。從中俄戰爭時起。至亞洲各國同盟會成立時止。

第六雄飛時代。從匈加利會議後以迄今日。

這算是全部書的大綱總目了。但係我有一句話求諸君見諒。我這部講義。雖是堂堂正正的國史。卻不能照定那著述家的體例。並不能像在學校講堂上所講的規

多謝孔
老先生
體貼我
們

矩。因有許多零零碎碎瑣聞逸事。可喜可悲可驚可笑的。都要將他寫在裏頭。還有那緊要的章程。壯快的演說。亦每每全篇錄出。明知不是史家正格。但一則因志士所經歷的。最能感動人心。將他寫來。令人知道維新事業。有這樣許多的波折。志氣自然奮發。二則因橫濱新小說報社主人。要將我這講義。充他的篇幅。再三諄囑。演成小說體裁。我若將這書做成龍門史記。涑水通鑑一般。豈不令看小說報的人懨懨欲睡不能終卷嗎……滿堂聽衆。拍掌大笑。

那時孔老先生歇息片刻。重復登壇開演道。諸君啊。你道我們新中國的基礎。在那一件事呢。其中遠因近因總因分因。雖有許多。但就我看來。前六十年所創的「立憲期成同盟黨」。算是一樁最重大的了。這黨的名字怎麼解呢。原是當時志士。想望中國行立憲政體。期於必成。因相與同盟創立此黨。合衆力以達其目的。所以用這箇名。這黨省名。又叫做「憲政黨」。……諸君啊。這會怎麼算得新中國的基礎呢。諸君當知一國的政治改革。非藉黨會之力不能。這憲政黨爲前此一切民會之

將來中國必須有此三黨此不可避者也美國今兩大政黨即

結束又為後此一切政黨之先河。若沒有這黨。恐怕中國萬不能成分治統一之大

業。何況其他哩。原來我國當光緒壬寅以前。民間志士所在多有。紛紛立會救國。北

京有強學會保國會。湖南有南學會等。皆以強中國為宗旨。但實力未充。朝貴忌刻。

不久即被禁解散。此後有保皇會。興於海外。響應者百餘埠。聲勢最大。而各處革命

之會。亦紛紛倡起。復有自明末以來即行設立之祕密結社。所謂哥老會三合會三

點會大刀會小刀會等。名目不一。雖皆頑迷腐敗。然其團體極大。隱然為一國的潛

勢力。長可革命黨亦從中運動。徐圖改良。但前舉許多會。或倡自士大夫。或創自商人。

或成於下等社會。宗旨既殊。手段亦異。流品淆雜。無所統一。因此不能大有所成。到

這憲政黨起。前頭所有各會中緊要人物。都網羅在裏面。同心協力。共商大計。非如此安

能成一這可不是前此一切民會之結束嗎。是再說維新以後。國中三大政黨。所謂國

權黨。所謂愛國自治黨。所謂自由黨。好三個常握一國政治上之權力。以迄今日。這

三箇黨名。諒來聽眾諸君聞之已熟。我卻未雖一箇主張中央政府的勢力。是國一

其一主 張中央 集權其 一主張 聯邦分 權也各 國之社 會黨則 主張個 人幸福 者也

此節無 一閉句 無一閑 字勿草 草讀過

箇主張地方自治的權利。是愛國自治黨一箇主張民間箇人的幸福。是由黨其宗旨各有不

同。常常互相反對。激烈辨爭。但這三大政黨的首領及創始人。都是前此立憲期成

黨黨員。三大政黨。只算得憲政黨的三箇兒子便了。這可不是後此一切政黨之先

河嗎。是這憲政黨的關係。既已如此重大。我少不免要將黨中綱領。摘那緊要的背

誦一回。諸君聽者。謹聽

諸君啊。第一件。須知道那黨是箇最溫和的。最公平的。最忍耐的。他那章程第三第

四兩節道。

第三節 本黨以擁護全國國民應享之權利求得全國平和完全之憲法為目

的。其憲法不論為君主的。為民主的。為聯邦的。但求出於國民公意。成於國民

公議。本會便認為完全憲法。

第四節 本黨抱此目的。有進無退。弗得弗措。但非到萬不得已之時。必不輕用

急激劇烈手段。

現今各國所有團體無論地方自治團體商務團體慈善團體都是以治一國之法治之是一會之元首是一會之立法機關

是一會

第二件。須知道那黨是箇最廣大的。最平等的。那章程又云。

第七節 凡中國國民。有表同情於本黨宗旨者。無論何人。皆可入會。

第八節 黨員無論官紳士商男女。執何職業。其在黨中權利義務。一切平等。

第三件。須知道那黨是箇最整齊嚴肅有條理的。他仿照文明各國治一國之法以

治一黨。將那議事法是立辦事法是行監事法是司各種權限。劃然分明。看那第五章第十

二十三十四十五等節所列黨中職員。便知明白。

本會設會長一人。主代表黨。執行一切事務。設副會長一人。主補佐會長。會長有

事故。則為其代理。會長副會長。皆由全黨員投票公舉。批云此是美國舉大總統領之法

設評議員一百人。主討論黨中事務。提議修正黨中章程。稽查籌辦黨中經費。凡

評議員。由總部及各支部分區投票選出。（但每二年必改選半數連舉者連

任）

設幹事長一人。幹事十一人。主辦理全黨一切事務。幹事長由會長指任。幹事由

幹事長推薦。批云此是各立憲國組織內閣之法幹事長幹事奉行評議員所討論之意見。所公

認之章程。對於評議員而負責任。批云此責任大臣之制

幹事分職如下。一文案幹事一人。一會計部幹事一人。一會計監督幹事一人。一

教育部幹事一人。一統理支部幹事四人。一黨外交涉幹事一人。一國外交涉

幹事一人。一裁判黨爭幹事一人。

這樣看來。那黨的宗旨及辦事方法。在六十年前文明萌芽的時代。也算得箇極合式極完備的了。他那章程。共有九章二十五節。我如今恐怕諸君討厭。也不必全文背誦出來。未窺全豹可惜可惜單表那黨初辦時。不過百數十人。在上海創始。設一總部。但因

各人熱心運動。加以前此各會改名合併。不過三四年間。竟做到各省省城和那海

外各國有中國殖民的地方。都設有支部。那各州縣市鎮村落和海外各小埠。都設

有小支部。合共支部二十八所。小支部一萬二千餘所。直到廣東自治時代。這憲政

黨黨員已有了一千四百餘萬人。廣東一省四百多萬。其餘各省。合共九百多萬。所

洲澳洲
檀香山
各一支
部合爲
二十八
支部

大言壯
語毫無
可以自
信而日
言救國
者非自
欺則欺
人也

以同聲一呼。天子動容。權奸褫魄。便把廣東自治的憲法。得到手了。隨後各省紛紛繼起。到底做成今日的局面。這想諸君都已大畧知道的。我卻是今日才知道此是後事。按下緩表。……諸君。且說這憲政黨到底用甚麼方法。能彀做成如此隆盛如此鞏固呢。老夫也不能細述。只把他初立黨時公擬的辦事條畧。背誦一回罷。

立憲期成同盟黨治事條畧

(總綱)分任義務 本黨爲國民公黨。故凡屬黨員。皆當盡國民應盡之義務。但國民義務。範圍太廣。今擇出爲達本黨之目的。必當預備者。定爲黨中義務八大子目。凡屬黨員。必須認任一項以上。惟我輩既以身任事。必當先求可以任事之具。故宜自審其才力。能擔某種義務。則預備之。練習之。期致實用。無託空言。如講求種種學問。考察種種事情。游歷種種地方。皆所以預備辦事也。凡我同人。悉宜自勉。

(子目一)擴張黨勢 我輩既認本黨宗旨爲救中國不二法門。則將此宗旨。廣

可知擴
張黨勢
非出於
自私

此資格
真不易
得

布國中多聯同志。擴充黨勢。即所以增進一國前途幸福。凡屬黨員。皆當以此為第一重要義務。擴張之法。或游說演說。或著書作報。或入官場。蓄養勢力。或進營伍。改良軍人。或充工傭。開導愚氓。或為學生。聯絡同學。或入祕密結社。改其手段。或游海外各地。結其殖民。凡百方針。皆可適用。

(子目二)教育國民 本黨既以立憲為宗旨。必須養成一國之人。使有可以為立憲國民之資格。故教育為本黨第一大事業。凡國民無論已入會者未入會者之子弟。本黨一體負教育之責任。無所分別。教育之事。(一)預備師範。凡本黨員才性相宜者當自任此事(二)廣立學校。本黨凡有會所之地必附屬一學校漸擴充以立中學大學(三)編教科書。此是教育基礎本黨為發

揚愛國精神尤當自任(四)譯書出報。本黨自立一黨報且廣著譯(五)實業教育。專教農工商等實業以殖國力(六)補習教育。或年長失學或家貧謀食不能就學者本黨特設別種學校於晚間及來復日教以普通智識(七)改良文字。我國教育所

者由於文字太難本黨發心研此問題務必製出一種新文字以便學界(八)派遣游學。本黨力量稍充後當選派青年英俊遊學歐美以求完全智識

(子目三)振興工商 我國天府腴壤。甲於全球。羣治不興。國力斯蹙。今擬開一

今日經濟競爭之世界非注力於此不足以立國

今日民間志士擊政府然當自審使我與彼易位我果有實在把握能遂大優於彼乎此誠今日不可不亟極預備者也

大商會。附屬於本黨。開辦種種大商務。如銀行郵船鐵路開礦等類。興設種種大工藝。如改良磁器改良絲茶製毯製酒製紙等類。爭外國之利權。即以增本國之實力。

(子曰四)調查國情 今日維新改革之當急。人人皆知。雖然。改革之條理細目如何。某地方某利宜興。某地方某弊宜革。無論何人。不能一一言之詳盡也。其故由我國幅員太廣。交通不便。動如異域。而政府亦向無統計報告之事。故國民於一國實情。始終瞢焉。雖有賢智。無如何也。本黨既以國事自任。若今日不從此著力。萬一國民。忽委以責任。則覆餗絕脰。其罪實深。故今擬置委員若干人。以十年之力。徧游各省。上自都會。下至村落。無不周歷。調查國情。隨時報告。共資研究。其現擬調查之種類如下。(一)調查地理。(二)調查戶口。(三)調查政弊。(四)調查國計。指政府之財政(五)調查民俗。(六)調查民財。(七)調查民業。一切應興之工藝包在內(八)調查物產。礦產等在內(九)調查商務。指應興而未興之商務(十)調查軍政。(十一)調查教育。

(十二) 調查會黨。專指秘密結社以上各條。各派人專任。或每省一人。或數省合一人。臨時酌定。其所查得者。隨列統計劄記。報告本黨總部。登諸黨報。以資講求。其有特別重要事件。則臨時決議。派特別調查委員。

(子目五) 練習政務 凡立憲國民。皆當有政治上之知識及閱歷。始可以享立憲之實益。現時朝廷雖無改革之志。然我民苟欲練習政務。亦未始無餘地。凡我黨員皆宜各歸整頓其鄉里。以爲地方自治制度之基礎。有其實不必有其名也。西國民權之興。皆自治權在先。參政權在後。自治基礎既立。則他日一開國會。不過展而大之。立法行政兩機關。皆駕輕就熟矣。又總部支部小支部各會所。亦宜常取政治上生計上各種問題。開會議以相討論。一依各國議院正式嚴格之議事法。不妨假設爲兩政黨。互持一主義以相辨爭。則真理自出。而他日參列國會。亦措施裕如矣。

今各國
大學校
學生往
往每年
用此等
會議法
者一二
次皆純
依議院
之正式
嚴格皆
所以練
習政務
也

(子目六) 養成義勇 處今日帝國主義盛行之世。非取軍國民主義。不足以自

子目八
條其六
條皆人
人心目
中共有
之義惟
調查國
情編纂
法典兩
條實可
謂不世

立。本會人人當體此意。各以國防爲第一義務。凡本黨所設之學校。皆須用嚴格之兵式體操。凡本黨員所設之工藝廠。乃至墾殖開礦等事業。集工傭稍多者。亦須常教以軍事思想。凡本黨員在其鄉里實行自治制度者。皆當用團練之制。部勒桑梓。務使他日國家一下徵兵令。則舉國皆爲小戎。駟鐵之選。

(子目七) 博備外交 本黨特派委員分駐各國。調查外政。兼通聲氣。其黨員以私人資格游歷他國者。亦宜時結交其朝野名士政黨首領。以爲將來辦外交之助。

(子目八) 編纂法典 立憲之國。法律必公布之於民。而世界愈文明。人事愈複雜。則法律亦愈繁博。今各國諸法之書。浩如烟海。其成之也非一日。其定之也非一人。我國法律思想久闕乏。他日本會之目的。若果得達。一旦與民同治。則此種種法典。無一可緩。彼時始行編纂。非十年不能有成。本黨今擬利用此閑暇之時。先爲預備。特派出深於法律學者若干人。爲編纂法典委員。分纂憲法行政法民

大業非以政府之力萬不能從事者而著者乃欲以民問任之其願力

之偉大與其氣魄之沈雄真令小儒昨舌

看來憲政會諸君是最得力於陽明船山衛陽之學了

法商刑法訴訟法等。博徵萬國通行法律。考其沿革。擇其某者可以適用於中國。泐爲一書。且頒布之於世。俾國民共研究之。補其缺漏。而正其謬誤。他日政體一定。政府開法制局時。此書便可爲藍本。再經專門碩學。辨析釐定。即可頒行。事倍功半。於將來立法行政。皆有所助。

孔老先生將這條畧念完。略歇片時。重復開講。不禁贊歎幾聲道。諸君啊。你看當時諸先輩。謀國何等忠誠。辦事何等周密。氣魄何等雄厚。其實我新中國的基礎。那一件不是從憲政黨而來。你看現在通國中三十七座大學。除官立的九座外。那私立大學二十八座裏頭。倒有了十二座係憲政黨設立的。等我算給你們聽聽。南京的愛國大學。上海的楊樹浦大學。廣東的廣州大學。及嶺東大學。北京的城南大學。四川的三蜀大學。浙江的姚江大學。湖南的船山大學。湖北的江漢大學。江西的國民大學。雲南的雲南大學。我們山東的曲阜大學。這都是當時憲政黨創辦來的呀。初辨時規模本極狹小。只因大家辦事認真。後來便都漸漸擴充起來。那時不是曾奉

此是南洋公學督辦的議論

這些卻不是說大話無論何人但使有志皆可去做的

上諭命各省都興辦大學堂嗎。喜可一年之間。省省都有了。笑可那却算甚麼大學。他那大學教習的學問。還比不上我們現在小學初級的生徒呢。憐可……講至此。衆人大笑。……孔老先生道。諸君莫當我是奚落他們。我當時還充過上海南海大學學生。記得有一回課題。是甚麼『日本裁抑民權中國當以爲法』呢。……衆復哄堂大笑。……這還算是頂講究的哩。其餘各省的。更不知成何說話。所以那時種種官立大學。過了幾年。便都沒有了。各省辦大學人聽者倒是憲政黨各種小小學校。反擴充成就起來。這是講的大學。其餘各處中學小學。係由憲政黨人員開設。現存至今的。何止萬數千座。他那辦事條略第二條。可也算實行到極地了。再講那第三條呢。現在的中國國民銀行東西輪船公司南洋輪船公司。西藏金礦公司。九江製陶廠。湖州新綢緞大廠。天津製絨廠。製酒廠。豈不是現在第一等商務。爲一國富源的嗎。那一件不是由憲政黨創辦起來。再講到第六條呢。現時通行的商法。幾乎全用憲政黨所編纂的原本。那憲法亦十用其七八。其餘諸法。都是拿他的原文做底本。隨時改定的。

此數語
直指本
心一針
見血著
書之意
全在此
點讀者
最宜三
復

就是他那第四條調查國情一事。現今各處圖書館。豈不是都有那洋裝六十大厚冊名字叫做『今鑑的』一部書嗎。到現在時過境遷。這部書自然沒甚用處。亦沒多人去研究他。我欲一急但諸君想一想。當那時候道路未通。政綱紊亂。現在兩三日的道路。那時候總要走一兩個月。那諸位先輩。千辛萬苦。能彀編恁麼大一部今鑑來。你想他們費了多少心血呢。古語說得好。有志者事竟成。就此看來。凡做一國的大事業。豈必定要靠著那政府當道幾個有權有勢的人嗎。你看自古英雄豪傑。那一個不是自己造出自己的位置來。就是一國的勢力。一國的地位。也全靠一國的人民自己去造他。才能彀得的。若一味望政府望當道。政府當道不肯做。自己便束手無策。坐以待斃了。豈不是自暴自棄。把人類的資格都辱沒了嗎。……衆大拍掌……閑話少題。這憲政黨爲再造中國第一功臣。諒來諸君都也曉得。不消老夫多講了。但諸君還要謹記著一件事。這憲政黨所以能彀如此隆盛如此鞏固。不是專靠那形質上的關聯。是全仗著那精神上的團結。……孔老先生說到此句。便嘆口氣。

一路鋪
紋五光
十色令
讀者幾
忘其所
處之時
所處之
地爲何
若至此
一筆兜
轉真真
千鈞之
力所謂
古之傷
心人別
有懷抱
此

太白詩
越王句
踐破吳

道。唉，想起那憲政黨未出現以前。我中國那裏還算得個有人道的世界嗎。到今日講起他來。還是惱得死人。怕得死人。諸君要知道那時的人心風俗嗎。請看那飲冰室文集裏頭。有兩折曲子。說道。

（皂羅袍）依然是歌舞太平如昨。到今兒便記不起昨日的雨橫風斜。游魚在釜。戲菱花。處堂燕雀安頽廈。黃金暮夜。侯門路賒。青燈帖括。廉船鬢華。望天兒更打落幾個糊塗卦。

（前調）更有那婢膝奴顏流亞。趁風潮便找定他的飯碗根芽。官房繙譯大名家。洋行通事龍門價。領約卡拉。口啣雪茄。見鬼唱喏。對人磨牙。笑罵來則索性由他罵。

諸君啊。其實那時候的穢形醜態。豈是語言筆墨。能形容得出來。這兩首曲子。也不過寫得百分之一二罷了。還記得那時老夫正在日本東京留學。

原來老先生卻在這裏明日定要奉

訪領
看那新民叢報第一號。讀到這處。不知不覺就淌下眼淚來。說道中國是亡定

歸義士
還家盡
錦衣宮
女如花
滿春殿
只今惟
有鷓鴣
飛前三
句皆極
寫其盛
末一句
兜轉便
有萬鈞
之力此
詩正從
彼處脫
胎

兩詩是
全書攝
影之文
是著者
嘔心之
作凡有
血氣讀
此皆應
感動

了。不亡於外國之憑陵。不亡於政府之頑舊。只是這四萬萬沒心肝沒腦筋沒血性的人民。昏做一團。纔是亡到盡頭。一點法兒都沒得想的呢。當下老夫傷感之極。便信口吟了兩首詩道。

無端忽作太平夢。放眼崑崙絕頂來。河嶽層層團錦繡。華嚴界界有樓臺。六洲牛耳無雙響。百軸麟圖不世才。掀髯正視羣龍笑。誰信晨雞驀喚回。

卻橫西海望中原。黃霧沈沈白日昏。萬壑豕蛇誰是主。千山魑魅闕無人。青年心死秋梧悴。老國魂歸蜀道難。道是天亡天不管。竭來予亦欲無言。

且住。到底這個轉移中國的憲政黨。是那一位英雄豪傑造他出來呢。諸君須知。天下無論大事小事。總不是一個人可以做成。但講到創始的功勞。老夫便不說。諸君也該知道。嚙們如就是這講堂對面高臺上新塑著那雄姿颯爽道貌莊嚴一個銅像。諱克強字毅伯的黃先生便是了。至於毅伯先生。到底是怎麼一個人。怎麼樣提倡起這大黨來。說也話長。今兒天不早了。下次再講罷。……衆人拍掌大喝采。

陸王學
是今日
救時第
一法門

拿破崙
亦是歐
洲極南
哥悉加
一小島
所產小
海島往
往出大
人物

第三回 求新學三大洲環游 論時局兩名士舌戰

(第一次講義)如今要說黃克強君的人物了。黃君原是廣東瓊州府瓊山縣人。他的父親。本係績學老儒。單諱個羣字。從小受業南海朱九江先生之門。諱次琦做那

陸王理學的工夫。又最熟中國史學。他那學問志節。也算在九江門下數一數二的了。後來回到鄉中。開塾講學。學者稱爲琼山先生。看官。你知道那瓊州本屬我中國極南一個小海島。向來與內地文化隔絕。怎麼五六十年前。忽然有許多關係全局的大人物出來呢。原來都是琼山先生的理學鑄造成的。卻說自從中日一役以後。琼山先生看定中國前途。是要有大變動的。因此打發他的兒子和一位得意的門生李去病君。同往英國游學。就從光緒乙未年二月起行。那年毅伯先生已經二十二歲。李君去病二十一歲了。這兩位生同里。少同學。長同游。壯同事。後來旗鼓相當。做了許多事業。按下緩表。且說毅伯先生於傳受家學之外。久已立意要講求那世界的學問。想學外國的語言文字。但因香港英人所設的學堂。氣習太壞。學課程度

日本大儒福澤諭吉之學西文此即是如此

精神教育端推此兩書

亦低。其餘中國各處學堂都是一樣。因此不往就學。卻自己買些英文讀本文法等書。自行研究。靠着字典幫助。做了幾年工夫。早把所有英文書籍。都能閱讀了。到那年起行游學的時節。他父親琮山先生。別無囑咐。單給他一部長興學記。說道這是我老友南海康君。發揮先師的微言大義。來訓練後學的。內中所講。便和我自己講的一樣。你就拿去當作將來立身治事的模範罷。毅伯先生拜過嚴命。即便起行。卻不從香港直往。繞道由上海日本加拿大渡大西洋往英國。到了上海。在時務報館裏頭。剛遇着瀏陽譚先生嗣同。寓在那裏。正著成『仁學』一書。那稿本不過兩三人曾經見過。毅伯先生即日抄得一部。寶藏篋中而去。在船上和李君一路細讀。讀了已不知幾十遍。把那志氣越發漲高幾度。後來毅伯先生常對人說道。他一生的事業。大半是從『長興學記』『仁學』兩部書得來。真是一點兒不錯的。……言歸正傳。卻說黃李兩君。到了英國。他兩人本屬寒士。學費自然不足。都是半日做工。半日讀書。到暑假時候。向人傭役。因此便就敷衍得過去。只因他在家研究有素。所以到了

英國。不過預備一年。便殼得上入惡斯佛大學。毅伯先生修那政治法律生計等學科。李君修那格致哲學等學科。那大學內武備教育。是很嚴整的。李君性情所近。特別用功。因此常列優等。在學堂內得了少尉之職。有話則長。無話則短。光陰似箭。過了三年。正當那戊戌政變的前後。兩君早已在倫敦惡斯佛大學卒業了。兩君在歐洲。聽見六君子流血殉國。著實痛哭了幾回。李君道。僭們還是趕緊回國。想些再接再厲的方法纔好。黃君道。你看現在的中國。那裏便是時候嗎。我看古今萬國革新的事業。一定經過許多次衝突。才能做成。新舊相爭。舊的必先勝而後敗。新的必先敗而後勝。這是天演上自然淘汰的公理。倒也不必憂慮。但是我中國現在的民智民德。那裏殼得上做一個新黨。看來非在民間大大做一番預備工夫。這前途是站不穩的。但係我們要替一國人做預備工夫。必須先把自己的預備工夫。做到圓滿。

愛國青年聽者 你和我雖然在大學卒業。那閱歷還是淺得很的。今日回國運動。就是竭盡心力。也不能大成到怎般田地。據我的意思。倒不如更往德法等國。留學幾年。一則

國家學
立爲一
學科實
自德國
人始歐
洲他國
無有也

社會主
義與國
家主義
正相反
對然其
學理亦
最盛於
德國

敘游學
事蹟太
簡單了
這些點
綴卻不
可少

廣集寰宇的智識。二則實察世界的形勢。將來報效國民。豈不更有把握嗎。李君點頭道是。於是兩人定了主意。分途而往。李君去法國入巴黎大學。毅伯先生去德國入柏林大學。認真研究那德國近日最興盛的學問叫做國家學的。雖與己宗旨不甚相同。卻也實實受了許多益處。又和那社會黨中有名人物往來。用心研究社會主義。於生計界競爭的大勢。益多感觸。慨然道。這些影響。將來我中國一定實受其害了。卻是用怎麼方法才能抵抗他呢。正在日日苦心研究這問題。忽然接到義和團的警報。風聲鶴唳。全歐騷然。到了庚子七月。德國公使被害。德皇命將誓師。講了許多不入人道的話。那毅伯先生愛國的熱情。按捺不住。因此做了一篇洋洋大文。題目叫做『義和團之原因及中國民族之前途』。繙成英法德三國文字。布告歐洲各報館。內中詳言義和團的大原因。全由民族競爭的勢力。刺激而成。這回不過初發達。歐洲諸國。侮我太甚。將來對外的思想日開。這些事還多著哩。結局大說義和團激變的原因。其責任不可不歸諸外國等話。那時德國人一味蠻狂。報章裏頭。

滿紙都是甚麼豚尾漢黃猴精等惡罵。這惡罵受得嗎這些話自然是聽不入耳。雖然如此

卻因這篇文字惹起各報館許多問題。後來那總稅務司赫德做了一部書講這回

事變的善後策。就是剽竊了這篇文章的意思。反其術而用之了。我欲替赫德呼冤閑話少

題。且說毅伯先生在德國留學一年半。又已卒業。還和李去病君一齊游歷歐洲幾

國。直到光緒壬寅年年底。便從俄羅斯聖彼得堡搭火車返國。兩君現在諒來已經動身了我們預備開

歡迎會罷那時西伯利亞鐵路。尙未全通。中間要步行經過許多沙漠荒僻的地面。當著

嚴冬慄烈之時。行這雪窖冰天之地。那旅行苦楚。自然是說不盡了。但這黃李兩君

都是個冰心鐵骨的人。後來多少艱難辛苦。他都受得。難道還怕這些不成。這也不

用多講。光陰荏苒。到了明年癸卯。暮春初夏的時節。這兩位早已來到山海關了。原

來李去病君。當甲午交戰的時候。因想要查看軍情。也曾單刀匹馬。游過山海關一

次。今相隔不到十年。那關外一帶。已全然變了哥薩克俄羅人殖民地的樣子了。

正是石人對此也應動情。何況這滿腔熱血的英雄。怎得不生今昔之感。那日毅伯

詞雖非
絕品卻
寫得出
兩人性
情面目

前一件
還不甚
好怕後
一件卻
真不得
了

先生和李君登萬里長城。憑眺一番。感慨歎歎。不能自勝。回到客寓。借幾杯濁酒。澆那胸中塊壘。不覺淋漓大醉。突兀兀。便聯句做了一首『賀新郎』。題在壁上道。

昨夜東風裏。忍回首。月明故國。淒涼到此。黃鶉首。賜秦如昨夢。莫是鈞天沈醉。李
也不管人間憔悴。黃落日長烟。關塞黑。望陰山。鐵騎縱橫地。李漢幟。拔鼓聲死。黃
物華依舊山河異。是誰家。莊嚴臥榻。儘伊鼾睡。李不信。千年神明冑。一個更無男
子。黃問春水。干卿何事。李我自傷心。人不見。訪明夷。別有英雄淚。黃雞聲亂。劍光
起。李

寫完。兩君還自悶悶的。飲了十來杯。那熱血越發被這酒湧送上來了。李君便開口道。哥哥。你看現在在中國。還算得個中國人的中國嗎。十八省的地方。那一處不是別國的勢力範圍呢。不是俄。便是英。不是英。便是德。不然便是法蘭西。日本。美利堅了。但係那一國的勢力範圍所在。他便把那地方看成他囊中物一樣。這還不了。我們同胞國民。住在那一國的勢力圈內的。便認定那國是他將來的主人。那些當道諸

知責任者大文夫之始也。行責任者大丈夫之終也。

公更不用講。對着外國人。便下氣柔色怡聲。好像孝子事父母一般。這樣看來。我中

國的前途。那裏還有復見天日之望麼。黃君道。可不是嗎。但天下事是人力做得來

的。嗒們偌大一個中國。難道是天生來要做他人的魚肉的不成。都只爲前頭的人

沒血性沒志氣沒見識。所以把他弄成到這個田地。我想但是用人力可以弄壞的

東西。一定還用人力可以弄好轉來。至兄弟。你是讀過歷史的。你看世界上那一國

不是靠着國民再造一番。才能強盛嗎。現在我和你兩個。雖然是一介青年。無權無

勇。但是我們十年來讀些書是幹甚麼呢。諸君想想書難道學幾句愛皮西靠做將來

的衣飯碗不成。諸君想想書難道跟著那些江湖名士。講幾句激昂慷慨的口頭話。拿

着無可奈何四個字。就算個議論的結束嗎。諸君想想書我想一國的事業。原是一國

人公同擔荷的責任。若使四萬萬人。各各把自己面分的擔荷起來。這責任自然是

不甚吃力的。但係一國的人。多半還在睡夢裏頭。他還不知到有這個責任。叫他怎

麼能擔荷他呢。既然如此。那些已經知道的人。少不免要把他們的擔子。一齊都

放在自己的肩膀上頭了。青年讀書兄弟。我們兩個雖算不得甚麼人物。但已經受

了國民的恩典。讀了這點子書。得了這點子見識。這個責任。是平日知到熟了。今日

回到本國。只要盡自己的力量去做。做得一分是一分。安見中國的前途。就一定不

能挽救呢。李君聽到這裏。便嘆口氣接著說道。提論哥哥。責任嗎。這責任自然是只

有一個沒有第二個的。但講到實行這責任的方法。哥哥向來不以我的議論爲然。

今日返國。看這情形。我越發信得過我的意見。是一點兒不錯的了。哥哥。你看現在

中國衰弱到這般田地。豈不都是吃了那政府當道一羣民賊的虧嗎。是現在他們

嘴裏頭。講甚麼維新。甚麼改革。你問他們知維新改革這兩個字。是怎麼一句話麼。

他們只要學那窑子相公奉承客人一般。把些外國人當作天帝菩薩祖宗父母一

樣供奉。在外國人跟前。彀得上做個得意的兔子。時髦的倌人。這就算是維新改革

第一流人物了。維新改革第一哥哥。你白想想。這樣的政府。這樣的朝廷。還有甚麼

指望呢。倘若叫他們多在一天。中國便多受一天的累。不到十年。我們國民。便想做

剛毅李
乘衡雖
是頑固
腔子裏
卻還有
幾點血
近來當
道的維
新黨卻
真是涼
血類動
物了

奴隸也穀不上還。不知要打落幾層地獄。要學那與臣儻儻臣皂的樣子。替那做奴才的奴才做奴才了。哥哥。我其實眼裏攔不住這些大民賊小民賊。總是拚著我這幾十斤血肉。和他誓不兩立。有他便沒有我。有我便沒有他罷。

好漢好漢是
馬志尼
吉田松陰
一流人物

黃君道。駁論兄弟。你的話誰說不是呢。但是我們想做中國的大事業。比不同小孩

兒們團泥沙造假房子。做得不合式。可以單另做過。莊子說得好。其作始也簡。其將畢也必鉅。若錯了起手一着。往後就滿盤都散亂不可收拾了。兄弟啊。我們是中國人做中國事。不能光看着外國的前例。照樣子搬過來。總要把我中國歷史上傳來特質。細細研究。看真我們的國體怎麼樣。才能穀應病發藥的呀。李君不等講完。便搶著說道。駁論第三。哥哥。講到國體嗎。我們中國的特質。別的我不知道。只是就歷史上看來。我中國是一個革命的國體。這任憑甚麼口才。能穀分辯說他不是嗎。你看自秦始皇一統天下。直到今日。二千多年。稱皇稱帝的不知幾十姓。那裏有經過五百年不革一躺命的呢。任他甚麼飲博奸淫件件俱精的無賴。甚麼殺人不眨眼的

香擬一
聯云乘
自由車
遊徧九
萬里地
球坐獨
夫椅掩
盡二千
年歷史
請作者
下一轉
語

以暴易
暴則革
了又革
其狀爲
循環以
仁易暴
則一革

強盜。甚麼欺人孤兒寡婦狐媚取天下的奸賊。甚麼不知五倫不識文字的夷狄賤族。只要使得著幾斤力。磨得利幾張刀。將這百姓像斬草一樣殺得個狗血淋漓。自己一屁股蹲在那張黃色的獨夫椅上頭。的好個寶座便算是應天行運聖德神功太祖高皇帝了。哥哥不講國體便罷。不講歷史上特色便罷。講到這件。我的話越發不錯了。難道哥哥你還要跟著那當道紅人兒們的說話。把那日本人自己誇耀的皇統綿綿萬世一系這國體。和我們中國相提並論。說道和他相同嗎。黃君道。兄弟。你的性子又來了。你平平氣。我再和你講。李君道。這說的是公事。那裏有甚麼意氣呢。黃君道。第四論我且問你。我們中國這二千年。革了又革。亂了又亂。你說是算件好事嗎。照你講來。難道還望我們中國將來再生出幾個秦始皇漢高祖明太祖嗎。李君道。第五論哥哥。不是恁般說。他們是以暴易暴。我說的是以仁易暴。哥哥。你的外國歷史。是讀得熟的呀。你看近世號稱文明國的那一個不經過這以仁易暴一大關頭。不是辛辛苦苦轟轟烈烈經過一次。能彀有今日嗎。哥哥。我生平最痛恨秦始皇漢

之後永
不復革
其狀爲
進化

這都是
理想上
最有根
據的議
論李君
真可人

所以偏
於理想
的人雖
能起事
却不能
成事

高祖明太祖一流人哥哥你是知道的。我一定不想跟著他們學那無廉恥的事。人都知道這是無廉恥的哥哥你是信得過的。怎麼我今日卻有這種議論呢。可見今

日凡是有真正革命思想的人。他那見識。一定是和我一樣。怎麼會還變得成個以暴易暴。依樣葫蘆出來呢。若使沒有這種思想的人。他要講革命。任憑他多大本事。一定是做不成的。這卻怎麼呢。因爲物競天擇的公理。必要順應著那時勢的。才能發生。前頭野蠻時代的英雄。到今日是一點兒用處沒有了。那十九世紀歐洲民政的風潮。現在已經吹到中國。但是稍稍識得時務的人。都知道專制政體。是一件悖逆的罪惡。罪惡中國便進化了悖逆。往後若使有漢高祖一流人出來。難道還有

甚麼上等材料。去想做那攀龍附鳳翼的下作勾當嗎。所以我想中國往後沒有革命便罷。若有革命。這些民賊的孽苗。是要入無餘涅槃而滅度之的了。這話我是沒有得駁

了……孔老先生說到這裏。滿堂拍掌如雷。孔老先生接著道。他兩位的話還多著呢。……黃君道。駁論第六兄弟。話雖如此說。但天下事那理想和那實事往往相反。你不

此數言
實含無
限名理
易之所
以終未
濟也

西儒著
書言代
議政體
流弊者
汗牛充
棟法儒
波流一
書言之
最痛切

信。只看從前法國大革命時候。那羅拔士比丹頓一流人。當初豈不是都打著這自由平等親愛三面大旗號嗎。怎麼後來弄到互相殘殺屍橫遍野。血流成渠。把全個法國。都變做恐怖時代呢。當十八世紀的末葉。法國人豈不是提起君主兩個字。便像喉中刺眼中釘一般。說要誓把滿天下民賊的血。染紅了這個地球嗎。怎麼過了不到十幾年。大家卻打著伙。把那皇帝的寶冠。往拿破崙第一的頭上奉送呢。可見那一時高興的理想。是靠不住的哩。這話我又沒得駁了李君道。駁論第七哥哥說那裏話。講到流弊。那件事沒有流弊。世界的進化。是沒有窮盡的。時時刻刻。都在過渡時代裏頭混來混去。若要在政治上人羣上歷史上找一件完全美滿的事情。只怕再過一千年一萬年。也找不着哩。即如今日萬國通行的代議政體。豈不是啞們夜夜裏做夢都想着他的嗎。你說他的流弊有多少呢。難道因噎廢食。就連這代議政體。都說是可厭的。不成。據兄弟看來。天下的政策。沒有一件不是用來過渡的。至理只要將這一個時代。渡進別一個更好的時代。就算是好政策。這好歹兩個字。是斷斷不能呆板

洋洋洒洒一篇法國大革命論就是基率謙讓還怕沒有這種見識

本國內爭借外國的勢力做幫助是亡國最大根原印度波蘭皆同一轍愛國家真當念茲在茲

說定的。總以和當日的時代。相應不相應爲憑。卽如法國大革命的時候。你說他要
不革。還行得去麼。法國革命。那裏是甚麼羅拔士比甚麼羅蘭夫人這幾個人可以
做得來。不過是天演自然的風潮。拿着這幾個人做個登場傀儡罷了。至於說到當
日的行爲。就是我怎麼一個粗莽性情。也斷不能偏袒着羅拔士比一班人。說他沒
有錯處。但要把這罪案全擱在他們身上。這亦恐怕不能算做公論哩。那時若不是
國王貴族黨。通款於外國。叫奧普兩國聯軍帶着兵來恫喝脅制。那法國人民。何至
憤怒失性。到這般田地呢。哥哥。你想想天下那裏有家裏頭吵鬧。倒請外邊人挾着
刀進來干預壓制的道理。倘使那時候的法國人。不是同心發憤。眼看着把那得到
手的自由權。依然送掉了。這還不算。卻是那國王靠着外國的兵馬。將勢力恢復轉
來。少不免是要酬謝的了。外國的勢力範圍。少不免是要侵入的了。豈不是把個歷
史上轟轟有名的法國。弄成個波蘭的樣子嗎。法蘭西人愛國心最重。豈是學我們
中國人一樣。任憑這些民賊。把他的祖傳世產。怎麼割怎麼賣。怎麼送。都當作無關

當時巴黎市民若在九原有靈亦應謝李先生替他昭雪冤獄

拿破崙的人格究竟與亞力山大成吉思汗不同史家自有公論

痛癢的麼。哥哥。你設身處地。替當時他們想想。這一股子惡毒氣。忍得住忍不住呢。到底他們畢竟把聯軍打退。把共和政體立得確實。雖然是國中傷了許多元氣。卻在國外是贏得許多光榮了。這些元氣傷了。誰說不是可惜。但是我們論事。不能光看着一面。你說法國就是沒有這場大革命。依着那路易第十六朝廷的腐敗政策做下去。這法國的元氣。就會不傷嗎。議論好像剝筍一般剝一層深一層我眞沒有法子駁他了 若不是元氣彫敝到盡頭。怎麼會釀出這回驚天動地的慘劇來。倘使當時法國人民。忍氣吞聲。一切都任那民賊愛怎麼擺布便怎麼擺布。只怕現在地理圖裏頭。早已連法蘭西這個名字都沒有了。再說到拿破崙呢。哥哥。你說拿破崙有甚麼對不住法國人呀。有甚麼對不住天下人呀。他的本意。要把全個歐洲弄成一個大大的民政國。你看他征服的地方。豈不是都把些自由種子散播下去嗎。你看他編纂的法典。豈不是全屬民權的精神嗎。前頭法國人。本曾說過要把普天下民賊的血染紅這個地球。這句話怎麼解呢。不過是將法國自由平等的精神。推行到萬國罷了。那拿破崙不是

這雖是
打趣的
話却是
含有至
理凡人
在某國
留學的
往往感
受某國
人的性
質故擇
地不可
不愜

實行這個主義嗎。這樣看來。一時那法國人把一個頂大的全權交給他。叫他替普天下憔悴虐政的平民。出這一口鳥氣。這總算他們委任得人的了。倘若那時候拿破侖的大功告成。這歐洲早變成一千八百七十年以後的樣子了。還有這幾十年的嘮嘮叨叨。民不聊生嗎。我們今日怎麼好以成敗論人呢。黃君道。兄弟。怎麼你在法國讀了這一兩年書。就把法國崇拜到這般田地。你這副口才。卻真算得個大律師的材料。將來法國人若要在歷史上打官司。一定要請你做辯護士了。妙語解頤李君正色道。哥哥說甚麼話。我去病是個愛國男兒。除了我祖國以外。是沒有得崇拜的。你說我崇拜法國人嗎。鐵漢語黃君道。傻兄弟。說句把笑話。也值得認真。李君道。哥哥請好生辨駁罷。黃君道。駁論第八兄弟。你這一片大議論。有好幾處缺點。我且慢細駁。就是講到拿破侖一段。也未免有些強詞奪理的了。那拿破侖當十八十九兩世紀交界。正是民族主義極盛的時代。他卻逆著這個風潮。要把許多不同種族不同宗教不同言語的國民。扭結做一團。這是做得到的事業嗎。就是沒有這墨斯科倭打

盧兩回敗仗。他那帝政底下的大共和國。就做得成嗎。李君道。駁論第九哥哥。不說到民

族主義罷了。講到這句話。你聰明人。我也不必多講了。你說我們中國現在的主權。

是在自己的民族。還是在別一個民族呢。拿破侖反抗這個主義。便在十九世紀初

年也站不住。難道哥哥今日反抗這個主義。倒想要在二十世紀初年站得住嗎。咄咄

逼人黃君道。駁論第十我和現在朝廷。是沒有甚麼因緣。難道我的眼光只會看見朝廷。不

會看見國民嗎。但據我想。若可以不干礙到朝廷。便能達到國民所望的目的。豈不

更是國家之福麼。是講到現在朝廷。雖然三百年前和我們不同國。到了今日。也差

不多變成了雙生的桃兒。分擘不開了。至於他那待漢人的方法。比之胡元時代。總

算公允了許多。就是比諸從前奧大利人待匈加利。西班牙人待菲立賓。也沒有他

束縛得緊。所有國中權利義務。漢人滿人亦差不多平等了。至說到專制政治。這是

中國數千年來的積癩。卻不能把這些怨毒盡歸在一姓一人。我想我中國今日若

是能毅一步升到民主的地位便罷。若還不能。這個君位。是總要一個人坐鎮的。但

中國政體說他
不專制
却是極
專制說
他不自
由却是
極自由
總之朝
廷和人
民是毫
不相關
的所以
無論什
麼人坐

這個位於一國的政治却沒有什麼影響近來

專制政體越發進化直接唐民之政是更少了

盧梭邊沁爾兒斯賓塞等政治學理數語括盡

若還不明這種道理只

要拿一

使能毅有國會。有政黨。有民權。和那英國日本一個樣兒。那時這把交椅。誰人坐他。不是一樣呢。若說嫌他不是同一民族。你想我四萬萬民族裏頭。卻又那一個有這種資格呢。這話我又沒得駁了兄弟啊。我那愛自由愛平等的熱心。也不讓你。諒來你是知到的。但我總是愛那平和的自由。愛那秩序的平等。你這些激烈的議論。我聽來總是替一國人擔驚受怕。不能一味贊成的哩。李君道。駁論第十一我也不是。一定要和甚麼一姓的人做對頭。只是據政治學的公理。這政權總是歸在多數人的手裏。那國家纔能安甯的。你想天下那裏有四萬萬的主人。被五百萬的客族管治的道理嗎。但凡人類的天性。總是以自己的利益爲先。別人的利益爲後。所以主權若是在少數人。一定是少數的有利。多數的有害。主權若是在客族。一定是客族有利。主族有害。這利害兩椿。是斷不能相兼的。但我們今日就不管到他。是多數還是少數。是客族還是主族。總之政治上這『責任』兩個字。是不能不講的。更進一步愈逼愈緊。一國人公共的國家。難道眼巴巴看著一羣糊塗混帳東西把他送掉不成。不管他甚麼人。只是當

問舖子
做個警

喻百姓

便是東

家君相

便是東

家請來

的夥伴

夥伴不

盡責任

應該怎

麼樣呢

快絕之
論快絕
之文

著這個地位。就要盡這個責任。者聽虧了責任。是要自行告退的。者聽不肯告退。是要勸

他的。勸他不聽。是要想個法兒叫他不能不聽的。者聽你看現在文明各國所謂責任

大臣的制度。不是恁麼著麼。若是在立憲國裏頭。君主沒有責任。這個怨府。自然落

不到君主的頭上。只要學那周公的故事。成王有過。則撻伯禽。把宰相大臣換了一

換。也便罷了。若使一切政事的責任。都在頂上頭那一個人的手裏。自然一國人有

甚麼過不去的事情。都要問著他了。哥哥。你說和現在朝廷沒有甚麼因緣。難道我

和現在朝廷。又有甚麼仇恨嗎。可見彼此全為公事不為私恩私怨橫豎我認定這責任的所在。只要

是居著這地位不盡這責任的人。莫說是東夷北狄西戎南蠻。就使按著族譜。算他

是老祖黃帝軒轅氏正傳嫡派的冢孫。我李去病還是要和他過不去的哩。黃君道。

駁論第十二 兄弟。你這段議論。誰說不是。但依我看來。總是理想上頭的。不是實際上頭

的。你說一國政權。總要在大多數的人手裏頭。這是盧梭邊沁約翰彌勒各位大儒

的名論。但這些學理。在現世的歐洲。已算是過去陳言了。多數政治。在將來或有做

運議院 政治之 弊也揭 出來真 是政治 家頭腦 盧梭天 賦人權 的議論 都被這 種學理 壓倒近 來在歐 美變成 退院僧 了

以日本 之精進 經三十 年還不 能及歐 洲可見

得到的日子。但現在卻是有名無實的。你看現在各立憲國叫做議院政治的。豈不算是從多數取決嗎。認真算來。那裏真是多數。還不是聽著這政黨首領幾個人的意思嗎。兄弟。各國議院的傍聽席。諒來你也聽得不少。你看英國六百幾個議員。法國五百幾個議員。日本三百幾個議員。他們在議院裏頭。站起來說話的有幾個呢。這多數政治四個字。也不過是一句話罷了。但這種政體。誰能說他不好。可見天下人類。自有一種天然不平等的性質。治人的居少數。被治的居多數。這是萬不能免的。至於講到責任兩個字。這是政治學上金科玉律。便愚兄也和老弟一般見解。但我看中國現在的人民。那裏自己彀得上盡這個責任。就是叫現在號稱民間志士的來組織一個新政府。恐怕他不盡責任。還是和現在的政府一樣。這國勢就能彀有多少進步嗎。民間志士極宜猛省兄弟。我想政治進化。是有個一定的階級。萬不能躐等而行。兄弟。你是住在歐洲多年。看慣了別人文明的樣子。把自己本國身分都忘記了。巴不得一天就要把人家的好處拿輪船拿火車搬轉進來。你想想這是做得到的。

政治進
化真是
不易

坡氏係
俄國現
任宗教
總監近
著一書
題曰政
黨及議
院之弊
各國爭
翻譯之
其所言
雖頑舊
亦有許
多切中
歐美時
弊之處
政黨政
治的好
處全在
要巴結
百姓巴
結百姓
百姓自
然有權

嗎。好兄弟。你要看真些子時勢才好。李君聽到此處。面帶怒容。便接着說道。哥哥。你說我崇拜法國。我倒不是崇拜法國。我看哥哥在德國念這幾年書。這些口氣。倒有幾分像崇拜德國人。這還罷了。怎麼連那俄羅斯大民賊坡鼈那士德夫的放狗屁議論。都要附和起他來。你說議院政治。還是少數。不是多數。那裏知道這少數和那民賊的少數。正自不同。這政黨首領。人數雖少。卻是代表全黨的意思。該黨若是『多數黨』。便是代表『多數國民』的意思了。政黨彼此互爭政權。不管他出自公心。還是私心。總而言之。是一定要巴結百姓。在新聞紙上。在演說壇上。講他自己的政策。怎麼有益於國。有利於民。若講得沒有道理。那國民肯聽他嗎。若講得到做不到。那國民肯容他嗎。這樣看來。任憑他就拿這些方法。當作競政權的手段。卻是國民已經於不知不覺之間。實受其益了。何況政黨政治。在朝黨稍有一兩件事。不盡責任。國民便鼓譟起來。他立刻便要辭職。讓與別黨。雖是少數人代理國事。卻不是少數人把持國事。

代理與把持之別
最要分辨清楚

怎麼好藉口於天然不平等。贊民賊教獠升

了百姓
有權政
治自然
好了

十九世
紀上半

紀是人
民主義

時代下

半紀漸

入國家

主義時
代

拿各種

強有力

的學理

層層辯

駁愈接

愈厲非

胸有萬

卷者不

能道其

隻字
史識如
炬

木呢。至於講到時勢嗎。那一代的時勢。不是靠些英雄豪傑造出來。若是沒人去造他。只怕現在的歐洲。還是和現在的中國一樣。也未可定哩。哥哥。不講時勢便罷。若講時勢。我想現在中國的時勢。和那十八世紀末十九世紀初歐洲的時勢。正是同一樣哩。盧梭邊沁他們的議論。在現在歐洲。自然是變成了擺設的古董。在今日中國。卻是最合用的。哥哥。你說我躡等而進。哥哥你想跳過這人民主義的時代。便闖入這國家主義的時代。這真可算躡等而進了。黃君道。駁論第十四不然。羣學上定例。必須經過一層干涉政策。纔能進到自由政策。兄弟你只知道法國大革命爲十九世紀歐洲的原動力。卻不知道這大革命還有他的原動力。那原動力在那裏呢。就是這干涉政策便是了。歐洲自從法國哥巴英國克林威爾主政以來。大行保護干涉之政。各國政治家。跟著他學。都說這是強國的第一手段。到了後來。連民間甚麼事業。都干涉到了。這種政體。在今日還能說他是好嗎。但當民智未開。民力未充的時候。卻是像小孩兒一般。要做父母的著實管束教導他一番。將來纔能成人。平心

西國干涉自由
兩種政體向來
皆發達
中國却
是兩種
政體皆
不發達
真是咄
咄怪事

中國人
民之易
治真是

而論。現在歐洲的文明。你能說這干涉政策一點功勞都沒有嗎。若不是經過這一回。他們的國力民力。能彀充實到這般田地嗎。我們中國雖然說是專制政體。卻是向來政府的人。從沒有干涉到民事的。……李君插口道。他不干涉也罷。謝天謝地。……黃君道。話雖如此說。卻是干涉政策和愛國心是很有關係的。這是透過幾層的議論我中國人向來除了納錢糧打官司兩件事之外。是和國家沒有一點交涉的。國家固然不理人民。人民亦照樣的無理國家。所以國家興旺。他也不要。國家危亡。他也不要。政府的人好。他也不要。政府的人壞。他也不要。別人都說這是由於沒有自由的緣故。我倒有一句奇話。說是由於沒有干涉的緣故。真奇卻兄弟。若還不信這話麼。你看現在中國人的國家思想。比那十八世紀末的法國人怎麼啊。你能說那時法國的時勢。就是現在中國的時勢嗎。我想中國數千年的君權。雖然是太過分了。卻是今日正用得著他拿來做末末了一著。若能有一位聖主。幾個名臣。用著這權。大行干涉政策。風行雷厲。把這民間事業。整頓得件件整齊。樁樁發達。這豈不是事倍

勝歐美
十倍好
處在此
壞處也
在此

功半嗎。過了十年廿年。民智既開。民力既充。還怕不變成個多數政治嗎。成了多數

政治。還怕甚麼外種人喧賓奪主嗎。我說的平和的自由。秩序的平等。就是這麼著。

兄弟你去想想。李君道。駁論第十五依哥哥講來。豈不是單指望著朝廷當道一班人嗎。

他們不肯做。又怎麼樣呢。哥哥。你別要妄想了。他們若是肯做。經過聯軍遭踢這一

回。還不轉性嗎。你看現在滿朝人太平歌舞的樣子啊。他那腐敗。比庚子以前。還過

十倍哩。哥哥。你請挺著脖子。等一百幾十年。等那平和的自由秩序的平等罷。口好好

個強黃君道。駁論第十六兄弟。不是恁般說。就是英國日本現在的政體。那裏是單指望

朝廷當道這一班人纔做得來。總是靠民間志士日日運動。處處運動。到機會成熟

的時候。自然是得到手的。兄弟。你看現在英國的民權。和法國的民權。那一個強的

啊。有民權和沒有。那裏是爭在這一個人麼。況且現在皇上。這樣仁慈。這樣英明。怎

麼不能殼說一點兒指望都沒有呢。李君聽到這裏。便嘆口氣道。駁論第十七講到現在

皇上的仁慈英明。我雖然是沒有咫尺天顏。卻也是信得過的。但是哥哥你須要知

紅樓夢
上晴雯
諷的早
知擔受
虛名云
云數語
可以移
贈專制
君主

到凡專制君主國的實權。那裏是在皇帝麼。盧梭民約論講得好。他道那些王公大人們。面子上是一人在上萬人在下。講到實際。他那束縛。有時還比尋常人還加幾倍哩。現在俄羅斯皇。不是個榜樣嗎。報紙上講的他幾次要避位。讓與太子。都是爲受不住他那太后和些貴族權臣的氣呢。再說到中國這幾千年內。大大小小的君主。也差不多一千多個。真正自己有全權的。那裏數得上十個二十來。現在皇上雖然仁慈英明。爭奈權柄不屬。就想要救國救民。也是有心無力。他若聽見民間有人和他同心。想要幫著他替百姓除害。只怕他還歡喜得連嘴都合不攏哩。語妙哥哥。我且問你。你說志士運動。到底應該怎麼運動法呢。你說機會成熟。到底怎樣纔算成熟呢。黃君道。駁論第十八運動方法。如何能說得定。只是說到平和方法。總不外教育。著書。作報。演說。興工商。養義勇。這幾件大事業。或者游說當道的人。拿至誠去感動他。拿利害去譬解他。要等一國上下官民。有了十分之一。起了愛國的心腸。曉得救國的要害。這機會就算到了。李君道。駁論第九我的哥哥啊。你也太忠厚了。別的問題。

得有傷
患厚但
看那
爲鬼爲
絨的情
形由不
得人三
千丈無
明樂火
湧將來
一棒一
喝正是
普度罪
惡衆生
法門哩

近來英
國要挾
辦湖南
教案事

我也不敢武斷。至講到中國官場。豈是拿至誠可以感動得他來的嗎。只要是陞官發財門路。你便叫他做烏龜王八蛋幾十代婊子養的。他都可以連聲喝十來個肥啞。他們把他那瓣香祖傳來奴顏婢膝的面孔。吮癰噬痔的長技。向來在本國有權力的人裏頭用熟的。近來都用在外國人身上了。今日請公使吃酒。明日請公使夫人看戲。就算是外交上第一妙策。上行下效。捷於影響。現在不但是不做外人奴隸爲恥辱。又以爲分所當然了。不但以爲分所當然。兼且以爲榮以爲闊了。但得外國人一顧一盼。便好像登了龍門。聲價十倍。那些送條子坐門房使黑錢拍馬屁種種把戲。都挪到各國欽差領事衙門去了。你不聽見德國總帥華德西的話嗎。他說在京城裏頭。沒甚麼開心的事情。就是到滿洲某侍郎家裏。會他幾位小姐。算是最爽快的。實有其事哥哥。這些醜話。我也沒恁多閑氣去講他。總是會做奴隸的人。便是一國的上等人物罷了。恁看現在政府。要是外國人放一個屁。都沒有不香的。他要什麼。就恭恭敬敬拿什麼給他。他叫做什麼事情。就要屎滾尿流做什麼事情。他

稱有人
心者能
不髮指
賊裂嗎

我不知
作者心
孔有幾
箇竅怎
麼講那
一種人
的話活
像那一
種人呢

叫殺那個人。就連忙磨利刀殺那個人。哥哥。你請拿至誠去感動他。波。只怕把泰山頑石。說到點頭。還容易些哩。然則和他講利害波。只是他們的眼光。看不到五寸遠。雖然利在國家。怎奈害到我的荷包。雖然利在國民。怎奈害到我這頂紗帽。你叫他如何肯棄彼取此呢。你若說道瓜分之後。恐怕連尊駕的荷包紗帽都沒有。他便說道瓜分早得很哩。再過十年八年。我還理他麼。就是眼前立刻瓜分起來。我已經在上海租界。買了幾座大洋房。在匯豐銀行。存有幾十萬銀子。還怕累得到我不成。哥哥。你看現在官場。那一個不是立這種心呢。官場諸公試自己捫心想。一想起斷了運動官場這念頭罷。李君說到此處。便連嘆息幾聲道。哎。據我想來。若是我用著哥哥的平和運動。只怕你運動得來。中國早已沒有了。我長聽西人說的。中國如像三十年後。曾打掃過的牛欄。裏頭糞溺充塞。正不知幾尺幾丈厚。這句話雖然惡毒。卻也比喻得確切。哥哥。你想不是用雷霆霹靂手段。做那西醫治瘟疫蟲的方法。把他剗到乾乾淨淨。這地方往後還能住得麼。這卻不是。誤錯了。黃君道。駁論第兄弟。

仁人之
言
聽如
也

李君得
力於仁
學也不
讓黃君
須知真
要做破

你話太激烈了。我們拚著這個身子出來做國事。豈不是爲著這點不忍人之心嗎。殺一個人來救一個人。尙且不可。何況殺現在大多數的人。來救將來大少數的呢。這些大民賊小民賊總民賊分民賊。誰不恨他。只是恨的專在民賊。不在人民。若到革起命來。一定是玉石俱焚。不能逃免的。卻是民賊不過少數。人民倒占多數。這場災禍。豈不是人民反受其害嗎。我也知道你這破壞的心事。是要歸結到建設一路。只是已經破壞未能建設的時候。這些悲風慘雨。豈是語言筆墨能形容出來。我每讀法國革命史。只覺毛骨悚然。想起將來。我心裏頭便是十五個吊桶打水。七上八下。正不知怎麼樣難過哩。兄弟啊。我們將來避得脫這場禍。還是避他爲是。黃君講到這裏。便不知不覺滴下幾點英雄淚來。李君也矍然改容說道。駁論第一哥哥。我不是個木石做的人。難道是拿著國民流血的話。當好頑嗎。但我把這回事情。已經想過千次百徧。把腸子差不多都想爛了。今日的中國。破壞也破壞。不破壞也要破壞。所分別的。只看是民賊去破壞他。還是亂民去破壞他。還是仁人君子去破壞他。若

壞事業
的人一
定是仁
質極厚
的

將來中
國受害
的還是
在生計
問題不
是在政
治問題
明眼人
當能見
及

是仁人君子去做那破壞事業。倒還可以一面破壞。一面建設。或者把中國轉得過來。不然。那些民賊亂民。始終還是要破壞的。那卻真不堪設想了。你看這一年裏頭。中國亂過幾次呢。廣宗鉅鹿喇。泌陽喇。朝陽喇。廣西喇。四川喇。湖南教案喇。這兩天內。奉天將軍增祺所報的。說盛京北邊。又有什麼馬賊。聚衆十萬人。築砲臺。製貨幣。更建立什麼共武二年的年號了。接二連三。竟沒曾停過一會子。哥哥。我只怕中國自此以後。那擾亂情形。比這會利害十倍的還多著哩。只這加稅加餉。暴征橫斂。便是致亂的大根原。還有所謂生計問題。是從全地球的大風潮捲將進來。過了十年八年。便弄到我國中民不聊生。這生計學是哥哥的專門。還怕你不懂得這理由嗎。到那時候。便要亂。也何從鎮壓得住呢。再講到現在政府當道。諂媚外人到極地。外人利用這羣傀儡。做那間接的壓制。但是有什麼民教相爭的小事。他便演演他的下馬威。拿些利害給你們瞧瞧。隨意宰你一百幾十條性命。後來的官。遇著這等事。一定越發嚴厲了。你想這有不激變道理嗎。多激變一回。權利愈失一回。就只

這真是
最沈痛
之命令
人想起
孔明揮
淚斬馬
騮情狀

美國所

這件事也可以將全個中國送掉了。哥哥，你說破壞可怕，卻有什麼法兒。能穀叫他
不破壞麼。只怕這天然的破壞。比那十八世紀法國人力的破壞。還險過十倍哩。我
們雖是以不忍人之心爲宗旨。但哥哥你也應記得惡斯佛教授頡德先生說的。『
人羣進化之理。是要犧牲現在的利益以爲將來。』又西人常說的。『文明者購之
以血。』這種悲慘事情。無論那國都是要經過一次的。卽如哥哥最羨慕的英國日
本。若不是經過長期國會尊王討幕這些革命。就能穀有今日嗎。他們自己說是無
血革命。其實那裏是無血。不過比法國少流幾滴罷了。尋常小孩子生幾片牙。尙且
要頭痛身熱幾天。何況一國恁麼大。他的文明進步。竟可以安然得來。天下那有這
般便宜的事麼。再者。哥哥你整要拿著法國的故事來做比例。地球上革命的戲本。
不是只有一個法蘭西演過的。哥哥何不想想美國的事情。高興一高興。何必苦苦
說法國來嚇人呢。黃君道。駁論第二十二兄弟。我們商量的是國家大事。孔子說得好。『必
也臨事而懼。好謀而成。』這豈是說來當高興的嗎。你講美國。這和我中國的問題。

以能立
國並不
自華盛
頓以後
讀史者
宜著眼
此處

天下事
差之毫
釐謬以
千里將
來這種
風氣若
接續下
去那起
講自由
平等的
人不能
不負其
責任

更遠得很了。美國本是條頓種人。向來自治性質是最發達的。他們的祖宗。本是最愛自由的清教徒。因受不得本國壓制。故此移殖新地。到了美洲以後。又是各州還各州。自己有議事堂市公會等。那政治上的事情。本來是操練慣的。所以他們一旦脫了英國的羈絆。便像順風張帆一般。立刻造起個新國來。你想現在我們的中國。是和他比得麼。中國人向來無自治制度。無政治思想。全國總是亂遭遭的。毫無一點兒條理秩序。這種人格。你想是可以給他完全的民權嗎。我聽說日本東京的留學生和內地的少年子弟。有許多聽着自由平等幾個字。他卻不讀書不上講堂。日日去嫖去飲。有人規勸他。他便說這是我自由權。還有問他老子要錢去花費。老子不給。他便嚷罵起來。老子責備他。他便說我和你是平等的。照這樣胡鬧下去。將來自由平等四個字。豈不是變成罪極惡極的名詞嗎。我欲為自由平等一哭所以我想國民自治力未充實的。便連民權也講不得。嘆一若是中國今日便破壞起來。只怕比法國大革命時代的慘狀。還要過數倍哩。倒敢望美國嗎。兄弟。你試想想。李君道。駁論第十三哥

權利義務思想
爲一切政治根本

凡人羣
皆有機體
所以隨時變

哥的話。雖是不錯。但俗語說的。樹大有枯枝。一國之大。自然是有好的有壞的。何必一棍打一船呢。黃君道。駁論第二十四第論事總要從多數處着想。就是法國革命時候。那羅蘭夫人一黨。何嘗不是仁慈義烈的人。只是敵不過那些混帳亂民。究竟弄到這般結局。兄弟你看中國現在的人格。是那一種類多的啊。李君道。駁論第二十五第哥哥。你說中國人無自治力的話。我不甚以爲然。中國地方自治的歷史。也就發達的了。你看各省鄉族村落市鎮。那一處沒有公所、鄉約、社學、團練局等種種名目。爲一團體的代表。就是到外洋的華商。也都有許多會館。這豈不都是自治制度麼。黃君道。駁論第二十六第兄弟。你是個做過哲學的人。怎麼也說這種影響的議論。你說中國的自治制度。那裏是和今日外國的自治制度一樣嗎。外國的自治。全從權利義務兩種思想發生出來。所以自治團體便是國家的縮本。國家便是自治團體的放大影相。會了這樣。自然是會那樣的。所以泰西的國民亦叫做市民。市民亦叫做國民。中國能殼這麼著嗎。中國的自治。毫無規則。毫無精神。幾千年沒有一點兒進步。和那政治學上

遠成長
西人自
治制度
皆日日
進化非
如中國
之一成
不變也

這確是
中國將
來施政
次第聖
人復起
言不易斯

所謂「有機體」的正相反對。只要一兩個官吏紳士有權勢的人。可以任意把他的自治團體糟蹋敗壞。這樣的自治。如何能發生出民權來。他和民權原是不同種子的。栽桃兒的種。想要收杏兒的果。這是做得到嗎。李君道。駁論第七哥哥這話。我倒服了。但依你說來。中國既是沒有民權的種子。難道便聽著他這樣永遠專制下去不成。萬事總要有個起頭。我們今日不起這個頭。更待何時。更待何人呢。我想天下未有學不來的事。只要把那幾千年來蓋著的大鐘揭開。人人都可以自由去做那政治事業。過些年便也操練熟了。難道我們黃色人。天生成不能自治的人種麼。日本人豈不是黃人麼。他們從前沒有自治力。也和我一樣。怎麼如今的代議政體。便會行得恁般在行呢。黃君道。駁論第八天下事別的都還容易。只有養成人格一件。是最難不過的。我輩不勉你說日本嗎。日本維新三十多年。他的人民自治力。還不知比歐洲人低下幾多級呢。可見這些事。便性急也急不來的。不但此也。若是要養人民的自治力。正是要從平和秩序裏頭得來。若當革命亂離的時候。這人心風起水湧。不

能安居。還會操練出甚麼自治力麼。所以我總想個什麼法兒。能教政府學那俄皇亞歷山大第二先把地方議會開了。這就遲二三十年再開國會。也是無妨的。李君聽說講到政府。又冷笑一聲道。駁論第九哥哥。你又來了。你左想右想。總是望著政府。這不是向那老虎商量要他的皮嗎。這些督撫州縣實缺官。都是他們做官人最肥美的衣飯碗。開了地方議會。他們還想吃甚麼呢。你這個目的。總是弄到中國瓜分了過後。還達不到罷了。依我想來。還是大家看定一個可以做事的地方。認真在那裏養精蓄銳起來。脫了民賊的羈絆。便著實操練那自治的制度。得寸得尺。慢慢擴充將去。別處的人。一定也有聞風而起的。這便是救中國的獨一無二法門了……說到此處。拿表一瞧。已經一點三十分了。黃君道。我們索性談個通宵。把這問題駁論到盡頭罷。李君連聲說好。便把今天游地方時候帶去飲賸的那瓶威士忌酒。各斟了一玻璃杯。拿些涼水沖上。喝了幾口。略歇片時……黃君重復開口道。駁論第十第

兄弟。你真是瑪志尼一流人物。天生成是呼風喚雨。攪得一國的原動力的了。我亦云然

前頭多講學理以下多講大勢卻句句都是極精警極切實的話

真是一箇最難的難題

從前各國聯軍干涉法

但是血性多而謀略少。看見一面。看不見第二面。若中國單有像你一樣的人才。這前途也是未可料的。兄弟。自十九世紀以來。輪船鐵路電線大通。萬國如比鄰。無論那國的舉動。總和別國有關係。所以從前革命家。只有本黨居主位。敵黨居賓位。兩造相持。決個勝負罷了。到了今日。卻處處添出個第三位來。甚麼叫做第三位。就這外國人便是了。真是討厭卻又奈何他不得今日中國到處變了別國的勢力範圍。全世界商務的中心點。都趨在我國。我國內邊有甚麼變動。自然是和別國有影響的了。兄弟。我且問你。中國若有革命軍起時。你說外國還來干涉不來。李君道。駁論第十一這全看我們自己的舉動怎麼樣。若使能殼件件依著文明國的規矩。外人看著。也應該敬愛的。在文明政府治下通商來往。豈不比在那野蠻政府底下安穩利便多嗎。黃君道。駁論第十二兄弟。你錯了。今日世界上那裏有甚麼文明野蠻。不過是有強權的便算文明罷了。萬方同概你看英國待波亞。美國待菲律賓。算得個文明舉動麼。卻又那一國動起公憤來。敢責備他不文明呢。兄弟。今日全是生計界競爭的世界。各國經營中國。

國革命 是各國 君主自 保其利 益往後 外國干 涉中國 是各國 國民自 保其利 益一屬 於政治 上一屬 於生計 上卻是 生計問 題的力 量比政 治問題 越發可 怕 寫得李 大哥活 像黑旋 風李達 如聞其 聲如見

全爲著這件事。你想一有內亂起來。這商務喫虧到怎麼樣呢。若是中國全國亂了。一年。恐怕倫敦紐約的銀行。也不知倒閉多少。他們那裏計算到你。是義軍不是義軍。只是傷害到他自己的利益。他一定是不能放過的。這些革命軍就是抵抗本國政府。已經不易。試問能學義和團故事。和十幾國經練之兵。節制之師對壘嗎……孔老先生說到此處。便對衆人說道。這卻是當時一個最難對付的問題。毅伯先生這黨人。不敢亂講激烈的話。正是爲此。卻是李君怎麼駁詰他呢。原來李君是個愛國心最猛烈。排外思想最盛的人。聽到這段。不禁勃然大怒道。駁論第三十三哥哥。既然如此。我們就永遠跟着那做外國奴隸的人。做那雙料奴才做到底罷。黃君道。兄弟。你平一平氣再講。李君道。這口氣如何平得下來。哥哥我實對你說罷。天下大事業。全是從大阻力大激力生出來。要怕大敵的。還算好漢嗎。好漢不當哥哥。你卻怎麼拿義和團來比我。義和團不過那烏政府裏頭一羣烏親王烏大臣。靠着那張烏懿旨。哄動幾個烏男女做出來。一毫愛國心一毫真正排外的思想都沒有的。一敗之後。

其人

寫起來
拉刺刺

刺刺刺

烈烈真

有英姿

氣概
直要來
酣戰

雖無此

事卻不

可無此

心我國

民真當
共勉

那鳥王大臣。便設法拍外國的馬屁。求免罪魁。那鳥男女。便個個拿着一張別國的國旗。充做順民了。這能算是外國人的本事嗎。哥哥。請你再念一念法國革命史啊。法國革命的時代。歐洲列國。不是連兵去攻他嗎。法人卻以新募之兵。當擾亂如麻的時候。努力防禦。連戰連勝。不但把聯軍打退。還要左衝右突。大講復仇主義。壯哉復仇向南方蹂躪意大利西班牙。向北方略荷蘭。改做共和國。向東方大破日耳曼。得其要地。接着拿破崙做行政總官做皇帝。險些兒把整個歐洲滅盡。大丈夫不當如是嗎。著大國民不當如是嗎。著我們中國四萬萬多人。若是新政府設立以後。別國不來干預便罷。若還要來。我便拚着和那文明公敵爭個死活。就是把一國人戰死了十分之九。還比法國的人口多些呢。現在法國共有三千八百五十九萬五千人哥哥。豈不聞歐美人嘴脣皮挂着的話。說道。『不自由毋寧死』。若是怕外國人怕到恁般。將來外國人不準我們吃飯。難道我們也不敢吃嗎。黃君道。駁論第十四你氣也氣。高興也高興。了。依着你的話。甚麼大事情做不來。但你敢說通國的人都和你一樣血性一樣氣。

政治家
解剖的
腦識正
自不同
句句都
是緻密
切實話

至誠所
感金石
爲開精
神一到
何事不
成我真
要向李
先生望
風百拜

魄嗎。李君道。駁論第十五我卻算甚麼人。難道我們好獨爲君子。小覷了全國的同胞麼。

黃君道。駁論第十六就算是將來人心能和當時法國一樣。但法國抗禦聯軍的時候。他

那新政府是已經立定了。全國是在他統轄之下了。那時法國國內卻沒有甚麼別

國的勢力範圍。當他初革時候。卻沒有第三位來阻撓他。今日中國一舉一動都像

是在人家的矮簷下。你那幽期密約的革命軍。可哀根脚未定。他便撲滅起你來。就

是再添幾個拿破侖。恐怕也無用武之地哩。兄弟。你怎麼處。李君道。駁論第十七一回不

成。更有二回。二回不成。更有三回乃至十回。一人死去。更有十人。十人死去。更有百

人乃至千人。難道一蹶便就不振。還算得個男兒大丈夫嗎。黃君道。駁論第十八你算到

底多久才能起一回。起多少回才能彀成呢。李君道。這那裏講得定。黃君道。好兄弟。

你不過想著中國快些太平起來強盛起來罷了。依著你的方法。恐怕還要越發慢

些哩。李君道。駁論第十九快慢是說不定的。只是用這個法兒才有望頭。不然。豈不是坐

以待斃了。黃君嘆口氣道。駁論第十我的可敬可愛的乖弟弟。那一往無前的氣概。死

而後己的精神。卻是誰人不感服呢。便是文明公敵也應感服但我們當著這艱難重大的時局。

總不是一味著激昂慷慨。便可以救得轉來。兄弟。我想往後革命軍若起。斷不能一

鼓便成功的。斷不能全國只有一處革命軍的。若是各處紛紛並起時。現在政府的

勢力。雖屬薄弱。左傳說得好。牛雖瘠。債於豚上。其畏不死。恐怕他也不是容易便扯

起那一片降旛的。兄弟。不看意大利匈加利的故事嗎。他們經過多少次磨折。才能

做成呢。到底匈加利還是得回憲法。便自罷手。意大利也仗著外交奇妙手段。險些

兒功虧一簣。何況今日中國有事。不是和一國政府做敵手。還是和許多國政府做

敵手。這艱難比他們自然更過數倍了。萬一擾亂一起。政府不能平定。轉請各國代

勦。或者外國不等政府照會。便逕行代勦起來。這都是意中事哩。到那時候。這瓜分

便認真實行了。卻不是救國志士。倒變成了亡國罪魁麼。可畏況且不單如此。就是

各省紛紛並起。那各省人的感情的利益。總是不能一致的。少不免自己爭競起來。

這越發鷓蚌相持。漁人獲利。外國乘勢誘脅。那瓜分政策。更是行所無事。英國滅印

度。不是就用著這個法兒嗎。兄弟。我們還要計出萬全。免叫反對黨引爲口實才好。李君道。駁論第十一哥哥所言。我也細細想過多次。但我的政策。全是俗話說的死馬當活馬醫。因爲我中國瓜分的局面。並不是在將來。並不是在今日。卻是幾年前已經定了局了。現在外國。不過面子上沒有撕破我們這面國旗。沒有倒踹我們這張寶座。其實一國的主權。那裏還有一分一釐在本國手上來。哥哥。你說革命怕惹起瓜分。難道不革命。這瓜分就能免嗎。沈極痛哥哥。你看現在的強國。那一個不是靠着民族自立的精神。才能彀建設起來。怎麼叫做自立呢。就是認清楚這個天賦權利。絲毫不受別人壓制便是了。但凡一個人。若是張三壓制他。他受得住的。便是換過李四換過黃五來壓制他。他也是甘心忍受了。哥哥。你不看見因明集裏頭有一首叫做「奴才好」的古樂府麼。說道。

奴才好。奴才好。勿管內政與外交。大家鼓裏且睡覺。古人有句常言道。臣當忠。子當孝。大家切勿胡亂鬧。滿洲入關二百年。我的奴才做慣了。他的江山他的財。他

要分人聽他好。轉瞬洋人來。依舊要奴才。他開礦產我做工。他開洋行我細崽。他要招兵我去當。他要通事我也會。內地還有甲必丹。收賦治獄榮巍巍。滿奴作了作洋奴。奴性相傳入腦胚。父詔兄勉說忠孝。此是忠孝他莫爲。什麼流血與革命。什麼自由與均財。狂悖都能害性命。倔強那肯就範圍。我輩奴僕當戒之。福澤所關慎所歸。大金大元大清朝。主人國號已屢改。何況大英大法大日本。換個國號任便戴。奴才好。奴才樂。世有強者我便服。三分刁黠七分媚。世事何者爲齷齪。料理乾坤世有人。坐閱風雲多反覆。滅種覆族事遙遙。此事解人幾難索。堪笑維新諸少年。甘赴湯火蹈鼎鑊。達官震怒外人愁。身死名敗相繼仆。但識爭回自主權。豈知己非求己學。奴才好。奴才樂。奴才到處皆爲家。何必保種與保國。

哥哥。這國樂府。雖然有些毒罵得太過分。但看現在舉國的人心。有幾個不是怎麼

著呢。

大家想想這首樂府罵着我沒有

外患既已恁般兇橫。內力又是這樣腐敗。我中國前途。豈不

是打落十八層阿鼻地獄。永遠沒有出頭日子嗎。我今有一個比喻。譬如良家婦女

凡人皆有兩種生命一曰軀殼之生命二曰意志欲之生命意欲之生命即自由權是也春秋繁露云蒙大辱以生者毋寧死即是此義若沒有了意欲之生命則人與禽獸何擇焉

若是有人去調戲他。強污他。他一定拚命力拒。甯可沒了身子。再不肯受這個恥辱。若是迎新送舊慣了的娼妓。他還管這些嗎。什麼人做不得他的情人。你看聯軍入京。家家插順民旗。處處送德政傘。豈不都是這奴性的本相嗎。我實是看定了這個宗旨。若想要我同胞國民。將來不肯受外國人壓制。一定要叫他現在不肯受官吏壓制才好。但提到壓制兩個字。便要像千金小姐。被人點污了他的清白一般。覺得更不可以立於天地本國官吏的壓制。尚且不肯受。外人還敢惹他一惹嗎。若能一國人有這種思想。任憑他外國有千百個亞歷山大。千百個該撒。千百個拿破侖。也不能瓜分中國。就使瓜分了。也終須要恢復過來。哥哥。依著你的政策。一樣的也難免瓜分。我這筆後路預備文章。豈是可以少得的麼。至於你講到各省紛立同志相攻的話。若是這樣的人。也不算愛國志士了。志士聽者我想但是肯舍著身拚著命出來做事的。何至如是。這倒可以不必過慮罷。黃君道。駁論第四十二你這後路預備的話。原來是少不得的。只是發議論要有個分寸罷了。至講到志士分爭這件事。兄弟你料一

此數語
是通篇
最大關
鍵到地
方點出
真有羣
山萬壑
赴荆門
之勢

定沒有。這卻是你太直心了。據我聽說。現在內地志士。一點兒事情沒做出來。卻已經分了許多黨派。他們的笑話。我也沒有恁麼多閑氣去講他。只是中國革命。將來若靠著這一羣人。後事還堪設想嗎。志士聽者就是不算這羣人。但是許多人聚在一處。那意見一定是不能全同的。兄弟。你想意大利建國三傑。能說他三個人的愛國心。有一個不光明正大麼。他們還是各有各的意見。不能相同哩。所以當那破壞建設。過渡時代。最要緊的是統一秩序。若沒有統一秩序的精神。莫說要建設不建設來。便是要破壞。也不破壞到。兄弟啊。你說要革命。這可是你自己一個人可以革得來的麼。一定是靠著許多人。聯著手去做。這卻除了國民教育之外。還有甚麼別樣速成的妙法兒呢。講到國民教育。自然是要拿著你那自立精神四個字做宗旨了。既已這種教育工夫。做到圓滿。那對外思想。自然發達。外人自然不能侵入。就是專制政體。也要不攻而自破了。兄弟。這民權兩個字。不是從紙上口頭可以得來。一定要一國人民都有可以享受民權。保持民權的資格。這才能設安穩到手的。你幾曾見

孔子曰
我欲仁
斯仁至
矣孟子
曰求則
得之舍
則失之
求在我
者也萬
事皆然
而民權
其一端
也趙孟
之所貴
趙孟能
賤之民
權若由
外鑠得
來雖有
亦烏足
貴哉
講到這
裏甚麼
人都要
服了卻
是李爺
爺還有

沒有政治思想的國民。可以得民權。又幾曾見已有政治思想的人。不能得民權呢。這民權固然不是君主官吏可以讓來給他。亦不是三兩個英雄豪傑可以搶來給他的。總要他自己去想。自己去求。既然會想會求。也終沒有不得到手的哩。你看英國最著名的『權利請願』。豈不是由五十多萬人聯名公稟得來嗎。英王查理士英國廢『穀物條例』。豈不是由三百多萬人呈詞力爭得來嗎。初九世紀將來民智大開。這些事自然是少不免的。難道還怕這專制政體。永遠存在中國不成。中國若能到這個田地。你和我也穀心足了。這便是平和的自由。秩序的平等。亦叫做無血的破壞。好兄弟。我實告訴你罷。現在的民德民智民力。不但不可以和他講革命。就是你天天講天天跳。這革命也是萬不能做到的。若到那民德民智民力可以講革命。可以做革命的時候。這又何必更要革命呢。兄弟。你再想想。李君沈吟一會。便連嘆幾口氣道。駁論第十三哥哥。你說到現在中國人連可以談革命的資格都沒有。這句話我倒服了。但叫我不禁替中國前途。痛哭一場。雖如此說。萬不能因他沒有。便灰了

心。就是哥哥所講的君主立憲主義。今日中國人還不是連立憲國民的資格都沒有。難道哥哥便好灰心麼。我總是要拿十年二十年工夫。自己去實驗過一回。才了得我的心願。我再有一句話告訴哥哥。今日做革命或者不能。講革命也是必要的。哥哥。你看現世各國君主立憲政體。那一國不是當革命議論最猖狂的時候。才能成就起來。這也有個緣故。因為君主立憲。是個折中調和的政策。凡天下事必須有兩邊反對黨。旗鼓相當。爭到激烈盡頭。這纔能折中調和他。若是這邊有絕大的威權。那邊無絲毫的力量。這調和的話。還說得進去嗎。所以兄弟以為我們將來的目的。不管他在共和還是在立憲。總之革命議論革命思想。在現時國中。是萬不可少的。哥哥。我從前讀意大利建國史。也常想着意大利若沒有加富爾。自然不能成功。若單有加富爾沒有瑪志尼。恐怕亦到這會還難得出頭日子呢。我們雖不敢自比古來豪傑。但這國民責任。也不可以放棄。今日加富爾瑪志尼兩人。我們是總要學一個的。又斷不能兼學兩個的。我自問聰明才力。要學加富爾萬學不來。我還是拿

位的不
然便是
放棄國
民責任

值得自
己誇獎
幾句

英國人
最有道
種風度
往往兩

着那「少年意大利」的宗旨去做一番罷。哥哥以為何如呢。黃君道。結論講到實行自
然是有許多方法曲折。至於預備工夫。那裏還有第二條路不成。今日我們總是設
法聯絡一國的志士。操練一國的國民。等到做事之時。也只好臨機應變做去。但非
萬不得已。總不輕易向那破壞一條路走罷了。李君也點頭道是……講到這裏。
但聽得樹鴉亂啼。窗隙微白。黃君道。差不多要天亮了。偕們還是假寐片時罷。於是
兩人睡下不表。

孔老先生將這場絕大的駁論念完。便著實贊歎一番道。諸君。你看從前維新老輩
的思想議論氣魄。怎麼不叫人五體投地呢。我真要五這場駁論。一直重疊到四十

幾回。句句都是洞切當日的時勢。原本最確的學理。旗鼓相當。沒有一字是強詞奪
理的。不單是中國向來未曾有過。就在英美各國言論最自由的議院。恐怕他們的
辯才。還要讓幾分哩。我們今日聽他這些話。雖像是無謂陳言。著者欲以陳言但有

一件事。是我們最要取法的。你看黃李二傑的交情。他們同省同府同縣同里同師

人在講院中對駁到面紅耳熱一出院門卻又握手同游異常親熱皆由公事私事之界限分得清楚也

同學同游。真好像鸚鵡比目。兩人便異形同魂一樣。卻是講到公事。意見不同。便絲毫不肯讓步。自己信得過的宗旨。便是雷霆霹靂向他頭上盤旋。也不肯枉口說個不字兒。這些勇氣。是尋常人學得到的嗎。他公事上雖爭辯到這樣。至於講到私情。還是相親相愛。從沒有因著意見。傷到一點兒交情。近來小學教科書裏頭。不是都有『黃李聯牀』一條。講他們兩人的交誼。拿來教那小孩子待朋友的榜樣嗎。諸君啊。你們若是要崇拜二傑。便請從這些地方著實崇拜起來。模範起來。我中國前途也就日進月上的了。……衆大拍掌。(第二次講義完)

看官。孔老先生這回講義。足足講了兩個多時辰。他的口也講乾了。聽衆的耳也聽倦了。就是我們速記人的手。也寫疲了。諒來看小說的人。眼也看花了。卻是黃李兩君發這段議論的時候。孔老先生並不在旁。他怎麼會知道呢。又如何能彀全文背誦一字不遺呢。原來毅伯先生游學時候。也曾著得一部筆記叫做『乘風紀行』。這段議論。全載在那部筆記第四卷裏頭。那日孔老先生演說。就拿著這部筆記朗讀。

不過將他的文言變成俗話。這是我執筆人親眼看見的。至於以後有甚麼事情。我也不能知道。等禮拜六再講時。錄出奉報罷。

總批

拿著一箇問題。引著一條直線。駁來駁去。彼此往復到四十四次。合成一萬六千餘言。文章能事。至是而極。中國前此惟鹽鐵論一書。稍有此種體段。但彼書往往不跟著本題。動輒支橫到別處。此篇卻是始終跟定一個主腦。絕無枝蔓之詞。彼書主客所據。都不是真正的學理。全屬意氣用事。以辯服人。此篇卻無一句陳言。無一字強詞。壁壘精嚴。筆墨酣舞。生平讀作者之文多矣。此篇不獨空前之作。只恐初寫蘭亭。此後亦是可一不再了。

此篇辯論四十餘段。每讀一段。輒覺其議論已圓滿精確。顛撲不破。萬無可以再駁之理。及看下一段。忽又覺得別有天地。看至段末。又是顛撲不破。萬難再駁了。段段皆是如此。便似游奇山水一般。所謂山窮水盡疑無路。柳暗花明又

一村。猶不足以喻其萬一也。非才大如海。安能有此筆力。然僅恃文才。亦斷不能得此。蓋由字字根於學理。據於時局。胸中萬千海嶽。磅礴鬱積。奔赴筆下。故也。文至此。觀止矣。雖有他篇。吾不敢請矣。

此篇論題。雖僅在革命論非革命論兩大端。但所徵引者。皆屬政治上生計上歷史上最新最確之學理。若潛心理會得透。又豈徒有益於政論而已。吾願愛國志士書萬本讀萬遍也。

第四回 旅順鳴琴名士合并 榆關題壁美人遠游

且說黃李兩君。自從那晚上駁論個通宵。到天亮方纔胡亂睡下。一覺直睡到九點多鐘。本待當日入京。黃君忽提議道。僭們北游一躺。也非常容易。何不趁此機會。到旅順口大連灣游歷一回。看看那地自歸了俄國之後。他的經營方略如何。李君道。兄弟正有此意。妙極妙極了。於是當日起行。由山海關折回牛莊營口。這是前日經行過的路徑。再由營口轉車。經過蓋城瓦房店等站。翌日便抵旅順口。原來從山海關

各國皆
以鐵路
略亡
中國豈
直俄羅
斯哉讀
此可發
人深省

到營口的鐵路。雖是借英國款項。卻仍算中國人辦理。所以路上還是中國景象。到那營口旅順鐵路。卻是俄國東方鐵路公司的主權。這公司雖說是中俄合辦。中國人卻那裏管得著一點兒事情。只見那路旁滿滿的圍著哥薩克兵。站內車內職役人等。自上至下。用的都是俄人。便像進了俄羅斯境內一樣。連那站頭所標的地方名兒。以及一切章程告示。都用俄國字。就是通行貨幣。也是俄國的。幸虧黃李兩君。在歐洲也曾學過幾句俄國應酬話。不然。真是一步不可行了。卻說兩君搭的是晚車。恰好三月廿八日禮拜六早晨七點鐘到旅順。便找一間西式客店住下。剛進門。把行李安放停妥。忽聽得隔壁客房。洋琴一響。便有一種蒼涼雄壯的聲音。送到耳邊來。兩人屏著氣。欻著耳。只聽得有人用著英國話在那裏唱歌。唱道。

.....
Such is the aspect of this shore;

'Tis Greece, but living Greece no more!

.....
.....
.....

Clime of the forgotten brave!

Whose land, from plain to mountain-cave,

Was Freedom's home or Glory's grave!

Shrine of the mighty! can it be,

That this is all remains of thee?

Approach, thou craven crouching slave!

Say, is not this Thermopylae?

These waters blue that round you lave,

O servile offspring of the free!—

Pronounce what sea, what shore is this?

The gulf, the rock of Salamis!

These scenes, their story not unknown,

Arise, and make again your own;

.....

.....

葱葱猗。鬱鬱猗。海岸之景物猗。

嗚嗚。此希臘之山河猗。嗚嗚。如錦如荼之希臘。今在何猗。

.....

.....

嗚嗚。此何地猗。下自原野上巖巒猗。皆古代自由空氣所瀰漫猗。皆榮譽之墓門猗。皆偉大人物之祭壇猗。噫。汝祖宗之光榮。竟僅留此區區在人間猗。

嗟嗟。弱質怯病之奴隸猗。嗟嗟。匍匐地下之奴隸猗。嗟來前猗。斯何地猗。寧非昔日之德摩比利猗。

嗟嗟。卿等自由苗裔之奴隸猗。不斷青山。環卿之旁。周遭其如睡猗。無情夜潮。與卿爲緣。寂寞其盈耳猗。

此山何山猗。此海何海猗。此岸何岸猗。此莎拉米士之灣猗。此莎拉米士之巖猗。

此佳景猗。此美談猗。卿等素其諳猗。

咄咄其興猗。咄咄其興猗。光復卿等之舊物。還諸卿卿猗。

唱到這裏。琴聲便自戛然止了。李君道。哥哥。你聽這不是唱的擺倫 Byron 那「渣阿亞」Gaiour 的詩篇麼。黃君道。正是。擺倫最愛自由主義。兼以文學的精神。和希臘好像有夙緣一般。後來因爲幫助希臘獨立。竟自從軍而死。真可稱文界裏頭一位大豪傑。他這詩歌。正是用來激厲希臘人而作。但我們今日聽來。倒像有幾分是

爲中國說法哩。說猶未了。只聽得隔壁琴聲。又悠悠揚揚的送將來。兩君便不接談。重新再聽。聽他唱道。

The isles of Greece, the isles of Greece!

Where burning Sappho loved and sung,

Where grew the arts of war and peace,—

Where Delos rose, and Phoebus sprung!

Eternal summer gilds them yet,

But all, except their sun, is set.

(沈醉東風)……咳。希臘啊。希臘啊……你本是平和時代的愛嬌。你本是戰爭時代的天驕。「撒芷波」歌聲高。女詩人熱情好。更有那「德羅士」「菲波士」兩神名榮光常照。此地是藝文舊壘。技術中潮。卽今在否。算除卻太陽光線。萬般沒了。

著者常
發心欲
將中國
曲本體
翻譯外
國文豪
詩集此
雖至難
之事然
若果有
此真可
稱文壇
革命鉅
觀吾意
他日必

有爲之者此兩折亦其大略推輪也

黃君道。這唱的還像是擺倫的詩呀。李君道。不錯。是那「端志安」Don Juan 第三齣第八十六章第一節呀。也是他借著別人口氣來警醒希臘人的。只聽得琴聲再奏。又唱道。

The mountains look on Marathon

And Marathon looks on the sea;

And, musing there an hour alone,

I dream'd that Greece might still be free;

For, standing on the Persian's grave,

I could not deem myself a slave.

(如夢憶桃源)瑪拉頓後啊山容縹渺。瑪拉頓前啊海門環繞。如此好河山。也應有自由回照。我向那波斯軍墓門憑眺。難道我爲奴爲隸。今生便了。不信我爲奴爲隸。今生便了。

著者案翻譯本屬至難之業翻譯詩歌尤屬難中之難本意以中國詞調釋外國意填贈選韻在在望礙萬不能盡如原意

刻畫無鹽唐突西子自知罪過不
小讀者但看西文原本方知其妙

似此好詩不把
他全譯出來實
是可惜吾不得
不怪作者之偷
懶

黃君道：好沈痛的曲子。李君道：這是第三節了。這一章共有十六節。我們索性聽他

唱下去。正在傾耳再聽。只聽得那邊琴聲纔響。忽然有人敲門。那唱歌的人說一聲

『Come in』。音道單扉響處。琴聲歌聲便都停止了。黃君道：這是甚麼人呢。別的詩

不唱。單唱這亡國之音。莫非是個有心人麼。李君道：這詩雖屬亡國之音。卻是雄壯

憤激。叫人讀來精神百倍。他底下遂說了許多甚麼「祖宗神聖之琴。到我們手裏

頭。怎便墮落」。甚麼「替希臘人汗流浹背替希臘國淚流滿面」。甚麼「前代之王。雖

屬專制君主。還是我國人。不像今日變做「多爾哥」蠻族的奴隸」。甚麼「好好的同

胞閨秀。他的乳汁。怎便養育出些奴隸來」。到末末一節。還說甚麼「奴隸的土地。不

是我們應該住的土地。奴隸的酒。不是我們應該飲的酒」。句句都像對著現在

中國人說一般。兄弟也常時愛誦他。黃君道：這唱歌的到底是甚麼人呢。說是中國

人。爲何有這種學問。卻又長住這裏。說是外國人。他胸中卻又有什麼不平的事。好

像要借這詩來發牢騷似的呢。兩人正在胡猜。只聽得鄰房的客已經走了。不到一會。那唱歌的主人。也關門出來。兩人正要看看他是什麼人物。因此相攜散步出門。張望張望。恰好那人轉過身來。正打一個照面。卻原來是二十來歲一個少年中國的美少年。穿著一件深藍洋縐的灰鼠袍。套上一件青緞對襟小風毛的馬褂。頭戴著一件藍絨結頂的小帽。兩人細細打諒他一番。那人也著實把黃李二位。瞅了幾眼。便昂昂踏步去了。兩人回房。正要議論議論。恰好聽著外間鈴聲走響。知是早餐時候到了。便到餐樓吃飯不表。

卻說旅順口本是中國第一天險。當中有黃金山大砲臺。足有三百多尺高。四周圍有雞冠山、饅頭山、老虎尾、威遠營、蠻子營、椅子山、各砲臺。有大船塢、小船塢、水雷營、製造廠等大所在。自從甲午一役以後。被日本占領。跟著俄羅斯用狡詐恫嚇手段。假託租借名目。歸入俄國版圖。現下俄人改做關東省。派一位總督駐劄。那關東總督管下。分做四區。第一是大連區。第二是貔子窩區。第三是金州區。第四便是旅順。

區。據光緒二十八年壬寅俄國所出西伯利亞工商業年報。稱關東省共有住民二十萬一千一百四十一人。內中俄國人三千二百八十六。歐洲各國人百九十四。日本高麗人六百二十八。其餘都是中國人和滿洲人了。滿洲人有六萬七千多。中國人卻有十九萬二千多。內中山東直隸人居了大半。各省不過寥寥小數罷了。當下黃李兩君吃過了飯。便出外到各處游覽。只見港內泊有俄國兵船二十來隻。砲臺船塢各工程。忙箇不了。市街上雖然不甚繁盛。卻有一種整齊嚴肅的氣象。兩君順步前行。見有一家商店招牌上寫著廣裕盛三個字。黃君道。這一定是廣東人的鋪子。僭們進去探望。一探望也好。原來此地南方人極少。這鋪子裏頭的人。好容易碰不著同鄉的遠客。當下這兩位進去。通過姓名。問明來歷。鋪裏頭的人自是歡歡喜喜的敬茶奉烟。不必多表。內中一位老頭兒問道。兩位到來。是爲著公事。還是爲著私事呢。李君道。都不是。我們不過游學歸國。順道兒來看看這裏中國人的情形罷。那老頭兒便嘆口氣說道。這個不消提起了。想老夫自從十八年前。因爲這裏築砲

臺修船塢。有許多大工程。工人來得很多。所以在這裏開個小小買賣。幸虧托福。還賺得幾個錢。便將家眷全份搬來居住。豈料自從和日本打敗仗以後。接二連三。迎新送舊。到了今日。却是在自己的地方。自己的屋裏頭。做了個孤魂無主的客人。那苛刻暴虐情形。真是說之不盡哩。這裏俄國政府。前年也曾想抽人頭稅。每人每月一盧布。著者案一盧布照中國現在銀價約值一兩後來聽說有一位官員說道。待東方人民。要從不知不覺裏頭收拾他。不可叫他驚動騷擾。這事便罷議了。雖然如此。別樣租稅。種種色色。還不知有幾多。地稅房捐。比從前都加一倍。不消說了。甚至一輛車子。一乘轎子。一隻三板。都要抽起來。這還罷了。就是養一隻狗。也要抽兩盧布。養一隻雞。也要抽半盧布。兩位想想這些日子。怎麼能彀過活呢。至於做生意的人。更越發難了。他近來新立一種叫做營業稅。分爲四等。一等的每年要納三百六十盧布。二等的百二十。三等的六十。四等的四十。此外還有種種名目。計之不了。黃君道。這算是正項的稅則。此外還有甚麼官場貪贓額外勒索的沒有呢。那老頭兒道。怎麼沒有呀。那俄

將瑣碎事情敘來，乃覺咄咄逼人。他日中國若被瓜分，到處便皆如此。此猶不自懼，不自謀其無人心矣。

羅斯官場的腐敗。正是和中國一個樣兒。在這裏做生意。若不是每年預備著一份大大的黑錢。還過得去嗎。就是賣一塊肉。賣一根柴。也要拿出一二成和那做官的對分哩。這還罷了。又常常有許多名目。叫人報效。記也記不了許多。我就講一件給你們聽聽罷。舊年八月裏頭。那大連灣的巡捕頭。忽然傳下一令。說道某月某日。皇家特派某將官來連查祭事務。叫家家戶戶都要掃除潔淨。還要每家獻納五盧布。至八盧布不等。若打掃得不乾淨。或過期不繳出這錢。都要罰銀五十盧布等話。自古道。在人矮簷下。怎敢不低頭。這些柔順良民。卻有甚麼法兒抵抗他呢。急得屎滾尿流。典衣服賣兒女的。將錢湊出繳去。卻是過了兩三個月。那裏看見甚麼將官的影兒。不過是巡捕的荷包兒癩了。要想個新法兒弄幾文罷了。這卻有甚麼人敢去和他算賬麼。這講的是官場哩。再講到那兵丁。更是和強盜一箇樣兒。還記得舊年十月裏頭。有山東人夫婦兩口子。因為有急事。夜裏頭冒雪從全州去旅順。路上碰著幾個哥薩克馬兵。說道他形跡可疑。一拿拿了去。到了兵房。那兵官便叫帶到自

己屋裏頭。把那婦人著實姦淫一番。把那男子帶的一百五十圓。也搶箇精光。卻攆他出去了。及到出來。又是十幾箇兵丁。截住輪姦。你想那婦人如何受得住。白白就被他幹死了。第二天那男人到衙門裏訴冤。有誰理他。卻是連呈子都不收。那男人氣極。也自尋短見死了。你說做著別國的人民。受氣不受氣呢。黃李兩君。聽到這裏。不覺怒形於色。李君直著脖子說道。這口鳥氣。幾時才能洩得。那老頭兒道。李大哥。你氣也是無用。若使你長住在這裏。天天聽著新聞。只怕你便有一百幾十個肚皮。還不穀氣破呢。黃君道。我看見報紙上說的。這裏的官。除了總督以外。只有四個區長。和那巡捕長。裁判長。稅務長。等幾個大官。是用俄羅斯人。底下許多小官。都是中國人做的。還有甚麼市議會。都是由中國商民公舉議員。難道眼見著這些委屈。都沒有個公道嗎。那老頭兒道。不用說了。不用說了。若使沒有這些助桀爲虐的無恥之徒。我們也可以清淨得好些。就只有這一羣獻殷勤拍馬屁的下作奴才。天天想著新花樣兒來遭踢自己。這才迫得這些良民。連地縫兒都鑽不出一個來躲避哩。

此種劣
根性不
打破終
無復見
望天日之

今舉國
人不樂
有其生
實在外
人管轄
之下受
苦也不
肯生息
於本國
政府之
下天下
豈有如
此而能

罷了罷了。中國人只認得權力兩個字。那裏還認得道理兩個字來。黃君道：你老人家在此經商多年。諒來資格也不淺。曾否在市會議員裏頭有個席位。何不聯絡幾箇公正人。去整頓整頓他呢。那老頭兒道：老漢近來因生意不前。固然沒有這種資格。兼之這裏議員的規矩。面子上雖說是由百姓公舉。其實都是拿些錢去俄國官場幹弄得來。老漢雖然沒有才學。這點羞惡之心。是有的。難道老不要臉。還要替外國人充一回真正奴才麼。黃君肅然道：原來是一位愛國的好漢。失敬失敬了。李君道：既然如此。你老人家何不搬回家鄉。何苦在這裏受這口無窮惡氣呢。那老頭兒聽說。便長吁一聲道：咳。客官。我何嘗想不到這樣呢。只是現在中國官場待百姓的方法。你說就會比這裏好些嗎。只怕甚幾倍的還有哩。這還不了。依著現在朝廷的局面。這內地十八省。早晚總不免要割給別國人。到那時候。不是和我們這裏一箇樣嗎。省隘老漢下一回地獄。已經穀受了。犯不著拿這條老命。再往第二層第三層活地獄裏跑了。罷了罷了。說著眼圈兒一紅。幾乎吊下幾點老淚來。黃李兩君不便再

立國者
耶內地
人紛紛
以香港
上海爲
樂土已
屬非常
之變乃
至比較
苦樂寧
舍內地
而取旅
順尙忍
言哉此
是加一
倍寫法

提。重復講幾句家常寒暄的話。便自告辭。那老頭兒還款留晚飯。兩人說客店裏有事。謙遜一番。別去了。著者案以上所記各近事皆從日本各報紙中搜來無一字杜撰讀者鑒之

兩人出門。不勝歎息。還到海口。著實調查了一回。方纔回到客寓。已是晚飯時候。兩人換過衣服。同到餐樓。認著自己的席位坐下。不一會。看見對面席上。也來著一位中國人。仔細一看。不是別人。正是早上在隔壁房裏唱歌的那美少年。彼此自是歡喜。不免在席上攀談起來。黃李兩君從口袋裏取出名刺。將籍貫職業履歷。略敘一番。那少年道。我今日偶然忘記了帶名片。見諒見諒。便接著說道。小弟姓陳。名猛。賤號仲滂。浙江衢州府人。從前也曾在湖北武備學堂肄業。卒業之後。上頭要留在那裏當教習。因爲看不過那官場腐敗情形。便自辭了。如今正在奔走江湖。想盡盡自己面分的國民責任。可惜沒有聯手的同志。沒有可乘的機會。竟自蹉跎荏苒。過了好幾年了。李君便道。今兒早上僭們在隔壁房裏。聽著閣下唱著擺倫的詩歌。那雄壯的聲浪裏頭。帶著一種感慨的氣魄。便猜著一定是個有心人。今晚得在這裏相

見。我們這一行。真算不孤負了。但不敢奉問。閣下到底爲著甚麼事。來這旅順口。在這裏還是久住。還是暫住。陳君猛便道。不瞞兩位說。兄弟自從離了湖北以後。心裏常想道。俄羅斯將來和中國是最有關係的。現在民間志士。都不懂得他的內情。將來和他交涉。如何使得。因此發箇心願。要學俄羅斯語言文字。游歷俄羅斯地方。去年四月。便到這裏。一則學話。二則看看割地以後的情形。以爲中國往後若是瓜分之禍。這便是箇小小的影兒了。所以想在這裏多住些日子。查個詳明。現在行踪未定。只怕還有一年幾箇月。耽閣哩。說完。又跟著問道。兩位從歐洲游學回來。爲何忽然來到這裏呢。黃君道。我們是從聖彼得堡搭西伯利亞鐵路回來。到了山海關。忽然想起。去國之後。不過幾年。我們的地圖。倒有好幾處換了顏色。不勝感慨。故此就近繞道。特來這裏瞧瞧。也不過和閣下一樣意思的。三人正談得入港。不知不覺已經吃完了晚飯。陳君道。早上在門口碰見兩位。看那颯爽的英姿。便覺肅然敬重起來。但見兩位穿著西裝。以爲是日本人。細看却又不像。正在納罕。偕們無意中遇

爲後來
製軍歌
改其音
樂伏脈

此語信
耶否耶

著。也是一段機緣。雖未深談。已是一見如故的了。晚上請到我房裏頭暢談半夕。彼此吐吐心事何如。黃李兩君道。妙極了。說著三人散席同去。黃李兩君回到自己屋裏。洗過臉。換過衣服。便過隔壁陳君住房。只見那房分做前後兩間。後便是臥房。前間當中擺著一張書案。書案對面掛著一張英文的俄國經營東方地圖。書案左側放著一張小小洋琴。右側安著一個玻璃洋木的書架。架內拉拉雜雜的放了好些書。二人在書案旁邊圍著坐下。黃君順手把案頭放著的一本舊書。拿來一瞧。卻是英國文豪彌兒敦的詩集。已經看得連紙張都霉爛了。黃君便問道。看來閣下一定是長文學很精音律的麼。陳君道。見笑見笑。不過從前學軍的時候。聽那外國軍歌。解得這音樂和民族精神。大有關係。心裏想去研究他一番。這彌兒敦和擺倫兩部詩集。是小弟最愛讀的。因爲彌兒敦贊助克林威爾。做英國革命的大事業。擺倫入意大利秘密黨。爲著希臘獨立。舍身幫他。這種人格。真是值得崇拜。不單以文學見長哩。黃李兩君聽說。越發敬重起來。心裏暗想道。這人的學問志氣精神。樣樣不

凡。確是將來一個人物。想來內地人才是有的。只是沒人去聯絡他。所以做不出甚麼事來。兩人正在那裏亂想。沈著臉。好一會沒有說話。只聽得陳君忽然問道。兩位從西伯利亞一路來。這奉天吉林各地方。是經過的。小弟正要有一件事奉問。不知可能見教麼。黃君道。請教甚麼事。陳君道。自從上前年拳匪之變。俄國借著代平內亂的名目。東三省到處派兵屯駐。近日經幾次交涉。俄人允將駐兵撤去。現在北京政府的人都說這件後患已經免了。但據各國報紙說的。俄國撤兵。還是和未撤一個樣兒。他的勢力。倒比從前更穩固些。這種情形。雖然猜也猜得著幾分。但小弟還沒有親歷其地。未知究竟如何。兩位是方纔從那裏來的。可能明白這個底細麼。黃君道。我們回來的時候。也曾沿路耽擱。考究考究。雖是爲日無多。不能十分精確。那外面是大略看得出來的。講到俄羅撤兵這件事嗎。那裏算得是撤。不過掩耳盜鈴。挪動一挪動罷了。從前喀希尼條約。巴布羅福條約。著者案喀希尼者前俄國駐劄北京公使巴布羅福者前俄國總理衙門與巴氏再訂條約各國報紙皆各以此二使之名其約年

訂明許俄國

派兵保護鐵路。卻是俄國鐵路。從哈爾濱經過吉林奉天遼陽直至營口。所有要害繁盛的都會。都是鐵路的勢力範圍。他說撤還不是和沒撤一樣嗎。你看他從牛莊撤去的兵。不過挪到遼河上流俄國租界裏頭。和東便達子巢地方。這兩處都只離牛莊一點鐘的路程。他那從奉天府撤去的兵。不過由城裏搬到城外租界。也只離城幾里路。現下正在那裏建造大兵房。可以容得六千多人的哩。他那從遼陽撤去的兵。又是挪到城外的鐵路租界。這租界裏頭。卻是新起成石壁大兵房兩座。還日日在那裏築砲臺。建兵丁病院。全是預備永遠駐劄的樣子呢。再有吉林省城的兵。說的是到四月八日。○著者案此西曆一九〇三年四月八日也就要撤去。其實不過挪到西便格安集地方。恐怕這話還是假的。爲甚麼呢。因爲俄國現在正要脅北京政府。要從格安集通一鐵路支線到吉林省城。這樣還何必要挪動呢。至於哈爾濱。算是俄羅斯的都會。索性連兵也不消撤了。這樣看來。那撤兵的話。豈不是狙公飼狙的手段。朝三暮四。來騙那北京政府一班糊塗蟲嗎。據我看來。東三省地面。現在早已經變成了俄羅

斯的印度了。閣下在這裏將近一年。專心調查這些事。諒來所聞一定越發的確。未知尊論何如哩。陳君道。可不是嗎。俄人的陰謀辣手。真是司馬昭之心。路人皆見。就是北京政府。也何嘗不知道。不過自己瞞自己。瞞得一天是一天罷了。俄國這幾年經營東方。他那蠻力。實在驚人得很。据千九百年三月十九日俄國官報說的。他在中國國境和黑龍江沿岸的陸軍。共有五萬九千三百六十人。在西伯利亞地方的。有一萬五千百六十人。在關東省著者案即旅順大連一帶的。有一萬三千四百二十人。此後還新編成兵隊一萬七千二百人。加上西伯利亞新軍團四萬六千人。哥薩克一萬七千五百人。共計十六萬九千人。保護鐵路的兵。還不在內。講到海軍呢。當中日開戰以前。俄國東洋艦隊。只有巡洋艦六隻。西伯利亞海軍團。只有砲艦四隻。到舊年統計。東洋艦隊。已有戰鬥艦五隻。巡洋艦八隻。砲艦三隻。驅逐艦五隻。西伯利亞軍團。亦有巡洋艦一隻。砲艦六隻。合計二十七隻。十一萬零七百四十九噸了。這旅順口便是他東洋艦隊的根據地。你看他不是日日操演。好像在前敵一般嗎。這還不了。

近來又添出個小艦隊。新造成二十五隻小船。專游戈圖們江烏蘇里江上下游。說

是防備海賊哩。著者案此乃最近事實據本月十四日路透電報所報我想目下北方一帶。那裏還算得中國

地方。不過各國現還持著均勢政策。又看見北京政府一羣老朽。件件都是千依百

順。正好拿他當個傀儡。其實瓜分的政畧。是早已經實行的了。就是這地圖不換顏

色。那主權失掉了。官吏人民都做了人家的孝順孫兒。這還和瓜分有甚麼分別呢。

你不信。只管細細的看那東三省三個將軍的行事。那一件不是甘心做中國的逆

臣。反替俄國盡忠義嗎。李君便問道。這些無恥的官吏。是不消說了。難道那人民便

都心悅誠服他不成。陳君道。誰肯心悅誠服。只是東方人。是被壓制慣了。從那裏忽

然生出些抵抗力來。況且俄國待此地的人。是用那戰勝國待俘虜的手段。一心要

給些下馬威。叫這些人知到他的利害。那橫暴無理的事情。講也講不了許多。我這

裏有一張昨日才寄到的新聞紙。內中一段。講到這個情形。請兩位看一看罷。說着。

從右邊書架底下那層。拿出一張西報來。兩人一看。見是美國桑佛郎士戈市的一

豈但是
東三省
將軍即
北京政
府和各
省大吏
那一箇
不是別
抱琵琶
靠外國
勢力做
衣飯碗

許多不平的事
中國報紙上頭
竟沒會說過一
件想是受了
氣並不覺得難
受了

「益三文拿」報。陳君翻着第三頁。指着一條題目。兩人看『是滿洲歸客談』。看他寫道。

美國議員波占布。因想查考俄羅斯待中國人的情形。改了中國服裝。到滿洲地方游歷。在那裏耽擱了半個多月。昨日回來。據他說的。哥薩克兵。到處糟蹋中國人。實在目不忍觀。中國人便吃飯也要躲在密室裏頭。倘若不然。只要碰着那哥薩克兵經過。他不餓便罷。餓起來。便闖進去。端着大碗大碟的吃個風捲殘雪。就是我因爲穿的是中國裝。也曾着過他一次。正端起飯來。吃不至兩口。就被他搶去了。再有中國人所開的鋪子。那哥薩克兵進去。看見心愛的東西。不管他價錢多少。只隨着自己意思給他幾文。便拿了去。甚至一文不給的時候都有哩。那鐵路礦山做工的工人。屢屢被兵丁將他的工錢搶奪精光。這種新聞。算是數見不鮮的了。有一次我從營口坐車到附近地方。路上碰見一個哥薩克。走來不管好歹。竟自叫我落車。想將這車奪了自己去坐。我不答應他。他便斗大一個拳頭揮

將過來。虧我懂得句把俄國話。說一聲我是美利堅人。方纔罷手。又有一次。無端端迫我脫下衣服。也是我講明來歷。方走開了。我在那裏不過二十天。已經遇着了。怎麼多橫暴無理的事。正不知住在那裏的中國人。怎樣過得這個日子哩。者著

案此段據明治卅六年一月十九日東京日本新聞所譯原本並無一字增減

黃李兩君看畢。隨說道。這樣看來。豈不是滿洲別的地方。那中國人受的氣。比這旅順一帶還甚些麼。陳君道。甚得多哩。我看俄人的意思。是要迫到東三省的人民。忍也忍不住。捱也捱不起。跳起來和他作對。他便好借着平亂的名兒。越發調些兵來駐劄。平得幾躺亂。索性就連中國所設的木偶官兒都不要了。黃君道。俄人這些舉動。雖是令人髮指。卻還似老虎吃人一樣。人人都會恨他。都會防他。更有在南方占定勢力範圍的幾個國兒。專用那狐狸精手段。先把你的精血吃盡。才慢慢的取你性命。到臨死的時候。還說他是我的情人呢。李君道。狐狸精固然可惡。老虎亦是可怕。陳大哥你久在這裏。熟悉情形。也曾想得出個甚麼法兒。將來對付他的麼。陳君

內地人
聽見英
日聯盟
保全中
國便自
歡喜感
激他請
聽此言

此論爲
數十回
以後中
俄開戰
伏脈所
謂千年
精衛心
填海三
日於冤
氣食牛
我國民
不可妄
自菲薄

全回都
是說齣
黯沈沈
的景象
讀至此
令人神

道。現在中國是恁般一班人當着政府。這卻有甚麼好講。若還換過了一番局面。一國國民認真打疊起精神來。據我看俄羅斯是沒有什麼可怕的。李君道。這是甚麼緣故呢。陳君道。天下最可怕的。莫過於國民膨脹的勢力。現在英國德國美國日本。都是被這種勢力驅逼着。拿中國做個尾閘。獨有俄羅斯呢。這種勢力。雖不能說他沒有。但大半卻是從君主貴族侵略的野心生出來。所以我覺得這各國裏頭。俄羅斯是最容易抵抗的。去年曾看見日本人著了一部書。叫做俄羅斯亡國論。說俄羅斯也是一個老大帝國。不久便要滅亡。雖然立論有些偏處。卻也都還中肯哩。他現在日日侵略外頭。也不過爲着內亂如麻。借此來鎮壓人心罷了。其實俄羅斯的國力。那裏能殼在今日生計競爭界中占一個優勝的位置。他現在雖然也跟著人講。那振興工商的政策。但專制政體不除。任憑你君相恁地苦心經營。民力是斷不能發達的。生當今日。那民力不發達的國家。能殼稱雄嗎。我想中國將來永遠沒有維新日子便罷。若還有這日子。少不免要和俄羅斯決裂一回。到那時候。俄國虛無黨。

氣一旺

也應得志。地球上專制政體。也應絕跡了。兩君以爲何如麼。黃李二人點頭道是。再拿表一看。見長短針已交十一點鐘。二人告辭歸寢。陳君道。兩位打算在這裏還有幾天耽閣。黃君道。也不過兩三天罷了。陳君道。明日恰好是禮拜日。兄弟也沒有甚麼事情。就奉陪兩位到大連灣金州一游何如。李君道。妙極了。明兒再見罷。於是分手歸房。一宿無話。

明日六點鐘。大家起來。同到餐房吃過早飯。三人相攜着去游大連灣金州貔子窩等處。一連游了兩日。陳君還說了許多俄國內情。和他在關東省各種方畧。黃李兩君也說了許多歐美諸國的文明精神。自此三人如膠似漆。成了真正同志。不在話下。過了三日。黃李兩君告辭回京。陳君道。兩位何不索性到威海衛膠州一游。由海道回南。豈不是好。黃君道。僭們行李還在山海關。只得再走一躺。陳君不便挽留。說一聲珍重。別去了。

且說黃李二人從旅順搭早車。晚上八點多鐘纔到山海關。仍在前日的客店前日

的房裏住下。胡亂吃了晚飯。不免有些疲倦。倒頭便睡了。次早起來。梳洗已畢。正在收拾行李。打算起程。猛擡頭望見前日醉中題壁的那一首詞底下。接着滿滿的寫了一幅字。上前仔細看時。卻是一首和韻。兩人一面看一面念道。

血雨腥風裏。更誰信太平歌舞。今番如此。國破家亡。渾閑事。拚着夢中沈醉。那曉得我儂憔悴。無限夕陽無限好。望中原。賸有黃昏地。淚未盡。心難死。

人權未必釵裙異。只怪那女龍已醒。雄獅猶睡。相約魯陽迴落日。責任豈惟男子。卻添我此行心事。盾鼻墨痕人不見。向天涯。空讀行行淚。驪歌續。壯心記。

讀完。黃君道。這好像女孩兒們口氣。李君道。看這筆跡。那雄渾裏頭。帶一種娟秀之氣。一定是閨秀無疑了。往下看時。只見還有跋語兩行。寫道。

東歐游學。道出榆關。壁上新題。墨痕猶濕。衆生沈醉。尙有斯人。循誦再三。爲國民慶。兼葭秋水。相失交臂。我勞如何。棖觸迴腸。率續貂尾。癸卯四月。端雲并記。

李君道。奇了。這人莫不是也要搭西伯利亞鐵路去游學。和我們恰做個東勞西燕。

麼。只是他游學。爲甚麼不去西歐。卻去東歐。不從香港去。倒從這邊去呢。當下兩人猜擬了好一會。畢竟著摸不出。只得將他的詞抄下來。記入『乘風紀行』裏頭。便當日搭火車。經由天津入北京。不表。

總批

今日之中國。凡百有形無形之事物。皆不可以不革命。若詩界革命。文界革命。皆時流所日日昌言者也。而今之號稱爲革命詩者。或徒撫拾新學界之一二名詞。苟以駭俗子耳目而已。是無異言維新者。以購兵船練洋操開鐵路等事。爲文明之極軌也。所謂有其形質無其精神也。著者不以詩名。顧常好言詩界革命。謂必取泰西文豪之意境之風格。鎔鑄之以入我詩。然後可爲此道開一新天地。謂取索士比亞彌兒頓擺倫諸傑構。以曲本體裁譯之。非難也。吁。此願偉矣。本回原擬將『端志安』十六折全行譯出。嗣以太難。迫於時日。且亦嫌其冗腫。故僅譯三折。遂中止。印刷時。復將第二折刪去。僅存兩折而已。然其慘澹

經營之心力。亦可見矣。譯成後。頗不自慊。以爲不能盡如原意也。顧吾以爲譯文家言者。宜勿徒求諸字句之間。惟以不失其精神爲第一義。不然。則詰屈爲病。無復成其爲文矣。聞六朝唐諸古哲之譯佛經。往往並其篇章而前後顛倒。參伍錯綜之。善譯者固當如是也。質諸著者及中西之文學家。以爲何如。瓜分之慘酷。言之者多。而真憂之者少。人情蔽於所不見。燕雀處堂。自以爲樂也。此篇述旅順苦況。借作影子。爲國民當頭一棒。是煞有關係之文。其事跡雖不能備。然搜羅之力頗劬。讀者當能鑒之。

世界末日記

壬寅

地球之有生物。凡二千二百萬年。其間分六期。太初期一千萬年。生物原始期六百萬年。生物發生期二百三十萬年。高等生物發生期五十萬年。原人期三十萬年。人智開發期二百萬年。自茲以往。地球日以老。太陽日以冷。而一切有情。遂皆滅盡。太初時期。地球皆洋海也。洋底凸處。厥生島嶼。島嶼連積。寔成大陸。水質鬱蒸。騰爲空氣。太陽熱力。最初極盛。以次遞減。溫熱之度。愈嬾愈低。原人期間。地球面積四分之三。尙以水蔽。溫度猶甚。不適民宅。年復一年。紀復一紀。雨水之一部分。深漬入地。不還大洋。雨量日減。洋面日窪。空氣愈減。溫度愈降。而冰雪界之範圍。日以擴大。前此惟在高山及南北兩極地者。寔假遂侵入溫帶矣。太陽者。地上一切光熱之原力也。太陽本體。既日冷卻。其發光力漸失。前此如電如燄之青白色烈光。漸變爲金色。漸變爲黃色。爲赤色。其發光之變化。由日面斑點之增加。噴火之減少來也。坐此之故。地上溫熱。日低一日。地形隨之而變。陸日多而海日少。寒帶之氣候。移於溫帶。溫

帶之氣候。移於熱帶。遂使兩極與赤道。日相接近。人畜之所得居者。惟在赤道下溫暖之谿谷。其餘諸地。皆成雪積冰天矣。

歷數十世紀以後。人智愈進。人道愈完。形體上之勞作。既已盡絕。電氣機器之用。普遍全球。一切物類。可隨意用。人力以生產之。人種合一。萬國大同。雖於一羣之中。尙有優者劣者。治人者治於人者之分。不能如古代詩家所夢想之完全平等。然殘酷慘苦之事。殆絕跡矣。於是西曆紀元後二百二十萬年頃。人類文明最後之中心點。移於赤道下亞非利加中央之桑達文市。前此羅馬、巴黎、倫敦、維也納、紐約、諸名都巨府。既於數十萬年前。埋沒於冰下。

桑達文之共和府。今也奢侈華麗。文明達於極度。上古時巴比倫羅馬巴黎諸地幼稚的快樂。視之殆瞠乎其後。其進步之結果。其科學工藝勞作之應用。使人生之快樂幸福。達於絕頂。敏靈之電氣。濃郁之薌澤。微妙之音樂。常使人之五官。受劇烈之刺激。華燈璀璨。雖夜若晝。人之神經。與之相逐。無寸晷之休息。於是男女平均僅及

二十五歲卽消耗其能力以死人人見地球寒氣之日烈一日也知彼久沍而永不解之嚴冬將近也。愈恣意於目前一日之樂。相競於生計之華美。極耳目之欲。舉世之婦人。無欲爲人母者。上等社會之女子。講求種種方法以避妊娠。其爲世界盡爲母之義務者。惟下等社會中之少數者而已。而當時受寒氣之襲擊最劇且烈者。惟下等社會爲尤甚。馴至一切婦女。皆覺妊娠生產之無所利。相率避之。卒乃桑達文政府以公議發布一法律曰。有能爲我地球產出最後之人民者。則以共和國全體之財產贈與之以爲報酬。雖然。終無應者。噫！世界終末之期。早已至矣。地上已無復新生繼出之人類。然人人尙望幸福之在。於來日。怨恨不和悲嘆爭論誹謗絕望之聲。絡繹不絕。人類生活之價值已失。最後經醫學會會員悉心評議。講救治之法。曾無寸毫效。此有限之人民。發癲狂病者。日多一日。醫學會員政治家等。互相討論。爭議激烈之極。至以刀劍相血鬪。而生理上政治上之救濟。竟不可得見。

時則有共和府最後之住人。名阿美加者。原注阿美加者最後之義也。大集公衆。攘臂而責其瞋

癡。且建一議曰。請以政府之費。造電氣飛船。乘之以探求赤道溫暖之地。率國民而

移住焉。卒乃共贊此議。遂造飛船。命健壯之男子乘之。騰空以試遠征。

噫。一登高一望。極目千里。全地早已隱蔽於冰雪之下。到處荒原殘壟。淒涼寂寞。如睡如泣。霜雪漫空。海陸一色。時見孤峯寂然立於冰洋之上。偶藉羅盤經緯線之力。想像零落舊都之遺跡。地上萬物。既無一之可辨識。其接於眼簾者。惟有「冰」與「無」之兩物而已。每夕目送太陽之赤盤作死色。以沈於皚皚白原之西端。如是者以爲常。

飛行數日。船員之死於餓死於凍者。既已過半。日者船中一人下瞰。見有一河。尙未冰結。細察其旁。似有零落大都之遺址。試下降焉。不料河邊竟有一羣之人。船員皆如夢如覺。喜躍無量。地上之羣。亦以非常喜色迎之。蓋此羣亦人類最後之一羣。而方在絕望之極點者也。羣中一老人。身穿鹿皮。相貌奇古。爲一羣之長。今見新客之

從天降也。羣集左右。燔柴枝炙魚肉以相歡待。於是新來者逐一談其來歷且問曰：以地形方位測算之。此地得非南亞美利加洲之亞瑪遜河口乎？

按亞瑪遜大河在今巴西國世界五

一大河之一也

老人曰：然。聞諸上古之口碑。此亞瑪遜河之水。其大如海。今也全不然。昔者巴西、亞爾然丁、哥倫比亞諸國之盛於南美也。北美洲分爲聯邦。紐以合衆國政府。其在歐洲。有法蘭西、英吉利、俄羅斯諸國。互握霸權。爭相雄長。其時之大西洋。非常廣闊。自紐約至哈布黎。自檳南浦至達卡兒。彌望皆海水也。今之西印度大陸。意注當時不過區區數島嶼而已。大洋之水。比諸今日。既多且深。降雨頻繁。河水不涸。如此地者。永世以來。不見冰雪。草木暢茂。花鳥四時。曾幾何時。迄於今日。此等景物。隨地球之形質而全變異。大地之自轉本軸。日以遲緩。晝長月遠。太陽全冷。疇昔大洋之水。蒸發入空。爲雲爲雨爲泉爲川者。今皆乾注於地殼內。空氣乾燥。溫熱減少。人畜之住處。漸次減縮。今惟餘赤道一帶之地。少保殘喘。卽橫貫於吾儕亞美利加與君等之亞

非利加同一緯線之片地而已。

彼歐洲者。由北極而西伯利亞。而拉布蘭。而亞爾布士。而高加索。而比利尼士。先後次第埋沒於冰塊之下。當前此紀元十九世紀二十世紀之頃。彼中號爲文明之極軌者。曾不數百年。遂以滅亡而一無所存。彼歐洲諸國。因其人羣組織之方法離奇妖怪。卒自澌滅於其本身之血海之裏。當時之宗教家。政治家。經濟家。侈然以爲永久宏大之榮華幸福。集於彼等。囂然以天之驕子自命。豈意曾不旋踵。遭支那人復仇之襲擊。遂狼狽散亂。而無一足以自保也。

壯哉我支那人譯至此不禁浮一大白但不知我國民果能應此豫言否耳

据近世史所記載。昔嘗有探險遠征者。入冰中以探古代巴黎倫敦柏林維也納聖彼得堡之舊跡。所至往往見其所用種種兵器。竊計當時之人類。實與禽獸相去不遠。蓋爲一種野蠻之族類。無可疑也。

歐人盡

彼其野蠻情狀。徵諸今日圖書館所存古書。亦可見其一斑。彼時有犯罪者。以刀劍毒藥種種殘忍之方法以殺之。而號稱文明中心點之大都會。往往有大革命之起。填屍如陵。流血成河。或懸人於壁而銃殺

之。有所謂斷頭機者。殺人如草。不聞聲云。此等風俗。實今日吾人所不可思議者也。近世史家。指吾輩之此等遠祖。謂未可加以人類之名。誠哉其然也。馬蓋 歐人

使於彼時代。而世界之末日忽至。遽爾陸沈。則其所損失者亦自有限。顧乃不於彼時而於今日。今也星移物換。至於我輩所值之時代。使我等不得不死。不得不亡。我等之死亡。實由於沍寒耳。大地之物產既絕。無五穀無家畜者已數百年矣。食物之存者。惟一魚類而已。我等之中無一婦人。我今日早已無可新產之兒孫矣。

新來者聞此最後之一言。如電氣然。刺激於胸腦。飛船船長驚曰。噫呀！你們裏頭。亦是沒有一個女人嗎？老人曰。然。無婦人久矣。船長曰。嘻。我等故土無一婦人。我等實求配偶求傳種。故遠航以至於此。老人曰。噫！君等亦無女性者存乎。主客相顧。默然有間。

却說非美兩洲此等事件初起以前。於亞細亞洲之錫蘭島。實爲亞細亞人種最後逃避之所。其時之錫蘭島。因海水已涸。直與亞細亞之南端相緊接。蓋此地以近赤

道故。嘗爲此方之樂園者也。今也於亞端士山麓有最後之人類婦人十二名者存。此地男性之人類早已消滅。先是此地女權極盛。一切政治事業。皆全歸於巾幗社會。其結果也。少女之數。遂遠加男兒之上。自數世紀以前。凡代議士。法律家。醫家。種種高尚之職業。皆以健強之女子。代柔弱之男子。語趣寢假而商業。技藝。文學等。人羣中所有事業。皆壟斷於女子之手。男子之教育。日以荒落。馴至求一適當之園丁。農夫。亦不可得見。其婦人亦不必直接勞作。惟以精巧之機器。成就各種事物。及地力既盡。生物之繁殖。日以滅殺。人類之孳乳。亦自不得不差縮。自此以往。不復有如前日之成一家族有多數之兒孫者矣。間有妊娠。而女子之數。常多於男子。卽幸得一二男子。亦大率殤夭不育。蓋遺傳淘汰天演之作用使然也。此等傾向。日甚一日。及至世界之末日將近。而亞細亞洲僅餘三家族耳。不幸其中男子二人。亦早夭逝。至是而代表亞細亞曠劫以來過去未來之人種者。惟此十二婦人。

此十二婦人中。其最少者。名曰愛巴。生三歲而其父死。其父卽人類最後之父。而與

其母結婚未久。卽罹心臟病以死者也。丁斯時也。因人口業務之減少。而萬物所附屬之利益價值。亦隨之而減少。疇昔廣大繁華之錫蘭大都會。次第爲植物所進擊。而日以埋沒。街衢第宅。鞠爲廢丘。雜草荆榛。高可隱屋。人治退去。天行猖狂。凡寒帶地之植物禽獸。皆圍集於大都之旁。都中所餘之建築物。惟一公家圖書館而已。館中所有一切文學書。久已荒廢。其可覽者。惟有考究世界末日大問題之科學書籍。與過去之歷史。此生存之一羣。雖尙日望永遠之幸福。而其大凶日早已相逼而不可復避。

人力既已衰頹。於是萬能力之機器作用。亦隨之而消滅。電氣之動力。已廢不用。其間有游歷者。只爲避冰雪之襲擊。逃而至他耳。當數世紀以前。全地球之人民。無論住於何地。雖隔千萬里。得對話如比鄰。全地合爲一國民。同用一種言語。雖然。今也隔絕寂寞。忽復於太古混沌之舊世界。三羣之遺民。互相睽隔。彼此不復知消息。而前此錫蘭雄壯活潑之婦女。今也統治之精神。好奇之感情。一切消滅。乃至快樂愛

情之希望亦已墮絕。雖餘彼等最無聊最不幸之一羣姊妹。結成一離鸞寡鵠之淒涼家族。同著尼服。度此殘年。此實愛巴三歲時之情狀也。

雖然厄運既日迫。瞬息不可留。此一羣中以非常之速率而日減削。經十五年。已蝕亡其過半。當阿非利加桑達文飛船飛降南美之際。錫蘭之一羣。僅餘五人。而其最少年者方十八歲。

於時彼飛船隊聞老人之言。已知亞美利加無一婦人。亞非利加亦復如是。歐洲既久葬於冰雪裏。亞細亞亦已於一世紀以前。不通聞問。想其命運亦與歐洲等。然則除遄返故土之外。更無希望。乃於翌日辭美洲之兄弟而行。

當飛船之啓行也。美州之一羣。頗有欲與之偕。以移住於桑達文者。然以老者不堪懷土之情。欲埋骨於故山也。又以非洲亦無復婦女也。故遂止。而船中人乃獨就歸途。此次復繞地球之他面以行。經過美國之故墟。但見零落舊都。隱沒於點點白烟之中。其淒涼有更過於來時路者。

掠疇昔泱泱之太平洋今日莽莽之白平原而過。若者爲暹羅。若者爲新嘉坡。若者爲麻六甲。其地面久已爲層冰深雪所蔽。正近錫蘭。雪色稍薄。停船一眺。異哉。一零落大都之下。蠢蠢然若有人跡。是正地球上最後婦人栖止之鄉也。

船員驚喜下降。諸男子等告以此次遠征之目的及其所經歷。彼一羣之女子。於絕望之餘。獲此奇遇。朱顏頓開。心目俱豁。相會不及半日。而此憔悴五尼女。忽變爲媚秀之五美人。諸男子乃說諸女子以同赴桑達文之利益。彼等雖尙戀戀故土。然默忖此地物力既盡。不可終日。如彼桑達文。或尙有數年安居之希望。遂悉表同情。願與偕行。就中男子之阿美加。與女子之愛巴。二人者一度相見。愛情纏綿。恍如曠劫以來。久別復合。於是淹留半月。男女相握以向桑達文。彼等探險隊得此美滿之發明。其愉快何如哉。

不圖山河未改。風景全殊。彼等既返故土。而桑達文已迥非瀕行時之情狀。曾無一人倚門以望埽徑以迎。頰首一望。前此常時集會之公館。已成蕪廢。賸有纍纍墳墓。

突兀眼前。彼等出此空船。先入公館。但見其親族朋友。死體狼藉。或正瀕於死。餘喘呻吟。蓋自彼等遠遊以來。居民之數。已僅餘三十。加以怒風頻號。酸雪屢襲。一切廬室。破壞無餘。今惟恃此堅牢之一公館。相率羣居。爲最後逃避之所。雖然。復有一種傳染病起。次第勦滅衆生。今早成一不堪入目之餓鬼地獄。此遠游之歸客。惟以吻沫相濡煦。舍此更無他圖。

既而寒氣日加。烈風不斷。太陽之微弱光線。不復能透過濃霧。以照此世界。惟於室內燃火。緊閉窗戶。少保存溫度於萬一。羣中之最勇敢者。至此早已絕望。惟日日屈指以數生存者之數。計數禮拜內。由十五人而餘十人。由十人而餘五人。其遺存於最後者。僅有阿美加及愛巴之兩男女。與數千萬年前之亞當夏娃相對峙。

彼二人者。生息於慘苦之下既久。忽然一日。大風頓息。太陽復從雲間瑟縮而出。於是二人更鼓勇氣。思一見世界最後之現象。乃復駕飛船冉冉上騰。俯瞰桑達文全都。早入雪中。不復可辨。彼等見北方一帶之地。冰雪稍薄。乃向以進行。

撒哈拉沙漠以南。亞非利加之大曠原。雨雪雲霧。皆不如他地之甚。蓋由其地質爲地球中寒氣最低度使然也。自此土以達於亞刺伯。努比亞。本爲熱帶風經行之路。故埃及之一部分。得免嚴冰暴雪之襲擊。二人循此以行。止於層冰峨峨之尼羅河上。騁目一望。但見布拉密之大金字塔。莊嚴如故。偉大如故。屹然立於千里一白之間。

於戲。此人類第一之華表。而太初文明之紀念碑也。彼其幾何學的碩大之建築。與天地相終始。彼以其翛然物外之冷眼。覷盡此世界無量家無量族無量部落無量邦國無量聖賢無量豪傑無量鄙夫無量癡人無量政治無量學術無量文章無量技藝乃至無量歡喜無量愛戀無量恐怖無量慘酷無量悲愁。一切人類所經營所構造。其得遺存於世界之終末者。惟此一物。惟此一物。於是乎世界最後之人。與最初之王者。卒乃同求安身立命之地於此一坏土之下。於戲。不亦奇哉。不亦奇哉。未幾暴風再起。大雪頻注。愛巴曰。『我等終不可不死。今行何之乎。願請少留。妾惟

願憑郎君之腕。以死於平和。」二人乃求金字塔中一洞穴。占一坐於其內。相與憑眺一望無垠之冰雪原。

此絕世之少女。爲寒氣所襲。以輕顛之皓腕。與所愛者相偎抱。此絕世之美少年。亦微抱所愛者之酥胸。香腮厮搵。萬種溫存。雖然風益暴。凍益甚。雪打金塔。砉砉有聲。少年曰。『愛卿啊。我等實世界最後之人也。君看此世界中。國土何在。政治何在。學術何在。技藝何在。榮華何在。威力何在。今日全地球只贏得雪中一大荒塚而已。』少女曰。『然。吾觀歷史上無量數之美人。顛倒幾多英雄豪傑。纏綿歌泣於彼數十年寒暑。雖然。愛根終當斷絕。愛根終不得不斷絕。妾愛君也。而今既不得不死。君愛妾也。而今既不得不死。』少年曰。『雖然。我輩有不死者存。』少女曰。『然。我輩有不死者存。一切衆生。皆有不死者存。妾今已不寒。請與君一散步。』何圖方欲起立。此少女之足。已爲寒氣所迫。失其感覺力。向後忽倒。乃曰。『妾今欲眠。』乃以纖手倚少年之肩。吻與吻一相接。彼少年握其所愛者之手。置諸膝上。曰。『吾愛卿。吾護卿眠。』於

時放最後之眼界。一瞥太空。萬有之形。一切既死。萬有之相。一切既死。萬有之色。一切既死。萬有之聲。一切既死。惟餘雪風颯颯。薄擊劫劫塵塵不滅之金字塔。地球上獨一無二之形相聲色。於是乎在。

俄而有一種異音。聳然來前。嘻。此何聲歟。其金字塔中更有人歟。其鳥歟。其寒帶之熊歟。何圖一匹之犬。來於彼兩相愛者之側。一跳一躍。發大慈悲大歡喜之聲。以震盪此最後世界。噫。此阿美加所畜之愛犬也。以何因緣。而得來此。吾不能知焉。但見夫跳擲數匝。以舌舐兩人之面與其手。以身翼覆彼等。而彼等已寂然無聲。自茲以往。漫天之大雪。益降積於地球之全面。

而地球尙自轉本軸。向無垠之空中。孳孳汲汲飛行無已時。

太陽依然也。然其如死之赤光。歷永年後卒全消滅。杳然一黑暗的天墓。長在深夜之裏。繞此龐然一大黑丸以運行。羣星歷歷。尙依然燦爛於無限之空中。

無限之空中。依然含有無量數之太陽。無量數之地球。其地球中。有有生物者。有無生物者。

其有生物之諸世界。以全智全能者之慧眼。微笑以瞥見之「愛」之花尙開。

譯者曰。此法國著名文家兼天文學者佛林瑪利安君所著之地球末日記也。以科學上最精確之學理。與哲學上最高尙之思想。組織以成此文。實近世一大奇著也。問者曰。吾子初爲小說報。不務鼓盪國民之功名心進取心。而顧取此天地間第一悲慘殺風景之文。著諸第一號。何也。應之曰。不然。我佛從菩提樹下起。爲大菩薩說華嚴。一切聲聞凡夫。如聾如啞。謂佛入定何以故。緣未熟故。吾之譯此文。以語菩薩。非以語凡夫。語聲聞也。諦聽諦聽。善男子。善女人。一切皆死。而獨有不死者存。一切皆死。而卿等貪著愛戀瞋怒猜忌爭奪。胡爲者。獨有不死者存。而卿等畏懼恐怖。胡爲者。證得此義。請讀小說報。而不然者。拉雜之。摧燒之。

俄皇宮中之人鬼

此篇乃法國前駐俄公使某君所著也。俄前皇亞歷山大第三。以光緒二十年十月。崩於格里迷亞之離宮。旋以莊嚴之儀式。歸葬於聖彼得堡。其誰不知。此文不過著者之寓言耳。雖然。其描寫俄廷隱情。外有無限之威權。內受無量之束縛。殆有歷歷不可掩者。專制君主之苦况。萬方同概。豈惟俄皇。譯此以爲與俄同病者。弔云爾。

譯者識

余不幸以小說家聞。今將執筆述一親見之怪事。此其事苟稍識俄國內情者。眼光應能照及。猶恐讀者以出余手筆。且以事實類於不經。或疑爲子虛賦烏有先生傳。則大失余意矣。故今先與讀者約。必毋以讀小說之意讀茲篇。

歐洲人以外交家自許者甚衆。而無一人能知俄羅斯。非不知俄羅斯。不知俄羅斯之政府也。以彼行事主祕密。其中有萬種不可思議之隱情。故彼當局者。藉假面以與天下相見。猶俳優登場然。余奉使駐彼得堡時。彼亦僅授余以一尋常看官之位。

置而不意余之竟能入其內幕而察其真相也。

自皮相者觀之。俄國以專制聞天下。君權無限。生殺與奪。一在其手。天下最快心得意。占地球上縱欲家第一等地位者。孰有過於俄皇哉。雖然。六十年前。康士但丁公。以太子之身。棄位而逃。以讓其弟尼哥拉第一。此世人所共聞也。聞焉者駭焉。以爲公何高尚乃爾。敝屣富貴乃爾。而烏知夫好逸惡勞。趨安避危。亦猶夫人之恆情。彼其於利害得失間。審之極熟。不欲耽虛名而受實禍。以爲高也。

有俄國者。非俄皇也。俄皇爲獵犬。而別有驅而噬之者。俄皇爲傀儡。而別有持而舞之者。噬之舞之者誰。彼其遺族官吏之中。自有一種不可思議之祕密黨。盤踞全俄。無上之勢力。逆者死。觸者壞。從俄皇屢代遇刺。萬乘之尊。如豕在牢。不知者以爲全屬虛無黨使然。而豈知其斃於親臣大臣之手者。尤夥且毒。而彼日日崇皇拜皇。言皇權神聖不可侵犯者。乃正爲皇獄吏爲皇劊手也。

歲甲午。西曆十月。俄前皇亞曆山大第三以病不起聞。各國報館。皆舐筆爭紀其事。

既而新君登極。移住冬宮。天下想望新政。其國之新黨。咸謂今皇居儲貳時。已不喜專制政策。行將取自由主義以饜民望。則最劇最烈可畏可怖之虛無黨。亦以政局未定。沈幾以觀其變。故今皇初卽位時。俄國政界。稱最靜謐。雖然。俄廷者。奇聞怪象之淵藪也。政海波瀾。靡時或息。無端有一種無可思議之怪說起。其說維何。則冬宮有鬼也。其鬼維誰。則先帝亞歷山大第三也。

俄國警察手段之密之捷之酷。甲天下。稍觸政府之忌。則將以雪窖冰天之西伯利亞爲葬身地。國中人蓋兢兢焉。此謠言之起也。索隱家雖屬於目。而莫知其說所自來。更閱數日。則已噤口莫敢復道。其知之而言之者。不過上流社會之若干人耳。俄國報館既相戒勿敢言。外國訪事更安從耳之。故歐洲各國。殆無一人能知其事者。而獨奈何有余一人在。

讀者勿謂余好奇也。余竊念此事。或有關於法國之利害。故必欲窮其真相。然後卽安。幸也。天假之緣。余彼時正存俄京聖彼得堡也。余駐俄公使任既滿。何以仍在俄。則

以代表法國賀俄皇加冕。公事既畢。爲舊交所繫維。未能遽行故。

余充公使時。有一知己。爲尼士智伋公爵夫人。其子名波里斯。爲皇帝近侍。現正服職冬宮。冬宮有鬼之說既出。其翌日。公爵夫人招余飲。談及宮中今夕開大跳舞會事。忽見波里斯盛服。匆匆自外來。比入門。遽高聲曰。母親。願聞昨晚之事乎。夫人叱曰。有客在。胡得無狀。波里斯紅漲於面。急向余爲禮。余識波里斯時。彼正在提抱。視余猶父。今已翩翩一美少年矣。余以其有事稟母。辭欲行。母子強留。波里斯爲余述所見。可知一時震動上流社會之風說。正波里斯揚其波也。

我輩嘗讀俄國史者。必能知俄皇所住冬宮。爲世界上著名壯麗之宮殿。無俟余喋喋。以其太大也。故餘於用。常有空房。以患虛無黨也。故不居之室。亦置守兵。皇眷所居。則選近衛兵之秀者衛之。皇帝所居。則以貴族少年任侍衛。波里斯卽其中之一人也。

俄皇所居室。共有八間。繞以游廊。東通別殿。西盡處有一門。封鎖謹嚴。其前面少有

餘地。可窺後苑。自此而進。只有空房數間。相傳數十年來無居者。此處原可不設守兵。但以防俠客故。仍派侍衛一人看守焉。波里斯前夜所值宿。卽其地也。

疏星明滅。樹蔭婆娑。夜靜無人。獨立沈鬱幽陰之境。卽勇夫亦覺無聊焉。雖輪值僅三小時。瓜代後卽可安息。而衛士猶常不樂奉此職。幸也。新君卽位之翌日。卽命廢此處。下半夜之直。於是直宿者皆頌新皇功德不置。

波里斯是晚自九點鐘。承乏照例。空空廊下。其在職時間。以十二點鐘爲止。一到期限。卽復自由。無論何時歸家。均聽其便。波里斯頻視其表。心中境界。一起一滅。不知經過萬千變化。真有捱一刻似一夏之想。焦灼彳亍。徘徊翔步。數盡更籌。直至十一點半之頃。倚窗一望。但見月色分光。夜涼似水。風來葉落。月上陰移。愁慘岑寂之氣。豎人毛髮。波里斯視線。爲月光所引。東張西望。猛覺園中現出一物。閃爍於其眼簾之所向。嗚呼。俄國宮中勃鬱陰愁之氣。自昔然矣。雖宮中人司空見慣。覩此亦安得不生怖想。彼何物斯。則一碩然碩大之人影。以白布覆面。正循樹陰。向前面屋角潛

行而東。

波里斯謂此人影其必爲與俄國皇室不共戴天之虛無黨員也。何圖目線盡處。彼人影已行近前門。咄哉咄哉。此門向廢不用。雖設常關。從未有人出入其間。彼乃輕手一推。雙扉忽啓。人遽不見。影遽入滅。波里斯駭絕不知所爲。心中鶻突。若芒在背。時自鳴鐘已報十二下。波里斯竟呆然若無所聞。惟內自忖度。將默息乎。將告警乎。將默息而有所不安。將告警而有所不敢。

波里斯之所以不敢者何也。一告警而波里斯之命將在旦夕也。讀者苟稍知俄國內情。必能知其虛無黨之性質。彼虛無黨固出沒於皇室肘腋之下者也。俄之宮廷。若蜂窠然。穴其中者。孰黨於皇。孰黨於虛無。誰能辨之。此人影者既已能出入宮禁。即使果爲鉏麀。則其本職非將官卽侍從也。苟一旦告警被捕。彼何難設一口實以自解脫。轉反矚以誣波里斯。彼俄廷之人。其久知之矣。故相率諱匿。得過且過。蓋盡忠皇室之人。其危險殆與謀逆者等。專制國之通例然也。波里斯之遲回審顧也亦

宜。

波里斯正倉皇失措。忽聞一種異音。發自空房。隨風而至。傾耳諦聽。則門扉闐闐之聲也。默忖以爲彼俠客者。必潛入無人之室。將取道此空廊以襲皇居也。危機一髮。手無寸鐵。波里斯之狼狽。不言而喻矣。猛憶休憩室中有劍一鎗一。遂飛步往取。取得。走出。及門。忽目瞪而不能貽。舌擡而不能下。腰挺足繭而不能復步。何以故。則以有一怪體突走空廊掠波里斯而過故。

咄此怪體何物也。其人耶。其神耶。其園中之木魅耶。何圖乃一昂然七尺之黑影。黑衣曳地。白帛覆首。當寒月青青微光之下。其面目約略尙可辨識。彼物非他。正身死未寒舉國官吏爲之服喪之前皇亞歷山第三龍顏也。

剎那間。波里斯驚魂稍定。鼓勇拽足出戶外。循空廊一望。乃更奇絕怪絕驚絕。咄咄！咄咄！！剛纔所瞥見之形影。忽又寂然消滅。不可蹤跡。惟餘月光滿地。寒登唧唧。與宮漏之聲相應和。

以上云云。皆波里斯所自述也。余聞而駭然。乃徐問曰。空廊之側別有他室否。答曰。無有。惟近此邊有一戶。乃所以杜斷新皇所居之通路者也。余素不信怪異。因再糾問波里斯。是否由于眼花所致。波里斯力言不謬。其母夫人亦證其所見必真。余於是生疑心。其所疑與波里斯見怪時所起之初念正同。以爲必屬虛無黨所爲。彼殆賺得後園門鑰以入於此。卽通過皇居之戶鑰。亦或在彼手中。彼處自昨夜始廢下半夜輪值。而今亥盡子初之際。彼人突入空房。殊非偶然。余雖持此論。而波里斯力言所見確爲先帝之丰姿。且云。先帝見背未久。聲音笑貌宛然。必無錯認之虞。余辨詰旣窮。則除實驗之外。更無別法。若彼果爲虛無黨員。則今夜幸有宮中大會。必再出現。乃決意與波里斯同往彼空廊守望。以覘其實。波里斯亦素以膽氣自豪。恐以見鬼見怪。膽怯氣沮。爲人所笑。因樂從余說。於是相攜赴宮中大會。

俄爾大公主。美而豔。約余共舞。若在平日。余必竭才藝以博公主歡。不遑他顧。而當時以有事在心。且座間各人議論。皆在宮中有鬼一事。益生眩惑。時尊貴之人。往往

以孩子迷惑爲解。而其間以爲虛無黨所爲與余同見者居多。舞畢余就一侍臣某細詢其事。彼真不失俄國人之真面目。其所言皆不出俄國政府之故技。彼力言宮中風說牽連先帝。不喜聞之。願勿再言。余聞此言。知宮中亦以爲重事。乃不復究詰。復走近公主側。公主炫其華服。問余以此在巴黎當得何聲價。愛情濃溢於眉宇。而此時余與波里斯所約之時限已到。乃不復閒談。辭公主而出。

波里斯果如約。迎余於門外。相與潛上石階。直趨廊下。前班守衛。方正欲去。波里斯介吾相見。詭告以欲一觀休憩室。彼笑頷之。幸彼亦忙赴會。匆匆竟去。時宮中大鐘正敲十二點。空廊之下。唯余與波里斯兩人。乃各執手鎗。同立空廊者片時。旣恐阻彼人之來路。乃退伏于休憩室。室中無燈光。苟有人從空廊過。必得見之。乃開休憩室門。靜候消息。

候至兩刻。萬籟寂然。絕無影響。余謂波里斯誑我也。諷之。波里斯有怒容。余無聊甚。離坐潛出空廊。東張西望。并不見有所謂人影者。正納悶間。忽見有一物遙觸余目。

而余之胸遂躍跳不止。細審之。見波里斯所謂禁房者。忽現出一線幽光。映余眼簾。急向休憩室揮手。波里斯知有事。股栗而出。隨余手所指處。瞪目一視。忽戰聲疾呼曰。異哉。此火光從何而來。彼處十年來未嘗舉燭也。余點首潛聲曰。君言是也。然何足畏。余所疑必當。若彼果爲鬼物。何以火光爲。是今所見。比之鬼物尤爲可畏。其爲潛居空房以謀不軌。無可疑矣。

波里斯頷余言。因曰。將如之何。呼守兵來邪。抑報包探長邪。余於政治界閱歷既深。一切機密。皆莫能逃余法眼。余知此事必非尋常。若遽報聞。必致後悔。卽波里斯亦不宜使知真相。乃謂波里斯曰。凡事不宜倉卒。余必欲探得其實情。且余爲外國公使。代表一國。法律上所謂神聖不可侵犯。則探虎穴而得虎子。正余之任。君盍留此。待余獨往。查火光之所從出。若踰十五分鐘不返。則竟往報包探長可也。波里斯初憤余不與偕。後以他言賺之。因出表相對。畫十五分之定限。余遂潛行。向空廊之火光而進。

火光自空廊盡處石室重門之下洩出者也。初欲敲門。繼而變計。因念彼怪必自此門出入。或爲出來地步。未嘗扃鎖。亦未可知。余既定計。乃試執門環一轉。覺微動。乃乘勢一推。果應手而闢。更一推。門遂啓。而聲大響。余以此時無復可隱。乃放膽排闥直入。余所入處。若門房然。窺其奧。似有數房。而絕不覺有人氣。惟右首有一室。戶半開。火光正從此出。空廊望見者。卽此火之末光也。乃急掩大門。奔入此室。

余當時之驚詫。余當時之震慄。至今猶銘刻腦中。欲忘不能忘。何以故。當開門一響之際。室內有一物。忽自椅上蹶起。驚立。其物非他。正波里斯所謂身長八尺。服被黑衣。其容黯淡。其色悽涼。嗚呼。果身死未寒之亞歷山第三也。

余當時一見驚絕。曾啓口作何語與否。今不復記憶。惟見彼人自懷中出一鎗相擬。余自知生死關頭。亦急出短鎗相向。且大呼曰。余乃法國使臣也。今藉天皇之威靈。問汝果爲誰人。彼人遽垂小鎗熟視余。少頃。若有所覺察。乃發一種悲聲曰。余亞歷山第三也。語旣畢。卽倒坐椅子。余時不能自禁。手一震。短鎗轟然擲地。身幾倒。幸爲

椅所支。氣殆絕。久之乃曰。嗚呼。乃陛下耶。外臣唐突。伏乞見諒。雖然。陛下……余一語未終。亞歷山遽曰。卿必以我爲死矣。又長嘆曰。居。吾語汝。汝旣來此。知余密事。吾復安能隱。汝盍安坐。今余已非帝者身矣。余驚定告坐。帝曰。卿請言卿所以至此之由。我以爲此避世桃源。必非外人所能至也。卿以何因緣而得來此。余乃具以前情告之。

帝曰。有是耶。有是耶。我素知卿。卿偵探秘密之手段。在歐洲無可與倫。今余將一切心腹告卿。或反爲利。尤幸卿只一人來。且喜卿素重信義。今吾將語。其靜聽之。

余父亞歷山第二。在彼得堡街上。斃于炸藥。卿所知也。此等險象。余雖憚之。然不足爲余怖。兵凶戰危。常人所怯也。然乘好勝之心。毅然當之。曾不足爲余懼。惟有日復一日。年復一年。有一種特別危難。伏於肘腋。處處相隨。無一息之間斷。是則人所最難堪者也。余不幸登俄國血腥之帝位。自茲以往。遂無日不在愁困苦痛之中。一刻不能自安。自皮相者觀之。皆以余爲君權無限。而不知余爲左右所掣肘。無權無力。

一事不能辦。天下不察。反以余躬爲叢怨之府。嗚呼。余真無樂乎爲君。以堂堂七尺之軀。乃僅爲左右之傀儡。其有罪也在余躬。其有危也在余躬。吾嘗自哀自訟。不知前世作何惡業。今乃託生爲專制君主。歷盡人間世不能歷之苦况也。人多以維新改革說吾。若卿者。最熟悉俄國事情者也。卿爲我設身處地。余果一從事改革。則彼等太后黨世家黨。其有不欲得余而甘心者耶。余再拜曰。誠然。帝乃繼語曰。余擁此虛位。陽似尊榮。實則與禁錮無異。求與民間一富翁比。尙不可得。坐是之故。余蓄志欲退位者。十餘年於茲矣。徒以吾子未長成。未克當此難局。是以不果。今幸機會已至。平昔所志。可以實行。雖然。余知退位之後。仇我者尙不能釋然也。天下怨毒甚深。舉國中無論在朝在野。爲臣爲民。率皆欲剗刃余腹。然後爲快。然則余雖退位。曾不足釋怨家之憾。徒自撤藩籬。無以自衛。故余不得不作欺人之事。佯死以掩天下之耳目。乃擇一人跡罕到之境。送此殘年。余旣自幽於此。乃始得一餐之甘味。獲一夕之安寢。回視數月以前。則昔地獄今天堂也。此事若能永祕。則吾如重囚遇赦。夫復

何求。故吾只告余心腹五人。除吾妻吾子及忠義醫生二人僕一人外。無有知者。吾一切計畫既定。以爲在此齷齪世界。既一切無可留戀。余忘天下。天下亦遂忘余矣。卽卿之友之爲余近臣者。彼亦斷不疑亞歷山猶生。卽偶見影響。亦以爲鬼焉已耳。何圖遭卿警敏。而計遂破。卿若不忘故舊。其有何策。可以解衆惑而全賤軀耶。

余聞言。心戚戚焉。方欲有言。忽憶波里斯相約十五分之限。急視時表。已踰十二分。因遽起立。再拜言曰。有人相待。恐不爲陛下利。請從此辭。願陛下自安。余決不負陛下。惟有一事奉陳。則請陛下勿再與今皇所居之室數數往來而已。臣在法國公使館。無論何時。倘有要事。當效犬馬之勞。言旣卽告別。帝亦依依不欲余行。

余出見波里斯。彼正欲往傳警報之時也。彼發疑問。余以巧言釋之曰。余所親見。有難告君者。今姑說大畧。君殆誤認皇帝父子之貌也。夜中微行。安知不爲今帝。他日若君遭今帝微行。必能知其詳。必不再疑爲異物焉矣。

波里斯以余言爲誠也。盡信之。其翌日。更下一諭。令悉廢空廊之守衛兵。於是此風

說遂滅。閱數旬。波里斯亦有榮遷。太平洋岸海參崴鎮臺中尉之命。讀者若詰余以後事。則非余所敢言也。然使先帝今尙住冬宮。則余此篇亦不肯遽出問世。雖然。亞歷山陛下。今已藉余之力。移於他處。其地至安極穩。已決非仇敵之所能蹤跡矣。

却灰夢傳奇

王

楔子一齣 獨嘯

生巾幘倚劍囊書上

(繞地游)浮雲西下來去無牽挂。別有奇愁難卸。欲哭還歌。是真和假。念悠悠天地。有淚如麻。

國破山河在。城春草木深。感時花濺淚。恨別鳥驚心。小生姓杜名撰。表字如晦。浙江江山縣人也。早登翰苑。旅食京華。半生困高頭講章。十載飽軟紅塵味。自從甲午以後。驚心時局。大夢初醒。便已絕意仕進。僦屋於城西棗花寺傍。讀書自樂。不料去歲。義和構釁。弄兵召戎。獎羣盜爲義民。尸鄰使於朝市。卒使乘輿播蕩。神京陸沈。天壇爲芻牧之場。曹署充屯營之帳。咳。小生那時。親在京師。目覩兩宮倉皇出走之形。羣僚狼狽逃命之狀。以及外兵之野蠻暴掠。民間之狼藉顛連。至今思之。歷歷在目。自念眇軀。無關輕重。遂乃棄官南下。浪跡江湖。今值大難已平。回鑾

已達。滿目熙熙融融。又是一番新氣象了。咳，看官啊。你看如今情形。果算得個新氣象麼。

(嘯介)今日獨居岑寂。觸緒傷懷。不免嘯歌一回。聊自消遣則個。

(梁州序)蒼天無語。江山如畫。一片殘陽西挂。舊時王謝。燕歸何處人家。陰山鐵騎。斗米黃巾。賸付漁樵話。神京有地騁戎馬。中原無處起龍蛇。泱泱風安在也。

(嘯介)想起中國現在情形。真乃不勝今昔之感。看官啊。你道甲午庚子兩役。就算是中國第一大劫麼。只怕後來還有更甚的哩。你看那列強啊。

(前調)迴風碎擊。怒潮傾瀉。萬斛艤幢東下。誰家臥榻。儘伊鼾睡紛拏。優勝劣敗。競立爭存。斯事疇憐借。百年龍戰歐和亞。夢覺黃梁日已斜。英雄淚。向誰洒。

(自語介)自古道。物恥可以振之。國恥可以雪之。若使我中國自今以後。上下一心。發憤爲強。則塞翁失馬。安知非福呢。(長嘯介)咳。你看今日的人心啊。

(皂羅袍)依然是歌舞太平如昨。叶乍到今兒便記不起昨日的雨橫風斜。游魚在

釜戲菱花。處堂燕雀安頽廈。黃金暮夜。侯門路賒。青燈帖括。廉船鬢華。望天兒更打落幾個糊塗卦。

這算是那一種守舊的咯。別有那叫做通洋務的呢。

（前調）更有那婢膝奴顏流亞。趁風潮便找定他的飯碗根芽。官房繙譯大名家。洋行通事龍門價。領約卡拉。Collar 口啣雪茄。Cigar 見鬼唱喏。對人磨牙。笑罵來則索性由他罵。

咳。你看整日價熙熙攘攘。就只是這兩種類的人。想起中國前途怎生是了。（嘯介）你這般的人啊。就是想不到日後。難道便不記得從前不成。

（北江梅令）俺曾見素衣豆粥陪蠻駕。俺曾見腥風血雨冬和夏。俺曾見列國屯營分占住官衙。俺曾見天壇滿參著西來馬。卿也無家。我也無家。擔糞土命官似狗。掠胭脂童女如麻。遮莫是泥犁雲現的吉祥花。遮莫是國民償負的文明價。哭徧天涯。徧哭天涯。苦衷難話。這也算去年今日爛錦年華。

(南泣顏回) 擔多少童號婦嗟。受多少魂驚夢怕。到如今欲變作風流話。過得些些。樂得些些。不管他堂前燕子入誰家。只願我流水落花春去也。(嘯介) 咳。教我一腔熱血從何灑。又是想他。又是恨他。則索披髮長號。撫髀長吟。聲和淚。斜陽下。

(自語介) 我想歌也無益。哭也無益。笑也無益。罵也無益。你看從前法國路易第十四的時候。那人心風俗。不是和中國今日一樣嗎。幸虧有一個文人。叫做福祿特爾。做了許多小說戲本。竟把一國的人。從睡夢中喚起來了。想俺一介書生。無權無勇。又無學問。可以著書傳世。不如把俺眼中所看着那幾樁事情。俺心中所想着那幾片道理。編成一部小小傳奇。等那大人先生。兒童走卒。茶前酒後。作一消遣。總比讀那西廂記牡丹亭強得些些。這就算我盡我自己面分的國民責任罷了。

(尾聲) 天荒地老情無那。上聲只贏得憂患餘生兩鬢華。抖擻着閑情唱出興亡話。
(長嘯下)

新羅馬傳奇

壬寅

楔子一齣

(副末古貌仙裝上)

(蝶戀花)遼鶴千年再來處。城郭人民。花錦明如許。一笑掀髯聊爾爾。三生遺恨今償矣。細數興亡還獨語。多少頭顱。換此莊嚴土。布地黃金教歌舞。謝他前度風和雨。

千年亡國淚。一曲太平歌。文字英雄少。風雲感慨多。俺乃意大利一箇詩家但丁的靈魂是也。託生名國。少抱天才。夙懷經世之心。粗解自由之義。叵耐我國自羅馬解紐以後。羣雄割據。豆剖瓜分。縱有俾尼士。志挪亞。米亞藍。佛羅靈。比梭士。名都巨府。輝映歷史。都付與麥秀禾油。任那峨特狄。阿刺伯。西班牙。法蘭西。奧大利。前虎後狼。更迭侵凌。好似個目蝦腹蟹。咳。老夫生當數百年前。抱此一腔熱血。楚囚對泣。感事歎歎。念及立國根本。在振國民精神。因此著了幾部小說傳奇。佐以

許多詩詞歌曲。庶幾市衢傳誦。婦孺知聞。將來民氣漸伸。或者國恥可雪。幸謝上天眷顧。後起有人。三傑齊生。一王崛起。(笑介)哈哈。今日我的意大利。依然成了一個歐洲第一等完全自主的雄國了。你看十一萬方里之面積。三千萬同族之人民。有政府。有議院。何等堂皇。五十餘萬經練之陸兵。二百餘艘堅利之戰船。可以戰。可以和。好不體面。這都是我同胞國民。拿他的淚血。心血。頸血。千辛萬苦。換得來的呀。老夫優游天國。俯視塵寰。觀此情形。感極而泣。生前滿肚皮骯髒不平之氣。這也算消除淨盡了。今日閑暇無事。要往東方支那游歷一番。消遣情懷。(內問介)支那乃東方一個病國。大仙爲何前去。(答)你們有所不知。我聞得支那有一位青年。叫做甚麼飲冰室主人。編了一部新羅馬傳奇。現在上海愛國戲園開演。這套傳奇。就係把俺意大利建國事情。逐段摹寫。繪聲繪影。可泣可歌。四十齣詞腔科白。字字珠璣。五十年成敗興亡。言言藥石。因此老夫想著拉了兩位忘年朋友。一個係英國的索士比亞。一個便是法國的福祿特爾。同去瞧瞧一回。

(內)這位青年爲何忽然做起這套戲本來呢。(答)人孰無情。士各有志。精禽填海。斥鷃笑其大愚。杜宇啼枝。行人聞而墮涕。我想這位青年。飄流異域。臨睨舊鄉。憂國如焚。回天無術。借雕蟲之小技。寓適鐸之微言。不過與老夫當日同病相憐罷了。(內復問介)既然如此。你老羅馬先覺。歷史名家。何不將這套傳奇內所說事情。先敍一番。等我們畧知梗概呢。(答)待我說來。

(念奴嬌)千年羅馬。被強鄰割據。四分五裂。絕代奸雄。專制手。付與奧臣特涅。民族精神。自由主義。烘起全歐熱。呼號奔走。一時多少流血。則有智勇一王。恢奇三俊。愛國心如月。或演縱橫外交策。或用戈矛口舌。革命未成。聯邦卒合。國恥從今雪。興亡何限。救時端賴豪傑。

(內)果然有趣。但係我們不熟歷史。未能領會。還求大仙總括大意。再說一遍。(答)使得。

梅特涅濫用專制權。

瑪志尼組織少年黨。

加將軍三率國民軍。 加富爾一統意大利。

(指介)你看索士比亞福祿特爾兩位。駕雲冉冉。赴約而來。不免迎前會齊。同去顧曲則箇。(飄然下)

捫蝨談虎客批注

作者初爲劫灰夢傳奇。僅成楔子一齣。余亟賞之。日日促其續成。蹉跎至今。竟無嗣響。日者復見其所作意大利建國三傑傳。因語之曰。若演此作劇。誠於中國現今社會最有影響。作者猶豫未應。余促之甚。端午夕。同泛舟太平洋濱。歸夜向午。忽持此章相示。余受之狂喜。因約每齣爲之評注。兼監督之。勿令其中途戛然而止也。

從來劇本。演實人實事。毫無臆造者。惟孔云亭桃花扇一曲。在中國韻文中。可稱第一傑作。此本鎔鑄西史。捉紫髯碧眼兒。被以優孟衣冠。尤爲石破天驚。視云亭之氣魄意境。有過之無不及矣。

常尋曲本。僅叙一二人一二年間事。故結構尙易。此編前後亘七十餘年。書中主人翁凡四五人。意匠經營。真非易易。吾將拭目以觀其後。

此齣全從桃花扇脫胎。然以中國戲演外國事。復以外國人看中國戲。作勢在千里之外。神龍夭矯。不可思議。吾不得不服作者之天才。

文中但丁者。意大利詩人 Dante 也。生一千二百六十五年。卒一千三百二十一年。其時意大利初爲日耳曼所兼并。故其詩多亡國之音。但科白中所載衰亡事實。多在但丁以後。蓋文家言與史家言異也。讀者不可不審。

索士比亞者。英國名優兼詩家 Shakespeare 也。生一五六四年。卒一六一六年。福祿特爾者。法國哲學家兼戲曲家 Voltaire 也。生一六九四年。卒一七七八年。

第一齣 會議 (一千八百一十四年)

(淨燕尾禮服胸間遍懸寶星驕容上)

(□□□□)區區帝國老中堂。官樣攬權作勢儘橫行。肥胖說甚自由與平等。混帳堂大會俺主盟。誰抗。

一手掩盡天下目。兩朝專制老臣心。自家奧大利國大宰相公爵梅特涅的便是。現今世界第一雄洲。無過俺歐羅巴。歐羅巴第一強國。無過俺奧大利。奧大利第一大權。無過俺梅特涅。只可笑二十餘年前。法蘭西有一黨亂民。說甚麼天賦人權。甚麼自由平等。鬧起驚天動地的大革命來。接著那飛天夜叉拿破侖。單刀匹馬。將這如荼如錦的歐洲。殺得個狗血淋漓。七脚八拳。把俺作威作福的名相。嚇得個龜頭直縮。尤可惡者。那拿破侖任意妄爲。編了大大一部法典。竟把盧梭孟德斯鳩那一班荒謬學說。攙入許多在裏面。他征服一個地方。便將那法典頒行。惹得通歐洲所有人民。個個都要自由自治起來。個個都要和我們貴族平等起來。這還了得嗎。幸虧天奪其魄。一敗於墨斯科。再敗於倭打盧。我們十幾國聯軍。將這老猴子拿住。流往大西洋南邊聖希隣拿荒島安置。從今以後。天下太平了。

但係民氣囂張。毒燄未熄。卻是一樁後患。今日乃一千八百十四年六月廿一日。各國君相。在偕們京城維也納開大會議。推定俺當個議長。侍俺抖擻精神。把那民權禍根。一刀兩段。斬除淨盡。則個（雜扮列國使臣十餘人上）信在大夫澶淵會。（雜扮諸小國君主十餘人上）祭則寡人南面王。（同見淨作足恭態介）老公相早到了。（淨欠伸回禮介）列位有請。（從懷中取時表看介）時候到了。等俄皇普皇兩陛下光臨。便好開議。怎麼還不見來呀。

（副淨扮俄羅斯皇亞歷山大丑扮普魯士王腓力特列同驃從上）（副淨）

（前調）祖傳專制大名邦。穩當燒城打退老拿皇。功狀小心防著虛無黨。博浪這回第一要排場。抬槓。

（丑）不是恁般說。怎麼還未會議。便抬起槓來呢。（副淨）好好待你說來。（丑）

（前調）中原赫赫一名王。有望目前一步儘他強。謙讓民權打破葫蘆樣。狂妄波蘭一案要提防。上當。

(副淨)你怕上誰的當呀。(丑)咄。僭們俄普奧三國瓜分了波蘭。波蘭人民心懷不服。這回一定運動想圖恢復呀。怎好不提防。(副淨)你提防即管提防。卻提防酒家不得。(丑)閑話少說。你看列國君相都已到齊。僭們趕緊赴會罷。(同入介)

(衆起坐迎接介) (互握手介) (分次坐定介) (開議介) (淨起立演說介)

(降黃龍)多謝戮力同心。拽倒十餘年。混世魔王。從今後。粉飾太平。將相王侯。得意揚揚。要將一切政體。恢復到舊時模樣。……我想今次會議。第一問題。要將法國大革命以來。及拿破侖所有胡行妄動。一概翻轉過來。直回到一千七百八十九年以前的情狀。纔是。還有那失國的列侯。失地的貴族。都要還他本來。……興滅國。巨族名門。裂土分疆。

(衆拍掌稱善介) (副淨)拿破侖從前畧定波蘭舊壤。已將俄普奧三國所得地方。合成一個倭梭大侯國。波蘭人民。亦願意復合。僭們何不仍其舊貫。再建一波蘭王國。採自由主義。制定憲法。朕願以公平之心。兼王其地。(丑)你好會打算。想

討起我們普奧兩國便宜來了。這卻上你當不得。(淨)自由憲法。係與我們專制國體最防害的。如此辦法。非但於奧普兩國有損。亦俄皇陛下之不利也。但係今日會議。須要和衷共濟。也罷。只要將舊波蘭南境的砲臺。全行拆去。就讓與俄國管領罷。再將那撒遜王國。割了一半。讓與普王。也足抵過這躺吃虧了。但係偕奧大利。卻要那愛里利亞及打麻梯亞這幾個地方抵償抵償。(丑副淨)這些地方。都是意大利舊壤。還須參詳。(淨)這意大利只算個地理上的名詞罷了。那裏還算得個政治上的名詞。況且我們藉戰勝國的餘威。難道不要分占些便宜嗎。(前調)這羅馬舊墟。千歲荒涼。衰草殘陽。儘戰勝餘威。分烹宰割。誰敢雌黃。高強。攫金手段。清白人慣會算糊塗帳。休相問。鷓蚌爭持。笑煞漁郎。

(衆)老公相果然說得有理。偕們遵依便是。(淨)那意大利之倫巴的、俾尼士兩地。還交奧大利大公之夫人馬利亞管領。其他士卡尼地方。封與我王族弗的南。其摩的拿地方。封與王子佛蘭西士。羅馬教皇皮阿士第七。仍復舊權。尙有撒的

尼亞王國。算係意大利一個正統。就把志挪亞舊壤。都歸與他罷。列位。看俺這辦法。可還公道麼。(衆)是是。公道得很。(淨)正事已畢。僭們散會。同去跳舞作樂罷。(衆譁下)

捫蝨談虎客批注

凡曲本第一齣。必以本書主人公登場。所謂正生正旦是也。惟此書則不能。因主人公未出世以前。已有許多事應敘也。於是乎曲本之慣技乃窮。既創新格。自不得依常例矣。

此書雖曰遊戲之作。然十九世紀歐洲之大事。皆網羅其中矣。讀正史常使人沈悶恐臥。此等稗史寓事實於趣味之中。最能助記憶力。余謂此本宜作中學教科書讀之。

著十九世紀史者。皆託始於維也納會議。蓋此會議實爲百年來最大關鍵也。上接法國革命及拿破侖時代。爲其反動力。下開各國立憲統一事業。爲其原

動力此編首敘之。結構最爲嚴整。

維也納會議。各國君相列座者不下百餘人。可謂古今第一盛會。然其宗旨既悖謬。其精神自散漫無紀。名爲公會。實則一切條件。皆由數大國私自決定而已。其後俄普奧三帝。結神聖同盟。專以防壓民權爲事。遂起全歐革命。焚亂數十年。僅有今日。自此會後。至千八百四十八年。凡三十四年間。史家稱爲梅特涅時代。故此文注重俄普奧。而尤深誅梅特涅。皆春秋之筆也。

維也納會議爭論最多者。波蘭問題。撒遜問題。日耳曼統一問題。意大利問題等也。故帶敘之。

意大利經拿破侖征服。將前此無數小國。統而一之。施行法國民法。自由統一之精神。旣已萌蘖矣。

維也納會議。所謂牛羊從而牧之也。故敘意大利史。尤當著眼此會。

此會之結果。使奧國在意大利之權力。更加强盛。固也。然撒的尼亞國。實爲他

日統一全意之起點。此次合併志挪亞。其國勢漸鞏固。亦最有關係之事實也。故前提之。

維也納會議。爲鬼爲蜮。有類兒戲。此章以極輕薄之筆寫之。謔而非虐也。當時競奢鬪靡。宴會無虛日。會期將及一年。每日所費在十萬圓內外云。時有跳舞大會之目。章末所謂同去跳舞作樂者。蓋實錄也。

梅特涅 Meternich 生一七七三年。卒一八五九年。時封公爵。後晉王爵。

第二齣 初革（一千八百）

（丑持劍騎馬上）手執金刀九十九。殺盡國仇方罷手。（小旦男裝騎馬上）與君直抵黃龍城。痛飲自由一杯酒。（丑）俺乃燒炭黨首領是也。（小旦）俺乃燒炭黨女首領是也。（向丑介）來此已是會所。等我請出兄弟們。聽哥哥演說一番則個。（向內介）衆兄弟有請。（內）有請。（衆男女雜上）（互相見握手接吻介）（丑登壇介）（衆拍掌介）（丑）兄弟們。僭們這個燒炭黨。就奧大利政府的奴才視之。叫

做一個私黨。就意大利同胞的國民視之。叫做一個公黨。我們的宗旨啊。不管他上等社會。中等社會。下等社會。九流三教。但使有愛國的熱血。只管前來。不論那一人政體。寡人政體。多人政體。立憲共和。但能除專制的魔王。何妨試辦。叫他是哥老會。三合會。大刀會。小刀會。些些不同。但起得革命軍。勤王軍。獨立軍。國民軍。件件皆可。（拍醒木介）兄弟們。須知奧大利是我公敵。梅特涅是我大仇。凡我黨中同人是與他不兩立的。

（勝如花）背直裂。淚橫流。閑得英雄難受。沒來由隴畔輟耕。甚情緒豪門使酒。好一副健兒身手。雙肩上公仇私仇。滿腔兒家憂國憂。禾黍油油。忍斜陽回首。拚著個頭顱似斗。小朝廷生活堪羞。小朝廷生活堪羞。

兄弟們。你看這裏尼布士王弗得南第一。當一千八百十五年卽位之時。本曾向人民宣誓。遵守千八百十二年所立之憲法。不料口血未乾。竟背前約。問他的緣故。卻是梅特涅挑撥禁止。恐怕他開起民權自由的先例來。（拍醒木介）你想這

樣做下去。僭們意大利人。還有復見天日之望嗎。(衆搓手怒目介) (雜持新聞紙號外急上) 報報報。西班牙國革命軍起。國王不得已竟自頒行自由憲法了。(衆起座爭閱看介) (小旦取紙朗讀介) (丑) 兄弟們。西班牙人也是個人。意大利人也是個人。難道我們就不如他麼。(衆拍掌頓足誼呼介) 機會機會。革命革命。(丑) 既然如此。事不宜遲。僭們即刻預備。在這尼布士地方起事。還須奉勞幾位姊妹們。到撒的尼亞聯絡同志。一齊禦侮才好。(小旦) 使得。(衆) (小旦)

(前調) 身萬里。目千秋。颯颯碧鬟紅袖。厭照鸞似水流年。學射鵬沙場。勝手甚功名。穀儂消受。趁今日人謀鬼謀。把從前雲收霧收。鐵血關頭。問鬚眉愧否。漫公憤落他人後。望江山美人對愁。揮金戈美人散愁。(看劍馳馬下)

(副淨淨扮二警官上) (副淨) (身列丹墀與朱戶) (淨) 衛護。(副淨) 威風赫赫。王侯署。(淨) 紙虎。(副淨) 開門點卯站班住。(淨) 休誤。(副淨) 若有人民來投訴。(淨) 發富。(副淨) 啐。悄悄說。不要露出馬脚來。(同笑介) 僭們尼布士王宮警衛

官今日輪班上值。須得嚴肅。(丑)率衆雜持長鎗短鎗刀斧木棍擁上。願爲民流血。先教衆一心。(衆)鼓譟介。(副)淨淨吹銀笳告警介。(護衛兵齊集介)。(接鬪介)。(護衛兵敗介)。(淨)副淨)你等百姓。究爲何來。(丑)不是行同盜賊。亦非圖作王侯。(淨)既不作反。爲何持兵。(衆)只要人權與自由。鐵血助他成就。(副)淨)既然如此。散去慢慢商量。(丑)無力便無憑藉。不成誓不干休。(淨)到底怎的你們纔心足。(衆)但求憲法別無求。卻要我王賭咒。(淨)副淨)這樣你們等著待我進報。(外)扮尼布士王弗得南第一率王子上。(衆)脫帽爲禮介。(外)對衆以吻接新約全書指十字架發毒誓介。(王子隨誓介)。(衆)呼萬歲介。(外)下。(雜急上)撒的尼亞人民。已預備起義。挾本國政府以驅逐奧軍。怕特門倫巴的諸地。亦同時爆發了。俺奉女首領之命。特來報告。(丑)我們須則預備接應。(合) (餘文)破題兒。初成就。最提防雨覆雲翻手。謾倚著今日豪氣元龍百尺樓。(同下) 捫蝨談虎客批注

燒炭黨者。卽加波拿里黨。Carbonari。意大利之祕密結社也。其情形與中國之哥老會等大相類。燒炭黨人之志氣。非不可嘉。但學問不足以副之。故道心不足。條理疏略。一挫便難復振。此齣不以莊重之筆寫之。非以成敗論人。實留爲下文三傑地步也。

俄羅斯之虛無黨。閨秀最多。其行荆聶之事者。大率皆妙齡絕色之女子也。燒炭黨中有此等人否。吾不敢知。竊疑作者以本書且脚太少。不合戲本體例。故著此一段耳。然以情理度之。未必無其人也。

燒炭黨本無一定宗旨。大率以清君側爲主義。獨立精神。仍有所缺。此其所以不成也。

尼布士王當民變後。以極莊嚴之儀。舉行宣誓大典。政府大臣皆列坐。王以熱誠之言。誓守憲法。蓋亦出於真意。非受迫而姑以免禍也。亦非如本文所敘之草草也。若非有梅特涅。則意人於此時。已可享自由之福矣。

小旦所唱一齣神采活現『鐵血關頭問鬚眉愧否』二語。吾讀之亦如冷水澆背。聲音之道。感人深矣。

第三齣 黨獄（一千八百二十一年）

（外扮尼布士國宰相末扮撒的尼亞國宰相上）（外）還他笑罵總何妨。（末）換我南柯夢一場。（外）無量頭顱無量血。（末）爲他人作嫁衣裳。（同坐介）我等今日受梅特涅公相之命。會審燒炭黨逆徒。須則早到伺候。（淨扮梅特涅上）熱燄熏天可炙手。殺人如草不聞聲。老夫梅特涅。自從維也納會議之後。與俄普兩皇結神聖同盟。合力壓制民權。藉以長保富貴。五年以來。內外安謐。叵耐意大利燒炭黨小醜。不安本分。攪動波瀾。去年竟在尼布士帕特門倫巴的撒的尼亞各地方。同時蠶起。意欲從我奧人手中。奪回權利。發布憲法。做個自由自主的人民。（冷笑介）非是老夫誇口。你們意大利人。只算是生前注定命裏帶來的奴才身分罷了。你們的祖宗。做了我家奴才。已幾百年。難道今日倒要不服勁嗎。況且你

們那豪門貴胄做官讀書的上等人物。個個都做了我家吮癰舐痔一呼百諾的孝順孫兒。爾等螳臂當車。豈非飛蛾送死。(大笑介)你看老夫出小小手段。早已叫他們自己殺起自己來。一語指揮大局平定。前後拿到逆黨一千餘名。今日老夫要親自拷訊。并檄調尼布士撒的尼亞兩國宰相齊來會審。一來顯顯俺的威風。二來假手意大利本族人。叫他自己殺個干淨。正是任伊從前瞎說人權貴。要你今日真知獄吏尊。(外末迎見介)(淨中坐外末旁坐介)(外末)老公相到了。就此開審。警官那裏。(雜)有。(外末)將那犯人十個一排。埃次帶上。(雜)曉得。(雜帶丑小旦等十人蓬頭跣足披枷帶鎖上)

(秋夜月)(丑)是男兒自有男兒性。霹靂臨頭心魂靜。由來成敗非由命。將頭顱送定。把精神留定。

兄弟們我們得做意大利第一次流血的人物。天公待我不薄。須是轟轟烈烈。不要垂頭縮尾。墮喪了國民志氣者。(小旦)正是。我們今日的言語舉動。都要替意

大利人造下一個大大紀念。播下一個大大種子來。

(前調)(小旦) 鼾沈沈睡虎千年。教我羅袂生寒。芳心警。一聲兒晨鐘。吼得人深省。將奸奴罵醒。把國民喚醒。

(同見淨外末直立怒視介)(淨拍驚堂介) 爾等不服國法。同造逆謀。今日被我拿到。有何話說。(丑) 說是有說的。你請定了你的耳神來聽者。

(混江龍) 我是爲民請命。將血兒洗出一國的大光明。便今日拚著個蓑宏血三年化盡。到將來總有那精衛冤東海填平。……只有你這老猾賊啊。……倚仗著千百年將絕未絕的民賊餘燼。結下了億萬人欲殺未殺的怨毒分明。你那外交政策。是要獻媚列強。演出一手遮天大本領。你那內治經綸。是要挫抑民氣。做倒十層地獄老閻靈。你在匈加利是一個殺人不眨眼的劊子手。你在日耳曼是個兩頭兒搗鬼的妖魔星。……就是在你奧大利本國啊。……你便假假地與些教育。也是束縛言論自由。思想自由。出版自由。教那青年子弟。奄奄齷齷無生氣。你更狠狠地講求軍

備。添出許多納稅義務當兵義務守法義務。却把人民權利。樁樁件件剝光精。政談會是你三生九代的仇敵。新聞紙是你鯁喉礙眼的刺釘。黃白金是你棺材裏心兒肉兒的親眷。大小官是你鋪子上高些低些的天秤。逆著你來便玉石同燼。順著你來又雞犬不寧。你還把我意大利祖國。當作乃翁傳下的遺產十一萬方里。把我意大利同胞。認做拿錢買下的奴才三千萬多名。你目下自然是熱烘烘的尊榮安富。你將來總有日黑魃魃的罪惡貫盈。……到那時候啊。……千刀王莽。剗盡你的臭皮袋。三豕蚩尤。磔透你的惡魂靈。你的頭便是千人共飲的智瑤器。你的腹便是永夜長明的董卓燈。則那全歐洲人民。懸綵旗。放花爆。歡呼著民權萬歲。便有耶和華天使插雙翼。下塵寰。高叫道天下太平。我是播散自由的五瘟使。我是點明獨立的北辰星。今日裏盡了我的責任。驂鸞歸去。他日啊飛下我的精神。搏虎功成。坦蕩蕩橫刀向天笑。顛巍巍旁人何用驚。

(淨)好毒罵。好毒罵。我其實聽不得了。左右快與我拿下這厮砍了去罷。(雜扶

丑下）（外末喚介）你們却有甚麼辯訴來。（小旦）辯訴是不辯訴。話卻多著呢。（前調）我是工愁善病。算世間兒女第一多情。我看不過那蜚螻似的腐敗生涯。故此蹙梅額顰蛾眉。捧心無限啼紅怨。我受不慣那牛馬似的壓制痛苦。故此損腰圍懶茶飯。疾首時聞嬌喘聲。……可恨你們這些狗奴才啊。……將累代仇人。認做重生的父母。把一國同胞。當作上供的犧牲。任他踐你土。食你毛。還說是深仁厚澤。你便舐他癰。吮他痔。圖博個頂戴身榮。（指梅特湏介）他本是個異族兒。也難怪舞爪張牙。迫得我上國憤泉秋沸。（指陪審兩相介）虧你是個神明胃。卻跟著然箕糞豆。煎得那同根瓦釜雷鳴。他是蛇。你便是豢蛇自噬的人妖。他是虎。你便是爲虎擇肉的佞靈。你的辣手段。靠著那厚面皮。天生惡毒。你的黑心肝。映著那白鬍子。異樣鮮明。你只要護得那一頂烏紗。怕甚麼呼牛應牛。呼馬應馬。你更使慣著那兩條火腿。少不免賊多從賊。兵多從兵。待與你講廉恥。叵耐你是慣倚門的楊花水性。待與你講利害。叵耐你是未鑿斲的頑石無靈。與你講天理人情。叵耐你是動物學上涼血

部類的老龜鼈。與你說宗邦祖國。叵耐你是巫來由種。認人爲父的小螟蛉。你的毒種。好像疫蟲兒傳染徧地。你的威風。好像瘦狗兒恐嚇羣盲。惹得一國上人心死盡。便似冢中枯骨。弄得千年來國威墜落。變做井底銀瓶。我氣不過那百千萬沒臉兒郎。辱沒鬚眉受巾幗。我便沖起那三千丈無明業火。辜負香衾事血腥。我是個嬌滴滴的閨秀兒。生來不解道夫婿封侯。我貪着轟烈烈的從軍樂。夢裏顧不得爺孃喚女聲。我要將紅粉兒砌成那國民基礎。我便把爆藥兒炸開那世界文明。今日裏拚着個頸血兒濺污桃花扇。十年後少不免精魂兒再生牡丹亭。坦蕩蕩橫刀向天笑。顛巍巍旁人何用驚。

(淨)我還有些公事。要先走一步了。(外末拱介)(淨下)(外向末介)罵是罵得狠。卻真說着我們心坎的毛病。我聽着由不得一陣陣。間臉紅耳熱起來。(末)可不是嗎。卻是我們廿載螢窗。十年手版。好容易捱到今日這個地位。難道任着這些人胡鬧。摔破了偕們飯碗不成。(外)少不免昧着良心。將他們定個死罪。回覆

老公相罷了。(末)正是。(同吩咐介)左右將這廝們帶往死囚牢中。候明日陸續審定。一齊取決。(雜)是。(外末下)(小旦)兄弟們。我們抖擻精神。趕上首領哥哥的英魂。同赴天國則個。正是

白馬胥潮夜夜聲。

人豪初死鬼雄生。

君看今夕瑤臺上。

風雨何曾敗月明。

(雜帶小旦等九人同下)

捫蝨談虎客批注

黨獄者。天下極哀慘之事也。讀此齣一過。毫不覺其哀慘。惟覺其壯快。才子之筆。能奪天工。信然。信然。

金聖歎批西廂。謂讀拷豔一齣。紅娘罵老夫人語。算是天下第一件快心事。吾於此文亦云然。每讀一句。輒欲浮一大白。水滸傳中阮家三雄罵何濤巡。語。算是古今第一毒罵。以較此文。尙未能彷彿其什一。吾獨怪作者錦心繡口。爾

雅溫文。何苦造此口孽。不畏拔舌地獄。留卿一席耶。

指桑罵槐。絕似娣姒不睦的婦人相詬誶口吻。作者有幾多化身。現是奇態。

罵人之筆。已奇極矣。最奇者。文中連篇累牘。堆滿香奩語。『羅袂生寒』。『芳心自警』。『辜負香衾』。『封侯夫婿』。皆係癡情兒女嬌態語。豈可以入革命史。更豈可以入黨獄記。乃經作者舞文鍛鍊。竟自生氣勃勃起來。才子之筆。可愛煞人。才子之筆。可畏煞人。

梅特涅當一千八百四十八年奧大利革命軍起時。子身狼狽。亡命英國。後卒受千人指罵以死。惜哉所謂磔蚩尤。刺王莽。智瑤。器董卓。燈者。未得見諸實事也。雖然。不料五十年後。更遇著飲冰子的筆鋒舌劍。比那路易第十六的斷頭臺。還利害多著哩。

梅特涅不足責。以意大利人而做梅特涅的奴才者。則無復人心矣。不知女豪傑一曲混江龍。能罵醒幾個奸奴。能喚醒幾個國民。

昔嘗與作者讀龔定庵詩。有捲簾梳洗望黃河之句。作者云。捲簾梳洗下豈容綴黃河二字。擇語可謂奇極。今此文於辜負香衾下。綴血腥二字。更復成何說話。

作者爲文無他長。但胸中有一材料。無不捉之以入筆下耳。桃花扇牡丹亭與本文相去何啻萬里。亦竟被他捉去了。咄咄怪事。

第四齣 俠感（一千八百二十二年）

（生扮瑪志尼墨衣學生裝上）

（臨江仙）萬卷撐腸何用處。哀哀亡國遺民。江山寥寂鎖愁雲。斜陽看雁去。無語獨霑巾。（采桑子）十年悔學雕蟲技。有甚情懷。有甚情懷。掩卷故聞杜宇啼。千年故國今誰主。吟也淒迷。夢也淒迷。一髮中原日已西。

小生瑪志尼。表名金士披。意大利國志挪亞府人也。系出清門。家承通德。不幸先君早世。兄弟無人。怙恃萱堂。夙承教育。自從十三歲。入市立大學。今年十七。卒業

有成精學哲理之科。篤信唯心之論。屠龍伎倆。未還滄海之珠。倚馬文章。空費洛陽之紙。每念我意大利自羅馬失鹿以後。朝秦暮楚。五裂四分。同種此儼。生民塗炭。痛雌風之不競。爲大國羞。入豚笠以誰憐。謂他人母。自古道哀莫哀於無國。病莫病於喪心。小生雖在髫齡。頗知國恥。撫今懷古。感物易哀。獨恨閱歷未深。補救無術。因作國喪紀念。常著深墨衣冠。等春士之悲秋。向歡場而掩淚。少年同學。相言某是狂生。大人先生。僉曰此子可惜。(歎介)咳。你這朝菌蟪蛄一流。怎知道我傷心人別有懷抱也。今日乃係來復休學之期。母親約定攜俺前往海濱游耍。以遣情懷。只得收拾奇愁。強爲歡笑。預備陪侍則個。

(懶畫眉)忍淚吞聲。做個詞人。零落鄉關深閉門。要將心血洗乾坤。來日天難問。暫收拾雄心消好春。

(作更衣修容介)(老旦上)

(前調)嫠緯淒涼。歷劫塵塵。臨睨宗周常苦辛。仲謀有子未全貧。……漆室憂宗國。

名山畏後生。孩兒那裏。(生整衣迎介)(以吻接老旦額介)孩兒正此更衣。待往伺候母親。不知母親早出來了。(老旦)就此同往罷……日遠長安近。且攜著乳虎空山嘯暮雲。

(同循海濱行介)(老旦)你看這泱泱雄壯的地中海。偕們意大利也曾握過這海上大權來。(生點頭微歎介)(外扮巨人身長七尺氣宇嚴整冠服藍縷上)(破齊陣)戴著頭顱且住。嘔餘血淚誰聞。乞食王孫。吹簫公子。累得英雄才盡。都只言湖海無餘子。爭敢望陽關有故人。風塵辜此身。(迎面見老旦生脫帽爲禮介)可憐意大利亡命流民則個。

(老旦揮淚探懷中取出金錢給外介)(外點頭略謝納入破帽介)(生注視作聘胎狀介)(外昂然下)(生自送良久介)(向老旦介)母親。這是甚麼人呀。(老旦)我兒還不知道嗎。這都是爲意大利全國國民受罪的。

(折桂令)他甘心割慈忍愛。別井離羣。俠轟轟似荆卿入秦。氣昂昂似翟義從軍……

……孩兒啊。你該記得一千八百二十年。我們意大利人民。不堪專制虐政。因此南北諸省。同時並起。欲抗逐奧大利。奏自由統一之功。爭奈石卵不敵。民黨失利。那些志士們。或上絞臺。或幽犴狴。……恨皇天不仁。儘著伊暴昏。霎的前程雨雲翻。東市上朝衣誰問。鐵窗裏雄鬼爲鄰。……那滅等的。就流竄到這志挪亞海濱地方。舉目無親。淒涼乞食。……餓盡青春。愁盡行雲。撇了鄉關。賸了孤身。

（淚介）孩兒啊。方纔那位巨人。便是這樁案內一個無名的英雄了。（生淚介）不想借意大利還有這種慷慨義俠的人。孩兒愧他多多矣。

（醉東江）惹得俺千百結迴腸不展。三萬斛潮血如焚。恨悠悠天道非。痛歷歷英才盡。望長空霜風淒緊。難道是往車有轍。來軫無人。……想我瑪志尼亦是意大利三千萬人中之一人。豈可放棄責任。……叫一聲我國民。哭一聲我國民。怕不怕英雄氣短柳絲長。恨只恨自由人遠天涯近。從今後誓做個男兒本分。愛國精神。

（向老旦介）母親啊。從今日以後。孩兒的身子。都要獻與意大利國民了。（老旦）

這樣纔不辜負爲娘的教育你十七年一番苦心哩（合）

（尾聲）紛紛成敗無憑準。自古道皇天不負有心人。佇看起陸龍蛇演出風雲陣。

（同下）

捫蝨談虎客批注

瑪志尼爲三傑之首。至是始出現。方入本書正文。

作者生平於近世豪傑中。最崇拜瑪志尼。此齣極力描寫。語語皆有寄託。最宜領略。

忍淚吞聲。做個詞人。要將心血洗乾坤。得非作者自道耶。吾願與一國公民共哀其志。且祝其貫此目的也。西廂記繫春情短柳絲長。隔花人遠天涯近。二語向稱名句。不意又被作者擄擄去了。卽成妙語。舞文手段。可畏之至。

第五齣 弔古（一千八百二十三年）

（淨扮加里波的水手裝上）

(破齊陣)孤嶽千尋壁立。長風萬里橫行。冰雪聰明。雷霆精銳。天付與男兒本性。亵耐朝朝送客浮家慣。著甚夜夜驚人匣劍鳴。西風聞血腥。

(鷓鴣天)浩浩天風輓耳過。醒時涕淚醉時歌。伏波橫海人才少。枯菀蕪城入夢多。驚駒隙。感川波。年來無奈古愁何。誰將亡國無窮恨。說與秦淮舊日河。小生加里波的是也。門閥寒微。家計貧窶。父親德彌尼。航海爲業。小生未離襁褓。已涉波濤。慕哥倫布通天鑿孔之風。懷訥爾遜爲國同仇之志。兼以性情孤憤。膂力剛強。苦無百里之才。願學萬人之敵。典衣一醉。結奇士於風塵。磨劍十年。理不平於行路。行年七歲。承父母命。入教會學校。研究神學。叵奈俺粗莽情懷。不喜那陳腐教理。因習些算學、天文、航海、兵法、等學科。雖非專門。卻有心得。嗣因家貧廢學。仍尋海上生涯。今日隨船長皮津。航行羅馬。想這羅馬乃我祖國首都。爲古今東西歷史上第一名譽之都府。今度儘俺游覽。好不壯快。(指介)你看前面海岸。葱葱鬱鬱。綠楊城郭。烟雨樓臺。國土莊嚴。川原雄壯。正是東西波浪兼天湧。今古風雲接

地陰。羅馬羅馬。你兀的不愛煞農也。

(油葫蘆)一霎涼風吹酒醒。正到洛陽城。望朝霞起。午雲捲。夕陽明。十丈軟紅塵。玉宇瓊樓迴。百戰舊山河。歷歷心頭影。一個是扁舟天地無雙士。一個是青史人間第一城。我便要整頓全神注定卿。

(作到介)呵呵。好羅馬。今日落到我手了。小生向讀國史。目注心營。雖則未遂壯游。却也已同身歷。今日不免將心中的羅馬。和目中的羅馬。逐一按圖索驥。比較分明則個。(上岸行介)(作驚訝狀介)怎麼一個整齊嚴肅的羅馬。卻這樣凌亂混雜起來呢。(再前行介)(驚介)噯呀。我記得歷史上的羅馬。何等殷闐繁盛。怎麼今日卻是哀鴻遍野。春燕無歸。滿眼悽惶。都只一片蒼涼氣象也。(嘆介)自古道。百聞不如一見。自非親到名城。怎知今昔之感。

(皂羅袍)原來是喬木廢池如暝。甚黃昏清角吹寒。賸有空城。陣雲黯沒漢家營。月華破碎秦時鏡。淒涼草樹。鶻啼有聲。尋常門巷。燕來無情。難道我夢兒錯認了黃梁。

境。

我想羅馬城內名勝古蹟所在多有。等我順著路兒訪覽起來。（行介）志士淒涼閑處老。名花零落雨中看。呀這便是凱旋門了。呀這便是議會場了。呀這便是教會堂了。呀這便是十三大劇園之一了。你看雄圖未沫。遺址儼然。我偉大國民的精神。好不令人生感。但係斷井頽垣。磚苔砌草。卻怎便零落到這般田地呀。

（駐馬聽）金碧飄零。北斗星沈。天有恨。伽藍寂靜。南朝煙鎖。佛無靈。神鴉社鼓斷腸聲。兔葵燕麥斜陽影。誰記省。觚棱夢冷。秋前病。

（沈醉東風）你記得昔日啊。定中原。饒歌健勁。你聽得今日啊。哀江南。詞賦淒零。雨打了花月痕。浪淘盡英雄影。望一片山殘水賸。都付與烏啼故國。人泣新亭。樓空夜永。把十年好夢。被風抖醒。

哎。羅馬羅馬。你兀的不痛煞儂也。（嘆介）我想古亦日月。今亦日月。古亦山川。今亦山川。我們這個偌大羅馬。豈不是靠著從前那幾個豪傑的心血魄力造出來

的嗎。天公啊。怎麼你昏昏沈沈醉了幾百年。竟不肯替我們意大利再降一個人才（五韻美）天無語。人如病。後來人叫不出前人應。向那裏叫喚起國民魂性。似這山河破碎。待誰來擔荷一身輕。（黑麻令）便是俺無情有情。到這裏不由人魂驚目驚。猛回頭紅淚飄零。……俺的羅馬啊。……只怕你也黯銷魂。憐我憐卿。……俺啊……悶着那滿腔兒歌聲哭聲。對着那大江心月明浪明。抵多少棒喝兒儒經佛經。則索打疊前程。誓恢復神京舊京。

（自語介）俺想英雄事業。天不限人。豪俠情懷。今當猶昔。我加里波的。生茲名國。方當盛年。難道古人能創立這羅馬。我們就不能再造這羅馬麼。但係天地悠悠。人心夢夢。正不知舉國中同茲感慨者。還有幾人。

（憶多嬌）是百年歌舞厭言兵。怕一木難支大厦傾。但祝到處天涯春。若有情。趁着那芳草初生。啼鴉未鳴。管領取這爛錦年華。魂清夢清。

羅馬啊。俺今日便久淹留。也增傷感。不若暫且作別。奔走江湖。訪尋同志。待到大

業告成。再來和你廝守罷。

（尾聲）我是多情卻似總無情。解道莫近彈碁恨不平。便揮手空濛一瞥山河影。

（下）

捫蝨談虎客批注

敘瑪志尼起筆於海濱一游。敘加里波的起筆於羅馬一游。皆係胎孕二雄壯志之地也。是歷史上實事。是劇曲上真景。二雄留此佳話。似爲新羅馬傳奇地步。

寫瑪志尼便活畫出一個大學者。寫加里波的便活畫出一個大軍人。真是寫生妙手。

前半齣未到羅馬以前。極意想望。描出如錦如茶世界。襯起後來失望。益增悵觸。所謂將軍欲以巧勝人。盤馬彎弓故不發也。

作者生平爲文。每喜自造新名詞。或雜引泰東泰西故事。獨此書入西人口氣。

反全用中國典故。曲中不雜一譯語名詞。是亦其有意立異處。作者少年善爲綺語。故雖憂國之文。亦往往以美人芳草出之。不可不謂文人結習。然其所以哀感頑豔者。則亦以此。

第六齣 鑄黨（二千八百五十年）

（生扮瑪志尼上）

（戀芳春）慘霧黏天。穢塵滾地。憑高怕望中原。偏是睡獅無賴。沈睡千年。便把奇愁拋遣。奈江山耐人留戀。雄心遠待。翻起滄海桑田。添段因緣。

小生瑪志尼。自從前年隨母親海濱一游。遭逢志士。哀聆慈訓。根觸迴腸。便已以身許國。誓爲同胞有所盡力。去年投入燒炭黨中。欲圖共事。不料該黨一挫之後。精神沮喪。志氣銷沈。前輩旣已彫零。後起不能爲繼。而且智識卑陋。道德衰頹。這樣看來。我意大利靠著這班人。是不中用了。再看那舉國中熙熙攘攘的人。卻大半在昏昏睡夢中。不知國恥爲何物。國仇爲何人。便有一二憂時之士。亦復離羣。

索處消息不通。力薄勢分。何濟於事。(嘆介)小生每念物極必反。人定勝天。怯大敵者非丈夫。造時勢者爲俊傑。當仁不讓。舍我其誰。因想聯合同志。重新組織。一個完全民黨。仗茲團體。共濟艱難。今日約定格里士比阿西尼兩位。齊集舍下。同議章程。敢待來也。(作翔步室內介)(末扮格里士比丑扮阿西尼同上)朝從屠沽游。夕拉騶卒飲。此意不可道。有若茹大鯁。傳聞智勇人。驚心自鞭影。蹉跎復蹉跎。黃金滿虛牝。匣中龍光劍。一鳴四壁靜。夜夜輒一鳴。負汝汝難忍。出門何茫茫。天心牖其逞。既窺豫讓橋。復瞰軹深井。長跼奠一卮。風雲撲人冷。(末)俺格里士比。正從昔昔里島北來。遊歷內地。訪尋同志。今承瑪君約商大事。須速前往。(丑)俺阿西尼。自從瑪先生游。久聞微言大義。今日函丈見招。不免隨格公早到。(同見生握手爲禮介)辱承見招。不知有何賜教。(生)非爲別事。小生痛念我國同胞前途。不勝憂慮。今日特請兩君。同商拯救之法。並講明我等應行之責任。以後好一同努力進行。(末丑)先請領教。(生)

(六奏宮詞)風雲無色。關河帶怨。付與斜陽一片。聲聲啼鴉。空教沈損華年。俺淚盡了獄三字。才枯了策萬言。天醉也。怕問天。天民那得受人憐。我待約精禽。馱石填冤海。我便學獅子談經。吼舌蓮。天遙地遠。山河大千。風馳雲捲。國民少年。便泥犁也。應有光明線。莫遷延。優勝劣敗。猛要著先鞭。

兩君啊。今日正是民族主義競爭時代。非全國人萬衆一心。結成一至大團體。不足以圖自立而抗外敵。但合羣之義。言之似易。行之實難。我想天下事必須從大處著想。從小處落脈。但使一國中能有數人或數十人。真誠愛國。結成一團。死生不渝。憂樂相共。確認責任。奮力向前。則涓滴可以成江河。跬步可以致千里。將來逐漸推廣。或者同志徧於全國。大局藉此挽回。亦未可定。我等雖屬人微言輕。然亦國民一分子。應盡義務。責無可辭。意欲與諸君共商。組織一強固民黨。以爲同胞先導。未知兩君意下如何。(末丑)某等久有此心。恨才力棉薄。未能成就。今承指示。妙極妙極了。但這民黨的宗旨若何。手段若何。還要請教哩。(生)待我說來

領教罷。

(北江梅令)你看這客星據座天容變。你看這濁流飲恨人權賤。你看這狐兔縱橫占盡了中原。你看這虎狼擇肉不住的把威權搨。冤也胡纏。孽也胡纏。文明敵橫行徧地。專制毒憔悴千年。遮莫要危樓打碎奮空拳。遮莫要亂麻斬斷起一度玄黃戰。天也無言。佛也無言。只怕待劫灰飛盡。露光纔現。

兩君啊。我想國中積弊既深。斷非彌縫補苴。可以救得轉來。破壞之事。無論遲早。終不可免。倒不如用些人力。去做那有意識的破壞。早一日還得一日之福哩。(末)這議論是一點不錯。但看我意大利人心腐敗到這般田地。莫說平和的分。不能穀享受。只怕連破壞的事業。也不能做成。這卻怎麼好。(生)正是。但古語說得好。有志者事竟成。今日操練一國人。叫他成就一個國民的資格。正是我輩責任哩。

(前調)俗要信靈魂不共身流轉。俗要信英雄成敗尋常見。俗要信國民義務是天

然。僭要信倚賴他人是一種奴才券。生也廝連。死也廝連。任把七尺頑軀散作灰。也教一國同胞團成片。今日啊便是杜宇啼枝血淚鮮。他日啊應有神龍起。蟄風雲變。若問因緣。此是因緣。只怕待劫灰飛盡。靈光纔現。

(末丑)精理名言。佩服佩服。今日就請擬定章程。兼起一個會名。便好聯絡同志。推廣宗旨罷。(生)想我意大利自羅馬解紐以來。直至今日。都是奄奄無生氣。被那強鄰大敵。呼爲老大帝國。今日要救衆生。必須剷除暮氣。就起個會名。叫做少年意大利。何如。(末丑)妙極了。(合)

尾聲 望前途隱隱羣龍戰。那許我同學偷閑學少年。待要一髮千鈞把乾坤扭轉。
(生下)(末丑隨下)

捫蝨談虎客批注

傳奇體例。第一折謂之正生家門。第二折謂之正旦家門。實爲全書頭角。但此編主人翁。不止一人。萬難偏重偏輕。故不能照依常例。作者本擬以此折令加

富爾登場。鄙人嫌其三傑平排。未免板笨。且加富爾可表見之事跡。不妨稍後。故商畧移置第八齣。

少年意大利。爲新羅馬成立最大根原。此折以韻文敘述其宗旨方法。實屬至難之事。前此曲本。未嘗有此境界也。讀者當觀其苦心遣辭處。

格里士比者。昔昔里島人。後此喚起南意大利之革命。佐加里波的成功者也。建國後曾兩任首相。去年始卒。阿西尼者。後此行刺法帝拿破侖第三。以間接力成就意法同盟者也。二人皆『少年意大利』中緊要人物。有位置於本編者也。故先出之。

俠情記傳奇 壬寅

第一齣 緯憂

(破齊陣)(日淡粧上)擾擾羣龍世界。亭亭似水流年。雨打斜陽。天黏芳草。那穀我儂消遣。望月華故國三千里。怨錦瑟無端五十絃。奇情除同天。

(卜算子)獨自下粧樓。有恨無人省。不是懷春不感秋。磊磊心頭病。獨自上粧樓。望斷山河影。昨夜雙龍匣劍鳴。負汝汝難忍。儂家馬尼他。原籍意大利國人。先世本累代將門。父親亦曾任少尉之職。只因本國主權久歸他族。養兵但防家賊。操戈動殺同胞。因此憤憤去官。挈家避地。僑寓這南美洲烏嘉伊國。耕獵爲業。不幸五年以前。癘疫時行。父母相繼溘逝。撇下儂家姊弟二人。好不孤苦。(嘆介)唉。家運連遭。這也難講了。只是一件。我家家傳將種。系出清門。先君愛國如焚。回天無力。因把我姊弟兩個。從幼教育。勸以國民責任。振以尙武精神。儂家雖屬蛾眉。頗嫻豹略。讀荷馬饒歌之什。每覺神移。賦木蘭從軍之篇。惟憂句盡。可恨我祖國

久沈苦海。長在樊籠。志士銷磨。人心腐敗。正不知何時始得復見天日哩。（長嘆介）哎，難道舉國中一千多萬人。竟無一個男兒。還要靠我女孩兒們爭這口氣不成。罷了罷了。今日兄弟出門游獵。獨坐無聊。不免取新聞紙閱看一回。聊自排遣則個。

（懶畫眉）望海雲盡處是中原。那裏討匹馬縱橫畫裏傳。恨睡獅無賴睡年年。哎，這兒女情怎喚得風雲變。辜負了血淚絲絲託杜鵑。

（作讀新聞紙介）六月十九日。里阿格蘭共和國。起獨立軍。與巴西開戰。有意大利軍人一隊。突然相助。奪得巴西兵船一艘。大獲勝仗。（作驚介）噫。怎麼我意大利還有一羣恁般義俠的人。真算祖國之光了。（小生提鎗上）見獵輒心喜。聞歌也淚流。姐姐在家麼。（旦）兄弟。你去射獵。爲何恁早回來。（小生）姐姐有所不知。兄弟剛纔在外頭碰著一位本國人。聽著一件可喜可悲的事。故此回來告訴姐姐。（旦）甚麼事呀。（小生）聽見里阿格蘭國和巴西開仗。有我本國一隊人。路見

不平。拔刀相助。竟奪了巴西兵船。(旦)是呀。我剛纔看見新聞紙。也是怎麼說。但這是祖國名譽。一件大喜事。兄弟爲何又說可悲呢。(小生)可惜到底衆寡不敵。被敵軍兵船全隊躡擊。竟殺傷我同胞許多人。我船僅得拚命脫逃。至今尙無下落。(旦)真個嗎。(小生)誰哄姐姐來。(旦淚介)

(前調)(旦)爲甚鈞天沈醉帝昏然。淘盡這有限人才不自憐。……兄弟啊。這些慷慨義烈的英雄。他原以流血救民自命。就是馬革裹屍。也不能算做不幸。只是他抱此熱腸。未能毅替意大利祖國出一口氣。怎好便這般結局呀。……恨你國殤無血到家園。叫我傷心人禁不住啼紅怨。望絕了江心慘暝烟。

兄弟啊。你可曾打聽出那首領是個甚麼名字。也還逃脫保全得不曾。(小生)我聽得這首領叫做加里波的。是個久慣航海的人。一千八百三十二年。在本國革命不成。竄流到此。他年紀不過長姐姐兩年。今纔二十五歲。那日這船似敵艦全隊追圍。竟能出險。諒來是虧得這個人還在著哩。(旦)

(山坡羊)忍不住淚珠兒飛濺。按不下柔腸兒愁顫。則爲他高義雲天。替國民放一道一道的光明線。甚因緣被天公妬得緊。他便有俠情誰見。我待把奇愁拋遣。奈如此江山。怎放得那人兒天涯遠無言。念鄉關淚暗懸。相憐。夢英雄非偶然。

兄弟。我想天公既肯替我們意大利生出恁般一個豪傑。也不該一事未成。奪之而去。只望他此番保全。將來還要返祖國建一番驚天動地的大事業哩。(小生)正是。(旦)兄弟。你出門半天。想也餓了。待我把午餐預備出來同喫罷。

(尾聲)我一生兒愛才如命是天然。敢則是憐我同胞非自憐。空想着那風雷豪邁月嬋娟。

(旦下)(小生弔場介)我想那加里波的血性熱情。奇才壯思。正和我姐姐天生成一對兒。怪不得姐姐恁般感動。怎得天假之緣。將來他們有日子一塊兒同做國家大事才好。正是。

是誰精衛能填海。祝汝鴛鴦不羨仙。(小生下)

上海图书馆藏书



A541 212 0007 63638

中華民國五年九月初版

此有著作
必翻印
究權著書

飲冰室叢著

(特製布面肆拾冊定價貳元)
常製紙面貳拾冊定價捌元

(外埠酌加運費匯費)

著者兼
發行所

新會梁



印刷所

商務印書館

總發行所

商務印書館

上海棋盤街中市

分售處

商務印書館

北京 天津 保定 奉天 吉林 長春 龍江 濟南
東昌 太原 開封 洛陽 西安 南京 杭州 蘭谿
吳興 安慶 蕪湖 南昌 袁州 九江 漢口 武昌
長沙 寶慶 常德 衡州 成都 重慶 福州 廈門
廣州 潮州 韶州 汕頭 澳門 香港 桂林 梧州
雲南 貴陽 石家莊 哈爾濱 新嘉坡

商 務 印 書 館 新 製 理 科 用

五 彩 幻 燈 影 片 百 種

每種一張全購份實洋十五元分售價目下列

此影片專供社會教育及學校教

育灌輸理科智識之用。選擇材料。

均極精當。排列次序。於科學上之

統系。淺顯易明。略具梗概。且名稱

之下。附註英文。尤便研究。茲列名

目如左。

生 理	一 組	十 張	實 洋 六 元
動 物	一 組	四 十 張	實 洋 廿 四 元
打 擊 物	一 組	三 十 張	實 洋 十 八 元
礦 物 及 自 然 現 象	一 組	十 張	實 洋 六 元
理 一 組	十 張	實 洋 六 元	

● 以上一組起碼概不零售

附幻燈影片說明書 一册 一角

幻 燈

甲種大號

四十三元

乙種

三十八元

丙種

三十四元

五 彩 影 片

孔 林 遺 蹟 二 十 四 張

北 京 宮 苑 名 勝 二 十 四 張

各 省 名 勝 二 十 四 張

西 湖 名 勝 二 十 四 張

上 海 風 景 十 二 張

外 國 風 景 二 十 四 張

歐 洲 戰 事 三 十 六 張

田 徑 運 動 二 十 四 張

● 以上每張五角每打

五元十打四十八元

11/20000 部

國 學 扶 輪 社 出 版
 中 國 圖 書 公 司 和 記 發 行

● 詩 集 類

錢牧齋讀杜 <small>小箋</small>	錢牧齋文鈔	錢牧齋詩鈔	錢牧齋晚年文	歸震川全集	金堡編行堂集	屈翁山文外	屈翁山詩外	西廬文集 <small>張雋</small>	春酒堂文集 <small>周容</small>	炳燭齋文集 <small>顧仲恭</small>	汪堯峯文集	聊齋文集	聊齋 <small>詞合集</small>	齊召南唱酬集	施愚山全集	戴南山合集	方望溪文鈔	汪大紳羅臺山 <small>四家合鈔</small>	彭尺木薛家三	全樹山文鈔	句餘土音	全樹山詩
一册	四册	十二册	一册	十二册	八册	五册	十二册	二册	一册	二册	八册	二册	二册	二册	二十册	八册	八册	六册	三册	八册	一册	一册
三	二	三	四	本國連史二元五角	三	二	五	一	八	一	一	六	四	四	四	四	四	本國連史二元	本國連史二元	本國連史二元	本國連史二元	本國連史二元
角	元	元	角	元	元	元	元	元	元	元	元	元	元	元	元	元	元	元	元	元	元	元

● 尺牘類

洪北江文鈔	惲子居文鈔	胡天游文集	隨園文鈔	石笥山房彙集	碧城仙館詩鈔 <small>陳文</small>	梅伯言全集	魏默深文集	諸大名評校	吳擊甫全集 <small>詩集</small>	王壬秋全集	章太炎合集	譚復生合集	林琴南合鈔	嚴又陵合鈔	錢牧齋列朝詩集	齊選	清文匯 <small>原名國朝文匯</small>	周櫟園選	賴古堂尺牘新鈔	姚姬傳尺牘
二册	四册	四册	二册	十册	五册	八册	六册	七册	五册	十二册	十一册	十二册	五册	四册	五十六册	百〇一册	百〇一册	初選十六册	三選册	二册
本國連史一元	一元	一元	四角	二元	一元	一元	二元	本國連史一元	一元	一元	一元	一元	一元	一元	二元	三元	三元	三元	二元	四角
元	元	元	角	元	元	元	元	元	元	元	元	元	元	元	元	元	元	元	元	元

